



რევოლუციის კომისია  
ИСТОРИКО-РЕВОЛЮЦИОННАЯ КОМИССИЯ

რევოლუციის

გაზეანი

ისტორიული ჟურნალი.

№ 2.

ბერილი 1928 წ.



პარტიის ისტორიის კომისიის გამცემა.  
ტფილისი.

ნ. დ. სამხ. ცენტ.

---

ს. მ. უ. ს. პოლიგრაფ. განყ. მე-2 სტ. ტირაჟი 1500 ც. შეკვ. № 1820

# საქ. კომპ. ყველა ოლქკომებს და მაზრკომებს.

## პატივცემულო ახსანაგებო!

საქ. კომპარტიის ცენტრალურ კომიტეტთან დაარსდა პარტიის ისტორიის კომისია.

აკუთვნებს რა უდიდეს მნიშვნელობას რევოლიუციონური წარსულის ყოველგვარ მასალათა დაგროვებას, შენახვას და გადამუშავებას, საქ. კომპარტიის ცეკა აკისრებს ოლქკომებს და მაზრკომებს დაუყონებლივ დაარსონ საოლქო და სამაზრო ბიუროები პარტიის ისტორიის კომისიისა და გამოჰყონ შესაფერი ძალები ამ დარგში სამუშაოდ.

ყველა ზემოხსენებულისათვის უნდა იხელმძღვანელოთ შემდეგი დებულებით:

1. პარტიის ისტორიის ბიურო არსდება პარტკომთან.
2. საქმის გასაცხოველებლად და მუშაობისათვის ახლო ხელმძღვანელობის გასაწევრებლად კომისიის ბიურო აგზავნის გამოცდილ ამხანაგებს, რომელთაც აქვთ სურვილი და შეუძლიათ მუდმივი და აქტიური მონაწილეობა მიიღონ ამ მუშაობაში, პარტიის ისტორიის ბიუროს საშუალებით.
3. ბიუროს შემადგენლობაში უნდა შევიდეს პარტკომის ერთ-ერთი წევრი.
4. ბიუროს წევრებს აღნიშნულ მუშაობისათვის არავითარი ჯილდო არ მიეცემათ.
5. ბიუროს წევრებს ამტკიცებს ადგილობრივი პარტკომი და აცნობებს ამის შესახებ პარტიის ცეკას ისტორიის კომისიას.
6. ყველა ორგანიზაციების ადგილობრივი ბიუროები მუშაობენ პარტიის ცეკას ისტორიის კომისიის ხელმძღვანელობის ქვეშ და აწარმოებენ მასთან მიწერ-მოწერას უშუალოდ.

საქ. კომპარტიის ცეკას მდივანი **მიხ. კახიანი**,

რევოლიუციისა და საქ. კომპარტიის ისტორიის  
კომისიის მდივანი **ს. თალაკვაძე**.

## პარტიის უკულ წევრებს.

ძვირფასო ამხანაგებო!

საქართველოს კომუნისტურ პარტიისა და რევოლიუციის ისტორიის კომისია აპირებს გამოსცეს 1917 წლამდე დაღუპულ ძველი რევოლიუციონერების მოკლე ბიოგრაფიების კრებული: „პროლეტარულ რევოლიუციისთვის მებრძოლთა ალბომი“, სადაც მოთავსებული იქნება აგრეთვე მათი სურათებიც.

ამ მებრძოლების არა სრული ბიოგრაფიები ჩვენ უკვე გვქონდა გამოცხადებული გაზ. „კომუნისტა“ და „მუშაში.“ მასთან მკითხველებს ვთხოვდით: მოეწოდებიათ დამატებითი ცნობები ამ ამხანაგების შესახებ. განმეორებით კიდევ ხელახლა ვთხოვთ ყველა ამხანაგებს, მოგვაწოდონ როგორც დამატებითი მასალები იმ ამხანაგების ბიოგრაფიებისათვის, რაც უკვე იყო გამაქვეყნებელი, იმე ბიოგრაფიული ცნობები იმ ამხანაგების შესახებაც, რომლებიც აგრეთვე 1917 წლამდე დაიღუპენ, მაგრამ არ არიან დასახელებულნი გამოქვეყნებულ სიაში.

ძალიან სასურველია აგრეთვე ბიოგრაფიებთან ერთად გამოგზავნონ მათი ფოტოგრაფიული სურათებიც, რომლებიც, თუ კი მოითხოვენ, შესაძლებელია უკანვე იქნეს დაბრუნებული.

საქართველოს კომუნისტური პარტიისა და რევოლიუციის ისტორიის კომისია.

რ. კ. ლ. ს. მ.

## გუჯათა კართული ჟურნალ-გაზეთის ჩანასახი (90 80 წ. წ.).

### I.

საერთო ამიერ-კავკასიის ხალხთა ცხოვრებაში, განსაკუთრებით ქართველი ხალხისათვის 70-იან წლებში გადამწყვეტი მნიშვნელობა ჰქონდა სამ დიდ ისტორიულ ფაქტს: 1) ბაქო-ფოთის რკინის გზის გაყვანას, 2) რუსეთ-ოსმალეთის ომს და 3) ამ ომში რუსეთის გამარჯვებას და აქედან შეჰქმნილ საზავო ხელშეკრულებას; როპლის ძალით ბათოში და მთელი ბათომის ოლქი საქართველოს ტერიტორიის შემოუერთდა.

ქართველმა ხალხმა ამ ფაქტების და პირობების გავლენით გარდამავალ ხანას, ეკონომიურ პოლიტიკურ კარჩაქეტილობას, ფეოდალურ წყობილებას და ნატურალურ წარმოების წესებს ერთიანათ თავი დაახწია. უკვე აღსრულდა „დროებულების“, დემოკრატი-„ლიბერალების“, ე. ი. გიორგი წერეთლის, ნიკო ნიკოლაძის და სერგეი მესხის ნატვრა: „მშრომელმა ხალხმა თვითონ უნდა იკისროს თავის ნაწარმოების გასაღებო“.

ამ დროიდან ჩვენებური გლეხი ვახდა მიწის „მფლობელი“ და „ვაჭარი“—თავის საქონლის ახლო ბაზარზე გამომტანი. ეს ერთი მეორე—შუათანა და მსხვილი ჩარჩებისა და მევახშეების ხელში გადავიდა საქონლის შორეულ ბაზრებზე გატანის საქმე; აქედან საერთოთ გაჩაღდა მხარეში ვაჭრობა-აღებმიცემობა.

მესამე შედეგი იყო ბაქოს ნავთის წარმოების გაჩაღება და ბათუმის პორტის გაშენება, აქ, ბათუმში „ნავთის ქარხნების“ დაარსება და ამით უმიწა-წყლო მშრომელი ხალხისთვის „ჭირით სამუშაოს“ გაჩენა.

ამნაირათ, ამიერ-კავკასიის ხალხებისათვის საქართველოს ტერიტორიაზე გაჩაღდა, გაიმართა მეტად ვრცელი და მნიშვნელოვანი კაპიტალისტურ-ეკონომიური სარბიელი; აქ ამ ასპარეზზე გაჩაღდა ხალხთა შორის სამკედრო-სასიცოცხლო ეკონომიური ბრძოლა-მე-



ტოქეობა, მოცილეობა, კონკურენცია; და ამ ბრძოლაში, ამ ეკონომიურ ომში ჩვენმა მეზობელმა ყოველმა ხალხმა თავისი ფრონტი და თავისი პოზიცია დაიკავა.

აქ ბრძოლა სწარმოებდა ორგვარი, ორ სხვა და სხვა ელემენტებ შორის: ერთი იყო **შინაური**, ხოლო მეორე **„უცხოთა შორისი“**. **შინ**, ყოველი ხალხის ფარგლებში მშრომელ ელემენტებს ებრძოდნენ მყვლეფელები; ხოლო გარეთ გამართული იყო ბრძოლა **შინაურსა** და **უცხოელ მყვლეფელებ შორის**; და რადგან **გარეთ ბრძოლა** ეროვნულ დროშის ქვეშ სწარმოებდა, ამიტომ მან სასტიკი **ეროვნული ბრძოლის** ხასიათი მიიღო. ხოლო **შინ**, ეროვნულ ფარგლებში კი ბრძოლა თანდათან წმინდა **ხოციალურ-კლასობრივი** ერთ ტერიტორიაზე (ამ შემთხვევაში საქართველოს ტერიტორიაზე) ყველა ხალხების წარმომადგენლებს ორ სხვა და სხვა მტრულ ბანაკათ ყოფდა: **ლარიბების**, **გაყვლევილ მშრომელების ბანაკათ** და **შეძლებულების**, **ანუ მყვლეფელების ბანაკათ**. ხოლო **გარეშე ეკონომიური ბრძოლის** ასპარეზზე ყოველი ხალხის ანუ ერის მყვლეფელები, ერთათ, ყოველი სხვა ხალხის ან ერის მყვლეფელებს უპირდაპირდებოდნენ. აქედან **შინ** ჩაღვებოდა და ვითარდებოდა **კლასობრივი ბრძოლა**, ხოლო გარეთ კი **ეროვნული**.

მაგრამ, რადგანაც საერთო ცხოვრების და საზოგადოებრივობის მეთაური და ხელმძღვანელი შეძლებულთა ანუ მყვლეფელთა ბანაკი იყო, ამიტომ ეს ბანაკი თავის საგარეო ანუ, სხვანაირად, **ეროვნულ ბრძოლაში** თავის გაყვლევილ ანუ ლარიბ შინაურებს ადვილად ითრევდა და მონაწილეობას აღებინებდა ხოლმე. ჩვენში, მაგალითათ, საქარ თველოში, განსაკუთრებითი სიძლიერით წარმოიშვა „სომხის საკითხი“ და განსაკუთრებული ხასიათი მიიღო სომხების წინააღმდეგ ბრძოლამ. ამ ბრძოლაში ისე, როგორც წინათ „რუს ხელმწიფის“ წინააღმდეგ ბრძოლაში მწყობრათ იღვენ ქართველი ხალხის არა მარტო მყვლეფელი ელემენტები, არამედ გაყვლეფილი მშრომელი ელემენტებიც. ეს ბრძოლა ეკონომიურ ნიადაგზე იქამდე მივიდა, რომ ქართველი ინტელიგენცია თავის წმინდა მოვალეობათ თვლიდა: **ხომხის ვაჭრისაგან არავითარი ხაქონელი არ ეყიდა**.

ამნაირათ, ეროვნულმა მოძრაობამ და ბრძოლამ საქართველოში აღნიშნულ ხანაში სხვა ხასიათი და სხვა ფორმა მიიღო: წინათ თუ იგი უმთავრესათ რუსეთის ბიუროკრატისა და მისი პოლიტიკის წინააღმდეგ იყო მიმართული, და ამის გამო მარტო **რუსი** ჰყავდა ამოჩემებული და ათვალისწინებული, ახლა უმთავრესათ ეკონომიურ ფრონტზე გადვიდა და მიზანში უმეტესათ **ხომეხი** ამოიღო. ამ ხანაში ბრძოლას ხელმძღვანელობას უწევდა „ლიბერალ“ დემოკრატიული ინტელიგენცია. წინათ მას უმეტესათ აჯანყების ხასიათი ჰქონ-



და, ხოლო ამ ხანაში მან მშვიდობიანი პროპაგანდა-აგიტაციის საქმიანობა დაიწყო.

ორივე ამ მიმდინარეობამ სრული გამოხატულება ჰპოვა, როგორც ზემოთაც ვთქვით, ქართულ მწერლობაში. ყველა ამ დროის ჟურნალი, გაზეთი და წიგნი, ზოგი გამონაკლისის გარდა, მხოლოდ ზემოთ აღნიშნული ამ ორი მიმართულების და იდეოლოგიის გამომხატველია: პირველია თავადაზნაურული „პატრიოტობა“, ხოლო მეორეა ბურჟუაზიულ—დემოკრატიული „ნაციონალისტობა“.

ამ ხანაში ჯერ კიდევ არა სჩანს სხვა მიმართულების, კლასობრივი ბრძოლის იდეოლოგიის ჩანასახიც კი.

2.

მაგრამ 80-იან წლების დასაწყისშივე ახალი ცხოვრების ახალი ნიშნები და ელემენტები გამოჩნდნენ, მოხდა აგრეთვე ახალი პოლიტიკური მნიშვნელობის დიდი აქტი და ჩვენშიაც იშვა-ახალი მიმართულება, გაჩნდა ახალი მებრძოლი „დასი“.

როგორ დაიწყო და როგორ მოხდა ეს?

ეს იმ დროს მოხდა, როცა ქართველი ხალხის მშრომელი ელემენტებიც კი მხოლოდ ეკონომიური ზრუნვით იყვნენ ჩანთქმულნი, როცა მის ინტელიგენტურ წრეებში პოლიტიკური მხრით „პატრიოტული“ ხმები თუ ისმოდა, თვარა სხვა ფიქრი, სხვა ზრახვა არა სჩანდა. ერთი სიტყვით, ჩვენს საზოგადოებრივ სფეროში „მკვდრული სიჩუმე“ იყო გამეფებული.

და აი ამ დროს, 1881 წლის მარტში ისევ ჩრდილოეთის ჰორიზონტზე ქართველთა მოულოდნელათ გავარდა მეხი: მოხდა ღრმა ისტორიული მნიშვნელობის ტერორისტული დიდი აქტი: ანდრია ელიაბოვმა, რუსის მუშების და სტუდენტების მონაწილეობით, ყუმბარით ალექსანდრე მეორის აფეთქება მოახერხა.

როგორც ყოველთვის, ახლაც ქართველი ხალხის პოლიტიკურათ გამაფხიზლებელ—გამალგიძებელი ხმა რუსეთიდან მოისმა.

არ დაჩინებულა საქართველოში არც ერთი წრე, რომ ამ საშინელ ხმას არ გამოეფხიზლებიოს. თავადაზნაურული „პატრიოტული“ ინტელიგენციიდანაც კი პოეტ აკაკის ნარნარი საიმედო ხმა მოისმა: „დღეს მერცხალი შემოფრინდა, ჭიკჭიკითა გადმოჰძახა: გაზაფხული, გაზაფხული, გულს იმედი დამესახა!“ ეს „იმედი“ აკაკის ტერმინოლოგიით საქართველოს სახელმწიფოებრივი აღდგენის იმედი იყო. ალბათ აკაკი ფიქრობდა: რაკი „რუს-ხელმწიფე“ თვითონ რუსებმა მოკლეს, ახლა დადგა მომენტი, რომ ქართველებმა „ხელი ხმალს იკრან“ და თავისი საკუთარი „სახელმწიფო“ აღადგინონ, „თავი გაინთავისუფლონ“.

საქართველოს სამღვდელთაგან, „ვაი ჟის“ ყვირილით ტირილი

მორთო გაბრიელ ეფისკაპოზის მეთაურობით. გაბრიელმა ქუთაისის „სობოროში“ დიდი პოლიტიკური წყევლა-სიტყვა წარმოთქვა რუსის სოციალისტების მიმართ, რომლებმაც, მისი სიტყვით, „განმათავისუფლებელი“ მეფე ალექსანდრე არ დაინდვეს და ხალხს „მწყალობელი“ უღვთოთ ხელიდან გამოაცალეს. წყეულიმც იყენებ რუსის სოციალისტებთან ერთად ყველა ქვეყნის სოციალისტებში, დააბოლოვა გულამოსკენით გაბრიელმა თავისი ისტორიული და მკვერ-მეტყველური „სიტყვა“. (იხ. გაბრიელ ეფის. წიგნი—„ქადაგებანი“).

ამ ამბავმა ჩვენი „ლიბერალ-დემოკრატები“ სულ ერთიანად დაამუნჯა: ვერც ერთ მათ ორგანოში ვერაფერად გარკვეულ აზრს ამ საკითხზე ვერ შეხვდებით. ამ საკითხს სრულიად გვერდს უვლის ჩვენი თანამედროვე „პატრიოტ“ მენშევიკების ლიდერი პუბლიცისტი ნოე ჟორდანიას თავის წიგნში—„ქართული პრესა“ და ეს მეტად დამახასიათებელია მისი ოპორტიუნისტული ბუნების გასაგებად.

სამაგიეროდ რუსეთის სოციალისტ-რევოლიუციონერთა ბელადის, „ნაროდნიკების“ ამ ისტორიულმა ტერორისტულმა აქტმა თავისი მკვერე ხმით დიდი გარდატეხა მოახდინა ქართველ ხალხის იდეოლოგია—ტსიქოლოგიაში.

ამ ამბის შემდეგ მშრომელმა გლეხკაცობამ დიდი ეჭვის თვალთ დაუწყო ყურება უძლეველ „რუს ხელმწიფეებს“ და მანამდე „უკვდავად და ყოვლად შემძლეებათ“ მიჩნეულნი დღეს მისთვის მომაკვდავები და უძლურნი აღმოჩნდნენ. მეორე მხრით „სტუდენტთ“ გლეხის თვალში რაღაც ნაირი ახალი „მოღვაწე“ გახდა, რომელსაც მან „სოციალისტი“ უწოდა. ამ დღიდან ჩვენებური გლეხი ამ ახალ „მოღვაწეს“, სოციალისტ-სტუდენტს“ ე. ი. სოციალისტს მოწიწებით, შიშით და კრძალვით შეჰყურებდა.

ამ აქტიურ საქართველოს მოსწავლე ახალგაზდობაში დიდი ახალი გონებრივი მოძრაობა დაიწყო. ჩვენი მაღალი შკოლა მაშინ ტფილისის სასულიერო სემინარია იყო და სტუდენტის როლს სემინარიელი ასრულებდა. და აი, წინათ თუ განვითარებული სემინარიელი მხოლოდ ქართული ეროვნული მწერლობის ბურჯი იყო, ახლა ის რევოლიუციური აზროვნების და მოქმედების გამომხატველი გახდა.

ამ დღიდან იმ დროის სემინარიელმა მთელი თავისი ყურადღება მწერლობას მიაპყრა, რომელიც ამ ამბავს, ამ მოვლენას განმარტავდა, ე. ი. სოციალისტურ რევოლიუციონურ მწერლობას; და რადგან არა თუ ასეთი მწერლობა, არამედ ყოველი მეცნიერული და პუბლიცისტური ნაწერი სემინარიის მთავრობისაგან სასტიკათ იყო აღკრძალული, მოწაფეებში გაჩნდნენ „ფარული წრეები“, რომელნიც სოციალისტურ-რევოლიუციონური და მეცნიერული აზრების გამომხატველ წიგნებს შკოლის გარეთ ეძებდნენ და ეწაფებოდნენ.





და აი მათ მოთხოვნილებას მთელს ჩვენს, მაშინდელ ინტელიგენციას—მწიგნობრებში, სიხარულით და ალტაცებით მხოლოდ ორი კაცი მიეგება. ესენი იყვენ ზემოთ დასახელებული მწერალი ანტონ ფურცელაძე და მისი გამომცემელი, ცნობილი დემოკრატი მწიგნობარი—ზაქარია ჭიჭინაძე. თითქმის ყოველ „განვითარებულ“ სემინარიელს ამ ხანისას, 80-იან წლებში, კავშირი ჰქონდა ამ ორ კაცთან, რომელთაგან ისინი საჭირო რჩევა-დარიგებას და წიგნებს ღებულობდნენ (იხ. ზ. ჭ მოგონებანი ვაზ. „ტრიბუნის“ 1921—22 წ. №.№-ში).

ამას მოჰყვა სემინარიის მთავრობის მხრით სასტიკი რეპრესიები, ხოლო რეპრესიებმა გამოიწვია რევოლიუციურ ელემენტების მხრით „ტერორისტობა“. ამის საილიუსტრაციოთ შეგვიძლია ორი ფაქტი დავასახელოთ. ერთი ცნობილი რევოლიუციონერი სოციალ-დემოკრატის, სილიბისტრო ჯიბლაძის მიერ (იმ დროს სემინარიის მოწაფე იყო) მაშინდელი რექტორის, დეკანოზ ჩუდეცკის გალახვა და მეორე იოსებ ლალიაშვილის მიერ ხანჯლით აპავე ჩუდეცკის თავის მოჭრა.

როგორც ხედავთ აქ, სემინარიის კედლებ შორის, საქართველოს ცენტრალურ სკოლაში პატარა სკოლური ცხოვრების მასშტაბით განმეორდა ის (1884—5 წელს), რაც პეტროგრაღში რუსეთის სახელმწიფოებრივ ცხოვრებაში უდიდესი მასშტაბით და ძლიერებით შესრულდა. რუსეთის სტუდენტებმა ხალხის უდიდესი მტერი, „რუს-ხელმწიფე“ მოკლეს, ხოლო საქართველოს სოციალისტ სემინარიელებმა თავის გონებრივ ჯალათს, ხუცესს ჩუდეცკის საკუთარი ხელით ბოლო მოუღეს. (იხ. ჟურნალ „მომავლის“ 1922 წლ. 6 №-რში აშხ. ფილიპე მახარაძის მოგონება „როგორ გავხდი მარქსისტი“).

3.

ყველა ამ სოციალისტური დროშის ქვეშ მომხდარმა ამბებმა კიდევ უფრო ძლიერი გავლენა მოახდინეს ტფილისის მაშინდელ მუშახელოსანთა წრეებზე. როგორც წინა თავში ვთქვით, ტფილისში უკვე 70-იან წლებშივე გაჩნდნენ „მდაბიო მკითხველები“. მკითხველები იყვენ ტფილისის მუშა ხელოსნები.

და აი, როცა სოციალისტური იდეები რუსეთიდან ტფილისის მდაბიო წრეებსაც ჩასწვდათ, როცა სოციალისტური ხასიათის ხმები და ამბები ტფილისს მოედო, მაშინ ტფილისის მუშა-ხელოსნების ბნელ და ნესტიან სარდაფებშიაც სოციალისტურმა სხივმა შეანათა. შეანათა და ამ სინათლეს მუშა-ხელოსნები ალტაცებით და სასოებით შეხვდნენ. აღმოჩნდა, რომ ერთათ ერთი ნაყოფიერი ნიადაგა ამ სოცია-



ლისტური საქმისთვის მხოლოდ და მხოლოდ ამ მუშა-ხელოსნების სული და გულია.

აღსანიშნავია, რომ ტფილისის მუშა-ხელოსანთა წიაღში გაჩნდა სრულიად დამოუკიდებელი, ანკარა ნაკადი პოეზიისა, რომელიც, სამწუხაროთ, შემდეგში ვერ განვითარდა და რომელთაც თავისი გაფურჩქვნის პირობები ახლო მომავალში ელის.

აი როგორ ამღერდა მაშინ ტფილისის მუშა-ხელოსნების ერთი პირველი მგოსანთაგანი, იოსებ დავითაშვილი (ჩუქურთმის მჭრელი ხელოსანი იყო):

**„მუშა რომ ვარ მისთვის ვიცი  
მუშის გულის პასუხები,  
ღმერთმა მუშებს გაუმარჯოს,  
უქმყლაპელებს არ ვეხები...“**

ვით მეცხრამეტე საუკუნის დასაწყისის ევროპის მუშა-ხელოსნები, პირველი კომუნარები, ევროპის კილით კიდემდე მოგზაურობდნენ და ჩაგრული კაცობრიობის ბედის გასაღებს ეძებდნენ, და ვით ისინი ორმოცი წლის მოგზაურობის შემდეგ კაცობრიობის ბედნიერების მახარობელთ—მარქს-ენგელს შეხვდნენ, ისე საქართველოს მუშა-ხელოსნები, რომლებიც რუსეთის დიად ფარგლებში მოგზაურობდნენ, მარქს-ენგელსის მოძღვრების მქადაგებელთ შეხვდნენ და მალე გაეცნენ.

მაგრამ ვიდრე ეს მოხდებოდა, მანამ ისე, როგორც ევროპის მუშები, მთელი საუკუნის განმავლობაში უტოპიური სოციალიზმით კმაყოფილდებოდნენ. ჩვენშიაც, ჩვენი მუშა-ხელოსნებიც ამ უტოპიურ სოციალიზმის იდეებს ითვისებდნენ. ისინი გაფაციცებით ეძებდნენ ამ იდეების ჩვენში მაშინდელ მატარებელს და მათ უახლოვდებოდნენ. და ასეთი პირები კი იყვნენ მაშინ ჩვენში იგივე სოციალისტ-სემინარიელები, რომლებსაც, როგორც ზემოთ მოვიხსენიეთ, მკიდრო იდეური კავშირი ჰქონდათ ანტონ ფურცელაძესთან და ზაქარია ჭიჭინაძესთან. ერთი ასეთი სემინარიელთაგანი იყო გორელი ლარიბი ჩოღრის შვილი **გოლა ჩიტაძე**.

აი როგორ აგვიწერს ზ. ჭიჭინაძე თავის მოგონებაში (1921 წლის ივლისის „სოც.-ფედერალისტის № 113-ში) ამ პირველ პიონერს ქართული უტოპიური სოციალიზმისას:

„გოლა ჩიტაძე იყო იმ დროის (80-იან წლების) კვალათ ქართველი სოციალისტი. რუსული სოციალისტური წიგნების კითხვა გოლა ჩიტაძემ ერთობ ადრე დაიწყო, იგი სემინარიის მეორე კლასის მოწაფე გახლდათ, რომ რუსულ სოციალისტურ მწერლობას უკვე კარგათ იცნობდა და დღე და ღამ სულ ასეთ წიგნების კითხვაში იყო გართული. გოლა ჩიტაძეს ჰქონდა კარგ მოწაფეებთან კავშირი, რო-



მელნიც კითხულობდენ შერჩევით თავიანთი დროისა და გონების ვას-  
 ვითარების კვალათ შესაფერს წიგნებს, ამათ არც რუსული საიდუმ-  
 ლო წიგნების და გაზეთების კითხვა აკლდათ, რასაც ყოველთვის  
 გოლა ჩიტაძე შოულობდა და ყველა ეს ჩუმათ და დიდის ოსტატო-  
 ბით შეჰქონდათ სემინარიაში.

გოლა ჩიტაძე სემინარიის გარეთ სცხოვრობდა და იგი მხურვა-  
 ლე მონაწილე იყო იმ დროის სოციალისტური წრეების; მაშინ ტფი-  
 ლისში ერთი სოციალისტური წრე იყო, რომელსაც სულ რუსები  
 მფარველობდენ. იმ სოციალისტურ-რევოლიუციონურ წრეში დადი-  
 ოდა გოლა ჩიტაძე, აქედამ გამოჰქონდა მას ბევრი რამ წიგნები და  
 ყველა იგინი შეჰქონდა სემინარიის მოწაფეებში“.

„გოლა ჩიტაძე, განაგრძობს ზაქარია, ისეთი მახვილ—გონიერი  
 კაცი იყო, რომ მან ჩემის დახმარებით გაიცნა იმ დროის ტფილი-  
 ხის ქართველი მუშები და ხელოსნები, რომელნიც მაშინ სოცია-  
 ლისტურ განვითარებას მიხდევდენ და იგინი ქართულ სოციალის-  
 ტურს საუკეთესო წიგნებსაც კითხულობდენ. ასეთ მუშებს გოლა  
 ჩიტაძე დიდი სიხარულით დაუახლოვდა. მათზე მან დიდი გავლენა  
 მოახდინა, ნამეტნავათ სოციალისტური წიგნების კითხვით და ამის  
 შესახებ ლაპარაკით დიდს გავლენას ახდენდა. ეს რომ მართალი ვახ-  
 ლავთ, ამას დაასაბუთებენ თვით ეხლანდელი ბალშევიკების ლიდერი  
 მუშა ხელოსნებიც, რომელნიც მაშინ გოლა ჩიტაძესაგან ქართულ  
 ენაზე სოციალისტურ ლექციების კითხვას ისმენდენ და მით იგინი  
 დიდი მადლობელნიც იყვენ... როცა გოლა ჩიტაძემ მოინდომა ქარ-  
 თულ ენაზე სოციალისტური წიგნების ბეჭდვა, მაშინ ამისათვის მას  
 დასჭირდა ერთი კაცი, რომელიც ბეჭდვაში უშველიდა. მან ამისთვის  
 სხვა არავინ შეაწუხა და ამ საქმეში მომქმედ ამხანაგათ თავისი უმც-  
 როსი ძმა (იმ დროს გიმნაზიის მოწაფე) შიო ჩარიცხა... ამნაირათ  
 მათ ქართულ ენაზე გამოისცეს პირველათ „ოთხი ძმის ზღაპარი“,  
 რაც პირველი მაგალითი იყო (ასეთი წიგნის გამოცემა) ქართულს ენა-  
 ზე. ამ წიგნის თარგმანი და ბეჭდვა იმ დროის ქართველ მუშებმა  
 და ხელოსნებმა დიდის ქება—დიდებით მიიღეს და მის მთარგმნელ-  
 ხა და დამბეჭდავს, გოლა ჩიტაძეს დიდ მადლობას უძღვნიდენ“.

4.

უტოპიური სოციალიზმის იდეები რუსეთიდან ტფილისისაკენ  
 ორი გზით მომდინარეობდა: ერთი მწერლობის გზით, რომლის მეო-  
 ხებით ამ იდეებს ჩვენი ზოგი მწერალიც ეცნობოდა, მეორე—რუს  
 ინტელიგენტ სოციალისტების წრეების გზით, რომლებიც ტფილისში  
 არსდებოდენ და სადაც ჩვენი სოციალისტური მოძრაობის პიონერები  
 იწრთვნებოდენ, ვითარდებოდენ. ასეთი პიონერები, როგორც ჭიჭი-



ნადის მოგონებიდანაც სჩანს, არა მარტო ქართველი მწერალი-**ანტონ ფურცელაძე**-და ქართველი პროლეტარ ინტელიგენტი-**გოლა ჩიტაძე**-იყვნენ, არამედ „ახლანდელი ბალშევიკების ლიდერი მუშა-ხელოსნებიც“.

ამ ტფილისის ამ პროლეტარ ინტელიგენტთა და მუშა-ხელოსანთა ჯგუფმა პირველმა იკისრა შეექმნა ქართულ ენაზე **არა-ლეგალური სოციალისტური მწერლობა**. მისი თავგანწირული მუშაობის პირველი ნაყოფი იყო გექტოგრაფზე დაბეჭდილი ჩერნიშევსკის წიგნაკის ქართული თარგმანი-„ოთხი ძმის ზღაპარი“. დიდი სისწრაფით გავრცელდა ის, როგორც მუშათა წრეებში ისე მოსწავლე ახალგაზდობაში. სადაც კი ამ დროს „ქანდაკმერია“ ან სემინარიის მთავრობა ვისიმე ბინას გაჩხრეკდა, იქ გექტოგრაფზე დაბეჭდილ „ოთხი ძმის ზღაპარს„ უთუთო იპოვიდა. დაახლოებით ეს იყო 1888-89 წლ.

შემდეგ წელს რევოლიუციონური მწერლობის ასპარეზზე ტფილისში თვითონ მუშა-ხელოსნები ინტელიგენციისაგან სრულიათ დამოუკიდებლათ გამოვიდნენ. ეს მეტათ საყუარდლებო ფაქტი მოხდა 1889 წელს, როცა ტფილისის მუშა ხელოსანთა ერთმა წრემ, სადაც ზ. ჭიჭინაძე სოციალისტური შინაარსის წიგნებს ჰკითხულობდა, პირველათ დაარსა საკუთარი მუშური ხელნაწერი ჟურნალი სახელწოდებით „**მუშა**“, რომელსაც რედაქტორობდა ერთი უცნობი მუშა და გადამწერი იყო მიხეილ მეტეხელი. აქ ამ ჟურნალში მხოლოდ მუშა-ხელოსნები ათავსებდნენ თავიანთ ნაწერებს (მათ შორის არაქელა ოქუაშვილიც). მისი არსებობა არა თუ მთავრობის ჯაშუშებმა, არამედ თვით ამ მუშების მეგობარ ინტელიგენტებმაც არ იცოდნენ; იცოდა მხოლოდ მათივე წრეში მყოფმა ზაქარიამ, რომელმაც შემდეგში ეს წრეც და მისი ჟურნალი „მუშაც“ გააცნო როგორც ანტონ ფურცელაძეს, ისე გოლა ჩიტაძესაც.

ამით ქართველმა მუშებმა პირველი გაკვეთილი მისცეს ჩვენებურ ინტელიგენტ-სოციალისტებს და მიუთითეს მათ იმ აუცილებელ საჭიროებაზე, რომ არა-ლეგალური და საერთოთ სოციალისტური მწერლობა აუცილებლათ მუშების ენაზე, ქართულ ენაზე უნდა შედგეს.

ქართველი მუშების პირველი ქართული ჟურნალის, „მუშის“ დაარსების ამბავს ზაქარია ჭიჭინაძე თავის ჯერ არ გამოქვეყნებულ ხელნაწერში, რომელიც თვითონ ავტორმა დროებით გადმოშვა, შემდეგ ნაირათ მოგვითხრობს:

„1880 წელს მე უკვე ფანატიკი სოციალისტი ვიყავი და სოციალისტური აზროვნება ჩემში დღითი დღე ფართოვდებოდა, ამავდროს ქართველ მუშებში მე ვავრცელებდი სამშობლო ენის და



**მწიგნობრობის ხიყვარულს, მაგრამ ეს მათ არ აინტერესებდა,** ამიტომ მე ალლო ავართვი მათ, რომ მათში საჭირო იყო სოციალი-  
**სტური აზრების და წიგნების ვრცელება, რაც იმათ მალე დააინ-**  
**ტერესებდა და ქართული წიგნების კითხვასაც უფო უკეთ დაიწყე-**  
**ბდენ.** ამ გარემოების თანახმით აი რა მოვახერხე:

შევადგინე მუშათა და ხელოსანთა ერთი წრე. ამ წრეში ერი-  
 ვნენ უფრო ისეთნი, რომელთაც ქართული წერა-კითხვა უფრო  
 უკეთ იცოდნენ, ამ წრეში ერივნენ ტფილისის სახელოსნო სკოლის  
 მოწაფენიც, როგორც მ. თოიძე და ზოგნიც სხვანი; მათი გვარები  
 აღარ მახსოვს. ამათ პირველს კრებაზე მე წაიკითხე ილ. ჭავჭავაძის  
 „გლახის ნაამბობი“, პოემა „კაკო ყაჩაღი“ და ჭონქაძის მოთხრობა  
 „სურამის ციხე“. მუშები და ხელოსნები დიდი მადლობელი იყვნენ.  
 ამ კრებას დაესწრო 15 კაცი. მეორე კრებას დაესწრო 25 კაცი. მე  
 წაუკითხე ზოგი რამ პოლიტიკური პროცესები, როგორც მაგალითათ,  
 „ვერა ზასულჩისა,“ და ასევე სხვები. ამის კითხვამ მუშები და  
 ხელოსნები დიდათ დააინტერესა. მესამე კვირას მოგროვდა 45 კა-  
 ცი. ამათ გავაცანი რუსეთის ნს-იან წლების მწერალთა ბიოგრაფი-  
 ები, ამათი ნაწერების დედა აზრები, ჩერნიშევსკის ცხოვრების  
 ცნობები და მისი მოღვაწეობანი. იმავე დროს ქართველ მუშებს . . .

. . . კვირა-კვირაობით ვუკითხავდი ევროპიულ სოციალის-  
 ტების ცხოვრების ცნობებსაც: რობერტ ოვენის, სენსიმონის, ფურიეს  
 კოოპერატიულ მოძღვრებას, აგრეთვე პრუდონის, ლუიბლანის ცხო-  
 ვრებას და ლასალის, მარქსის ცხოვრების ცნობებს, ბაკუნინის, კრა-  
 პოტკინის, ქართველის ჩერქეზიშვილის და სხვა .

**ამის შემდეგ თვითონ ტფილისის მუშებმა განიზარახეს საკუ-**  
**თარი ხელნაწერი ჟურნალის, „მუშის“ გამოცემა** (ეს იყო 1889 წელს).  
**წერილებს გადაწერა** იკისრა მუშა მებაღემ (იმ დროს საბაღოსნო  
 შკოლაში მუშაობდა) მიხეილ მეტეხელმა, მან წერა კარგი იცოდა,  
 შიგ სურათებსაც ხატავდა . . . ამ ჟურნალის თანამშრო-  
 პელებიდან ახლაც ცოცხლები არიან: გიორგი მანთაშოვი, მეჩექმე-  
 კარგი მეღეჭსეა, ცნობილია ფსევდონიმით „შინატეხელი“, გურქა-  
 დიაროვი, ხელობით მეჩოთქე, არაქელა ოქუაშვილი, გიგო ბასილა-  
 შვილი ანუ ნორიელი სლესარი.

ამ ჟურნალის ორ თვეში ერთი წიგნი გამოდიოდა. მისი ერთი  
 წლის ნომრები მე მქონდა ერთათ ერთ ყდაში შეკრული და იგი  
 ვუთავაზე ვ. ჩერქეზიშვილს და მან იგი ლონდონში წაიღო, სადაც  
 მან იგი ბრიტანეთის სახელმწიფო მუზეუმის ბიბლიოთეკას გადასცა და  
 იქ არის დაცული.

ეს წიგნი პროფესორმა ალ. ხახანაშვილმაც ასწერა ჟურნ. „მოა-  
 ბგეში“, 1905 წ. აგვისტოს № VIII-ში (8), სადაც მას ანუსხული აქვს

ყველა იმ ხელნაწერების სია, რომლებიც ხსენებულ ბიბლიოთეკაში ინახება....

ქართველ მუშათა და ხელოსანთა ასეთმა ენერგიულმა მოქმედებამ ისე გამამხნევა, რომ გავბედე და ქართულ ენაზე არამც თუ წერა დავიწყო ქართველ მუშების ცხოვრებაზე, არამედ ევროპის სოციალისტებისა და კომუნისტების ცხოვრების აღწერასაც შეუდექი ქართულათ.“ ეს ცნობა ამოღებულია ზ. ჭიჭინაძის „მოგონებებიდან“, ჯერ დაუბეჭდავი ხელნაწერიდან, რომლითაც ავტორის ნება—სურვილის თანახმად ვისარგებლე. რ. კ.

აქედან შემდეგი დასაბუთებული უტყუარი ნათელი და აშკარა დასკვნა დებულემა შეიძლება გამოვიყვანოთ: 1, რომ ქართველ მუშებს ისე, როგორც საერთოთ ყოველ მუშას „ხამშობლო ენა და მწიგნობრობა“ უმთავრესათ იმდენათ უყვართ და აინტერესებთ, რამდენათაც მათ ეს ენა და მწერლობა სოციალისტურ საკითხების გარკვევაში ეხმარება.

2. რომ ქართველმა მუშებმა, ისე როგორც სხვა ქვეყნებში ყველგან, თვითონვე სცადეს ინტელიგენციისგან დამოუკიდებლათ სოციალისტური, კომუნისტური კითხვების გარკვევა და მწერლობის ასპარეზზე გამოსვლა

და 3, რომ ქართველმა მუშებმა ისე, როგორც ყველა სხვა ქვეყნის მუშებმა, განიცადეს უტიპიური სოციალიზმის გავლენა.

## 5.

რას წარმოადგენს თავის თავათ მუშათა ქართულ ჟურნალ-გაზეთის ეს ჩანახაზი, ტფილისის მუშების პირველი ხელნაწერი ჟურნალი „მუშა“, „განთიადი“ და სხვები?

ხელნაწერი პერიოდული მუშათა ქართული ჟურნალი, როგორც სჩანს, პირველათ ტფილისის სახელოსნო სკოლის მოსწავლეებს შემოუღიათ 80 იან წლებში. ხელნაწერ ჟურნალის „მუშის“ გაგრძელებათ უნდა ჩაითვალოს 1891 წლის მარტში გამოცემული ხელნაწერი ჟურნალი „განთიადი“, რომელსაც აწერია: „სახელოსნო სკოლის ჟურნალი“ და გამოცემულ-გადაწერილია მ. სიმონიძის მიერ (იგივე მიხეილ მეტეხელი).

აქედან უნდა ვიფიქროთ, რომ ამ მიხეილ მეტეხელს სახელოსნო სკოლის მოსწავლეებთან ამხანაგური კავშირი ჰქონია, თუმცა თვითონ, როგორც ამხ. ზაქარია ჭიჭინაძე ამბობს თავის მოგონებაში, საბალოსნო სკოლაში იყო. ამას ის გარემოებაც ამოწმებს, რომ ყველა მ. სი თანამშრომლები და ამხანაგები უმეტესათ სახელოსნო სკოლის მოსწავლეები იყვნენ, თუმცა ისიც აშკარაა, რომ მათთან ერთათ გარეშე მუშებიც თანამშრომლობდნენ (მაგალითათ, როგორც ზემო-



თაც ვთქვით, ა. დლიურაშვილის ფსევდონიმი ამ ჟურნალში ლექსებს ათავსებდა ამხ. არაქელა ოქუაშვილი, ასევე-სხვებიც).

აქ, ამ ხელნაწერ ჟურნალის სტატიებში უკვე წამოყენებულია მუშისა და გლეხის ჩავერის საკითხი. „რა დღეშია მუშა ხალხი“? ჰკითხულობს ერთი ავტორთაგანი (მუშა) და ასე უპასუხებს: „გლეხი კაცის ტანჯვა, ვაება და ფუჭი შრომა... რა კალამი იქნება, რომ დავწერილებით აწეროს. გლეხებს ვერ უგრძვნიათ, თუ რანაირად ერთმევათ მათ უსწავლევლობით პირიდან ლუკმა და არიან დაჩაგრულები“. „სხვისი მუშები არიან წლითი წლამდე“, განაგრძობს იგივე ავტორი და ბოლოს ასეთს იმედს გამოთქვამს: „იმედია, თუ მუშებში ფეხვი გაიდგა სწავლა-განათლებამ, მაშინ შეუძლიათ ეძიონ თავისუფლება და აღარ სცემდენ თავჯანს სხვებს. მაშინ სახლშიაც დარჩებათ თავიანთი ნაწვავ-ნადაგი“... (იხ. ჟურ. მოამბის № 8, 1905 წ. გვ. 129 და 11 გვ. „ქართული ხელთნაწერები“ ა. ხახანაშვილისა).

როგორც ხედავთ, ახლათ გამოფხიზლებულ ჩვენს მუშებს ჯერ თავის თავი კიდევ ვერ უცვნიათ და გლეხს ესარჩლებიან, როგორც მუშას და ჰგონიათ, რომ თუ გლეხმა-მუშამ სწავლა-განათლება მიიღო, მაშინ ის თავისუფლებასაც მოიპოვებს და „თავის ნაწვავ-ნადაგს“, ე. ი. ნაშრომს თვითონვე დაისაკუთრებს. მათი აზრით დაჩაგრულს იხსნის „სწავლა-განათლება“.

თუ როგორი სწავლა-განათლებაა საქარო ან როგორ უნდა ებრძოლონ დამჩაგრელებს თავისუფლებისა და „ნაწვავ ნადაგის“ შესანარჩუნებლად, ამაზე ვერაფერს ამბობენ.

ამ მხრით მეტი გამოფხიზლება მხოლოთ შემდეგში, 1891 წლის ხელნაწერ ჟურნალში, „განთიადში“ ეტყობა მათ. აქ სოციალური კითხვა, მუშათა საკითხი უფრო წინაა წამოყენებული და ლექსებშიაც „უქმყლაპელების“ წინააღმდეგ ბრძოლას ქადაგებენ.

ჟურნალ „განთიადის“ პირველ ნომერშივე მუშა პოეტი, ვ. უჩინარიძე თავის ლექსში—„მუშას“—ასე მკაფიოთ ახასიათებს:

**„მას უძგერს გული მუდამ შრომისთვის,  
სიზარმაცისგან შორეულია,  
და ნაცვლათ იგი ბედნიერების,  
უწყალო ბედით დაჩაგრულია“.**

იმავე №—ში მეორე მუშა პოეტი, მ. სიმონიძე (იგივე მიხეილ მეტეხელი) ერთ თავის პატარა ლექსში სოციალურ უსამართლობის საკითხს მეტათ გარკვევით და ნათლათ აყენებს. ის სწერს:

ერთი ქეიფობს, ასი—კი  
შიმშილით არის მკვდარი!  
კაცი დავბერდი ტანჯვაში  
ეს ვერ გავიგე, რა არი...



უფრო მეტ შეგნებას იჩენს მესამე მუშა-პოეტი, ზ. ახალსოფ-  
ლედი, რომელიც თავის მეტათ საყურადღებო „ლექსში“ გულ ამოს-  
კნით ასე ჩივის:

1) „**დრო იცვლება და მასთან ერი**“,  
მაგრამ ჩვენ რა!-ლარიბებს არაფერი!  
თუ სწავლობენ ისევ მდიდრის შვილები,  
ჩვენის ოფლით ისინი გაზრდილები!

2) სიტყვის მთქმელნი და დამცველნი ლარიბთა  
დღესაც კიდევ არავენ სჩანს არსითა!

3) თუ ზეცასა არსებობს, არის ღმერთი,  
რათა გვჩაგრავს აქ ჩვენ მდიდარი ერთი?..  
აქ ჩაგრული იტანჯება მწვავე ოფლით,  
იქ **მეველეფავო** თავსა ირჩენს მის შრომით!

მაგრამ ის ამით გულს არ იტებს და მომავლის იმედით გამხნე-  
ვებული მყვლეფელთა და მჩაგვრელთ შემდეგი წინასწარმეტყველური  
სიტყვებით ემუქრება:

„...**დრო** მოგივათ ერთხელ თქვენც საქენჯავი,  
როს აღვდგებით მკედრეთით მუშა-ლარიბნი.

**ხახნისს-საკვეთს** ჩვენის შრომით შეძენილს.

**ჩამოგართმევთ** უსამართლოთ წართმეულს“.

ზ. ახალსოფელელი ჟურნალ „განთიადის“ მე 2 №-ში, თავის  
სტატიებში (რომლის დასაწყისი ჟურნალ „მუშაში“ აქვს მოთავსე-  
ბული და რომელიც პროფ. ა. ხახანაშვილს აქვს მოხსენებული)  
ქალაქის მუშის ცხოვრებას ეხება და ცდილობს გამოარკვიოს, თუ  
რათ ირყვნება ქალაქის მშრომელის ძველი ზნეობა-სიწმინდე და უნ-  
და გზა უჩვენოს მას, თუ როგორ დაიხსნას თავი ამ „უზნეობისაგან“.  
მას ჰკონია, რომ იმის მიზეზი ჩვენი მშრომელი ხალხის „გაპროლე-  
ტარებაა“. იგი თითქმის მიმხედარია, რომ „ეკონომიური საფუძვლე-  
ბის შეცვლა იწვევს ამ გაპროლეტარებასაც და აქედან გაჩენილ  
„გარყენილებასაც“; მაგრამ მან არ იცის ჯერ თუ როგორ უნდა  
ებრძოლოს მუშა ამ მიზეზს, ე. ი **კაპიტალს**. აი რას სწერს იგი  
სხვათა შორის თავის სტატიაში, „**მუშა ხალხში**“ . . . „თუმცა  
განათლების გავრცელების წყალობით ეს (გარყენილების გავრცელება,  
რ. კ.) ასე არ უნდა ხდებოდეს და შემდეგ და შემდეგ უნდა კლებუ-  
ლობდეს, მაგრამ აქ ეს იმ გვარივე საზოგადო ეკონომიურ ნიადაგზე  
ფუძნდება და მრავლდება . . . როგორც ეს ევროპაში და ინ-



გლისშია. ჩვენც დავადექით იმ აზრსა და კვალს, რომლითაც არა თუ მარტო გარყვნილება და ზნეობითი დაცემა მოგველის არამედ ეკონომიური მხრითაც. და ამით ჩვენ მოგველის მუშა ლატაკით და პროლეტარათ გახდომა.

ერთი სიტყვით, ზელნაწერ ჟურნალების („მუშის“ და „განთიადის“ მუშა ავტორების ჩვენი მუშათა კლასის პირველი შეგნებული ელემენტების თვით-შემეცნება პირველ საფეხურზეა შემდგარი და გარშემორტყმულ წყვილადის არეში კლასობრივი ინსტიქტით სინათლისაკენ გზას იკაფავს. მისი კლასობრივი თვით-შემეცნების დონეს მშვენიერათ ხატავს „განთიადის“ ერთი პოეტის, მ. თ.-ს. შემდეგი ტაეპი:

„ოფლში ნაშობო საწყალო მუშავ!  
 შენთვის პატრონი არვინა ჩნდება!  
 ისევ ჩვენ, ძმაო, თავს ვუპატრონოთ,  
 თორემ ლამპარი მთლათ ჩავვიქრება.“

ჩვენვე ვანათოთ ჩვენი სანთელი  
 და მოვიძებნოთ გზა სიმართლისა.  
 მარჯვენას, ძმანო, ცოდნა დაუროთო,  
 რომ გავვიბრწყინდეს სხივნი ნათლისა“.

დასასრულ აქვე უნდა აღინიშნოს ისიც, რომ ქართველი მუშა თავიდანვე უყურადღებოთ არ ტოვებს ეროვნული ჩაგვრის საკითხს და ის თავის პირველშობილ ორგანოებში ამ საკითხის გამოძახატველ ნაწერებსაც საკმაო ადგილს უთმობს.

ამის დასახასიათებლათ აქ მოვიყვან ზოგ ადგილებს მათი ნაწერებიდან. ჟურნალ „განთიადის“ მე-4 №-ში ნულელი სახელოსნო სკოლის შეგირდის პირით ჩივის:

„გავჩუბდეთ, ბრაცყვათ ჩავკთვილიან.  
 ვთქვათ რამე, ამჯანყებლათო!  
 პირს გვიკუმამვენ ქართველებს.  
 ესეც ჩვენ საწვალებლათო!“

და ეს მიმართულება ჟურნალ „განთიადის“ შემდეგ ერთიანათ ბატონდება მის მომდევნო ზელნაწერ ჟურნალში, „სხივში“.

ტფილისის სახელოსნო სკოლის ზელნაწერ ჟურნალის, „სხივის“ პირველ №-შივე, რომელიც გამოცემულია 1892 წლის სექტემბერში იმავე მ. სიმონიძის მიერ (იგივე მეტეხელი), შემდეგ სტრიქონებს ვკითხულობთ: „ჟურნალ სხივის“ დაარსება გამოიწვია იმ სამწუხარო მდგომარეობამ, რომელშიაც არის ჩავარდნილი ჩვენი ხანწავლებლის




**ქართველი ახალგაზრდობა** . . . . . თუ რით აიხსნება ეს, ამის მიზეზი უნდა ვეძებოთ საერთოთ თვით ჩვენი სამშობლოს და კერძოთ ჩვენის სასწავლებლის წეს-წყობილებებში, რომელნიც არიან დამყარებული ჩვენთა არა მოკეთეთაგან . . . . . იგი არის დამყარებული სრულიათ სხვა საფუძველზე, ვინემ მოითხოვს ჩვენი სამშობლოს ისტორიული მიმდინარეობა, მისი ზნე-ჩვეულება და ყოფაცხოვრება. იგი არის დამყარებული იმ აზრზე, რომ სრულიათ შესცვალოს ეროვნება... გარდა ამისა იგინი უხსნიან მეცნიერებას სრულებით უცხო ენაზე, უკრძალავენ სამშობლო ენის შესწავლას და მასზე გაწვიარებას“...

ამნაირათ მუშათა ქართულ ჟურნალ-გაზეთის პირველ ჩანასახში, ტფილისის ქართველ მოწინავე მუშათა ხელნაწერორგანოში წამოყენებულია ორი ძირითადი საკითხი: შრომის და ერის ჩაგვრის საკითხი.

ცხადია, იმ დროს, როცა ჩვენში ჯერ კიდევ სტიქიური მუშათა მასიური მოძრაობა არ იყო გაჩაღებული და არც მუშათა კლასის იდეოლოგია იყო მოწინავეებისაგან მაინც შეთვისებული, ეს საკითხები გაურკვეველი რჩებოდენ და ელოდენ იმ ხანას, როცა ჩვენშიაც გამოჩნდებოდენ „შრომის განთავისუფლების“ პიონერები და თავგანწირულ ბრძოლას შეუდგებოდენ.

ტფილისის სახელოსნო მოწაფეების (უკეთ მუშების) პირველ ცდას, მალე მოჰყვა ეს სანატრელი ხანა და მალე საქართველოშიაც პირველ ქართულ მარქსისტთა ხმა გაისმა. ეს მოხდა 1892 წლის მიწურულში.



ს. თალაკვაძე.

# საქართველოს რევოლუციონური მოქროვის წარსული.

(1870 წლიდან 1905 წლამდე)

პირველი ნაწილის დასახრული

X

88—89 წლები უკვე უტყუარი მაჩვენებელი გახდა იმისი, რომ საქართველოში იჩეკებოდა მოსული თუ ადგილობრივი კაპიტალისტები, იფურჩქნებოდა უკვე ჩასახული კაპიტალისტური მრეწველობა.

ტფილისში დაარსდა ფაბრიკა-ქარხნები: ლუდისა, ხელოვნურ წყლებისა, პაპიროსებისა, ტყავეულობისა, საპნისა და სხვა; გაფართოვდა მუშაობა ჭიათურაში შავი ქვის მრეწველობისა; ბათომში გაძლიერდა მსხვილი ნავთის მრეწველობის, — ნობელისა და როტშილდის ქარხნები, სადაც ასობით ირიცხებოდნენ მუშები. ამავე დროს საქართველოს რკინის გზის ხაზებზე და ტფილის-ბათუმ-სამტრედია-მიხაილოვის რკინის გზის მთავარ სახელოსნოებშიც გაცხოველდა მუშაობა. ამ დარგში ცენტრი გახდა ტფილისის რკინის გზის მთავარი სახელოსნო.

ეს კაპიტალისტური მსხვილი წარმოება დაუპირდაპირდა წვრილ შინაურ წარმოებას, წვრილ სახელოსნოებს. აქედან წარმოსდგა კონკურენცია, რის შედეგადაც გაძლიერდა პირველი, დასუსტდა უკანასკნელი.

ეხლა არა თუ მარტო წვრილი ხელოსანი შორდება თავის სახელოსნოს, გლეხებიც კი სოფლად ხშირად სტოვებენ თავიანთ ქობ-მახებს და მიეშურებიან ქალაქებში ქარხნებში სამუშაოდ.

წვრილ „ხელოსანთა კავშირის“ როლი ტფილისის მუშათა მოძრაობაში ეხლა შეიცვალა ფაბრიკა-ქარხნებში ჩაბმულ, ნახევრად გაპროლეტარებულ მუშების კავშირით.

ეს კავშირი, ჯერ კიდევ ჩასახვის პროცესში მყოფი, სუსტი, შემუშავებულ პროგრამას და სიმტკიცეს მოკლებული იყო, მაგრამ სა-

რევოლიუციო მოძრაობაში ისტორიას მისთვის მიეკუთვნებია მაინც როლი

ამ წლებმა წამოაყენა რევოლიუციონური მოძრაობის ისეთი ისტორიული ტიპები, როგორც იყო უმაგალითო, დაბადებით რევოლიუციონერი ზაქარია ჩოდრიშვილი, ლადო კეცხოველი, მიხა ბოჭორიშვილი, არჩილ არავიაშვილი და, ჯერ კიდევ ძალდონითსავე, მებრძოლების რაგებში მყოფნი — არაქელა ოქუაშვილი \*) გიორგი ჩხეიძე, ვანო სტურუა, აბელა ენუქიძე, ვასო ცაბაძე და კალისტრატე გოგუა (ორი უკანასკნელი დღეს უკვე მებრძოლების რიგებს აღარ ამშვენებენ. მათ ვერ გაუძლეს რევოლიუციის ბორბლის ტრიალს და ეხლა განაგრძობენ მის „გარეშე“ ცხოვრებას).

დაახლოვებით ამ წლებში ლიმონადის ქარხანაში მომუშავე არაქელა ოქუაშვილი დაუახლოვდა ერთ იქაურ ძველ უცნობ მუშას. უცნობი მუში, როგორც შემდეგ გამოიჩვენა, საკმარად გაცნობილი აღმოჩნდა რუსეთის ხალხური მოძრაობის ისტორიასთან, მაგრამ ამ თავის ცოდნას არ ამხელდა, მალავდა, რადგან ძლიერ დაეშინებია ალექსანდრე II-ის მკვლელობით გამოწვეულ რეპრესიებს. ახალგაზრდული ცნობის მოყვარეობით გატაცებულ არაქელას, როგორც დაახლოვებულს, სანდოს, მას ერთს არ შეუშინდა იგი და უამბო ყოველივე გავონილი ხაგმირო რევოლიუციონური ამბების შესახებ. მოთხრობილ ამბებში არაქელას ყურადღება განსაკუთრებით შეჩერდა თავგანწირულ რევოლიუციონერების მიერ მოხდენილ მრავალ ტერორისტულ აქტებზე, რის შედეგად მრავალი იმათგანი იქნა ჩამოხრჩობილი და საშინლად წამებული ჯალათების მიერ. ახალგაზრდა მუშა არაქელაში ამან შეიტანა გამუდმებით მსრბოლავი, დაუმშვიდებელი რევოლიუციონური სული.

არაქელა ოქუაშვილის აქტიური ჩარევით ხსენებულ ლიმონადის ქარხანაში ეწყობა სამეცადინო მუშათა პოლიტიკური წრე. ამავე წელს, წრეში მეცადინეობის დროს, არაქელა ეცნობა მათთან მაცადინეობისათვის მოსულს პოლიტიკურად გათვითცნობიერებულ ზაქარია ჩოდრიშვილს. ზაქარია მათ პირველად აცნობს გერმანიის გამოჩენილ სოციალისტს და მსოფლიო ტრიბუნს ლასალს, შემდეგ ჩერნიშევსკის, დობროლოჟოვს, დოსტოევსკის და ბოლოს იგი უკითხავს მათ „ოთხი ძმის“ ამბავს, რომლის შინაარსი წრეში ერთობ დიდ შთაბეჭდილებას სტოვებს.

ამ ხანებში არაქელა ოქუაშვილის მეოხებით წრეს უკავშირდება ფილიპე მახარაძე და ნოე ჟორდანიას, რომლებიც ერთად ცხოვრობდნენ ბინაზე.

\*) აქ არ ვიხსენიებ მიხა ჩოდრიშვილს, რადგან იგი ითვლება უფრო შორი წლებიდან და შეადგენს გამოწაკლის ერთეულს ჩამოთვლილებთა შორის.



ფილიპე მახარაძე და ნოე ჯორდანია ორივენი ეწეოდნენ მეტად დინეობას მათ წრეში პოლიტიკური გათვითცნობიერებისათვის\*).

წრესთან ახლო მდგომ, ზოგიერთ პირების წინადადებით, დაახლოვებით 89 წელს, დაწესებულ იქნა თავში 3 მანეთის საველ-ტებულო გადახდა წრის კასისთვის. ეს ფულები უნდა მოხმარებოდა კოოპერატივის სახით წარმოდგენილ საკუთარ „მომხმარებელ მაღა-ზიის“ გახსნას, რომ ამით დაპირდაპირებოდნენ კერძო ვაჭრებს, თავი დაეხწიათ მათი ფტკვენისაგან. ამ დროს წრეში მყოფ ვასო ცაბაძემ შემოიტანა წინადადება წრის საკუთარი ჟურნალის გამოცემის შესა-ხებ. წინადადება მიღებულ იქნა. ამისათვის საკმაო ასოთ-ანწყობე-ბიც აღმოჩნდა. ჟურნალის გამოსაცემათ თანხაც იშოვეს. წრის ორგა-ნომ იწყო გამოსვლა „მუშის“ სახელწოდებით. ჟურნალ „მუშის“ ისარი უმთავრესად მიმართული იყო მეფის წინააღმდეგ; ავრეთვე თავსდებოდა შიგ ღმერთისა და ეკლესია-სარწმუნოების წინააღმდეგი წერილები. მეფის წინააღმდეგ მიმართული ერთი ლექსის არაქელა ოქუაშვილისაც მოუხდა დაეწერა. ჟურნალის მე 1 ე თუ მე-5-თე ნომერმა შესძლო გამოსვლა და შემდეგ ცენზურამ იგი აკრძალა.

შემოჰკრა რეაქციის სუსხმა.

წრის წევრები და მასთან იდეურათ დაკავშირებული სემინარი-ელთა ჯგუფი ერთმანეთს დაშორდნენ; დაიფანტენ ისინი მათგან და მოუკიდებელ მიზეზთა გამო.

XI

ბაქო-ვლადიკავკავიდან ტფილისში დაბრუნებული მიხა ჩოდრი-შვილი მუშაობას იწყებს რკინის გზის მთავარ სახელოსნოში, ვაგო-ნთა ცეხში. აქვე მუშაობდა მისი ძმა ზაქრო ჩოდრიშვილი. რკინის გზა, რომელიც კერძო პირების ხელში იყო ამ ხანამდის, ამ წელს გადა-ვიდა სახელმწიფოს ხელში. ამის გამო ცეხებში გამოკრული იქნა შემდეგი შინაარსის განცხადება: „დღეიდან იწარმოებს მუშაობა დი-ლის 6 საათიდან და გათავდება საღამოს 6 საათზე. ვინც კი დაი-გვიანებს—თუ გინდ ეს 5 წუთი იყოს,—დაჯარიმებული იქნება ნახე-ვარი დღის ჯამაგირით.“

ეს მუშებს ერთობ ემძიმა, ალაშფოთა ისინი და გამოაცხადეს გაფიცვა. ეს გაფიცვა რკინის გზელების ცხოვრებაში პირველი იყო. გაფიცული მუშები გავიდნენ დიდუბის მოედანზე და გამართეს ერთმანეთს შორის მოლაპარაკება, ბჭობა, თუ როგორ მოექტენ, რო-გორ დაუხვდნენ გათამამებულ ადმინისტრაციის ვერაგობას და მის მექომავე ჟანდარმ—„ნაჩალნიკებს“.

\*) ესარგებლომ იქ „რევოლიუციონურ მოგონებათა სიღამოზე“ იმხ. არაქელა ოქუაშვილის მიერ ნააზრობით.

გაფიცვა დამარცხდა, რადგან შტრეიკებეზერები ჩამოერიენ საქმეში.

რამდენიმე დღის შემდეგ გაფიცულებმა ისევ განაახლეს მუშაობა.

გაფიცვამ ის მოიტანა მხოლოდ, რომ სამუშაო საათები დარჩა ძველებურად, ე. ი. 12 საათის ნაცვლად 11  $\frac{1}{2}$ .

ამის შემდეგ მუშების წინააღმდეგ გაცხოველდა რეპრესიები. დაუწყეს ჭერა და დაპატიმრება გაფიცვა-გამოსვლებში შენიშნულ მუშებს. ბევრი ამათვანი მეტეხის ციხეში გამოკეტეს, ბევრი კი სულ გადაასახლეს საქართველოს საზღვრებიდან.

გადასახლებულ-დაჭერილთა შორის მოხვდნენ: შტოროვი, კუნციკი, ზაიცოვი, კანავალოვი, იოზიფოვიჩი და სხვები.

დაპერილ-გადასახლებულებში იყვნენ რუსობა, ხოლო დათხოვნილებში—რამდენიმე ქართველ-სომხები. ამათ შორის მოხდა ახლად სამუშაოზედ მიღებული ძმები მიხა და ზაქარია ჩოდრიშვილები.

89—90 წლებიდან, საქართველოში, რამოდენიმეთ პირველ სამრეწველო კაპიტალისტურ ქალაქად ითვლებოდა ბათომი.

ბათომი იყო ამ დროს მრეწველობის მხრივ აყვავების პროცესში მყოფი ქალაქი, არა მარტო საქართველოს საზღვრებით, იგი უსწრებდა წინ ბაქოსაც კი ამიერ კავკასიის მაშტაბით.

პირველი მსხვილი, ტენიკის „უქანასქნელი სიტყვით“ მოწყობილი ქარხანა მოსულ და შინაურ კაპიტალისტებისა—როტშილდისა, ნობელისა და მანთაშევისა აქამუშავდა და მან მიიზიდა თავისუფალი მუშა ხელი საქართველოს ყველა კუთხიდან.

აი ამ ქალაქში, ბათომში 90-91 წ. წ. უხდება წასვლა რკინის ვხის სახელოსნოდან დათხოვნილ ძმებს მიხას და ზაქარია ჩოდრიშვილებს, რომლებიც შედიან აქ ნობელის ნავთის სამრეწველო ქარხანაში და იწყებენ მუშაობას.

აქ ისინი, როგორც დაინტერესებული რევოლუციონერები პირველი დღეებიდანვე ეცნობიან ქარხნის გაფითცნობიერებულ, მუშათა კითხვებში საშუალოდ მომზადებულ მოწინავე მუშებს. ეს მუშები იყვნენ უმეტესად ნემცები და რუსები, სამი-ოთხიოდე ქართველიც ერია.

ხსენებულ მუშების უმეტესობას საცხოვრებელი ბინა ჰქონდათ გოროდოკში, საუქსუზე. ამიტომ მუშაობის შემდეგ, საღამოთი და საერთოდ კვირა უქმე დღეობით იკრიბებოდნენ ისინი გარადოკში, ზან საუქსუზე ერთ-ერთ ამხანაგის ბინაზე და ჰქონდათ სჯა-ბაასი, ლაპარაკი, როგორც ეკონომიურ სფეროში, თავიანთი მდგომარეობის გაუმჯობესების შესახებ, ისე პოლიტიკურ სფეროში, პოლიტიკურ



კითხვებზე, რომელიც მიმართული იყო თვითმპყრობელობის რეკიმი-  
წინააღმდეგ.

ეს მეშინებისათვის საშიშარი „სიმშვიდის“ დამრღვევი, პოლი-  
ტიკური ხასიათის კრებები არ გამოეპარა ნობელის ქარხნის გამგეს  
და თვის ბოლო რიცხვებში, ჯამაგირის მიღების დროს, კრებების  
მონაწილე რამოდენიმე ხელმძღვანელთ ვანუცხადა: „თქვენ გისწორებთ  
რა სრულებით ანგარიშს მეტი დაშვებული სამუშაოზედ აღარ იქნე-  
ბით, დღეიდან ითვლებით დათხოვნილადო“. მუშების შეკითხვაზე, თუ  
რა იყო მიზეზი, ქარხნის გამგემ დაცინვით უპასუხა: „საუქსუზე და  
ვარადოკში იხსნება ახალი ქარხნები და იქ იქნება საჭირო თქვენი  
მუშაობა“-ო.

დათხოვნილ მუშებში იყვნენ საკმაოდ მომზადებული ნემეცი,  
რუსი და ქართველი მუშები.

გამგის ამ ვერაგობით აღშფოთებულმა ნემეცმა მუშამ ვებერმა  
ვერ შეურიგდა ადმინისტრაციის ამ „აქტს“ და დაუწყო მათ დავა,  
შეეკამათა-თუ რა უფლებით, მაინც რა საბუთიანი მიზეზით ითხოვ-  
დენ მუშაობაში სრულებით უდანაშაულო პატიოსან მუშებს. \*)

„თქვენ აბუნტებთ, აჯანყებთ მუშებს და ამიტომ გითხოვთ. აქ  
მეტი ლაპარაკი ამის შესახებ აღარ ვაგიგონო თქვენგან, თორემ  
ციხეში ჩაგყრიდით“. სასტიკი ბრძანების კილოთი მიუგო მან მუშა ვებ-  
ერს და აქ თან ქარხნის დარაჯსაც დაუძახა.

დანარჩენი მუშები ამ დროს კასასთან იდგენ ანგარიშის მი-  
საღებად.

გამგემ ჩუმად რაღაც უთხრა დარაჯს; დარაჯიც სწრაფლ სად-  
ღაც გაქრა.

დიდ ხანს არ გაუვლია, რომ დარაჯი მოვიდა და თან მოიყვანა  
ეანდარმიც.

ეანდარმმა ხელად ჩვენებები ჩამოართვა დათხოვილ მუშებს; შემ-  
დეგ მათ შორის ვებერი გამოყო და სადღაც წაიყვანა. იგი აღარ  
დაბრუნებულა შემდეგ.

რამდენიმე ხნის შემდეგ მუშების ყურამდის მიაღწია ამბავმა,  
რომ ნემეცი მუშა ვებერი ციხეში გარდაიცვალაო.

## XII

დათხოვილ მუშებს ერთხანს მოუხდათ კი უსაქმოდ ძრწილილი  
ქუჩებში, მაგრამ შემდეგ ჩაებენ როგორც იყო მუშაობაში,—ცალ-  
ცალკე, სხვა და სხვა წერილ სახელოსნოსა თუ ფაბრიკა-ქარხნებში.  
ზაქრო ჩოდრიშვილმა მუშაობა იწყო დამტვირთველ-გადამტვი-

\*) ვემაარები მოხატუ ამხ. მიხა ჩოდრიშვილის ხელით ნაწერ პირად მოგო-  
ნიბებს.

რთველის როლში უბრალო „მავ“ მუშად, ზღვის სანაპიროზე (პროსტანი), ეგრედ წოდებულ მუშათა არტელში, ნოვი სვეტის ქუჩაზე მიხა ჩოდრიშვილი კი ბათომის რკინის გზის ხაზზე იქნა მიღებული.

ეს იყო 1892 წელში.

ამ დროს ბათომში იმყოფებოდა ახლად ჩამოსული ეგნატე ინგოროყვა, — შრომელი ხალხის გულის მესაიდუმლეთ წოდებული, ნინოშვილის ფსევდონიმით, სახელგანთქმული ნიჭიერი ბელეტრისტი. უმუშევარ, უქმად მყოფ ეგნატეს უხდებოდა ადგილის ძებნა, თან ხეტიალიც აქა-იქ ნაცნობ-მეგობრების ბინებზე ღამის გასათევად. იშვიათი ადამიანი, ბუნებრივად, დაბადებით რევოლიუციონერი, მაგრამ ნიეთიერის მხრივ მეტად შევიწროვებული, იგი ერთობ შეეპყრო სიცოცხლის შემპყრელ სენს-ქლექს და ჩონჩხად ქცეული ახლა დამზგავსებოდა ცეცხლ წაკიდებულს, წვის პროცესში მყოფ სანთელს.

ადგილის შოვნა გაძნელებულიყო ეგნატესთვის...

ეგნატეს ჩამომდნარი, დაუძლურებული ორგანიზმი არ იძლეოდა იმედს, რომ იგი შესძლებდა მისთვის მძიმე ფიზიკური შრომის ატანას; ხოლო არა ფიზიკური, მისთვის შესაფერი, გონებრივი ბასიათის სამუშაო ადგილები კი ჯერ არსად სჩანდა.

სწორედ ამ ხანებში, ორი ყუთი წიგნებით ტფილისიდან ბათომში ჩამოვიდა ქართული ახალი ლიტერატურის უანგარო, დაულალავი გამაგრცლებელი ზაქარია ჭიჭინაძე და მოთავსდა ბინაზე მიხა ჩოდრიშვილთან.

ზაქარია დიდი ხნიდან იცნობდა ეგნატე ნინოშვილს; მან იცოდა ისიც, რომ ეგნატე ბათომში იყო ჩამოსული და ადგილს ეძებდა. ზაქარია ჭიჭინაძეს უყვარდა ეგნატე, იგი დიდათ აფასებდა მასში ახალგაზრდა, ნიჭიერ მწერალს, გენიალურ ბელეტრისტს. და ამიტომ ყოველგან და ყოველთვის იმის ცდაში იყო, რომ ხელი შეეწყუთ მისი არსებობა-ჯანმრთელობისათვის, რომ როგორმე ამოეყვანა იგი ირგვლივ ხელის შემშლელ ეკონომიურ მძიმე პირობებიდან და მიეცა სავალი გზები სამწერლო ასპარეზზე მოწოდებულ მისი ნიჭისა და გენიისათვის.

ზაქარია ჭიჭინაძემ ტფილისიდან ჩამოსვლისთანავე პირველ სალაპარაკო თემათ მიხასთან გაიხადა ეგნატე ნინოშვილის კრიტიკული მდგომარეობა.

ზაქარია ამ მოუთხრო მიხას, თუ ვინ იყო და რას წარმოადგენდა მშრომელი ხალხისთვის ეგნატე ნინოშვილი...

მან ბოლოს სთხოვა მიხა ჩოდრიშვილს, გადმოეყვანა თავის ბინაზე ეგნატე.



თხოვნა მიხამ დაუყონებლივ სისრულეში მოიყვანა.

ასე მოხდა გაცნობა და დაახლოვება ეგნატე ნინოშვილისა მიხა ჩოდრიშვილთან, შემდეგ ზაქარია ჩოდრიშვილთანაც.

ეგნატე იყო დიდი ნაკითხი, განვითარებული, თან მეტისმეტო უმწიკვლო, პატიოსანი, მტკიცე ნებისა და ხასიათის კაცი.

მიუხედავით იმისა, რომ ნაცნობობა, ერთად ცხოვრება და მეგობრობა ეგნატესთან არ იყო ხანგრძლივი, მიხასაგან მაინც არ დარჩა შეუმჩნეველი ეგნატეს იშვიათი ადამიანური და რევოლიუციონური თვისებები; მიხაზე და რამოდენიმეთ ზაქრო ჩოდრიშვილზედაც დასტოვა მან იმ გავლენის ბეჭედი, რომელიც შემდეგ მათი ცხოვრება—ბრძოლის სარბიელზე მუდმივ იმედით, ნუგეშის მომცემ-ათ და ბრძოლაში წამქეზებელ მაგალითად იდგა.

შეიძლება ითქვას, რომ მიხას და ზაქროს რევოლიუციით ანთებულ, გამუდმებით მსრბოლავი, მებრძოლი მოუსვენარი სული, რომელიც სიკვდილის უკანასკნელ წუთამდის ღვიოდა ზაქროში, რომელიც მძიმე სიბერემდის მოჰყვა მიხა ჩოდრიშვილს და კიდევ ეხლაც აღმაფრენ ფრთებს ასხამს 70 წლის მოხუცს, რამოდენ იმეთ მიეწერება უჩვეულო მებრძოლი სულის პატრონ ეგნატეს.

### XIII

შრომის პირობების კარნახით მიხა ჩოდრიშვილი იძულებული გახდა მასთან მცხოვრებ ეგნატე ნინოშვილს გამოსთხოვებოდა, დაეტოვებია იგი მარტოდ თავის ბინაზედ და გამგზავრებულიყო ჩაქვის რკინის გზის ხაზზე სამუშაოდ.

ცოტა ხნის შემდეგ, ზაქარია ჭიჭინაძის დახმარებით, ეგნატესაც ეშოვნა ადგილი როტშილდის ქარხანაში უფროს მუშად.

მრავალ ტანჯვა გამოვლილ ეგნატე ნინოშვილს ამით ეხლა უკვე მისცემოდა საშუალება, ეცხოვრა დამოუკიდებლად, ამხანაგ-მეგობრების „შეუწუხებლად“, რაც მას მუდამ სალაპარაკოთ ჰქონდა და ზურგზე აკიდული მძიმე ზნეობრივ ტვირთად მიაჩნდა.

მიზნედილი, მუდამ დაღონებული ეგნატე ამ ცოტა-ოდნად გაუმჯობესებულ ეკონომიურ მდგომარეობით მოცოცხლდა, დაღვრემილი სახე გაეშალა, გაუბრწყინდა.

ეგნატე ნინოშვილს ამ გარემოებით იმედი აღეძრა, — განეგრძო თავისი შემოქმედება სამწერლო ასპარეზზე, — მშრომელ კლასის საკეთილდღეოთ.

მან იწყო კიდევ უკვე ასეთი მუშაობა. მაგრამ ეგნატეს ამ მუშაობისთვის არ შეეძლო გამოეყენებია ის დრო, რომელიც მას უკვე მიყიდული ჰქონდა ქარხნის მეპატრონესათვის...

ასეთ სამუშაო დროთ ეგნატეს ჰქონდა მიჩნეული მხოლოდ, და-



მეგები, რომელსაც იგი მაგიდასთან კალმით ხელში მიმჯდარი, დაუძინებლად, წერაში მყოფი ათენებდა.

ასე ვარბოდენ დღენი...

ჩაქვის რკინის გზის ხაზზე სხვა დღიურ მუშებთან ერთად მუშაობაში ჩაბმულ მიხა ჩოდრიშვილს უხდება რკინის გზის ლიანდაგის შეკეთება—რემონტი—სადგურ ნატანებამდე.

გათვითცნობიერებული, მუშათა ინტერესებს გაცნობილი მიხა ჩოდრიშვილი უახლოვდება ლიანდაგის მუშა-მოსამსახურეებს და ეცნობა მათი მუშაობის მძიმე პირობებს.

რკინის გზის ამ ლიანდაგზე, ვარდა ლიანდაგის შეკეთებისას სწარმოებდა კიდევ გაძლიერებული მუშაობა აქა-იქ ზღუდე-კედლების ამოყვანისათვის, რათა ზღვის განმანადგურებელ ტალღებისაგან დაცულიყო ზღვასთან ახლო მდებარე რკინის გზის ლიანდაგი.

ამ დარგში მომუშავე მუშების რიცხვი განისაზღვრებოდა ორიოდე ათეული მუშით, რომელთა შემადგენლობაში შედიოდნენ უმეტესად ქართლ-კახელები: იყვნენ თან რამოდენიმე გურულ-მეგრელებიც.

ყოველივე ამის ხელმძღვანელი და მთავრობასთან პასუხის მგებელი პირი იყო ინჟინერი ნ. ზურაბოვი და მოიჯარადრე შადინოვი.

ხსენებული პირები,—გადამეტებული არ იქნება თქმა,—მათზე დანდობილ უმწეო მუშებს პირდაპირ ფცქენიდენ, ყვლეფდენ უმოწყალოდ.

გამდიდრების პროცესში მყოფი ზურაბოვ — შადინოვი ასობით და ათასობით იჩხრიალებდენ ჯიბეში ოქროებს, მოცემულს მუშების შრომის მითვისებით.

მუშებს საერთო საცხოვრებელ ბინათ ჰქონდათ იქვე აშენებული დიდი ყაზარმული სახლი, სადაც საღამოთი, მუშაობის გათავების შემდეგ, ერთად თავმოყრილნი იწყებდენ თავიანთ ჭირვარაშვე ბაასს, საუბარს; აქ, ამ დროს, სხვათა შორის დიდი ინტერესით იკითხებოდა „კვალნი“, ამ წელში პირველად გამოსული გიორგი წერეთელის რედაქტორობით, რომლის შოვნა უხდებოდა მიხა ჩოდრიშვილს სხვა და სხვა ბიბლიოთეკებიდან.

ვახეთის წაკითხვის „მონოპოლია“ მიეთვისებია მათ შორის ბყოფ, ერთს ხანში შესულ, წერა-კითხვის კარგად მცოდნე მუშას გურულ დათიკოს.

მუშების ყურადღება ძლიერ მიეპყრო „კვალში“ რამოდენიმე ფელეტონად დაბეჭდილ წერილს ამ სათაურით: „ქუჭი გამიბატონდა“.

მიხა ჩოდრიშვილი ასე აღგვიწერს ამ შთაბეჭდილებას: „... მუშები ამ წერილის კითხვის დროს მთლად სმენად იყვნენ გადაქცეული. გაათავა თუ არა კითხვა დათიკომ, ერთმა დაღვრემილმა მუშამ წამო-



იქრა ზეზე და სთქვა: რა თქმა უნდა ჩვენს ალებს და ყველა მის მსგავსებს გაბატონებული ყავთ კუჭი; მათ ხომ შეუძლიანთ მისცენ ყველაფერი კუჭს, რასაც მოითხოვენ.

— აბა შეილოსა, ზურაბოვ-შადინოვებს რაში დაენანებათ ჩვენი ნაოფლარი,—ჯაფა მოსდით ვაგონების დატვირთვაში თუ? —უპასუხა მეორე მუშამ.

აქ ბოლოს დათიკოც ჩაერია მათ კამათში:

—რა თქმა უნდა, ამხანაგებო, რომ ისინი ყველაფერს ჩაიყრიან გაუმაძღარ კუჭში. განა ამისთვის არ გვფტკენიან და გვაძრობენ ტყავს? ისინი რომ არიან თავიანთი კუჭის მონები ეს გასაკვირი არ არის, მაგრამ ჩვენ, ჩვენც რომ გახზადარვართ ბატონ ზურაბოვ-შადინოვის კუჭის მონები, ეს კი არის გასაკვირიც და შეურიგებელიც. . . . აი შეხედეთ, ამხანაგებო, თქვენს დაღრეჯილ სახეებს,—თქვენ დატვირთეთ დღეს 30 ვაგონი და მიიღეთ 21 მანეთი, ხოლო აქ მეორე მხრივ თქვენს დატვირთულ 30 ვაგონში 2 კაცმა,— ზურაბოვ-შადინოვმა მიიღო 82 მანეთი; ე. ი. ორმა კაცმა ჩვენ 20 კაცზე თითქმის ოთხჯერ მეტი. . . . ჩვენ სიმშლით ვკდებით ნახევრად, ისინი კი სულ ქეიფობენ, საუკეთესო საქმელები თავზე საყრელად აქვთ. . . . რაშია საქმე? ჩვენ განა არ შეგვიძლია შევცვალოთ ასეთი მდგომარეობა, თუ მთლად არა, რამოდენიმედ მაინც? შეგვიძლია ამხანაგებო, და ეს ჩვენს შეკავშირებაში უნდა ვპოვოთ. ასეთი შეკავშირებითა და ერთი პირით გამოსვლით,—თუმცა ჩვენს საკუთარ პრაქტიკაში ჯერ არ ყოფილა მაგალითი,—მაგრამ მე ვამიგონია, რომ ბევრ ადგილას სხვაგან მოიგეს, გაიმარჯვეს მუშებმა. . . . აი მაშინ, იმ დღეს შენს ბინაზე გოროდოკში, ხომ გახსოვს, მიხა, ეგნატე ნინოშვილმა რა გვითხრა. აი მისი სიტყვები: „თქვენ მუშები ბევრი ხართ, თქვენი ხაზენები კი ცოტანი; მაშასადამე თქვენ ერთობაში არის დაუშრეტელი ძალა; თქვენი მყვლეფელი ხაზენები რომ შეერთდენ მაინც უძლურნი იქნებიან თქვენთან ბრძოლაში. მაშ შეერთდით, შეკავშირდით: ყველაფერი, როგორც ჭირი, ისე ლხინიც საერთო გახადეთ,—აი თავდები თქვენი შრომის მძიმე პირობებიდან ამოსვლისა“—ო. და ჩვენც, ვინელმძღვანელოთ ამით ამხანაგებო.—დაასრულა დათიკომ.

ამ დროს ყურს უგდებდა მუშების ლაპარაკს ჩაქვის ლიანდაგის ოსტატი მაქაცარია; მას ეტყობოდა, არ მოსწონდა მუშების გულუბრყვილო, ერთმანეთ შორის გულახდილი საკუთარ ჭირ-ვარამზე ლაპარაკი. და აქ გაათავა თუ არა დათიკომ სიტყვა, მაქაცარია მოგვიბრუნდა მე და დათიკოს და მუქარით მოგვემართა: „თქვენ ეი, ნუ აზუნტებთ აქ მუშებს თქვენი ვაზეთების კითხვითა და ყბედობით. თორემ ხომ იცით რა მოგივათ“!!..

ამ ყვირილზე მუშებიც დაიშალნენ.



ყაზარმაში დაფანტულნი ისინი თავ-თავიანთ საწოლებზე ჯდნ დაღონებულნი.

ლიანდაგის ოსტატსაც წილი ჰქონდა მუშების ყვლეფაში, ფულების ჩაჯიბვაში და, რა თქმა უნდა, არ მოეწონებოდა მუშების ეს მძიმე ტკივილებზე ლაპარაკი... ასე ათავებს მიხა ჩოდრიშვილი თავის შთაბეჭდილებას.

XIV

დროებით ბათომში ჩამობრუნებული მიხა ჩოდრიშვილი კვლავ შეხვდება ეგნატეს, — ამ თავის გულითად მეგობარს და გადმოუშლის იქაური მუშების ცხოვრებას, გააცნობს მუშების წყვლეფულ ზურაბოვ-შადინოვის მიერ შემოღებულ რეჟიმს.

— ...რას იზამ ჩემო მიხა, როდესაც ეს ცხოვრება ასე უკულმართად არის მოწყობილი, — უთხრა თანაგრძნობით ავსებულმა ეგნატემ მას. — წალმა რომ მოვატრიალოთ ეს ცხოვრება, — განაგრძო ეგნატემ — ამისთვის საჭიროა, სწავლა, ბრძოლა; ერთიც და მეორეც ამ წყეულ წესწყობილების ხელშია. ჩვენს ხელში მხოლოდ სიმწარისაგან წარმოშობილი ბრძოლის სტიქიური სურვილი არის. ბრძოლას იარაღი უნდა მიხა; იარაღი კი ცოდნა არის; უკანასკნელი ჩვენ არ მოგვეპოვება, ჩვენ სიბნელეში, წყვდიადში ვიმყოფებით; ამ სიბნელით სარგებლობენ ჩვენი მტრები და ამიტომაც არის, რომ გვევლეფენ, გვატყუებენ გვაძრობენ უმოწყალოდ ტყავს. ასეა ჩემო მიხა, შადინოვ-ზურაბოვები და მათი ძმები მანამ იბატონებენ და ფეკქენიან მშრომელ ხალხს, სანამ არსებულ მონარქიულ წესწყობილებას ძალა აქვს, აბსოლიუტიზმი მძვინვრებს... მაშინ, აი მაშინ, როცა ჩვენ გავხდებით პატრონი ჩვენი თავისა, უკლება გვექნება ჩვენი შრომის ნაყოფი ჩვენ მიერ დაარსებულ მშრომელ საზოგადოებებს მოვახმართ, მაშინ, ჩვენ, ყველა ჩვენთაგანს ცალკე ექნება საშუალება პირადი ცხოვრება მოაწყოს თავის გემოვნებაზე... საჭიროა, მიხა, ცოდნის შეძენა, განვითარება, შეგნებული ბრძოლა; ამას კი მოგვცემს მშრომელი ხალხი, მუშების შეკავშირებული ძლიერი ორგანიზაცია... არ უნდა დაკარგოს ერთი წუთიც კი თავისუფალი დრო არც ერთმა მუშამ კითხვა-მეცადინეობის გარეშე... უნდა წაიკითხოთ თანამედროვე კარგი წიგნები. — დაასრულა ეგნატემ.

მიხას და ეგნატეს ასეთ კითხვებზე ლაპარაკით მთელი ლამიების გადათენება უხდებოდათ ხოლმე.

მიხა გულდასმით უსმენდა ეგნატეს და იკრეფდა გულში გამოუკლებლად წარმოთქმულ, რევოლიუციონურ სულის გამაღვივებელ ძვირფას სიტყვებს.

ყოველივე ეს, გათამამებულს, ბრძოლის წყურვილით სავსე მი-

ხას გადაქონდა მუშათა იმ წრეებში, სადაც თვითონ უხდებოდა მუშაობა.

ეს გადატანა, ეს პროპაგანდა-აგიტაცია, განვითარება და რეკოლიუციონური სულის შეტანა მუშებში კი ვახდა მიზეზი იმისი, რომ მიხა დაითხოვა შადინოვ-ზურაბოვმა სამსახურიდან. კიდევ მეტი, შადინოვ-ზურაბოვმა ეს არ აკპარა მიხას და როგორც პოლიტიკურად საშიშარს, პოლიტიკურ „დამნაშავეს“ ამაზე ცალკე საქმეც შეუყენა, ჟანდარმებიც ჩარიცხა საქმეში, და მიხა დაიჭირეს და რამოდენიმე დღე და ღამე ბნელ საკანში გამოკეტილი, უქმელი, ნაცნობ-მეგობრებს მოწყვეტილი ამყოფეს.

განთავისუფლების შემდეგ კვლავ ბათომში დაბრუნებულმა მიხამ ჩვეულებისამებრ ინახულა თავისი მეგობარი და მასწავლებელი ეგნატე და უამბო თავისი თავგადასავალი.

ეგნატემ ისევ განაახლა ლაპარაკი მიხასთან წინანდელ თემაზე. მან ვანმეორებით აუხსნა, განუმარტა მიზეზი იმ შექმნილი მძიმე მდგომარეობისა, რომელმაც ამდენი ტკივილები მიაყენა მუშებს.

დაბოლოს, არც ეგნატე იყო კმაყოფილი თავისი მუშაობის პირობით; მისთვისაც აუტანელი გამხდარიყო ქარხანაში უფროსი მუშის როლში მუშაობა.

— ჩემი, ჩემი მუშაობის პირობები კი სახარბიელოა?!. მიუღებელი და აუტანელი, პირიქით, ჩემი თანამდებობა ყოფილა!.. ქარხნის გამგე და უფროსები მეუბნებიან, რომ, როგორც მეთვალყურე და უფროსი პუშა, ჩემს ხელქვეით მუშებს მე სასტიკათ მოვექცე, რომ მათ მე ძალა დავატანო და რაც შეიძლება მეტი, ნორმაზედ მეტი ვამუშაო. ვაკეთებო საქმე, რომ 10-20 წუთით უფრო ადრე დავაწყებო მათ მუშაობა; ხოლო გავანთავისუფლო კი გვიან, რაც შეიძლება გვიან... ასეთი თანამდებობა მე კი შემეფერება? ეგლა მაკლდა, რომ ბურჟუაკაპიტალისტებმა ჩემის შემწეობით და დახმარებით ყვლიფონ, სწურონ ჩემი ძმები, ჩემს პირობებში მყოფი ამხანაგი მუშები და ისტელონ თავიანთი ისედაც ვასტელებული ჯიბეები... მუშები მშვიდნი, ნახევრად შიშველნი, მუშები, რომლებიც დილიდან საღამომდის მუშაობენ, საშინლად იქანცებიან, — მეუბნებიან „ჩქარა ჩქარა“ უძახეო. ძალა დაატანე, რომ ბევრი იმუშაონ, ბევრი გააკეთონო .. არა! ამისთანა პირობებში ჩემი აქ დარჩენა და მუშაობის გაგრძელება შეუძლებელია!.. მე რომ არ დავეთხოვო, თითონ ისინი დამითხოვენ, როგორც მათთვის „გამოუსადევარ“ კაცს... ამიტომ მე ვფიქრობ თავი დავანებო აქ და ისევ ტფილისში წავიდე. დაასრულა ეგნატე ნინო-შვილმა თავისი ჩივილი მიხასთან.

ამის შემდეგ არ გაუვლია დიდხანს, რომ ეგნატე გამოვიდა რო-



ტშილდის ქარხანიდან, მოშორდა სრულებით ბათომსაც და გამაღვივდა ტფილისისაკენ.

## XV

92 წელი 93—94 წლებმა შესცვალა.

ამ წლებმა საქართველოს მოუტანა ეკონომიურად გაძლიერება, კულტურულად აღორძინება.

გაიზარდა ფაბრიკა-ქარხნების რიცხვი, გაიზარდა მუშა-ხელები. გამრავლდა დაბალი და საშუალო სასწავლებლები, როგორც ქალაქად ისე პროვინციებში, სოფლად.

წვრილიდან მსხვილ წარმოებაზე გადმოსული ბურჟუაზია მოძლიერდა.

მოეწყო სააღმშენებლო და ურთიერთშორის ნდობა-დახმარების წვრილი სასოფლო და მსხვილი საქალაქო ბანკები.

გამოვიდა სხვა და სხვა ჟურნალ-გაზეთები, სხვა და სხვა ჯგუფისა და მიმართულების გამომხატველნი.

გაცხოველდა წიგნებისა და საერთოდ ლიტერატურის გამოცემის საქმე.

ეკონომიურმა განვითარებამ და აქედან კი კულტურულად გაძლიერებამ, გამოიწვია ხალხის მასსიური თვით-ამოქმედება.

მსვლელობა მიეცა დაბადებულ „საზოგადოებრივ აზრებს“; ეხლა ყველა იძულებულია ანგარიში გაუწიოს მას და დაემორჩილოს მის ნებას.

წარსული წლებით წარმოშობილმა უსახო, უპროგრამო წრე-ჯგუფებმა გაიარეს დიფერენციაციის საფეხურები და ეხლა იწყეს პარტიის სახის მიღება, პარტიის ჩარჩოებში ჩამოყალიბება,—მთლიან ორგანიზაციების მოწყობა და შეკავშირება.

მომწიფდა პოლიტიკური კითხვები... 92 წლის დასასრულს, დეკემბრის მიწურულში ეგნატე ნინოშვილმა ქიათურაში (ყვირილა) იოსებ კაკაბაძის ბინაზე, **მიხა ცხაკაიას** აქტიური ჩარევით, მოიწვია სოციალისტურად და მარქსისტულად მოაზროვნე, მოწინავე ინტელიგენტების ვიწრო კრება; კრებას დაესწრენ შემდეგი პირნი: კრების ინიციატორი ეგნატე ნინოშვილი, მიხა ცხაკაია, სილიბისტრო ჯიბლაძე, რაქდენ კალაძე, კარლო ჩხეიძე, ნოე ჟორდანიას და სხვები.

ამ კრების მიზანი იყო, სოციალისტურ აზროვნებაში გამეფებულ „ტ. ტიათა მოტრფილზე“ ანუ ნაროდნიკ მიხაილოვსკის—წვრილ ბურჟუაზიულ, არა-პროლეტარულ მსოფლმხედველობის გავლენიდან განთავისუფლება და მის ნაცვლად პროლეტარულ-კლასობრივი ბრძოლის მასწავლებელ, ახლად გადმონერგილ მსოფლ-მხედველობის—მარქსიზმის შეცნობა და მიღება,—ეს პირველი; ხოლო მეორე—

მარქსიზმის გასაღვივებლად, მარქსისტული—რევოლიუციონური ორგანიზაციისათვის საფუძველის ჩაყრა, მისი შექმნა-დაარსება.

... თიზიკურად სუსტმა, ორგანიულად დაუძღურებულმა, მაგრამ რკინის სურვილით გაფოლადებულმა, ბრძოლის წყურვილით სავსე ეგნატე ნინოშვილმა წადილი რამოდენიმედ აღისრულა.

კრების წევრებში არ აღმოჩნდა არც ერთი წინააღმდეგი იმ მსოფლ-მხედველობისა, რომლის ხორც შესასხმელად და ორგანიზაციის სახით რეალურ ჩამოსაყალიბებლად ეგნატემ ეს კრება მოიწვია.

ეგნატემ მიიღწია დასახულ მიზანს, რომელიც, მშრომელ კლასის საკეთილდღეოთ, კლასობრივ ბრძოლის გაჩაღებაში უნდა გამოხატულიყო...

შექმნილ ორგანიზაციის პირველი ამოცანა—კოლექტიურად, ერთი მთლიანი, ახალი იდეოლოგიური ფრონტით გამოსვლა სამწერლო ასპარეზზე, ძველ, ნაციონალისტურ და წვრილ-ბურჟუაზიულ, არა მეცნიერულ-სოციალისტურ ფრონტის წინააღმდეგ—სასურველად ტარდებოდა. განსაკუთრებით აქ ეგნატე ნინოშვილი ბრძოლის მიზნით მთლიანად მიენდო სამწერლო ასპარეზს. მოთხრობებს გარდა, მან ამ ხანებში დაიწყო წერა და მოათავსა გაზეთებში პუბლიცისტური წერილებიც.

გამოყოფილი ორგანიზაცია, შემდგარი მარტოდ და მხოლოდ ინტელიგენტებისაგან,—ჯერ კადევ მოუღონიერებელ, სუსტ მარქსისტულ რევოლიუციონურ ჯგუფისა, ინახებოდა დიდი საიდუმლოებით...

ასე წარმოიშვა პირველი ჩანასახი მარქსისტული ორგანიზაციისა.

ამ ორგანიზაციის ერთი სულის ჩამდგმელთაგანი იყო, მაშინ ვარშავაში მყოფი, ვარშავის რევოლიუციონურ სოციალ დემოკრატიულ ორგანიზაციაში მომუშავე ფილიპე მახარაძე, რომელსაც იმ დროს ვარშავიდან დაბრუნებულ ამ ორგანიზაციის მეორე იდეურ ხელმძღვანელ (პირველი ეგნატე ნინოშვილი იყო) ნოე ჟორდანიასთან, როგორც იდეურ და პოლიტიკურ მეგობართან, ჰქონდა გაუწყვეტელი კავშირი, პირადი, მაგრამ საქმიანი, პოლიტიკური ხასიათის მატარებელ მიწერ-მოწერის საშუალებით \*).

94 წელს, მაისის რიცხვებში, უდროვოდ გარდაცვლილ ეგნატე ნინოშვილის დასაფლავებაზე, რომელსაც ადგილი ჰქონდა გურიის

\*) ნ. ჟორდანიამ მოამზადა საპროგრამო პროექტი განზრახული პირველი მარქსისტთა კრებისთვის, რომელიც ვარშავაში მყოფ ფ. მახარაძეს გააცნო ცალკე წვრილით. ფილიპემ ამის შესახებ გამოგზავნა ჰეშმარტ მარქსისტული პასუხი, რითაც შესწორება შექმნდა პროექტში.



სოცველ ჩოჩხათში, სასაფლაოზე პატივსაცემლათ თავმოყრილ მრავალ ხალხის წინაშე ხსენებული ორგანიზაციის დავალებისამებრ სლიბისტრო ჯიბლაძემ წარმოსთქვა დიდი პროგრამული სიტყვა მარქსისტული ჯგუფის სახელით, რითაც ენლა უკვე აშკარად ეცნო ქვეყნას, რომ საქართველოში დაარსდა ახალი მარქსისტული მსოფლ-მხედველობით გამსჭვალული რევოლიუციონური და სოციალისტური ჯგუფი, ანუ მესამე დასი (გიორგი წერეთლის დარქმევით), რომლის დამაარსებელის, — გაცივებულ ეგნატე ნინოშვილის გვამს, უკვე მიწას აბარებდენ ენლა.

კოტა ხნის შემდეგ ტფილისში, საქართველოს ამ ცენტრში დაარსდა მუშებისაგან შემდგარი პირველი სოციალ-დემოკრატიული პარტია წრე. რომელშიც შედიოდენ მხოლოდ მუშები: ზაქარია ჩოდრიშვილი, არაქელა ოქუაშვილი, ვასო ცაბაძე, არჩილ არავიაშვილი. სანდრო ბაქრაძე და სხვა. ეს წრე აწარმოებდა მუშებში მარქსისტულ, სოციალ დემოკრატიულ მუშაობას, პროპაგანდა-აგიტაციის წყვითა და რუსეთიდან მოსული „ოსვობოძედნიე ტრუდას“ \*) რევოლიუციონურ-მარქსისტულ არალეგალურ ლიტერატურის გავრცელებით.

მწ წლიდან უკვე ტფილისის რკინის გზის მთავარ სახელოსნოში, და ბათომის ნავთის სამრეწველო ქარხნებში, — როტშილდის, ნობელის და მანთაშვილისაში ჩაისახენ მომქმედი პოლიტიკური ორგანიზაციები, პარტიის ჩონჩხი ანუ უჯრედები.

ატმოსფერა, ყველგან, ქარხანა-ფაბრიკების შიგნით რევოლიუციონური და მარქსისტული სუნით იყო გაჟღენთილი, მაგრამ ჩამოჯალიბებული, მებრძოლი მარქსისტული პროგრამმა ჯერ კიდევ მაინც ვერ დასდებოდა საფუთქვლად ჩასახულ რევოლიუციონურ ორგანიზაციებს: ხსენებულ ორგანიზაციებს ჯერ კიდევ ვერ წარმოეშვა და

\*) მღებანოვისა, აქსელროდისა და ვერა ზასულიჩის მიერ 1888 წ. საზღვარ გარეთ იქნა დაარსებული მესამე დასის მზგავსად, მარტო ინტელიგენტებიდან შემდგარი რუსული მარქსისტული ჯგუფი — „შრომის განთავისუფლების“ სახელწოდებით. ეს ჯგუფი ამ დროს თავის გამოცემებს არა-ლეგალურად აგზავნიდა რუსეთში. ამ გამოცემებიდან, ნაწილის საქართველოში გამოგზავნის ორგანიზაციის მოწყობას შეეცადა ფ. მახარაძე და ნ. ყორდანიი უკანასკნელი მუ წელში უკვე ითვლენოდენ მომწიფებულ მარქსისტებად და ეწეოდენ მუშაობას ვარშავის რევოლიუციონურ მარქსისტულ ორგანიზაციაში. გამოკვეეული არაა ჯერ ის, — თუ რამდენათ შესძლეს მათ ამ ცდის სისრულეში მოყვანა; ერთი კი ცხადია, რომ ეს არალეგალური მარქსისტული ლიტერატურა აღწევდა ტფილისში. მუ წელს ზაფხულზე უკვე მარქსიტი ყორდანიი ბრუნდებდა საქართველოში, რომელიც მუვი არ არის იმაში, რომ შესაფერ მარქსისტულ ლიტერატურასაც თან იტონიებდა წამოსადებათ 14 წელს ფ. მახარაძე კი უკვე ვარშავის ციხეში იჯდა, როგორც მარქსისტულ ორგანიზაციაში ნაპოშვეარი, პოლიტიკური დამნაშავე და „იხდიდა“ სასჯელს.



აღეზარდა თავის შიგნით საამისოთ თეორეტიულად მომზადებული და პრაქტიკაში ნაცადი პირები.

დასახელებულ ყველა მუშათა ცენტრებში ეს უგეგმო, პროგრამით განუსაზღვრელი, რევოლიუციონურ ამოცანებს მოკლებული ორგანიზაცია-უჯრედები მართავდნენ ხოლმე კრება-სხდომებს ხან გამოშვებით, არჩევდნენ დღის წესრიგში დამდგარ ამა თუ იმ ეკონომიურ და პოლიტიკურ ხასიათის საჭირ-ბოროტო კითხვებს, გამოჭქონდათ გარდაწყვეტილება. გადაედგათ ესა თუ ის რევოლიუციონური, საზოგადოებრივი მნიშვნელობის ნაბიჯები.

მომქმედი ორგანიზაცია-უჯრედების წევრები არც ერთი თავიანთ გვარებზე მაშინ არ სცხოვრობდნენ: კრება-სხდომებზე გამოდიოდნენ ისინი სალაპარაკოთ და ეწეოდნენ რევოლიუციონურ მუშაობას უცნობის სახელ-გვარებს ამოფარებულნი, — ამ დროის რევოლიუციონურ პრაქტიკას შემოეღო მხოლოდ ფსევდონიმებით მოქმედება.

ეს გარემოება სხვათა შორის აძნელებს დასახელებას და აღდგენას იმ პირებისას, რომლებიც იყვნენ მომწყობნი პირვანდელი სახის ორგანიზაციებისა.

ბათომში, მანთაშევის ქარხანაში, გაფიცვის წინასწარ მოსამზადებელ ერთ-ერთ არალეგალურ კრებაზე, სადაც ხელმძღვანელი მუშები და ინტელიგენტები ამბობდნენ გაფიცვისათვის წასაქვზებელ რევოლიუციონურ სიტყვებს, მისი მონაწილე მიხა ჩოდრიშვილი ასე აღნიშნავს მას: „აქ ყველა ორატორებს საიდუმლოების დასაცავად, მეტი სიფრთხილისთვის თავიანთ თავისთვის დაერქვათ სხვისი გვარები; ეს გვარები იყო: ახმედ-ჭო, ხოჯა, როსტომ მურად, ქელჭოდ და სხვა“.

მათი ნამდვილი გვარების გაგება ვერ მოეხერხებია მიხასაც კი, იმ მიხას, რომელიც განსაკუთრებული ნდობით იყო აღჭურვილი იქ.

ასეთი საიდუმლოებით იყო მოცული ეს ორგანიზაციები ტფილისში და სხვაგანაც.

ტფილისში დაარსებული მარქსისტული პატარა წრეები 95, 96 წლებში განვითარდა, გაიზარდა, მომწიფდა და შედეგათ 97 წელს მან უკვე მიიღო კომიტეტის სახე. ამ კომიტეტში შედიოდნენ: ზაქრო ჩოდრიშვილი, არაქელა ოქუაშვილი, არჩილ არავიაშვილი, ვასო ცაბაძე და სანდრო ბაქრაძე, — ყველანი მუშები იყვნენ. ინტელიგენტებს მათში ადგილი არ ჰქონდათ. 1898 წლიდან, როცა პარტიული და რევოლიუციონური მუშაობა ერთობ გაფართოვდა, როცა რევოლიუციონურ მუშათა ორგანიზაციების გვერდით საჭირო შეიქნა რევოლიუციის ასევე სამსახურის გამწევი ბეჭდვითი ორგანოები, როცა რევოლიუციის პრაქტიკულ კითხვებთან ერთად თეორეტიული, მარქსის-



ტული კითხვებიც წარმოიშვა, — მაშინ კოოპტაციით შეყვანალი ინტელიგენტები კომიტეტში შემდეგი მარქსისტი ინტელიგენტებიც: რ. კალაძე, ლადო კეცხოველი, მიხა ბოკორიშვილი, სევერიან ჯუღელი, სილიბისტრო ჯიბლაძე და ალექსანდრე შატილოვი; კომიტეტთან შემოკრბნენ და აქტიურ დახმარებას უწევდნენ მას რევოლუციონურ საქმიანობაში აგრეთვე ფ. მახარაძე, გ. ჩხეიძე, მიხა ჩოდრიშვილი, დათიკო სართიშვილი და გ. თელია.

უნდა აღინიშნოს შემდეგი: მიუხედავად იმისა, რომ ბაქო და ბათომი ითვლებოდა ყველაზე უფრო სამრეწველო კაპიტალისტურ ქალაქად არა მარტო საქართველო-ადრბეიჯანში, არამედ მთელი კავკასიის მაშტაბითაც, მიუხედავად იმისა, რომ ნახევრად პროლეტარი, გაპროლეტარების გზაზე შემდგარი მუშები უმეტესად ამ ქალაქებში იყვნენ თავმოყრილნი, და მუშათა მოძრაობა აქ ხდებოდა უფრო თვალსაჩინო, ცენტრი მაინც მუშათა რევოლუციონური ორგანიზაციებისა, პოლიტიკურად ამაოქმედებელი სიგნალის მომცემი, — მარქსისტულ სოციალ-დემოკრატიული პირველი იარაღებით, — მრეწველობის მხრივ უფრო სუსტი ქალაქი ტფილისი გამხდარიყო.

ტფილისი გამხდარიყო დაწყებულ რევოლუციონურ მოძრაობის ის ხელმძღვანელი ცენტრი, რომელიც ყურადღებას იქცევდა არა მარტო ბაქო-ბათომისას, — მისი გავლენა, მისი რევოლუციონური კარნახი და დირექტივები ტარდებოდა, ვრცელდებოდა კიდევ იქით, შორს ჩრდილო კავკასიის სამრეწველო ქალაქებზედაც.

... ვინ შეასხა აქ ხორცი მარქსისტულ მოძღვრებას? ვინ მისცა აქ საქართველოში თეორიული საფუძველი სოციალ-დემოკრატიას. დაუპირდაპირა იგი სხვა, უტოპიურ სოციალისტურ მიმართულებებს და გაუკაფა ეკლიანი გზები, შეუქმნა ბაზა მარქსიზმის იდეოლოგიურ ფრონტს?

ის ცნობები, რომელიც ჯერ-ჯერობით ჩვენ მოგვეპოვება, გვეუბნება, რომ 80 წლების მეროვ ნახევრიდან გაჩნდა საქართველოში რუსეთიდან გადმონერგილი სოციალისტური მიმდინარეობანი, მაგრამ იგი არ ყოფილა მარქსისტული; სოციალ-დემოკრატიას აქ მაშინ არ იცნობდნენ; სოციალ-დემოკრატია სრულფაზით არ იყო ხსენებაში, ხსენებული მოწინავე ინტელიგენტები, როგორც იყვნენ, — ეგნატენი-ნოშვილი, ფ. მახარაძე, მიხა ცხაკაია, სილიბისტრო ჯიბლაძე, ნოე ჯორდანიას, რ. კალაძე, სევერიან ჯუღელი და სხვები, იყვნენ რუსეთის ნაროდნიკების გავლენის ქვეშ მოქცეული სოციალისტები. ლავროვი, ჩერნიშევსკი და მიხაილოვსკი იყვნენ იმათი იდეოლოგები ამ ხანებში. აჭა-იჭ, ხსენებულ ინტელიგენტებში იყო კი კანტი-კუნტი დაპარაკი ლასალზე, მაგრამ ეს ლაპარაკი იყო მაზე როგორც გამოჩენილ მსოფლიო ტრიბუნზე, უმავალითო ორატორული ნიჭის პატ-



რონ სოციალისტზე, ბიროვნებაზე და არა მის მოძღვრებაზე, მის პოლიტიკურ და იდეურ მიმართულებაზე; ამ მხრივ მას აქ არაფერ არ იცნობდა: მათ ამ ხანებში არ შოეპოვებოდათ ამის მომცემი შესაფერი ლიტერატურა-წიგნაკები.

90 წლების მეორე ნახევარში ენევიდან დაბრუნებული ეგნატე ნინოშვილი, ხალხში გავრცელებულ, შეუმოწმებელ ცნობების მიხედვით, იდგა მარქსისტულ მიმართულების ხაზზე. იგი არ იზიარებდა საზოგადოებაში გამეფებულ ნაროდნიკების უტოპიურ სოციალიზმს, მაგრამ ეგნატეს მარქსისტული სწავლა ისე სუსტი, მოუმწიფე ზელი და ბურუსიანი იყო, რომ მას არ შეეძლო საამქარაოზე გამოეტანა იგი, მიეცა მისთვის რეალური სახე და დაეპირდაპირებია მოწინააღმდეგეებისათვის. ეგნატე, ასე ვსტკვათ, ზერელე, არა საფუძვლიანათ და ისიც შემთხვევით გასცნობოდა შეეიცარია-საფრანგეთში ზანმოკლე ჟოფნის დროს მარქსიზმს, გაეგონა გერმანიაში მუშათა მოძღვრების, — სოციალ-დემოკრატიულ პარტიის არსებობა.

90 წლების მიწურულში ვარშაეაში სასწავლებლად გამგზავრებული ფ. მახარაძე და ნოე ეორდანიი ეცნობიან მარქსიზმს. იქაურ მუშათა რევოლიუციონურ ორგანიზაციებში სწავლობენ მას საფუძვლიანად. 92 წელში ისინი უკვე ითავლებიან მოზადებულ, მომწიფებულ მარქსისტებად და აი იქიდანე, თუ იქიდან უკვე საქართველოში დაბრუნებისას მათ პირველათ გადააქვთ რევოლიუციონურ ინტელიგენციაში ეს მარქსისტული შეხედულებები: აცნობენ ისინი სოციალ-დემოკრატიას საქართველოს მოწინაეე მუშებს, აგრცელებენ მას, როგორც მუშურ, კლასობრივ-რევოლიუციონურ მეცნიერულ-სოციალისტურ მოძღვრებას სოციალ-დემოკრატის სახელწოდებით. ფ. მახარაძე და ნ. ეორდანიი იყვნენ მარქსისტული მოძღვრების საფუძვლის ჩამყრელი საქართველოში. საქართველოში დაბრუნებულმა ნ. ეორდანიამ 92 წელს ზაფხულში და ფ. მახარაძემ 95 წელს მისცეს თეორიული საყრდნობი მარქსიზმს საქართველოში, რის შედეგათ უველა ზენოთ ჩამოთვლილი მოწინაეე ინტელიგენტები გახდენ მარქსისტები და ამ უკანასკნელების მეოხებით, განვითარებულ რევოლიუციონურ მუშებთან ერთად ჩაეყარა პრაქტიკული საფუძველიც სოციალ-დემოკრატიულ პარტიას.

1896-97 წლიდან ფ. მახარაძე პერიოდულ და დღიურ გამოცემებში, „კვალში“ თუ სხვაგან იწყებს მარქსიზმის თეორიაზე წერას. მარქსისტული, — მეცნიერული სოციალიზმის, წერილ ბურჟუაზიულ, — არა მეცნიერულ სოციალიზმთან დაპირდაპირებას, უკანასკნელის კრიტიკის ქარცეცხლში გატარებას, უარყოფას, ხოლო პირველის დასაბუთებას მის გამოავრება-განმტკიცებას. 98 წელში საზღვარ გა-



რეთიდან ჩამოსულმა ნ. ჟორდანიამ და საქართველოში მცხოვრებმა მახარაძემ სრულებით დაეპატრონენ გიორგი წერეთლის ხელში მყოფ, უპროგრამო, ვიწრო ნაციონალ-დემოკრატიულ კვირულურ ჟურნალს „კვალს“ და მისცეს მას წმინდა მარქსისტული ხასიათი, — მარქსისტულ-სოციალ-დემოკრატიული მიმართულება.

ამ ორგანომ შემოიკრიბა თავის გარშემო საქართველოს ყველა მოძრავე, პროგრესიული, რევოლუციონური, მოწინავე საზოგადოებრივი ძალები.

98 წლიდან კვირეული ჟურნალი „კვალი“ გახდა პირველი რევოლუციონური და სოციალისტური ორგანო, რომელიც აძლევდა საკვებს ჩასახულ სოციალ-დემოკრატიულ პარტიას, ზრდიდა, ამწიფებდა მარქსისტულ თაობას.

1898 წელს მარქსისტული ჟურნალი „კვალი“ ერთად ერთი ქართული ორგანო იყო (რუსული ამ მიმართულებების გაზეთი კი არ არსებობდა ამ დროს), რომელიც სენსაციას ახდენდა მკითხველებში, გაფაციცებით იკითხებოდა ყველგან. „კვალმა“ აშკარად აღმართა ბრძოლის მარქსისტული, სოციალ-დემოკრატიული დროშა ილია ჭავჭავაძის ეროვნულ-ნაციონალისტურ გაზეთ „ივერიისა“ და ჯაბა-დარ-ზდანოვიჩის ნაროდნიკული მიმართულების წინააღმდეგ.

ამ დროს რუსეთის მრავალ სამრეწველო დიდ ქალაქებშიც უკვე გამტკიცებულიყო კარგა ხნიდან ჩასახული მარქსისტულ სოციალ-დემოკრატიული ორგანიზაციები, წარმოდგენილი შემდეგი ჯგუფების სახით: „რაბოჩაია გაზეტას“-ი, „მუშათა კლასის განთავისუფლებისათვის ბრძოლის კავშირი“-სა, „მოსკოვის კავშირი“-სა, და „ბუნდის“-ა (რუსეთისა და პოლონელ ებრაელ მუშების კავშირი), რომელთა შემაკავშირებელ ბეჭდვითი ორგანოთ გამხდარიყო 1897 წლიდან გამოსული კიევის გაზეთი „რაბოჩაია გაზეტა“.


„რაბოჩაია გაზეტას“ ინიციატივით 1898 წელს მარტის რიცხვებში ქალაქ მინსკში შესდგა პირველი, სოციალ-დემოკრატიული პარტიის დამუუქნებელი ყრილობა.

ამ ყრილობაზე დასასწრებლად არჩეული იქნა დელეგატი საქართველოშიც, ტფილისის სოციალ-დემოკრატიული ორგანიზაციიდან. ეს პირი იყო ტფილისის კომიტეტის წევრი, ნახევრად მუშა და ნახევრად ინტელიგენტი, ვასო ცაბაძე. მაგრამ ვასო ცაბაძეს, მისგან დამოუკიდებელ მიზეზთა გამო ვერ მოუხდა წასვლა ყრილობაზე. მისივე ვადმოცემისამებრ, იგი დაკავებულ იქნა შემთხვევით ჟანდარმებისაგან, რამაც სრულებით ჩაშალა მისი გამგზავრება მინსკის პარტიულ ყრილობაზე. ამ რიგად პირველ პარტიულ ყრილობაზე საქარ-



თველოს თავისი წარმომადგენელი აღარ ყოლია. მაგრამ მიუხედავად ამისა მინსკის პარტიულ ყრილობის ყოველივე წესდება-დადგენილებები მიღებული იქნა ტფილისის სოციალ-დემოკრატიულ ორგანიზაციების მიერ და ამიერიდან ისინიც თვლიდენ თავს,—**რუსეთის სოციალ-დემოკრატიულ მუშათა პარტიის** ორგანიზაციების განუყრელ წევრად.

27 მარტი—ტფილისი.



# მოგონებები.

მ. შახარაძე.

## კოგპარს. ისტორიისათვის ამიერ-კავკასიაში.

პირადი მოგონებაანი

(რ. კ. პ. არსებობისა და ბრძოლის 25 წლის თავის გამო)

### პარტიის გარიჟრაჟზე.

25 წელმა განვლო რუსეთის სოციალ-დემოკრატიულ მუშათა პარტიის ორგანიზაციულ ჩამოყალიბების დროიდან, რასაც ადგილი ჰქონდა 1898 წლის 1—3 მარტს (ძველი სტილით) ქალაქ შინსკში გამართულ საიდუმლო ყრილობაზე. ამ ყრილობამდე, 15 წლის წინეთ, ე. ი. 1883 წ. ქ. ვენევაში, რუსი-რევოლიუციონერები გ. ვ. პლეხანოვის მეთაურობით, რომლებიც წინეთ ნაროდნიკულ პარტიებს ეკუთვნოდნენ (Черный передел, Народная Воля), საუფუძველს უყრიან „შრომის განთავისუფლების ჯგუფს“—პირველ იაჩეიკას მომავალ რუსეთის სოც.-დემ. მუშათა პარტიისას—შემდეგ რუსეთის კომუნისტურ (ბოლშევიკების) პარტიისას, რომელსაც წილათ ხვდა უდიდესი როლის შესრულება არა მხოლოდ რუსეთის, არამედ მთელი მსოფლიოს მუშათა კლასის რევოლიუციონურ მოძრაობაში. ეს მცირე, პირველ ხანებში შეუჭმინეველი საზღვარგარეთელი ორგანიზაცია, თანდათან და სისტემატიურათ აფართოვებს თავის. იდეურ ზეგავლენის სფეროს რევოლიუციონურათ განწყობილ მუშებში და მაშინდელი რუსეთის ინტელიგენციაში. პირველ ხანაში ის იზიდავდა თავისკენ განსაკუთრებით ყველა უფრო ერთგულ და შეგნებულ კლემენტებს.

მცირე ხნის შემდეგ რუსეთის, პოლონეთის, ლიტვის და კავკასიის თითქმის ყველა უმთავრეს ცენტრებში გაჩნდა ჯერ ნაპერწყალი სოციალ-დემოკრატიულ მოძრაობისა, ეს ნაპერწყალი იზრდებოდა თანდათან და ბოლოს ნამდვილ ალათ იქცა, რომელიც თითქმის მთელს მუშათა კლასს და მშრომელ გლეხობას მოედო. სათავეში სდგანან პეტერბურგი და მოსკოვი, მათ მიჰყვება თანდათან ან ერთდროულათ: კიევი, ოდესა, ვილნო, ვარშავა, ეკატერინოსლავი, ტფილისი, იაროსლავლი, ხარკოვი, როსტოვი, ბათომი, ბაქო და სხვა. აი ესენი იყვნენ ის პუნქტები; სადაც ჩაიყარა მარქსიზმის პირველი



თესლი და სადაც გაჩაღდა სოციალ-დემოკრატიულ მოძრაობის პირველი ნაპერწკლები. „შრომის განთავისუფლების ჯგუფის“ დამყარებისა დ. ქ. მინსკის ყრილობის შუა მდებარე პერიოდი (1883—1898 წ.წ.) წარმოადგენდა ახალი სოციალისტური პარტიის, რ. ს. დ. მუშათა პარტიის საბოლოო ორგანიზაციულ ჩამოყალიბების წინასწარ მოსამზადებელ ხანას; ეს პარტია ჯერ კიდევ მინსკის ყრილობამდე რუსეთის თითქმის ყველა მსხვილ ცენტრებში არსებობდა დაქსაქსულ-დაუკავშირებელ წრეების, ჯგუფების, კომიტეტების, კავშირების და სხვა ამ გვარ ორგანიზაციების სახით. ახალი სოციალისტური იდეები—**იდეები მეცნიერულ სოციალიზმისა** ყველგან ხელსაყრელ ნიადაგს ჰპოულობდნენ. ისინი ყველგან მუშათა მასებში ცხოველ გამოძახილს იწვევდნენ ამა თუ იმ სახით, იყო ეს პროტესტი ან დემონსტრაცია, თუ მოწყობილი გაფიცვა, რომელიც მიმართული იყო, როგორც შრომის აუტანელ პირობების, ისე, იმ დროს არსებულ პოლიციურ-ბიუროკრატიულ თვითნებობის წინააღმდეგ.

შრომის პირობების გასაუმჯობესებლად, მექარხნეთა და ფაბრიკანტების წინააღმდეგ მიმართულმა მუშათა ეკონომიურმა ბრძოლამ, ე. ი. მათ **კლასიურმა ბრძოლამ** მეცნიერულ სოციალიზმის იდეების ზეგავლენით მალე ნამდვილი **პოლიტიკური ბრძოლის** ხასიათი მიიღო, რაიც ბურჟუაზიის და მემამულეთა თვითმპყრობელურ წესწყობილების წინააღმდეგ იყო მიმართული.

### ოთხმოცდაათიანი წლები.

წარსულ საუკუნის მე-90 წლების განმავლობაში სოციალ-დემოკრატიული იდეები სწრაფად ედებოდა მუშათა მასებს; გარდა ამისა ისინი მოსწავლე ახალგაზრდობისა და ზადიკალურ ინტელიგენციის თვალსაჩინო ნაწილს იპყრობს, არალეგალურ სოციალ-დემოკრატიულ ორგანიზაციათა ანუ **არალეგალურ მარქსიზმის** გვერდით, აღმოცენდა და იზრდება **ლეგალური მარქსიზმი** ლიტერატურაში (სტრუვე, ტუგანბარანოვსკი, ბულგაკოვი, ბოგუჩარსკი და სხვა).

ყოველივე ეს მოწმობდა, რომ სოციალ-დემოკრატიული მოძრაობა მე-90წლების მეორე ნახევარში ისეთ მნიშვნელოვან ძალათ ხდებოდა, ან უკვე გახდა, რომლისათვის, თუნდაც სურვილის წინააღმდეგ, ანგარიში უნდა გაეწია ყველა სხვა საზოგადოებრივ ძალებს. ამნაირათ ხორცს ისხამდნენ პლენხანოვის მიერ 1889 წლის პარიზის პირველ საერთაშორისო კონგრესზე წარმოთქმული წინასწარმეტყველური სიტყვები: „**განმათავისუფლებელი მოძრაობა გაიმარჯვებს რუსეთში, როგორც მუშათა მოძრაობა ან ის სრულიად ვერ გაიმარჯვებს**“-ო.

ცხადია, რაც მეტათ იზრდებოდა და მწიფდებოდა სოციალდემო-

კრატული მოძრაობა, რაც უფრო ძლიერდებოდა ამ მოძრაობის მუშაობის მასებზე გავლენა, ამ მასებში მარქსისტულ იდეების სიღრმე-სიფართოვის განვითარებით, — ასპარეზიდან სამუდამოთ ჩამოდიოდნენ ცარიზმის წინააღმდეგ თავგამოდებული და გმირული ბრძოლით განთქმული ნაროდნიკული პარტიები. შეიძლება ითქვას, რომ ამ დროს რუსეთის ხალხის განმათავისუფლებელ ბრძოლაში ჰეგემონია პროლეტარიატის და მისი წინამძღოლ სოციალ-დემოკრატიის ხელში გადადიოდა.

მაგრამ პარტია, როგორც მთლიანი ერთეული, საერთო ნებისყოფით გამსჭვალული და ერთი ცენტრით დავვირგვინებული ჯერ არ არსებობდა. რუსეთის ვეებერთელა სივრცეზე გაბნეული სოციალ-დემოკრატიული ორგანიზაციები მოკლებული იყვნენ ურთი-ერთ კავშირს და მოქმედობდნენ განცალკევებულადაც, შეუთანხმებლად, წინასწარ გამომუშავებულ გეგმის გარეშე. არა, თუ ისეთი, შედარებით, მსხვილი ორგანიზაციები, როგორიც არიან ქალაქის ან საგუბერნიო, საოლქო, არამედ სულ მცირე ჯგუფებიც კი საკუთარ ნება-სურვილის თანახმად მოქმედობდნენ. ასეთ პირობებში უთანხმოება და ერთი-მეორესადმი დაპირისპირებული მოქმედება აუცილებელი მოვლენა იყო. ასეთი მდგომარეობა მეტათ აბრკოლებდა რევოლიუციონურ მოძრაობის ზრდა-განვითარებას და მომავალში საქმის ასევე მიტოვება რევოლიუციის საქმეს დიდ ზიანს უშავდებდა. ყველა სოციალ-დემოკრატიულ ორგანიზაციებისთვის საჭირო იყო გარკვეული და ნათელი სახელმძღვანელო დირექტივები ყველა უმთავრეს საკითხების შესახებ. როგორც იყო, მაგალითად, წრეების სისტემიდან მუშათა შორის ფართო აგიტაციაზე გადასვლა, დამოკიდებულება ბურჟუაზიულ ოპოზიციასთან, რომელიც უკვე ხმას იმაღლებდა, თუმცა კი ჯერ გაუბედავად, საერთო მოღვაწეებსა, სტუდენტობასთან და ტერორისტულ აქტებთან დამოკიდებულება, ჯარში პროპაგანდა და სხვა. ერთი სიტყვით, საჭირო იყო რუსეთის ხალხთა მზავრელ ბურჟუაზიულ და თავად-აზნაურულ წესწყობილებს, კაპიტალისტებისა და მემამულეების უღლისა და ექსპლოატაციის წინააღმდეგ ბრძოლისათვის საერთო ტაქტიკის და სტრატეგიის გამომუშავება. მაგრამ პირველ და თავად საჭირო იყო **საომარ ხაზის გახწობა**, რათა სოციალ-დემოკრატიულ მოძრაობას რუსეთში თავიდანვე აეღო სწორი გეზი და თავს აეცილებინა ის დამახინჯება, რომელმაც უკვე იჩინა თავი ე. წ. „**ეკონომიზმის**“ (გაზ. „**Рабочая жизнь**“-ის მამართულება), და აგრეთვე ლეგალურ მარქსიზმის სახით. უკანასკნელი თანდათან ბერნ-შტეინისებურ რევიზიონიზმის ხასიათს იღებდა და, აი, ყველა ამ სიმახინჯესთან საბრძოლველად და მუშათა კლასის მოძრაობის სწორ ნიადაგზე დასაყენებლად საჭირო იყო, რაც შეიძლება ადრე, გადაუ-





დებლათ, სოციალ-დემოკრატიულ მოძრაობაში ფუნქციონირებულ „კრემ-კოვშინის“ ბოლოს მოღება, საჭირო იყო დაქუცმაცებულ ორგანიზაციების ერთ მთლიან პარტიაში ჩამოსხმა, ერთის მხრით, **საორგანიზაციო წესდების** და, მეორეს მხრით, პარტიული პროგრამის გამოშუქება ერთი სიტყვით, რუსეთის მთლიან სოციალ-დემოკრატიულ მუშათა პარტიის შექმნა.

მე-90 წლების დაბლევებისათვის ყველა საჭირო პირობები მზათ იყო: რუსეთის თითქმის ყველა მთავარ ქალაქებში არსებობდა ჩამოყალიბებული სოციალ-დემოკრატიული ორგანიზაციები, იყო სოციალ-დემოკრატიულ მოძრაობის თეორია და პრაქტიკა, ლეგალური და არალეგალური მარქსისტული ლიტერატურა, შესაძრწევათ გაიზარდა ქალაქის პროლეტარიატის მოწინავე ნაწილი, რომელიც მზათ იყო შეთვისება და, ნაწილობრივ, შეთავისა კიდევ, მეცნიერულ სოციალიზმის იდეები და პრაქტიკაში გამოყენება ისინი. მზათ იყო ყველაფერი, რაც საჭიროა პარტის დაარსებისათვის. არ იყო მხოლოდ უზენაესი ხელმძღვანელი ორგანოები, ე. ი. ყრილობა და პარტიის ცენტრალური კომიტეტი. ამ ორგანოების შექმნა პარტიის დაარსებას ნიშნავდა.

### პარტიის პირველი ყრილობა.

მაგრამ ეს ამოცანა ძალიან ძნელი შესასრულებელი იყო პირველათ ყოველისა ტეხნიკურის მხრით, რადგან მეფის ჯაშუშები და პროვოკატორები თვალს ადევნებდენ რევოლიუციონურ მოძრაობის ყოველ გამოხატულებას. წრეებისა და კომიტეტების დაარსება სხვა და სხვა ადგილას, რასაკვირველია, გაცილებით უფრო ადვილი საქმე იყო. ვიდრე ამ ორგანიზაციების წარმომადგენელთა ყრილობის მოწვევა. იყო რამოდენიმე ცდა ამ მიმართულებით და ერთი მათგანი გამარჯვებით დასრულდა; როგორც ავღნიშნე, 1898 წლის დასაწყისში ქ. მინსკში შესდვა პირველი არალეგალური ყრილობა, რომელსაც დაესწრენ იმ დროს არსებულ სოც.-დემოკრატიულ ორგანიზაციათა წარმომადგენლები. მართალია ამ პირველ ყრილობას ვერ მოჰყვა ის, რაც პარტიისათვის საჭირო იყო: მას არ მოუცია არც პროგრამა და არც წესდება, გარდა რუხეთის სოციალ-დემოკრატიულ პარტიის დაარსების შესახებ ზოგადი დეკლარაციისა, რომლის შედგენა დაევალა მომავალ რენგატს სტრუვეს. ყრილობამ აირჩია პირველი ცენტრალური კომიტეტი, რომელიც, ყრილობის შემდეგ, მალე მთავრობას ჩაუვარდა ხელში.

მიუხედავათ ამისა ამ პირველ ყრილობის მნიშვნელობა ძლიერ დიდია. მან ჩამოაყალიბა მთლიანი სოციალ-დემოკრატიული პარტიის ორგანიზაცია. მისკა მას სახელწოდება და ლოზუნგები. ეს თავის თავათ

უკვე დიდი საქმე იყო და ამ აქტს ვერავითარი უხეში ძალა უკვე ვერ გააბათილებდა.

### ყრილობის შემდეგ.

მაგრამ უნდა ვაღიაროთ, რომ ფაქტიურათ, პარტია, როგორც ასეთი, ჯერ მაინც არ არსებობდა: უთანხმოება, შეხლა-შემოხლა და დაქსაქსულობა ჯერ კიდევ არ გამჭრალიყო. როგორც რუსეთში, აგრეთვე საზღვარგარეთაც, არსებობდნენ ცალკე ჯგუფები და ორგანიზაციები, რომლებიც გამოდიოდნენ დამოუკიდებლათ რუსეთის სოციალ-დემოკრატიის სახელით. საზღვარგარეთ „შრომის განთავისუფლების ჯგუფი“-ს გარდა აღმოცენდა სოციალ-დემოკრატების რევოლუციონურ ორგანიზაცია, „რუსეთის სოციალ-დემოკრატთა კავშირი“ და სხვა. თითოეულ ამ ორგანიზაციას ჰქონდა რუსეთში თავისი წრე და ჯგუფები, სადაც თავის მხრივ თითქმის ყოველი ასეთი წრე და ჯგუფი, სულაც რომ არაუფერი ვთქვათ ისეთზე, როგორც იყო **ბუნდი** (ებრაელ მუშათა სოც.-დემ. ორგანიზაცია), მოქმედობდა აგრეთვე სრულიად დამოუკიდებლათ.

ამ პერიოდის დამახასიათებელი თვისება იყო ის, რომ ყოველი ჯგუფი შემოკრებილი იყო ლიტერატურულ ორგანოთა გარეშეშო. ასე არსებობდა „რაბოჩაია მისლ“-ის ჯგუფი (წმინდა ეკონომიზმის გამომხატველი), „რაბოჩე დეელო“-სა და „იუნი რობოჩი“-ს ჯგუფები და სხვა. ამ ჯგუფთა შორის სწარმოებდა გამუდმებული ბრძოლა რუსეთის მუშათა მოძრაობაში პირველობის ჰეგემონიის დასაპყრობათ.

### ორი უმთავრესი მიმდინარეობა.

მიუხედავ ამ მიმართულებათა და აზრთა მრავალ სხვაობისა, შეგვიძლია მათში ორი მთავარი მიმდინარეობა გავარჩიოთ: სოციალ-დემოკრატების ერთი ნაწილი უარყოფდა მუშათა კლასისთვის პოლიტიკურ ბრძოლის მნიშვნელობას და აღიარებდა მხოლოდ მუშათა ეკონომიურ მდგომარეობის გაუმჯობესებისათვის ბრძოლის საჭიროებას (მარტინოვი, კუსკოვა, კრიჩევსკი, პროკოპოვიჩი და სხვ.); მეორე ნაწილი კი, სცნობდა რა მუშათა ნივთიერ მდგომარეობის გაუმჯობესობისათვის ბრძოლის საჭიროებას, თავის ყურადღებას უმთავრესათ თვითმპყრობელობის და ბატონყმურ წესწყობილებასთან პოლიტიკურ ბრძოლას აქცევდა.

ამ მიმართულებას სათავეში უდგენ **პლენანოვი**, **დენინი** და **საერთოთ**, მთელი „შრომის განთავისუფლების ჯგუფი“, რომელიც შემდეგ „სოციალ-დემოკრატიის რევოლუციონურ ორგანიზაციათ“ გადაიქცა (პ. აქსელროდი, ორტოდოქსი, კოლცოვი და სხვ.).

რუსეთის განმათავისუფლებელ მოძრაობის შემდეგმა ისტორიამ გვიჩვენა ვის მხარეზე იყო ქეშმარიტება. სოციალ-დემოკრატიის ამ ორი მიმართულებათა შორის მუდამ სწარმოებდა ბრძოლა სხვა და სხვა სახელწოდებით და სხვა ფორმით. ეკონომიზმმა გამოიცვალა სახელწოდება, პირველათ „მენშევიზმის“, შემდეგ „ლიკვიდატორობის“ სახით მოგვევლინა, სანამ საბოლოოთ სრულიად არ უღალატა თავის სოციალ-დემოკრატიულ წარსულს—მეცნიერულ სოციალიზმისა და თვით მუშათა კლასის დროშას.

### ჩვენი საუკუნის პირველი წლები.

მე-90 წლების დამლევს და მე-20 საუკუნის პირველ წლებში რევოლიუციონური მოძრაობა შესამჩნევათ გაიზარდა და მუშათა მასებსა და რადიკალურ ინტელიგენციას მოედო, იწყება მუშათა გაფიცვები, აგრეთვე მთელი რიგი სტუდენტობის გაფიცვებისა და საერთო დემონსტრაციები ერთის მხრით, და მეორე მხრით—გლეხების სტიქიური მოძრაობა, რომელმაც პირველათ დააყენა სოციალ-დემოკრატიის წინ გლეხობასთან დამოკიდებულების საკითხი, ანუ (არსებითად) მიწის საკითხი.

მაგრამ რუსეთის სოციალ-დემოკრატია ჯერ კიდევ არ გამო-სულიყო არა თუ ორგანიზაციულ ქაოსისა, არამედ იდეურ მრავალსხვაობის მდგომარეობიდან.

### პარტიის მეორე ყრილობა.

ამ წელმა განვლო მანამდე, სანამ სოციალ-დემოკრატია ამ მდგომარეობას თავს დაახწევდა. მხოლოდ 1903 წლის ზაფხულზე მოხერხდა ლონდონში მეორე პარტიულ ყრილობის მოწვევა, რომელმაც პარტიას საორგანიზაციო წესდება და პარტიული პროგრამა მისცა. მხოლოდ ამ დროიდან გახდა სოციალ-დემოკრატია ნამდვილ პარტიათ, მაგრამ მთლიანობას ის ამ ყრილობაზედაც ვერ ეღირსა, ვინაიდან ყრილობა ორ ნაწილათ გაიყო: ერთის მხრით იყო უმრავ-ლესობა ლენინის მომხრეებიდან შემდგარი და მეორე მხრით უმცირესობა აქხელროდის, ვ. ზახულიჩის, მარტოვის, პოტრესოვის და სხვათა მეთაურობით.

აქ უადგილოა ამ განხეთქილების მიზეზების დაწვრილებითი განხილვა; ავლნიშნავ მხოლოდ იმას, რომ ეს განხეთქილება იყო აღრევე არსებული სოციალ-დემოკრატიის ფარგლებში ბრძოლის გაგრძელება.

აქ საჭაროთ ვრაცხ ვთქვა რამოდენიმე სიტყვა მხოლოდ იმ დიად წინასწარ მუშაობის შესახებ, რომელიც შესრულებული იქნა ამ ყრილობის მოსამზადებლათ და გასამართავათ და იმ როლის შე-

სახებ, რომელიც შეასრულა ერთმა ჯგუფმა, პროლეტარიატის უდიდესი წინამძღოლისა და ჭეშმარიტ რევოლუციონერის, **ვლადიმერ ილიახ-ძე ულიანოვის (ლენინი)** მეთაურობით.

მე-2 ყრილობის მომზადება მოითხოვდა უდიდეს, გიგანტურ ღონისძიებებს, როგორც იდეურ, აგრეთვე ორგანიზაციის მხრით. ლენინის ჯგუფის ხელში იყო მაშინ სოციალ-დემოკრატიულ გამოცემათა შორის ყველაზე უფრო გავლენიანი გაზეთი „ისკრა“ (გამოიცა 1900 წლის დამლევებიდან). ამ გაზეთისა და კარგათ მომზადებულ პროფესიონალ—რევოლუციონერების საშვალეებით ეს ჯგუფი ადგილობრივად აწარმოებდა ამ ყრილობის წინასწარ მუშაობას. „ისკრა“-სი და მის ხელმძღვანელთა პირველი პერიოდის (მე-2 ყრილობამდე) პოზიცია ყველასათვის ცნობილია და ამის შესახებ მე ეხლა არ ვილაპარაკებ. მაგრამ არ შეიძლება აქვე არ აღინიშნოს ის გარემოება, რომ როგორც პირველ პერიოდის „ისკრის“, აგრეთვე შემდეგ წარმოშობილ ბოლშევიკურ მიმდინარეობის ერთ-ერთ სულის ჩამდგმელათ იყო და არის ლენინი. ლენინი წარმოადგენს მე-20 საუკუნის რევოლუციონერულ მოძრაობის უდიდეს ფიგურას. მან აღზარდა მთელი თაობა მარქსისტ-რევოლუციონერებისა და პრაქტიკულ მოღვაწეებისა, მან შექმნა მთელი სკოლა და სოციალისტურმა მსოფლიომ არ იცის მეორე სახელი, გარდა ლენინისა, რომლის მოთავესა შეიძლებოდა მარქსისა და ენგელსის გვერდით.

შემდეგში მე ვილაპარაკებ უმთავრესათ სოციალ-დემოკრატიისა და, შემდეგ, კომპარტიის განვითარების უმთავრეს მომენტებზე ამიერ-კავკასიაში და, კერძოთ, საქართველოში.

### ამიერ-კავკასიაში.

აქ აღსანიშნავია პირველ ყოვლისა შემდეგი გარემოება. ამიერ-კავკასია, როგორც განაპირა ადგილი, სოციალ-დემოკრატიულ ცენტრებს ძლიერ დაშორებული, პირველ ხანებში არ იღებდა მონაწილეობას იმ ბრძოლაში, რომელსაც ადგილი ჰქონდა რუსეთის სოციალ-დემოკრატიის შიგნით „ისკროველებისა“ ერთის მხრით, და „ეკონომიზმის“ შორის მეორე მხრით. „ეკონომიზმი“ ჩვენში, ამიერ-კავკასიაში, ყოველ შემთხვევაში, პირველ ხანაში არავითარ გავლენით არ სარგებლობდა და მის არსებობაზეც კი ადგილობრივ პარტიულ წრეებში იშვიათათ თუ იცოდა ვინმემ. ამიტომ გასაკვირალიც არ არის, რომ „ისკრა“-ს მიმართულება აქ თავიდანვე სავსებით მოწონებული იყო. მეორე გარემოება, რომელიც მე უნდა ავღნიშნო, მდგომარეობს იმაში, რომ, მიუხედავად იმისა, რომ ამიერ-კავკასიაში და მთელს კავკასიაშიც უმთავრესათ პროლეტარულ ცენტრათ იყო და არის ეხლაც **ბაქო**, სოციალ-დემოკრატიულ მოძრაო-

ბის ცენტრი ამიერ კავკასიაში როგორც თავის აღმოცენების, აგრეთვე შემდეგ განვითარების მომენტებში, იყო შედარებით ნაკლებათ პროლეტარული ტფილისი. ტფილისი იყო ის ცენტრი. სადაც პირველათ შემოტანილ იქნა სოციალ-დემოკრატიული ანუ მარქსისტული მოძღვრება, სადაც ამ მოძღვრებამ პირველათ გაიკეთა ფესვები და შესაფერი ნაყოფი გამოიღო და საიდანაც შემდეგ ის მთელს ამიერ-კავკასიაში და კავკასიაში, ჩრდილოეთით და სამხრეთით, აღმოსავლეთით და დასავლეთით გავრცელდა.

## ს ა ქ ა რ თ ვ ე ლ ო ზ ი.

„მესამე დასი“. „კვალი“. პირველი ხოციალ-დემოკრატიული ჯგუფი.

სოციალ-დემოკრატიულ იდეების შედარებით სწრაფი წარმატება საქართველოში და მათი კოლოსალური გავლენა მუშებზე და გლეხებზედაც აიხსნება გარდა ეკონომიურ პირობებისა, ჩემის აზრით, იმ გარემოებითაც, რომ ამ იდეებს აქ ხალხის ფართო მასების შეგნებაში არ უხდებოდა სხვა რომელიმე სოციალისტურ მოძღვრებისა და თეორიის პირისპირ გზის გაკაფვა.

წარსული ისტორიის მთელი მსვლელობით, რომლის შედეგათ ჩვენ მივიღეთ ბიუროკრატის. ფეოდალურ შემამულეთა და ბურჟუაზიის მიერ გაყვლეფილი და ჩაგრული მუშათა და გლეხთა მასსა, ყველა ამ პირობების მეოხებით მარქსიზმის, სოციალისტურ და რევოლიუციონურ იდეების შესათვისებლათ ნიადაგი საქმაოთ იყო განოყიერებული.

ამას უნდა დაურთოთ ისიც, რომ მთელს კავკასიაში ტფილისი ყველაზე უფრო კულტურული ცენტრი იყო, სადაც წარსულ წლებში დროგამოშვებით არალეგალური ლიტერატურა და, აუ გნებავთ, არალეგალური ხალხიც ჩნდებოდა.

წარსული საუკუნის მე-80-ე წლებში ტფილისში იწყება რევოლიუციონური დღეილი, უმთავრესათ, ხელოსანთა და მოსწავლე ახალგაზრდობის წრეებში (სასულიერო სემინარია და სამასწავლებლო ინსტიტუტი), მაგრამ რევოლიუციონური მოძრაობა იმ ხანებში ჯერ კიდევ ვერ ჩამოყალიბდა.

ყოველ რევოლიუციონურ მოძრაობისათვის, და მით უფრო, პროლეტარულ მოძრაობისათვის საჭიროა უპირველეს ყოვლისა ფუძე და, შემდეგ პრაქტიკულ მოქმედებათა გარკვეული პროგრამა, ეს კი ჯერ არ იყო. მაგრამ ყველაფერზე უფრო ჩვენ რევოლიუციონური გამოცდილება და რევოლიუციონური ტრადიცია გვაქლდა. პირველი ნაბიჯი ყოველთვის ძნელია, მაგრამ მაინც უნდა გადაგვეღვა. აშკა-



რამ, რომ დასავლეთისა და რუსეთის რევოლუციონურ მოძრაობას თეორიისა და პრაქტიკის ცოდნის გარეშე ჩვენ ამ ნაბიჯის გადადგმა არ შეგვეძლო. ეს ის დრო იყო, როდესაც რუსეთის ძველი რევოლუციონური პარტიები ჩამოდიოდნენ უკვე სტენიდან და ასპარეზზე გამოდიოდა ახალი რევოლუციონური სოციალ-დემოკრატიული პარტია, მაგრამ უკანასკნელი ჯერ კიდევ ჩამოყალიბების პროცესში იმყოფებოდა.

პირველათ ქართველებში მე და ნოე ჟორდანიას მოგვიხდა გაცნობა სოციალ-დემოკრატიულ მოძრაობასთან მისი თეორიითა და პრაქტიკით, ეს მოხდა ვარშავაში 1891—93 წ. ჩვენი საშუალებით სოციალ-დემოკრატიული იდეა ვრცელდებოდა საქართველოში: 1892 წ. დეკემბრის ბოლო რიცხვებში ზესტაფონში იმართება რევოლუციონურად განწყობილ ახალგაზრდობის პირველი ფარული ყრილობა. ამ ყრილობას ესწრებიან ნ. ჟორდანიას \*; ს. ჯიბლაძე, მ. ცხაკაია ნ. ჩხეიძე, ეგნატე ინგოროყვა (ნინოშვილი), რ. კალაძე, იოს. კაკაბაძე და სხვები. ამ ყრილობას არაფერი დადებითი შედეგი არ მოჰყოლია, მან მხოლოდ ერთი რამ დაგვანახვა, რომ ქართველი ინტელიგენციის ერთ ნაწილს სურს გამოვიდეს ბურჟუზიდან, სურს დაუახლოვდეს ისტორიის მეცნიერულ გაგებას, შეითვისოს მარქსიზმი, მაგრამ მარქსიზმის შეთვისებამდე ჯერ კიდევ შორს არის. ამის შემდეგ 1894 წლის დასაწყისში გარდაიცვალა ნიჭიერი ბელეტრისტი, ნამდვილი რევოლუციონერი, რომელიც უკვე გახდა მომწიფებული მარქსისტი—**ეგნატე ნინოშვილი (ინგოროყვა)**. მის დაკრძალვაზე პირველათ საჯაროთ გამოდის ეს რევოლუციონური ახალგაზრდობა, რომელიც სილ. ჯიბლაძის პირით აცხადებს ჩვენში ახალ საზოგადოებრივ ძალის აღმოცენების შესახებ, იმ ძალის, რომელიც არის დამცველი გაყვლით და ჩაგრულ მუშათა კლასისა.

მწერალმა ვ. წერეთელმა (ცნობილ ირაკლი წერეთელის მამა), რომელიც დაკრძალვას დაესწრო და ასწერა იგი თავის ყოველკვირეულ გაზეთ „კვალში“, უწოდა ამ გგუფს „**მესამე დახა**“ \*\*) (მესამე ჯგუფი ანუ პარტია). ამ დროიდან ეს სახელწოდება შემოვიდა ზმარებაში და დიდი ხანი იყო სოციალ-დემოკრატიის სინონიმი. იმავე ხანებში გახ. „კვალში“ ხშირად იბეჭდებოდა წერილები, რომლებიც ეკუთვნოდნენ „მესამე დახელებს“ კალამს. ამის გამო ამ უკანასკნელებს უწოდეს აგრეთვე „კვალისტები“. ამ სახელწოდებაში იტარებოდა მათი არალეგალური არსებობა.

\* რომელიც იმავე წელს ზაფხულში ვარშავიდან დაბრუნდა.

\*\* ეს სახელწოდება, რა თქმა უნდა, ხშირი არ იყო. წერეთელს სახეში კონდა მხოლოდ ქრთნილოგოფი წესნივი, ჩვენში ხშივ და სხვა ჯგუფების და პარტიების განწინა.



მაგრამ უნდა აღინიშნოს ისიც, რომ „მესამე დასელებს“ შორის პირველ ხანებში მაინც იყვენ აგრეთვე ისეთებიც, რომელთაც არაფერი სართო არ ქონდათ მარქსიზმთან. მეორეს მხრივ ის ნაწილიც, რომელიც მარქსიზმის თვალსაზრისზე იდგა, მხოლოდ და მხოლოდ ინტელიგენტებისაგან შესდგებოდა. ეს ჯგუფი სრულიად განცალკევებულად არსებობდა და არ იყო დაკავშირებული არც მუშებთან და არც გლეხებთან. ვარშავიდან დაბრუნების შემდეგ, მე, გავეცანი რა „მესამე დასელების“ წრეს, დავრწმუნდი, რომ ის სრულიად ჩამოშორებულია მუშებისაგან. 1896 წლის დასასრულში თუ 1897 წ. დასაწყისში მე მომიხდა კავშირის აღდგენა რკინის გზის მთავარ სახელოსნოების მუშებთან, **არაქელა ოქუაშვილის** და **ზაქარია ჩოდრიშვილის** მეთაურობით, რომელთაგან პირველს მე წინათაც ვიცნობდი. მათ უერთდებიან სხვა მუშებიც და ცოტა ხნის შემდეგ იმავე 1897 წელს ტფილისში არსდება **პირველი სოციალ დემოკრატიული კომიტეტი**, რომელშიაც შედიან თითქმის მარტო მუშები: **ზაქარია ჩოდრიშვილი**, **არაქელა ოქუაშვილი**. ვ. ცაბაძე, არჩილ არავიაშვილი, გ. ჩხეიძე და ალ. ბაქრაძე \*). შემდეგ 1898 წელს კოოპტაციით მოწვეული იყვენ: ს. ჯიბლაძე, რ. კალაძე, (ბოლშ.) სევ. ჯუღელი, ლადო კეცხოველი (რომელიც შემდეგ მოკლული იქნა მეტეხის ციხეში დარაჯის მიერ), მიხა ბოჭორიშვილი (ბოლშ.) და ალ. შატილოვი. ამ კომიტეტმა უკვე გააფართოვა პროპაგანდა და აგიტაცია მუშებს შორის და ჩქარა მოიპოვა დიდი ნდობა მათ შორის. აგიტაცია და პროპაგანდა დიდი წარმატებით სწარმოებდა.

### გაფიცვები, სამაისო დღესასწაულები, დემონსტრაციები.

რევოლიუციონური მოძრაობა ჯერ-ჯერობით გაფიცვებში გამოიხატა. პირველი სერიოზული გაფიცვა მოწყობილი იქნა სწორედ ახალი საუკუნის (20) დაწყების წინ ტფილისში, ქალაქის ცხენის რკინის გზის სახელოსნოებში, რომლის დროსაც მოხდა პირველი შეიარაღებული შეტაკება მუშებსა და პოლიციას შორის. იმავე წელს (1900 წ.) მოეწყო კიდევ უფრო საგრძნობი გაფიცვა რკინის გზის ტფილისის სახელოსნოებსა და დებოში, რომელშიაც მონაწილეობას იღებდა 4000-ზე მეტი მუშა და რომელსაც ხელმძღვანელობდა რუს. სოც.-დემ. მუშ. პარტიის ტფილისის კომიტეტი. მართილია, ეს გაფიცვაც მუშების დამარცხებით გათავდა, მრავალი ათეული მუშები იქნა დაპატიმრებული და მრავალი ასეული გადაასახლეს ტფილისიდან; მაგრამ მთელი ამიერ-კავკასიის მუშათა კლასისათვის ამ გაფიცვას უდი-

\* ) შემდეგ, როცა სოც.-დემ. ორ ნაწილათ გაიყო თითქმის ყველა ეს მუშები, ცაბაძის და არავიაშვილის გარდა, ბოლშევიზმს მიემხრენ და ბოლომდის მისი ერთგულნი დარჩნენ.



დეს მნიშვნელობა ქონდა. მან გააკაჟა ისინი ბრძოლისათვის, გარდა ამისა ტფილისიდან გადასახლებული მუშები ავრცელებდნენ ყველგან სოციალ-დემოკრატიულ მოძრაობის იდეებს და ბურჟუაზიულ-მემამულეთა ექსპლოატაციის წინააღმდეგ ბრძოლის ლოზუნგებს.

კიდევ უფრო მეტი მნიშვნელობა ქონდა რევოლიუციონურ მოძრაობის განვითარებისთვის პირველი მაისის დემონსტრაციებს, რომლებსაც აწყობდა ტფილისის კომიტეტი. გადასწყდა 1 მაისის საჯარო დემონსტრაცია არ გამართულიყო ნაუცბათევით, არამედ ჯერ მოგმზადებინათ ნიადაგი. ამ მიზნით 1899—1900 წ. ტფილისის ორგანიზაციამ იდღესასწაულა ეს დღე მუშათა ფართო, მაგრამ საიდუმლო კრებებზე ქალაქ გარეთ. 1900 წლის ცდამ დაამტკიცა, რომ შემდეგ 1901 წლის პირველ მაისს შესაძლებელი იყო უკვე ტფილისის ქუჩებში აშკარა დემონსტრაციის გამართვა. უნდარმერიათ, იცოდა რა მუშების მიერ განზრახულ დემონსტრაციის შესახებ, 1 მაისისათვის (ახალი სტილით) თავის მხრივ მიიღო სათანადო ზომები, რათა ხელი შეეშალა დემონსტრაციისათვის. ამ მიზნით ყველა შემჩნეულ პირებს აპატიმრებდნენ და ასახლებდნენ. იმავე დროს დემონსტრაციისათვის დანიშნული ყველა სტრატეგიული პუნქტები დაიკავეს პოლიციელებმა, ყაზახებმა და ჯარის ნაწილებმა, მაგრამ მიუხედავად ამისა, ეს დემონსტრაცია მაინც გაიმართა ხალხით აღვსილ მოედანზე წითელი დროშებით და ძახილით: „ძირს თვითმპყრობელობა“. დროშა ეჭირათ ხელში არაქელა ოქუაშვილს და ლ. მამალაძეს. იქვე მყოფი პოლიციელები და ყაზახები თავს ესხმიან შეჯგუფებულ მუშებს. სცემენ მათ მათრახებით, თოფის კონდახებით და დემონსტრაციის მთავარ ხელმძღვანელებს ოქუაშვილს და მამალაძეს აპატიმრებენ, წინასწარ სცემენ რა მათ სასიკვდილოთ. ამ პირველი მაისის პირველ აშკარა დემონსტრაციის პოლიტიკური მნიშვნელობა უდიდესი იყო, — თუ წინანდელი გაფიცვები ჯერ მხოლოდ ფარულად ამტკიცებდა ბრძოლის პოლიტიკურ ხასიათს, ახლა მუშათა კლასის პოლიტიკურმა ბრძოლამ სრულიად აშკარად იჩინა თავი. ამიერიდან რევოლიუციონური მოძრაობა, როგორც საქართველოში, ისე მთელ ამიერ-კავკასიაში ჩქარის ტემპით უნდა წასულიყო. და მართლაც, რევოლიუცია ჩვენში ჩქარის ტემპით ვითარდებოდა. ტფილისის ამბებმა გამოძახილი ჰპოვა ჯერ ბათუმში, შემდეგ გურიაში (ოზურგეთის მაზრა), კიათურაში, ბაქოში და სხვაგან. ბათუმში სოციალ-დემოკრატიული კომიტეტი ეწყობა ალექსანდრე (საშა) წულუკიძის აქტიური მონაწილეობით (გამოჩენილი პუბლიცისტი, ავიატორი და ორატორი, რომელიც გარდაიცვალა სრულიად ახალგაზრდა 1905 წლის დასაწყისში, რევოლიუციის სადარაჯოზე, რომელიც დაბრუნდა პეტრებურგიდან 1899 წლის დასასრულში). 1902 წელს (მარტში) ბათუმში პოლიცია და უნდარმერია მშვიდო-





ბიანად გაფიცულ მუშებს სისხლისმღვრელ ბრძოლას უცხადებს, რასაც შედეგად მოჰყვა მრავალი ათეული მუშის მოკვლა და დაჭრა. გურიაში, სადაც ტფილისიდან და ბათომიდან ბრუნდებიან რევოლიუციონურად განწყობილი მუშები და გლეხები, მოძრაობა მიმართულია უმთავრესად თავად-აზნაურების—მემამულეების წინააღმდეგ, რომელთაც ართმევენ მიწას რევოლიუციონური გზით და ერეკებიან მათი საბუღარებიდან, სასახლეებიდან, და ვინაიდან გურიის გლეხთა შორის მოძრაობა ძალიან მწვავედება (ადგილი აქვს ტერორისტულ აქტებს მემამულეების და ჯაშუშების წინააღმდეგ), გადასწყდა გურიის მოძრაობის სახელმძღვანელოთ დაინიშნოს პარტიის გურიის კომიტეტი. ვინაიდან რევოლიუციონური მოძრაობა საქართველოში და ბაქოში ფართოვდებოდა და ძლიერდებოდა, საჭირო შეიქნა ყველა სოც.-დემ. ორგანიზაციების ერთ კავშირში გაერთიანება, უფრო გეგმაშეწონილ მუშაობის საწარმოებლად, ორგანიზაციის სახსარის გასაძლიერებლათ, საკუთარი ტეხნიკის მისაწყობათ (არალეგალური სტამბა) და სხვა.

პირველ ყოვლისა ლიტერატურის შესახებ. იმ დროს ტფილისში გამოდიოდა ქართულ ენაზე ყოველ-კვირეული ჟურნალი „კვალი“; ფაქტიურად 1898 წლიდან ჟურნალი იმყოფებოდა პარტიის ხელში, როგორც ლეგალური ორგანო, რომელსაც, რა თქმა უნდა, არ შეეძლო დაეკმაყოფილებია პარტიის მოთხოვნილებანი. ცალკე შემთხვევებში პროკლამაციების ან მოწოდებების გამოცემის დროს ორგანიზაციები მიმართავდნენ ამხანაგ ასოთ-ამწყობებების დახმარებას, რასაც ისინი დიდი რისკით ასრულებდნენ ლეგალურ სტამბებში; მაგრამ პარტიას უკვე ესაჭიროებოდა საკუთარი ტეხნიკა. ერთი ასეთი სტამბა უკვე არსებობდა ბაქოში სპეციალურად საზღვარ-გარეთის „ისკრას“ გასავრცელებლად. იქ უკვე მუშაობდნენ ს. თოდრია, ლადო დუმბაძე ვ. ბოლქვაძე და სხვა. მეორე ასეთი სტამბის მოწყობა თავს იღვა დ. კეცხოველმა, თუმც მან ველარ შესძლო საქმის დასრულება დაპატიმრების გამო, მაგრამ მიუხედავათ ამისა სტამბა ახლო მომავალში იქნა მოწყობილი და ამავე დროს გამოიცა არალეგალური ჟურნალი „პროლეტარიატის ბრძოლა“. 1902 წლის დასასრულში საქართველოში არსებობდნენ ჩამოყალიბებული ორგანიზაციები გარდა ტფილისისა, ბათომში, ქუთაისში, გურიაში, ქიათურაში, სად. ხაშურში. ამიერ-კავკასიის დანარჩენ რაიონებიდან იმ დროს, მხოლოდ ბაქოში არსებობდა სოციალ-დემოკრატიული ორგანიზაცია. თვითეული ორგანიზაცია მუშაობდა თავის რიგზე და დამოუკიდებლად უძღვებოდა საქმეს. რა თქმა უნდა, ისეთი ორგანიზაცია, როგორიც იყო ტფილისის კომიტეტი, თავდაპირველად თამაშობდა ხელმძღვანელ როლს, მაგრამ მიუხედავად ამისა, მუშაობის გეგმაშეწონილების და ინტერესებისათვის ამ ორგანიზაციების ერთ ცენტრში გაერთიანება აუცილებელ საჭიროებას წარმოადგენდა.

## ა. კავკ. ს. დ. ორგან. პირველი ყრილობა.

ამ მიზნით 1903 წ. ზამთარში ქალ. ტფილისში მოწვეულ იქნა ამიერ-კავკასიაში არსებულ ორგანიზაციების წარმომადგენელთა პირველი ყრილობა, რომელმაც საფუძველი ჩაუყარა კავკასიის სოციალ-დემოკრატიულ ორგანიზაციების კავშირს და რომელზედაც არჩეულ იქნა კავკასიის კომიტეტი. ამ ყრილობაზე გამოიჩინა, რომ ამიერ-კავკასიის სოც.-დემოკ. პარტიაში არავითარ წინააღმდეგობას ადგილი არ ქონდა და ყველა ორგანიზაციები ერთსულოვნათ იდგენ „ისკრას“ პლატფორმაზე. მე-2ე საერთო პარტიულ ყრილობაზე\*), რომელიც გაიმართა იმავე წლის ზაფხულზე, ამიერ-კავკასიამ გაგზავნა სამი წარმომადგენელი: ტფილისიდან—თოფურაძე, ბათომიდან არ. ზურაბოვი და ბაქოდან კუნჟიანცი.

ყრილობაზე ორი უკანასკნელი\*\*) მიემხრენ მეუმრავლესებს, მხოლოდ თოფურაძე გადაიხარა მენშევიკებისაკენ მაგრამ ამ შემთხვევაში სრულებით არ გამოხატავდა იმ ორგანიზაციას, რომელმაც ის წარგზავნა ყრილობაზე და ეს გარემოება იმდენათ აშკარა იყო, რომ თოფურაძემ ვეღარც კი შესძლო დაბრუნებულიყო უკან მოხსენების გასაკეთებლათ. მალე ყრილობის შემდეგ, როდესაც პარტიაში თავი იჩინა აუცილებელმა განხეთქილებამ და დაიწყო შინაური ბრძოლა, რომელიც სულ უფრო მწვავე ხასიათს იღებდა, კავკასიის კავშირი ყველა თავისი ადგილობრივი ორგანიზაციებით გადაჭრით უერთდებარ. ს. დ. მ. პ. ბოლშევიკურ ფრთას. მეტად დამახასიათებელია, რომ თითქმის ისეთი პირებიც კი, როგორც ნ. რამიშვილი, ნ. ხომერიკი და სხვ. რომელნიც შემდეგ მენშევიკების ბურჯებათ და ბოლშევიზმის ყველაზე უფრო სასტიკ მოწინააღმდეგეებათ გახდენ, 90წ წლამდე ბოლშევიკები იყვენ და იზიარებდენ ბოლშევიკების თვალსაზრისს.

## პარტიული უთანხმოება ჩვენში.

### მდგომარეობა პარტიაში.

მხოლოდ 1904 წლის დასასრულს, 1905 წლის დასაწყისში იწყება ჩვენში მოულოდნელი გარდატეხა იმ მხრივ, რომ ყველა ჩვენი ორგანიზაციები ბოლშევიკურიდან მენშევიკური ხდებიან.

მე არ გამოუდგები იმ გარემოებათა განხილვას, რომლებიც გახდენ მიზეზი ჩვენი ორგანიზაციების ასეთი არსებითი და რადიკალური გარდატეხისა, შევნიშნავ მხოლოდ, რომ ზოგიერთ სოციალ-დემოკრატიულ მოღვაწეთა, მაგ. ნ. ჟორდანიას პირადმა ზეგავლენამ და ზოგიერთ პასუხისმგებელ ბოლშევიკების უტაქტო მოქმედებამ,

\*) პირველ ყრილობაზე მინსკში კავკასიიდან არავინ ყოფილა.

\*\*) ზურაბოვიც შემდეგ უღალატა ბოლშევიკებს.



მნიშვნელოვანი როლი ითამაშეს ამ ისტორიაში. როგორც <sup>შევით</sup> ალენიშნეთ, ორგანიზაციების წევრთა უმრავლესობა მენშევიკების მხარეზე გადავიდა, ბოლშევიკები კი უმცირესობაში მოექცენ; ამასთან ერთად უნდა შევნიშნოთ, რომ ბრძოლაში ყველაზე უფრო გამოკაფული ძველი მუშები ბოლომდე ერთგული დარჩენ ბოლშევიზმისა, თავისთავად ცხადია, რომ ამის შემდეგ გაცხოველდა პარტიის შიგნით ფრაქციონული ბრძოლა, რომელიც ზოგჯერ მახინჯ ფორმებს ღებულობდა; ამავე დროს მენშევიკების უმრავლესობა ყოველგან ცდილობდა მექანიკურად დაეძლია ბოლშევიკების უმცირესობა. თუმცა ოფიციალური განხეთქილება ჯერ კიდევ არ იყო, და ბოლშევიკებიც და მენშევიკებიც ფორმალურად ერთ პარტიაში შედიოდნენ, მაგრამ ფაქტიურად თვითეული ამ ფრაქციათაგანი უკვე განსაკუთრებულ პარტიას წარმოადგენდა.

4

ამგვარად, თუმცა ბ. ბ. ჟორდანიამ, რამიშვილმა და კომპანიამ სხვა და სხვა გვარ მახინჯიციების საშუალებით, სიყალბით და თვალთმაქცობით მოახერხეს უმრავლესობის მიმხრობა, თითქმის ყველა ადგილობრივ ორგანიზაციებში, მენშევიკებმა ვერ მოახერხეს ეს ბაქოს ორგანიზაციაში. მართალია, იქაც შეიქრნენ ისინი და შეეცადნენ განხეთქილების ორგანიზაციის და თითქმის პროვოკაციის შეტანას (შენდრიკოვშიჩნა), მაგრამ ბაქოს პროლეტარიატის დიდი უმრავლესობა, რომელმაც თავი მოიყარა **ნავთის მრეწველობის მუშათა კავშირის გარშემო**, წინააღმდეგა მენშევიზმს და მხოლოდ ბაქოს მუშათა უმნიშვნელო ნაწილი და უმთავრესად ქალაქის რაიონებიდან, რომელნიც გაერთიანებული იყვენ „ბაქოს მუშების კავშირში“ „ცნობილ“ ლ. შენდრიკოვის მეთაურობით, გახდა მენშევიკების დასაყრდნობ ბაზად. მაგრამ თუ მენშევიკებმა ვერაფერი მოუხერხეს ბაქოს ორგანიზაციას, სამაგიეროთ ისინი ავიწროებდნენ მას საერთო კავკასიის ყრილობაზე და კონფერენციებზე, სადაც მათ ყოველთვის უმრავლესობა ჰყავდათ, ტფილისის და გურიის ხმების ხარჯზე. 4

**პარტიის როლი სომეხ-თათართა შეტაკების დროს.**

11  
 ჭეშმარიტება მოითხოვს ალენიშნო, რომ ფრაქციული ბრძოლა ჩვენში ამიერ-კავკასიაში უკიდურესობამდე გამწვავდა განსაკუთრებით 1905 წლის რევოლუციის ჩაქრობის შემდეგ, 1905 წელში მომხდარ რევოლუციონურ შეტაკებების დროს. ორივე ფრაქცია ერთსულოვნად გამოდიოდნენ. განსაკუთრებით **საჭირთა აღინიშნოს კავკასიის სოციალ-დემოკრატიის როლი სომეხ-თათართა შეტაკების დროს**. ეს ერთი ბრწყინვალე ფურცელია ჩვენი პარტიის ისტორიაში. სომხეთის ნაციონალისტურ „დაშნაკუთუნის“ პარტიის მიერ გამოწვევული შუღლი მუსლიმანების წინააღმდეგ, უკუღმართათ იქნა გამოყენებული მთავრობის



მიერ, რომელმაც პროვოკაციით გამოიწვია სომეხ-თათართა სისხლის ღვრა, რათა სომხეთის და მუსლიმანების მშრომელთა მასების სისხლში ჩაეხრჩო პროლეტარიატის რევოლიუციონური მოძრაობა. პირველად უმაღლესი ადმინისტრაციის, გუბერნატორ ნაკაშიძის სახით, მოღალატურ ხელებით იწყება სომეხ-თათართა შეტაკება ბაქოში 1905 წლის გაზაფხულზე; ეს შეტაკება მაშინვე იღებს საშინელ ხასიათს, და თუ ის მაინც თავის დროზე იქნა შეწყვეტილი, ეს მოხდა ბაქოს სოც.-დემ. ორგანიზაციის ენერგიული ჩარევის წყალობით, რომელიც გულმკერდით დაუდგა წინ ორივე მხარეს და მოუწოდებდა მათ ამ უგუნურობის შეწყვეტისაკენ. და სოციალ-დემოკრატიის ხმა გაგონილ იქნა. იგივე განმეორდა ცოტა უფრო გვიან ტფილისში 1905 წლის შემოდგომაზე, 17 ოქტომბრის ცნობილ მანიფესტის გამოცემის შედეგ, მაშასადამე ე. წ. „თავისუფლების დღეებში“. ვილაცას პროვოკაციულ გასროლილ ტყვიით მოკლულ იქნა რამდენიმე მუსლიმანი და ყველაფერი მზად იყო სომეხ-მუსლიმანების შეტაკების დასაწყებად, როდესაც სოც.-დემოკრატიულმა ორგანიზაციამ ფრაქციის მიუხედავად, დადგა სომხების და მუსლიმანების მასების წინაშე და დასდო ფიცი არ დაეშვა სისხლის ღვრა, და ეს ფიცი პატიოსნად იქნა შესრულებული. შემდეგ 1905 წლის ნოემბერსა და დეკემბერში და 1906 წ. იანვარში, როდესაც გათავხედებული რეაქცია ანადგურებდა რევოლიუციონურ ორგანიზაციებს, როდესაც ყველგან საქართველოში მოქმედებდნ ალიხანოვების, კრილოვების და გრიაზნოვების და სხვათა დამსჯელი რაზმები, სწორედ ამ მომენტში აღარ შეიძლებოდა ლაპარაკი ბოლშევიზმის და მენშევიზმის შესახებ და ორივე ფრაქციები გამოდიოდნ, სადაც ეს შესაძლებელი იყო, ერთსულოვნად.

**ფრაქციათა ბრძოლა. სტოკჰოლმის ყრილობა.**

მაგრამ იმის და მიუხედავად, თუ როგორ მარცხდებოდა რევოლიუცია და კონტრ-რევოლიუციის და რეაქციის გამარჯვება აშკარა ხდებოდა, ფრაქციათა შორის ურთიერთობა თანდათან მწვავედებოდა და უარესდებოდა. ერთი სიტყვით, ბოლშევიკებს და მენშევიკებს შორის დაწყებული დაახლოება „თავისუფლების დღეებში“, რამაც მხოლოდ სტოკჰოლმის ყრილობამდე გასტანა, თან და თან ქრება.

ამ ყრილობის შემდეგ ბოლშევიკებს და მენშევიკებს შორის არსებული უთანხმოება სულ უფრო და უფრო პრინციპიალურ ხასიათს ღებულობს.

განვიღო ეტაპის და რევოლიუციის შემდეგ გამეფებულ რეაქციის შეფასებაში, მეფის სახელმწიფო სათათბიროს როლის და მნიშვნელობის საკითხშიაც, და უმთავრესად რუსეთის რევო-



ლიუციის მომავალ ბედის გათვალისწინებაში, თუ არაფერს ყვეთ ისეთ საკითხზე, როგორც შეიარაღებულ აჯანყების საკითხია, — ყველა კარდინალურ საკითხებში ბოლშევიკები და მენშევიკები ერთ-მანეთს ეთიშებოდნენ, ვინაიდან ისინი სულ სხვა და სხვა გზებით მიდიოდნენ. და არავითარ გამაერთიანებელ ყრილობას არ შეეძლო მათი გაერთიანება ისე, თუ ერთ-ერთი ამ ფრაქციათაგანი უარს არ იტყოდა ყველა თავის ძირითად შეხედულებებზე, რის დაშვებაც შეუძლებელი იყო.

### უკანასკნელი საერთო პარტყრილობები.

ამიტომ შემდეგი საერთო პარტიული ყრილობა ლონდონში 1907 წ. და ჩვენი უკანასკნელი კავკასიის ყრილობა 1908 წლის იანვარს, იყვენ უბრალოთ დროის დაკარგვა; ეს ორი ყრილობა იყო უკანასკნელი საერთო ყრილობები. პარტია საბოლოოდ გაითიშა ორ ნაწილად და ყოველ ცდას, გამოგვენახა საერთო ენა, წინასწარ მარცხი მოელოდა.

### უთანხმოებანი რევოლიუციის მამოძრავებელი ძალების და მიზნების შესახებ.

და მართლაც, მენშევიკებმა, როგორც რუსეთში, ისე ჩვენში, უკვე 1907 წელს დაიწყეს ს.-დ. პარტიის საწინააღმდეგო მოქმედება. იმათ უწინარეს ყოვლისა დამთავრებულად აღიარეს რუსეთში ბურჟუაზიული რევოლიუცია, ხოლო სტოლიპინის შავრაზმული სათათბირო პარლამენტათ დასახეს და დაიწყეს თავის ორგანიზაციების შექმნილ პირობებთან შეგუება. მათ დაიწყეს ქადაგება, რომ საჭიროა ძველი სოციალ-დემოკრატიულ პარტიის ლიკვიდაცია და მის ნაცვლად ახალი მუშათა პარტიის დაარსება უპარტო მუშათა ყრილობის მოწვევით. სხვათა შორის, მენშევიკებისათვის ფრიად დამახასიათებელია ის გარემოება რომ, მიდიან რა ყოველგვარ კომპრომისზე და შეთანხმებაზე კონტრ-რევოლიუციონურ კადეტურ ბურჟუაზიასთან, პირველ სახელმწიფო სათათბიროს არჩევნების დროს, ისინი გადაჭრილ უარს ამბობენ შეთანხმებაზე გლეხურ („ნაროდნიკულ“) პარტიებთან.

1905 წლის რევოლიუციის დროებითი დამარცხება მენშევიკებმა გაიგეს ისე, როგორც საბოლოოდ დამარცხება და ამის გამო მთელ თავის მეცადინეობას მიმართავენ ამის შემდეგ იქითკენ, რომ როგორმე ლეგალური არსებობა მოუპოვონ პარტიას. მაგრამ ეს შესაძლებელი იყო მხოლოდ ყველა არალეგალურ ორგანიზაციების გაუქმების შემდეგ. მენშევიკები ასეც იქცევიან, თან და თან აუქმებენ რა



არალეგალურ ორგანიზაციებს და ამავე დროს განზრახ ზედმეტად აფასებენ ლეგალურ ორგანიზაციების როლს და მნიშვნელობას.

### დამოკიდებულება იმპერიალისტურ ომებთან.

მაგრამ კავკასიელნი, ანუ უკეთ რომ ვსთქვათ, ქართველი მენ-შევიკები (ჟორდანია, რამიშვილი, ჩხენკელი, ჩხეიძე და კომპანია) თავის ლიკვიდატორულ ზრახვებში ძალიან უფრო შორს მიდიოდნენ, ვიდრე მათი რუსი ძმები. განსაკუთრებით სამარცხვინოთ იქცეოდნენ ისინი უკანასკნელ იმპერიალისტურ ომის დროს, როდესაც მათ უარ-ყვეს ყველა თავისი როგორც რევოლიუციონური, ისე სოციალისტურ-რი პოზიციები, როდესაც ისინი იმპერიალისტური ბურჟუაზიის სა-კეთილდღეოთ, სამარცხვინოთ სცდილობენ **სამხედრო-სამრეწველო კომიტეტებში შეხვლას**,—იმ ორგანოებში, რომელნიც მუშაობდნენ ადამიანების ამოსაყლელად ერთი მუჭა მსოფლიო ექსპლოატატორთა და მტაცებელთა გასამდიდრებლად.

### რეაქციის პერიოდი.

შავი რეაქციის მთელ ამ მძიმე პერიოდის განმავლობაში ერთად ერთი ბოლშევიკური ფრაქცია დარჩა ერთგული რევოლიუციონური მარქსიზმის დროშას.

ბოლშევიკები, ყველაზე მძიმე მომენტებში, როდესაც თითქოს ყველაფერი დაკარგული ვეგონებოდათ, ამტკიცებდნენ, რომ რუსეთის რევოლიუციამ განიცადა მხოლოდ დროებით დამარცხება, რომ რევოლიუცია აუცილებლათ ხელახლა იფეთქებს, რისთვისაც საჭიროა ძალების მომზადება, ვინაიდან 1905 წლის რევოლიუციის მიერ წამოყენებული ყველა კარდინალური საკითხები გადაუწყვეტელი დარჩა, მათი გადაჭრა კი მხოლოდ ძლევა-მოსილ რევოლიუციას შეუძლია პროლეტარიატის მეთაურობით და ღარიბ გლეხობასთან კავშირითო.

ამიტომ არა პარტიულ არალეგალურ ორგანიზაციების ლიკვიდაცია, არამედ, პირიქით, მათი განმტკიცება, არა ქადაგება იმისა, რომ რევოლიუცია უკვე დასრულდა, არამედ, პირიქით, ქადაგება იმის, რომ რევოლიუცია მხოლოდ დროებით დამარცხდა რომ იგი ხელახლა იფეთქებს დალუპულ მებრძოლთა ძვლებზე და თვითმპყრობელობასთან ერთად წალეკავს ბურჟუაზიის და მემამულეების ბატონობას, —აი რაში გამოიხატებოდა ბოლშევიკების პოზიცია ამ შავ-ბნელ რეაქციის ხანაში.

ისტორიამ უკვე დაამტკიცა, თუ ვის მხარეზე იყო სიმართლე.

მაგრამ ეს სიმტკიცე, თავისი პოზიციების ასეთი დაცვა ტანჯვა-წამების წლებში, ძვირათ დაუჯდათ ბოლშევიკურ ორგანიზაციებს. მაშინ, როდესაც მენშევიკები თან და თან ეგუებოდნენ ახალ პირო-



ბებს და, როგორც იტყვიან „იქნდნენ წითელ ლოყებს“. ბოლშევიკების თავზე სკდებოდა ყუმბარები, და ეს საფსებით გასაგებია, ვინაიდან მხოლოდ ბოლშევიკური ორგანიზაციები წარმოადგენდნენ ცარიზმისათვის უდიდეს საფრთხეს. მაგრამ შედარებით უფრო დაზარალებდნენ ბოლშევიკური ორგანიზაციები ჩვენში, კავკასიაში და კერძოდ საქართველოში. მხოლოდ ბაქოში შედარებით დიდხანს გასძლო ჩვენმა ორგანიზაციამ, მაგრამ თებერვლის რევოლიუციამდე ხშირმა დარბევამ თითქმის საბოლოოვით დააუძლურა და დაშალა ეს ოდესღაც მძლავრი ორგანიზაცია. მაგრამ რამდენადაც უძლური და დაშლილი არ უნდა ყოფილიყო ჩვენი ორგანიზაციები, მთავრობის გამო, მათი რევოლიუციონური მუშაობა მაინც ერთი წუთითაც კი არ შეწყვეტილა. ასე, მაგ. ბოლშევიკების კავკასიის ბიურო განაგრძობდა მოქმედებას; მისი მოქმედება უმთავრესად გამოიხატებოდა ადგილობრივ იაჩეიკებს შორის კავშირის დაცვასა და ხან-გამოშვებით პროკლამაციების გამოშვებაში. ეს იყო ერთად ერთი ორგანიზაცია, რომელიც განაგრძობდა რევოლიუციის დროშის მალლა ჭერას, რომელიც მუდამ აფხიზლებდა მუშათა კლასს. ამავე დროს მენშევიკების საოლქო კომიტეტი ფორმალურად არსებობდა, და მხოლოდ მისი არსებობის ერთად ერთი მიზანი იყო ის, რომ ლიკვიდატორობის ტაქტიკა მიეყვანა თავის ლოლიკურ დასკვნამდე. ის სიტყვიერ და წერილობით აგიტაციას ეწეოდა,—მონაწილეობა მიეღოთ სამხედრო-სამრეწველო ყოველგვარ გაფიცვების წინაღმდეგ, განსაკუთრებით ომის დროს; ხოლო გლეხობას დაბეჯითებით ურჩევდა დაეცადა შავრაზმიელ სათაობიროს მიერ მიწის საკითხის გადაჭრისათვის. გარემოებანი ისე მოეწყო, რომ მათ თავისუფლად შეეძლოთ ეწარმოებიათ მასაში ასეთი გამათახსილებელი და გამხრწნელი პროპაგანდა და აგიტაცია.

და, აი, მენშევიკების ასეთ ბატონობას შედეგად მოჰყვა ის, რომ საქართველოს მუშათა და გლეხთა მასები, რომელნიც მთელი რიგი წლებების განმავლობაში თავისი რევოლიუციონური ენტუზიაზმით და თავისი გასაოცარი სიმტკიცით აოცებდნენ ყველას, არა მარტო ჩვენში, არამედ საზღვარ-გარეთაც კი, თებერვლის რევოლიუციის მომენტში, 1917 წ., წარმოადგენდნენ რევოლიუციონურად სრულიად ილაჯ-გაწყვეტილ მასას. და ეს იყო მენშევიკების ლიკვიდატორული მუშაობის ნაყოფი. ისტორია იმ გვარად მოეწყო, რომ ჩვენ, ე. ი. ბოლშევიკებს, გვიხდება ხელახლა გავაღვიძოთ მუშათა და გლეხთა მასებში რევოლიუციონური სული.

**თებერვლის რევოლიუციის შემდეგ.**

1917 წლის თებერვალ-მარტის რევოლიუცია სრულიად მოულოდნელი იყო ადგილობრივი მენშევიკებისათვის. ისინი არა, თუ არ



ემზადებოდნენ ამ რევოლუციისათვის, არამედ პირიქით, აკეთებდნენ ყოველივე იმას, რაც ხელს უშლიდა ახალ რევოლუციონურ აფეთქებას. მაგრამ, როდესაც რევოლუცია ფაქტი გახდა, ეხლა იმათ მოინდომეს მისი ხელში ჩაგდება, და მათ ეს სულ ადვილად შეეძლოთ ჩაედინათ, ვინაიდან 1905 წლის რევოლუციიდან მოყოლებული ახალი რევოლუციონურ აფეთქებამდე 1917 წლის თებერვალმარტამდე, ე. ი. იმ ხანაში, როდესაც ბოლშევიკები სულ ახალ და ახალ მსხვერპლს სწირავდნენ რევოლუციას, მენშევიკები ისხდნენ სხვა და სხვა თბილ თბილ ადგილებზე და ამგვარად მათი ძალები ინახებოდა. მაგრამ მენშევიკებთან ერთათ ჩნდება კიდევ მეორე წვრილბურჟუაზიული პარტია ე. ი. „სოციალ-რევოლუციონერთა პარტია“. მენშევიკებმა და ესერებმა ერთბაშათ გაიგეს ერთმანეთი, როგორც კონტრ-რევოლუციონურმა პარტიებმა და იმათ თებერვლის რევოლუციის პირველსავე დღიდან მოაწყეს ჩუმი ბლოკი ბოლშევიკების წინააღმდეგ.

რას წარმოადგენდნენ ჩვენში ბოლშევიკური ორგანიზაციები თებერვლის რევოლუციის შემდეგ, განსაკუთრებით პირველ დღეებში? ეს იყო ძველი ორგანიზაციების შემცირებული რიგები ან კიდევ უფრო უკეთ, ამ ორგანიზაციების ნამსხვრევები. ნამდვილი ორგანიზაციები, ბაქო-ტფილისის და ქუთაისის გარდა, თითქმის არსად არ იყო. მაგრამ ყველგან იყვნენ ბოლშევიკების ჯგუფები. როგორ უნდა შეგვექმნა ამ ნამსხვრევებიდან ორგანიზაცია, როგორ უნდა მოგვეყარა თავი ერთეულებათ. გაუანტულ წევრებისათვის?

პეტროგრადიდან და მოსკოვიდან სრული მოწყვეტილობის და საერთო ხელმძღვანელ ცენტრის უქონლობის გამო, აქ ადგილობრივი ამხანაგები სწყვეტენ ამ საჭირ-ბოროტო და მნიშვნელოვან საკითხს. მიუხედავათ ამისა, გადაწყვეტილება ყველგან ერთნაირი იყო: ე. ი., ჯერ-ჯერობით შევსულიყავით მენშევიკებთან ერთად საერთო ორგანიზაციაში, მაგრამ არავითარ შემთხვევაში არ გვეთქვა უარი ჩვენ შეხედულებებზე.

კერძოთ ტფილისში, ჩვენ შევედით რა ფორმალურად ერთ ორგანიზაციაში მენშევიკებთან, შევინარჩუნეთ საკუთარი ბიურო, საკუთარი ლიტერატურული ორგანო (გაზ. „კავკასკი რაბოჩი“) და საკუთარი ფრაქციის კრებების გამართვის უფლება; ეს ნიშნავდა იმას, რომ ფაქტიურად მაშინ ტფილისში არავითარი გაერთიანებული სოც.-დემ ორგანიზაცია არ ყოფილა. და არა მარტო იდეურად, არამედ ორგანიზაციულადაც ბოლშევიკები წარმოადგენდნენ განცალკევებულ პარტიულ ორგანიზაციას.

გაზ. „კავკასკი რაბოჩის“ საშუალებით, ისევე, როგორც კრებებზე და მიტინგებზე ჩვენ ვაწარმოებდით სისტემატიურ და დაუ-





ზოგაე ბრძოლას მენშევიკების და ესერების წინააღმდეგ, რომელნიც თავიდანვე ღალატობდნენ მუშათა კლასს და რევოლიუციას და მოუწოდებდით მასებს გაერთიანებულიყვენ ბოშევიკურ ლოზუნგების ქვეშ: „მთელი მიწა გლეხებს, მთელი ძალა უფლება საბჭოებს“. გაზ. „კავკასკი რაბოჩი“ ჩქარა განდა პოპულიარული განხეთი მუშების და რევოლიუციონურად განწყობილ სალდათების მასებში.

### კავკასიის კომორგანიზაციების პირველი საოლქო ყრილობა.

ბოლშევიზმის გავლენა იზრდებოდა არა დღეობით, არამედ საათობით. ჩქარა ბოლშევიკების სრულიად რუსეთის პირველ ლეგალურ კონფერენციის (1917 წ. აპრილში) შემდეგ, რომელშიაც მონაწილეობას ღებულობდა აგრეთვე წარმომადგენელი ტფილისის ორგანიზაციისა, ეს უკანასკნელი ეთიშება გაერთიანებულ სოციალ-დემოკრატიულ ორგანიზაციას და აცხადებს თავისთავს ბოლშევიკების რუსეთის სოც.-დემოკრატიულ მუშათა პარტიის ნაწილად.

ტფილისის ბოლშევიკების მაგალითის მიბაძვით ყველა სხვა ქალაქებში და ადგილებში ხდება ასეთივე მოვლენა. თანდათან იზრდება და მტკიცდება ბოლშევიკური ორგანიზაციები, ამავე დროს ტფილისის და ბაქოს [ორგანიზაციების წარმომადგენლები 1917 წ. ზაფხულში თავის თავზე ღებულობენ ბოლშევიკურ ორგანიზაციების კავკასიის 1 ყრილობის მოწვევის ინიციატივას.

ეს იღეა ჩქარა ხორციელდება, სახელდობრ, 1917 წ. სექტემბრის მეორე ნახევარში ქ. ტფილისში იწვევენ ბოლშევიკურ ორგანიზაციების კავკასიის პირველ საოლქო ყრილობას, რომელზედაც ამიერ-კავკასიის ორგანიზაციების და აგრეთვე სამხედრო ნაწილების ორგანიზაციების გარდა მონაწილეობას ღებულობენ ჩრდ. კავკასიის, (სტავროპოლის გუბერნიის და ყუბანის და თერგის ოლქების) დელეგატები. ყრილობამ მოისმინა მოხსენებები ადგილებიდან, აგრეთვე სხვა საყურადღებო მოხსენებები, გამოიტანა სათანადო რეზოლიუციები და, აირჩია რა კავკასიის პირველი საოლქო კომიტეტი. დაიშალა თითქმის ოქტომბრის რევოლიუციის წინა დღეებში, ახლოვდებოდნენ დიდი მნიშვნელოვანი ამბები. საჭირო იყო როგორც საკუთარი, ისე ჩვენი მოწინააღმდეგეების ძალების გათვალისწინება.

მე უკვე ვლაპარაკობდი, რომ მთავრობის თითქმის ყველა დაწესებულებები და რევოლიუციონური ორგანიზაციები (საბჭოები) იმყოფებოდნენ ჩვენი მოწინააღმდეგეების და პირდაპირი მტრების ხელში. ამიერ-კავკასიაში მხოლოდ ბაქოში გვქონდა როგორც საბჭოში, ისე სხვა დაწესებულებებში ბოლშევიკების უმრავლესობა. ტფილისში კი ჩვენ შევადგენდით უმცირესობას, მაგრამ ჩვენი ძალები შეუჩერებ-



ლად იზრდებოდნენ. ჯერ კიდევ აგვისტოში ქალაქის საბჭოს არჩევნების დროს ჩვენ მივიღეთ დაახლოებით 5000 ხმა და გავიყვანეთ საბჭოში 7 დეპუტატი; ხოლო 2—3 თვის შემდეგ, ნოემბერში, სრულიად-რუსეთის დამფუძნებელი კრების არჩევნების დროს, ამავე ტფილისში ჩვენ მავიღეთ უკვე 4-ჯერ მეტი ხმა, მაშინ როდესაც მენშევიკებმა დამფუძნებელი კრების არჩევნების დროს ტფილისში მიიღეს გაცილებით უფრო ნაკლები ხმა, ვინემ ქალაქის საბჭოს არჩევნების დროს.

### ოქტომბრის შემდეგ.

ცხადია, ოქტომბრის რევოლუციის შემდეგ პოლიტიკური მდგომარეობა როგორც მთელს კავკასიაში, ისე კერძოთ ამიერ-კავკასიაში ძლიერ გართულდა. ტფილისის საბჭოში დეპუტატების დიდ უმეტესობას შეადგენდნენ საბჭოთა ხელისუფლების შეურიგებელი მტრები. მის წინააღმდეგ ფიზიკური ძალის გამოყენება არ იყო მიზანშეწონილი. ჩვენი ამოცანა მდგომარეობდა იმაში, რომ დაგვეცადა რამოდენიმე ხანს და გავვეძლიერებია ჩვენი გავლენა მასებში.

მენშევიკებმა გაიგეს ჩვენი ტაქტიკა და გადასწყვიტეს მიეცათ ჩვენთვის საბაზი უღროვო-დროს გამოსვლისათვის და მით დავესუსტებინათ ჩვენ თავიდანვე. 30 ნოემბერს ისინი აწყობენ თავდასხმას არსენალზე, რომელიც ჩვენს ხელში იყო და იკავებენ მას; ამავე დროს ისინი, ესერებთან და დაშნაკებთან ერთად, აპატიმრებენ ბოლშევიკებს და არბევენ ყველა ჩვენს სამივე გაზეთების რედაქციებს. მაგრამ, როდესაც ლეზულობენ ჩვენგან საკმაოდ გაბედულ წინააღმდეგობას, ისინი დროებით აჩერებენ რეპრესიებს ჩვენს წინააღმდეგ.

1917 წ. დეკემბრის მეორე ნახევარში შესდგა არმიის მე-2-ე ყრილობა, რომელმაც თავისი უმრავლესობით, (თუმცაღა უმნიშვნელო) დაიჭირა ბოლშევიკების პოზიცია. ჩვენ შეგვეძლო ეს გამოგვეყენებია საბჭოთა ხელისუფლების გამოცხადებისათვის, მაგრამ თვით არმია, როგორც ასეთი უკვე აღარ იყო. ეს იყო უკვე გახრწნილი და სახლისაკენ გაქანებული ნაწილები. მენშევიკებმა, გაითვალისწინეს რა ეს გარემოება, არ მოგვეცეს ჩვენ საშუალება გამოგვეყენებია ჩვენდა სასარგებლოდ არმიის ყრილობის უმრავლესობა.

### პარტია არალეგალურ მდგომარეობაში.

1918 წლის დასაწყისში მდგომარეობა კიდევ უფრო გართულდა განსვენებულ ამხ. შაუშიანის კავკასიის საგანგებო კომისრად დანიშვნით ერთის მხრივ და მეორე მხრივ კავკასიის ფრონტიდან სამხედრო ნაწილების ტფილისის გზით დაბრუნების გამო. მენშევიკები, დაშნაკები და ესერები ხელდავდნენ იმაში აჯანყებისათვის მზადებას.



საბჭოთა ხელისუფლების გამოცხადების მიზნით. და ამისათვის ისინი ახდენენ ახალ თავდასხმას ჩვენს პარტიაზე, (გაზეთების დახურვა, ალექსანდრეს ბაღში მიტინგის ამოუღებელი, ცნობილ ბოლშევიკების დაპატიმრება და სხვა). ამის გამო ჩვენი პარტია საოლქო კომიტეტის სახით გადადის უკვე არალეგალურ მდგომარეობაზე. მენშევიკების, დაშნაკელების, მემარჯვენე ესერების და მუსავატისტების გაერთიანებულმა ბლოკმა შესძლო ჩვენი პარტიის იატაკ ქვეშ მომწყვდევად, მაგრამ, ცხადია ვერ შესძლო გამკლავება ანარქიისათვის რომელიც დღითი-დღე ძლიერდებოდა.

შინაგან ანარქიას, რომელიც გამოიხატა ერთის მხრივ ნაციონალურ ნიადაგზე წარმოშობილ შეჯახებებში და მეორეს მხრივ გლეხთა აჯანყებებში, თან ერთვის ოსმალეთ-გერმანიის იმპერიალიზმის შემოტევა: იშლება მენშევიკების, დაშნაკების და მუსავატისტების ხელოვნურად შექმნილი ამიერ-კავკასიის რესპუბლიკა სამ ნაწილად: საქართველო, სომხეთი და აზერბეიჯანი (1918 წ. მაისის ბოლო რიცხვები). ბაქოში კი მარტიდან უკვე ძალა-უფლება ჩვენი პარტიის ხელში იყო ამხ. შაჰმიანის, ჯაფარიძის, აზიზბეკოვის და სხვ. მეთაურობით.

### მოძრაობა მენშევიკების წინააღმდეგ.

ამიერ-კავკასიის საოლქო კომიტეტი, 2—3 წევრის გამოკლებით, რომლებიც იმყოფებოდნენ ბაქოში და მოწყვეტილი იყვნენ ჩვენგან, იმყოფებოდა ტფილისში. ამ მომენტში კავკასიის საოლქო კომიტეტის წინაშე იდგა წმინდა ბრძოლის, შეიძლება ითქვას, **სამხედრო ამოცანა**. საქმე იმაშია, რომ მთელს საქართველოში 1918 წ. გაზაფხულიდან იწყება ძლიერ სერიოზული გლეხთა მოძრაობა, რომლის ლოზუნგია საბჭოთა ხელისუფლების გამოცხადება. მენშევიკებმა დაიწყეს აჯანყებულ გლეხების წინააღმდეგ მკაცრი ზომების მიღება.

გლეხებს არ ყოფნიდათ იარაღი და სხვა საომარი მასალა. ასეთ პირობებში კავკასიის საოლქო კომიტეტმა გადასწყვიტა გადაეტანა დროებით თავისი მრღვაწეობის ბაზა ტფილისიდან ჩრდ. კავკასიაში (ვლადიკავკავში), სადაც ამ დროს დამყარებული იყო საბჭოთა ხელისუფლება, და იქიდან ცდილიყო მიეწოდებია ღუშეთის და რაჭის მაზრების გლეხებისათვის იარაღი და სხვა საშუალებები, ხოლო შემდეგ დაეწყო ნამდვილი შეტევა ქართულ მენშევიკების წინააღმდეგ. ამას გარდა, განზრახული იყო ვლადიკავკავში კავკასიის მე-2 პარტიული ყრილობის მოწვევა. ივნისის დასაწყისში კავკასიის საოლქო კომიტეტის წევრთა უმეტესობა არალეგალურად მიემგზავრება თურგის ოლქში და სტოვებს ტფილისში მხოლოდ საინფორმაციო ბიუროს, რომელიც შესდგებოდა 2—3 წევრისაგან. მაგრამ, საუბედუ-

როდ, საბჭოთა ხელისუფლების მდგომარეობა თერგის ოლქში და თვით მთელს ჩრდილოეთ კავკასიაში მაშინ იმდენად კრიტიკული იყო, რომ ზრუნვა საქართველოზე და მისთვის დახმარების გაწევაზე სრულიად შეუძლებელი იყო. ამის ნაცვლად ძალა-უნებურად მოგვიხდა ჩამბა ბრძოლაში, რათა დაგვეცვა საბჭოთა ხელისუფლება თვით თერგის ოლქში, უფრო სწორად რომ ვსთქვათ მხოლოდ ვლადიკავკავში: ჩვენ იქ ირგვლივ გარს შემორტყმული ვიყავით კონტრ-რევოლუციონერებით.

რამოდენიმე თვე გაგრძელდა ეს ბრძოლა ძლიერ მძიმე პირობებში. იყო მომენტები, როდესაც საბჭოთა ხელისუფლება ბეწვზე ეკიდა. 1918 წლის ბოლოს ბედმა თითქმის ჩვენ გავვიღიმა; ყაზახების კონტრ-რევოლუციონური ბანდები, რომლებიც გარს შემორტყმული იყვნენ ვლადიკავკავზე ნახევარ-რკალივით, გაანადგურეს ჩვენმა წითელარმიელთა რაზმებმა ამხ. ლევანდოვსკის მეთაურობით. საბჭოთა ხელისუფლების ტერიტორია ცოტათი გაფართოვდა და კავკასიის საოლქო კომიტეტმა ისარგებლა ამ მომენტით, რათა მოეწვია ბოლშევიკური ორგანიზაციების კავკასიის მე-2 ყრილობა. ეს ყრილობა მართლაც შესდგა 1919 წ. იანვრის პირველ რიცხვებში, რომელზედაც გამოცხადდნენ მხოლოდ ჩრ. კავკასიის, ესე იგი თერგის ოლქის და სტავროპოლის გუბერნიის ნაწილის წარმომადგენლები, ვინაიდან ჩრდ.-კავკასიის დანარჩენი ნაწილი ეჭირა დენიკინს, ამიერკავკასიის დელეგატებმა კი ვერ მოახერხეს ჩამოსვლა.

მიუხედავად ამისა, ყრილობამ სრულუფლებიანად აღიარა თავი, სი თავი იმ საკითხების გადაჭრაში, რომლებიც შეეხებოდნენ ჩრდ.-კავკასიას და მოხსენების მოსმენის და სათანადო რეზოლუციების გამოტანის შემდეგ, დასტოვა კავკასიის საოლქო კომიტეტის ძველი შემადგენლობა, შეიყვანა რა შიგ მხოლოდ რამოდენიმე ახალი წევრი.

ყრილობის დახურვიდან რამოდენიმე დღის შემდეგ აშკარა შეიქნა, რომ საბჭოთა ხელისუფლების მდგომარეობა თერგის ოლქში იმ დროს სავსებით უნუგეშო იყო. მიუხედავად ამისა, გადაწყვეტიტ გვეწარმოებია ბრძოლა სანამ ძალა შეგვწევდა, ხოლო შემდეგ უკან დაგვეხია მთიულებთან (ინგუშებთან, ჩეჩნებთან, კაბარდინელებთან და სხ.) ერთად მთებში, ჩვენი უკან დახევა ვლადიკავკავიდან დაიწყო 2 თებერვალს, ხოლო გააფთრებული ბრძოლა ვლადიკავკავის და გროზნოს დასაპყრობად გრძელდებოდა ორი კვირის განმავლობაში; ამის შემდეგ კი გადარჩენილი, საბოლოოდ დამარცხებული ჩვენი წითელ-არმიელთა რაზმების, ნაწილი იძულებული იყო თავი შეეფარებია ინგუშების და ჩეჩნების აულებში, მთებში.



იქიდან დიდი წვალების, გაჭირვების შემდეგ ზოგიერთმა აზნა-  
ნაგებმა მოვახერხეთ საქართველოში ჩამოსვლა:

საქართველოში პარტიული მუშაობა ამ დროს საესებით მივიწყებული იყო, ხოლო აუცილებელი იყო ამ მუშაობის გაძლიერება. მენშევიკების ხელისუფლებით უკმაყოფილო იყვნენ არა მარტო გლეხები, არამედ აგრეთვე მუშები, სიმპატია საბჭოთა ხელისუფლები-სადმი იზრდებოდა. აზერბეიჯანში ბატონობდნენ მუსავატისტები, მაგრამ ბაქოში მუშათა მასები უკვე იზრებოდნენ საბჭოთა ხელისუფლების მხარზე.

სომხეთთან კავშირი თითქმის არ იყო, მაგრამ იქ ჩვენი პარტი-ის მდგომარეობა გაცილებით უფრო უარესი იყო დაშნაკების „მაუ-ზერისტების“ რეჟიმის ქვეშ. მაგრამ სამივე ამ რესპუბლიკებს თავს დაჯდომოდა ინგლის საფრანგეთის იმპერიალიზმის სამხედრო შტაბი საოკუპაციო ჯარებით.

მაგრამ პირობები არალეგალურ პარტიულ მუშაობისათვის ყვე-ლა ამ რესპუბლიკებში, განსაკუთრებით საქართველოში, საბჭოთა ხელისუფლებისადმი მასების დიდი თანაგრძნობის გამო, გაცილებით უფრო ხელსაყრელი იყო, ვინემ ერთი წლის წინათ.

ბაქოში პირველი მაისის დღესასწაულმა 1919 წ. მიიღო გრან-დიოზული ხასიათი და ეს მუსავატისტების და ინგლისის საოკუპაციო ხელისუფლების თვალწინ.

ამ გარემოებამ გაათამამა ზოგიერთი ჩვენი ბაქოელი ამხანაგები და მათ წარუდგინეს მუსავატელების მთავრობას მუშათა პროფკავში-რების საშუალებით ისეთი მოთხოვნებიანი, რომელთა დაკმაყოფი-ლება ნიშნავდა მის სრულ კაპიტულიაციას კომუნისტური პარტიის წინაშე. და, ცხადია, ეს მოთხოვნებიანი არ დააკმაყოფილეს და საჭირო შეიქნა უკან დახევა.

### კავკასიის პირველი პარტკონფერენცია.

1919 წ. მაისის პირველ რიცხვებში ბაქოში **შეხდგა კავკასიის პირველი პარტიული კონფერენცია**. ამ კონფერენციამ პირველ ყოვ-ლისა მოისმინა ანგარიში კავკასიის საოლქო კომიტეტის მუშაობის შესახებ, შემდეგ მოხსენება ამიერ-კავკასიის რესპუბლიკებში პარ-ტიული მუშაობის შესახებ და მისცა მომავალ ხელმძღვანელ ორგანოს მუშაობის დაწვრილებით შემუშავებული გეგმა, ხოლო განსაკუთრე-ბული ყურადღება ექცეოდა მუშაობას ჩრ.-კავკასიაში, რომელიც მაშინ სავსებით დენიკინის ხელში იმყოფებოდა, დასასრულ კონფე-რენციამ აირჩია ხელმძღვანელი ორგანო, რომელსაც სახელადწოდა ისევ კავკასიის საოლქო კომიტეტი, რადგან ეს სახელწოდება უკვე განმტკიცებული იყო და სარგებლობდა დიდი ავტორიტეტით, თუმცა



და ეს იყო მხოლოდ ამიერ-კავკასიის ორგანიზაციების კონფერენცია. ეს კომიტეტი უნდა ყოფილიყო ტფილისში, ხოლო ბაქოში მას ექნებოდა კავ. საოლქო კომიტეტის ბიურო, რომლის შემადგენლობაში შევიდოდა არა ნაკლებ სამი წევრისა.

თითქმის ყოველთვიურად იკრიბებოდა პლენუმი, რომელზედაც ირჩეოდა მნიშვნელოვანი საკითხები.

### საოლქო კომიტეტის მუშაობა.

პირველ ყოვლისა მე აქვე მინდა მოვიგონო ის როლი, რომელიც ითამაშა კავკასიის საოლქო კომიტეტმა ბაქოს ორგანიზაციასთან ერთად 1919 წ. მაისში და ივლისში აზერბეიჯანზე დენიკინის შემოტრევისათვის წინააღმდეგობის მოწყობის საქმეში.

როგორც ვიცით, იმ წლის გაზაფხულზე დენიკინმა უკვე დაიკავა მთელი დაღესტანი და ინგლისის საოკუპაციო ხელისუფლების თანხმობით და აზერბეიჯანის მუსავატისტური მთავრობასთან მორიგებით მას განზრახული ჰქონდა აზერბეიჯანის დაკავება, რაც მაშინდელ პირობებში მას ძლიერ ადვილად შეეძლო. ყოველ გვარი მზადება დენიკინმა დაასრულა, მას განზრახული ჰქონდა დაეკავებია ბაქო ორი მხრიდან: ზღვიდან და ხმელეთიდან (რკ. გზ.); ეს უნდა მომხდარიყო ფარულად. მაგრამ ამ სერიოზულ მომენტში, კავკასიის საოლქო კომიტეტმა, გაითვალისწინა რა აზერბეიჯანის დენიკინის მიერ დაკავების მთელი საფრთხე, როგორც საბჭოთა რუსეთის, ისე საზოგადოდ რევოლიუციისათვის, თავის მიზნად დაისახა რაც უნდა დაჯდომოდა ხელი შეეშალა თეთრ-გვარდიელების ამ ჯოჯოხეთური გეგმის განხორციელებისათვის. გამოშვებული იყო განსაკუთრებული მოწოდება აზერბეიჯანის მუშებისა და გლეხებისადმი, რომელშიაც გამოაშკარავებული იყო კონტრ-რევოლიუციის ზრახვები და შეთქმულება მშრომელი მასების წინააღმდეგ და მოუწოდებდა მათ, რათა წინააღმდეგობა გაეწიათ ამ მახინაკიებისათვის. ამ მოწოდებამ დიდი გავლენა მოახდინა. ყველაზე უფრო თვით მუსავატისტებიც იძულებული შეიქნენ გამოხმაურებოდნენ კომუნისტების მოწოდებას. გაიმართა გრანდიოზული მიტინგები, რომელზედაც გამოჰქონდათ პროტესტები და რეზოლიუციები დენიკინის შემოტრევისათვის წინააღმდეგობის გაწევის აუცილებლობის შესახებ. ეს საკითხი ბაქოს ამხანაგების ინიციატივით გადმოტანილი იქნა თვით მენშევიკურ საქართველოშიაც და წინადადება მიეცა მენშევიკებს, რათა შეექმნათ ამიერ-კავკასიის ერთიანი ფრონტი დენიკინის წინააღმდეგ.

მენშევიკებმა ეს წინადადება ურცხვათ უარყვეს, მაგრამ შეიქნა ისეთი მდგომარეობა, განსაკუთრებით ბაქოში, როდესაც დენიკინს არ შეეძლო გაეხედნა აზერბეიჯანის დაკავება. ეს კრიზისი სასურ-



ველად დამთავრდა, რაც მიეწერება კავკასიის საოლქო კომიტეტის ერთ-ერთ დიდ ღვაწლს.

### სამზადისი. ძალთა მობილიზაცია. ბრძოლა საბჭოთა ხელისუფლებისათვის.

დაიწყო დიდი ინტენსიური მუშაობა. ადგილებზე პარტიული აპარატების მოწესრიგების, გამომცემლობის და იმ ამხანაგებთან და პარტიულ ორგანიზაციებთან კავშირის აღდგენისთვის, რომლებიც მუშაობდნენ ჩრ.-კავკასიაში, სადაც იგზავნებოდნენ უფრო საიმედო ამხანაგები.

ცხადი იყო, რომ დიდი მნიშვნელობა ჰქონდა ამ დროს პარტიულ მუშაობის მოგვარებას განსაკუთრებით ჩრ.-კავკასიაში, სადაც ბოლოს და ბოლოს უნდა აღდგენილიყო საბჭოთა ხელისუფლება. საქართველოში და ბაქოში პარტიული მუშაობის წარმატებაზე არ არის საჭირო ლაპარაკი. ცუდათ იყო საქმე დაყენებული მხოლოდ დაშნაკების სომხეთში, დიდი ყურადღება ექცეოდა აგრეთვე მუშაობას ჯარებში.

არ იყვნენ დავიწყებული თვით ინგლისის საოკუპაციო ჯარებიც, რომელთაც კავკასიის საოლქო კომიტეტმა მიმართა განსაკუთრებული მოწოდებით, რომელშიაც დახასიათებული იყო ინგლისის ჯარის-კაცების სამარცხვინო როლი ამიერ-კავკასიაში და ურჩევდნენ მათ დაეტოვებინათ ამიერ-კავკასია. ფაქტია, რომ ადრე იჩინა თავი უკმაყოფილებამ ამ ჯარის-კაცებს შორის და ჩქარა მოკავშირეთა ხელისუფლება იძულებული შეიქნა, ეს ჯარები აქედან გაეყვანა.

მრავალია იმის დამამტკიცებელი ფაქტები, თუ როგორი წარმატებით ვითარდებოდა მუშაობა საქართველოს, აზერბეიჯანის და სომხეთის ჯარის-კაცებს შორის.

1919 წ. ზაფხულის დასასრულს როგორღაც თავის თავად დაისვა დღის წესრიგში საკითხი საქართველოში აჯანყების მოწყობის შესახებ. ეს საკითხი არ წამოუყენებია საოლქო კომიტეტს და არც შეიძლებოდა წამოეყენებია შემდეგი მოსაზრებებით: ერთის მხრივ, ჩვენ გვეგონა, რომ საქართველოში გლეხობას ჯერ კიდევ არ მოუშეზებოდათ ის კრილობები, რომლებიც მას მიაყენეს მენშევიკებმა და ახლოვებით ერთი წლის წინად და ამიტომ მოწოდება ახალ აჯანყებისაკენ, როდესაც ისინი არც მზად იყვნენ ამისათვის, ჩვენ დაუშვებლად მიგვაჩნდა; მეორე მხრით, იმის გამო, რომ საბჭოთა ჯარები იმ დროს დაშორებული იყვნენ ჩვენგან, ჩვენ არ შეგვეძლო რაიმე დახმარების იმედი გვქონოდა გარედან და ამიტომ აჯანყება ასეთ პირობებში, ცხადი იყო, ვერ გაიმარჯვებდა.

ამ მოსაზრებით საოლქო კომიტეტს უფრო მიზანშეწონაღად მიაჩნდა ჯერჯერობით პარტიული მუშაობის გაძლიერება და პარტიული ორგანიზაციების განმტკიცება. მაგრამ ეს საკითხი დასმული იქნა თვით მასაში. გამოიკვია, რომ გლახობა არა თუ ვერ დააშინა 1918 წ. აჯანყების ჩაქრობამ, არამედ ისინი ერთი წუთითაც არ ივიწყებდნენ ახალი აჯანყების მოწყობის განზრახვას, სანამ სავსებით არ იქნებოდა მიღწეული მიზანი. საოლქო კომიტეტი პირველყოფლისა იკვლევს გლახებს შორის შექმნილ მდგომარეობას, ე. ი. მენშევიკური რეჟიმით გამოწვეულ უკმაყოფილებას, ამ უკმაყოფილების მიზეზებს და საბჭოთა ხელისუფლებისადმი გლახობის დამოკიდებულობას; და გამოიკვია, რომ გლახებსა და მენშევიკებს შორის გაითხარა უფსკრული, რომ გლახების დიდი უმრავლესობა მტრულად არის განწყობილი მენშევიკების მთავრობასთან, რომ თუ საოლქო კომიტეტი ან სხვა რომელიმე ორგანიზაცია არ დაიწყებს აჯანყების მოწყობას, სულ ერთია გლახები სტიქიურად აჯანყდებიან. მხოლოდ ამ გამოკვლევების შემდეგ დაისვა ეს საკითხი კავკასიის საოლქო კომიტეტის პლენუმზე სექტემბრის დასაწყისში. მაგრამ საკითხის პირველი განხილვის დროს პლენუმს არ გამოუტანია გადაჭრილი რეზოლიუცია, არამედ მიანდო ტფილისელ ამხანაგებს, საოლქო კომიტეტის წევრებს,—კვლავ მოეხდინათ მდგომარეობის შემოწმება, შეემუშავებით დაწვრილებით აჯანყების გეგმა და წარმოედგინათ ის შემდეგ მომავალ მორიგ პლენუმისათვის. საკითხი კვლავ შესწავლილ იქნა; ამავე დროს მთავარი ყურადღება მიქცეული იყო იქითკენ, რათა მომზადებული ყოფილიყო ნიადაგი ჯარებში, გამოიკვია, რომ ჯარების დიდი ნაწილი აქტიურად მხარს უჭერს აჯანყებას. ამის შემდეგ ხელმეორედ განხილვისას პლენუმმა დადებითად გადაჭრა აჯანყების საკითხი, ხოლო მისი მოწყობა მიანდო ტფილისის ბიუროს.

აქ საჭირო არ არის ლაპარაკი ამ აჯანყების ისტორიაზე. ის შეუძლებელი შეიქნა მხოლოდ იმ ტენიკურ ორგანოების შემთხვევითი მარცხის გამო, რომლებიც ამზადებდნენ მას.

იძულებული ვიყავით შ. გვეჩერებია ზოგიერთ ადგილებში წარმოშობილი აჯანყებები. ამ აჯანყებამ დიდი მსხვერპლი შეიწირა ჩვენგან, მაგრამ ჩვენ გამოცდილებით გავიგეთ, სად იყო ჩვენი ძლიერება და სად სისუსტე.

1920 წ. ზამთარში და გაზაფხულის დასაწყისში, საქართველოს და აზერბეიჯანის საზღვრებთან წითელი ჯარების მოახლოების გამო, ჩვენ გაცხოველებული მუშაობა გვქონდა მეზობელი რაზმების მოწყობის მიზნით. ამ რაზმების ნაწილი იგზავნებოდა ჩრ.-კავკასიაში დენიკინის ზურგში აჯანყებების მოსაწყობად. ამ რაზმებმა, სხვათა



შორის, პირველად დაიკავეს კავკავი და სხვა პუნქტები წითელი ჯარების მისვლამდე.

ყველა ამ ამბების გამო 1920 წ. ზაფხულში საქართველოში შეიქმნა უზომოდ გართულებული მდგომარეობა. საყოველთაო აზრი ისეთი იყო, რომ მენშევიკურ ხელისუფლებას დაუდგა არსებობის უკანასკნელი დღეები. საოლქო კომიტეტი ითვალისწინებდა ამას და ლეზულობდა სათანადო ზომებს, რათა მზად ყოფილიყო მომავალ ამბებისათვის. ამ დროს ხდება ორი ფაქტი:

1) აზერბეიჯანში საბჭოთა ხელისუფლების გამოცხადება და იქ წითელი ჯარების შეხვლა (27 აპრ. 20 წ.) და

2) რევოლიუციონური მოძრაობა სომხეთში პირველი მაისის დღესასწაულის გამო, რამაც კინალამ არ გამოიწვია იქ საბჭოთა ხელისუფლების დამყარება.

ყველა ამის გამო საქართველოს მენშევიკები გარშემორტყმული აღმოჩნდნენ სამი მხრიდან. მაგრამ კიდევ უფრო კატასტროფიული იყო მდგომარეობა საქართველოში ერთის მხრივ გლეხობის დიდი უკმაყოფილების, ხოლო მეორე მხრივ — ნაციონალურ ნიადაგზე წარმოშობილ გართულების გამო.

დადგა ყველაზე უფრო კრიტიკული მომენტი მენშევიკებისათვის თითქოს შველაც არსაიდან იყო, მაგრამ ამ დროს მათ უშველა ურატაძემ, რომელმაც შესძლო გაუხმაურებლად წასულიყო მოსკოვში და საჩქაროდ დაედო ხელშეკრულობა ამხ. ჩიჩერინთან. ეს მოხდა 1920 წ. 7 მაისს.

ეს ხელშეკრულება სავალდებლო იყო როგორც მენშევიკებისათვის, ისე ჩვენთვისაც, როგორც რუს. კომპარტიის წევრებისათვის.

მენშევიკები არასოდეს არ ფიქრობდნენ ხელშეკრულების პირობების სისწორით შესრულებას. ჩვენ კი ამ პირობებს თითქმის წვრილმალნამდეც ვასრულებდით. რ. კ. პ. კავკასიის საოლქო კომიტეტი, რომელიც შეუცვლელად მუშაობდა სამი წლის განმავლობაში არალეგალური არსებობის მიძიმე პირობებში და გააფთრებულ სამოქალაქო ომის დროს ერთი ადგილიდან მეორეზე გადადიოდა, რათა იქ ყოფილიყო, სადაც ეს საჭირო იყო, — ეხლა იშლებოდა.

კავკასიის ამ ძველმა საოლქო კომიტეტმა, რომელიც აწარმოებდა მუშაობას კავკასიაში ნაციონალისტურ, შოვინისტურ და კაცთ-მოძულე პარტიების (მენშევიკების, დაშნაკების, მუსავატისტების და სხვ.) ბატონობის ყველაზე უფრო მიძიმე პერიოდში და გართულებულ მდგომარეობაში, რომელიც მწვეავდებოდა დასავლეთ-ევროპის მტაცებლების ინტერვენციით ამიერ-კავკასიის რესპუბლიკების საქმეებში, ღირსეულად შეასრულა თავისი დაკისრებული რევოლიუციონური სამხედრო ამოცანა. ის ეწეოდა ამ მიძიმე საშსახურს არა შიშის ქვეშ,



არამედ სინიდისის კარნახით, და თუ ზოგჯერ მის წევრებს შორის ადგილი ქონდა უთანხმოებას და წინააღმდეგობას, ეს მუდამ გამოწვეული იყო წმინდა საქმიანი მოსაზრებებით, მაგრამ არასოდეს არავითარ პირად მოტივებით, და ყველა ეს უთანხმოებანი არ სცილდებოდა თვით კომიტეტის ჩარჩოებს. მის წევრებს შორის სუფევდა სრული ნდობა და ამიტომ მისი ავტორიტეტი არა თუ არ მცირდებოდა, არამედ ის სარგებლობდა დიდი ნდობით ყველა ორგანიზაციების და ცალკე ამხანაგების მხრივ, რომელთაც მასთან ჰქონდათ ესა თუ ის საქმე.

დ ა ს კ ვ ნ ა .

აქ მე ვსვამ წერტილს, მაგრამ დასასრულ მინდა კიდევ რამდენიმე სიტყვა ვსთქვა.

მე გავაკეთე მხოლოდ ზოგადი და მოკლე მიმოხილვა ჩვენი პარტიის წარმოშობისა და განვითარების შესახებ, ვჩერდებოდი რა მხოლოდ იმ საფეხურზე, რომლებიც გაიარა ჩვენმა პარტიამ ამიერკავკასიაში და კერძოთ საქართველოში. 30—40 წელი, რომელიც გავიდა ჩვენი პარტიის პირველი იაჩეიკების წარმოშობის დღიდან — ძლიერ მცირე პერიოდია ხალხთა ცხოვრებაში; მაგრამ ამ დროის განმავლობაში ჩვენმა პარტიამ მოახდინა უდიდესი გადატრიალება ვეებერთელა ქვეყნის პოლიტიკურ და სოციალურ ცხოვრებაში და ხელი მიჰყო საზოგადოების გარდაქმნას სოციალისტურ საფუძველზე. მსოფლიოში არც ერთ პარტიას ერთხელაც არ მოუწოდებია ამის შესავს რამესი გაკეთება. სოციალიზმის განხორციელებისათვის ბევრი რამ გაკეთდა, მაგრამ კიდევ უფრო მეტი გასაკეთებელია მომავალში.

და როდესაც ჩაუფიქრდები ამას, მე თავის თავს ვეკითხები: როგორ შესძლო ჩვენმა პარტიამ იმ კოლოსალურ გამარჯვებების მიღწევა, რომლების მოწამე გახდა მთელი მსოფლიო?


ეხლა ნუ შევეხებით ბრძოლის პირობებს, რომლებიც შექმნილი იყო ბურჟუაზიის კაპიტალიზმის მემამულეების ბატონობით; ხოლო შევეხოთ პირველ ყოვლისა ამ ბრძოლის სუბიექტებს, მის ხელმძღვანელებს ე. ი. იმათ, რომელთაც უხდებოდა მთელი სიმძიმის თავის საკუთარ მხრებზე ტარება, იმათ, რომლებიც თავგანწირულად ებმებოდნენ ამ ბრძოლაში, ეცემოდნენ და იღუპებოდნენ მასში. და მე ვეუბნები ჩემ თავს: რომ არ ყოფილიყვნენ რევოლიუციის ეს გმირები, მოციქულები და ფანატიკოსები, ჩვენი პარტია ამ ხნის განმავლობაში ვერ მიაღწევდა იმ შედეგებს, რომელთაც მან მიაღწია.

ვინ იყვნენ ისინი, ეს გმირები? მუშები, გლეხები, თუ ინტელიგენტები, — ჩვენ მათ ეხლა არ ეხედავთ. ათასობით და ათი ათასობით იხოცებოდნენ ისინი მომავალი თაობის ბედნიერებისათვის და

ჩვენ ვიცით მხოლოდ რამოდენიმე მებრძოლების სახელები. ისინი მიდიოდნენ პარტიასთან, რევოლიუციასთან, რათა როგორც ერთისათვის, ისე მეორესათვის მიეცათ ყოველივე ის, რაც მათ გააჩნდათ, არ ღებულობდნენ და არც მოელოდნენ რა სამაგიეროს. აი რაში მდგომარეობდა ჩვენი პარტიის ყველაზე უფრო ძლიერი მხარე, აი რაში იყო და არის მისი მორალური დაუძლეველი ძლიერება.

დღეს, კომპარტიის არსებობის 25 წლის თავზე ჩვენ ვიგონებთ ამ ათას და ათი ათას უსახელო გმირებს, რომლებმაც მსხვერპლად მიიტანეს თავისი სიცოცხლე მუშათა კლასის საქმისათვის, სოციალიზმისათვის და ჩვენ მუხლს ვიდრეკეთ მათი წმინდა ხსოვნის წინაშე.

მაგრამ ეს საკმაო არ არის: თვითეულმა კომუნისტმა, თვითეულმა ატიოსანმა მუშამ და გლეხმა უნდა ამოიკითხოს ისტორიიდან, თუ რით გაიმარჯვა ჩვენმა პარტიამ წარსულში, რით იღებდა ის მიუვალ სიმაგრეებს და მაშინ შეიძლება დაბეჯითებით ითქვას, რომ ჩვენი საბოლოო გამარჯვება უზრუნველყოფილია.



მ. ხ. ს. ხ. კ. ა. მ.

# რუსეთის კომპარტიის არსებობის 25 წლის თავი.

( მ ო ზ ო ნ ე ბ ა ნ ი )

ვრცელი მოგონებისათვის საჭიროა სქელი ტომები. მოკლე მოგონებისათვის კი მეოთხედი საუკუნის მუშაობის შესახებ ისეთი პარტიის შესაქმნელად, როგორც რუსეთის კომპარტიაა, რომლის განუყრელ ნაწილად ისტორიულადაც და დღეს ფაქტიურადაც ითვლებიან კავკასიის: აზერბეიჯანის, სომხეთის და საქართველოს კომპარტიები, საჭიროა ფელეტონების, წერილების მთელი სერია, ასე ვთქვათ კარგა მოზრდილი ბროშურაც. ამისათვის კი არც მე მაქვს ფიზიკური შესაძლებლობა (დრო), არც ადგილობრივ რედაქციებს აქვთ ადგილი... ამიტომ ერთი გზა-ღა დამრჩენია—დავაკმაყოფილდე მხოლოდ წმინდა კონსპექტიურ-სქემატიურ გეგმით რუსეთის კომპარტიის განვითარების და რევოლუციონურ მოძრაობაში მისი როლის შესახებ.

\* \* \*

რუსეთის კომპარტია 1918 წლამდე რუსეთის სოც.-დემ. მუშათა პარტიის სახელწოდებას ატარებდა. პირველი ყრილობა იყო სრულ 25 წლის წინად.

მან მისცა საერთო რუსეთის სოც.-დემოკრ. მუშათა პარტიის სახელწოდება მუშათა წრეებს, ჯგუფებს, კავშირებს და სხვ., რომელნიც სტიქიურად ვითარდებოდნენ...

ცარიზმის რეჟიმის დროს თვალუწვდენელ ქვეყანაში ვლადივოსტოკიდან ვარშავამდე და ჰელსინფორსიდან ტაშკენტამდე, „დიდი რეფორმების“ შემდეგ (გლენთა ბატონყმობისაგან განთავისუფლება და სხ...), წასული საუკუნის 50-იან წლებში—ტარდებოდა ეკონომიკის ბუნებრივ განვითარების გზით კაპიტალისტური სისტემა ევროპის „ცივილიზაციის და კულტურის“ მიხედვით.

რუსეთის მუშათა კლასი დღითი-დღე იზრდებოდა განადგურებული სოფლის ხარჯზე და 70-იან წლების მეორე ნახევრიდან



თითქმის სისტემატიურად აწყობდა ფაბრიკებსა და ქარხნებში უფრო და უფრო დიდ გაფიცვებს. განსაკუთრებით ამ გაფიცვებმა მიიღეს ფართო, არა-შემთხვევითი, არამედ დარაზმული ხასიათი 1890--91--92 წლებში რუსეთში დამდგარ საშინელ შიმშილობის შემდეგ.

და ამ მომენტისათვის, და შემდეგი 5 წლის განმავლობაში არსდება იმ დროინდელ რუსეთში სოც.-დემ. მუშათა მრავალი ორგანიზაციები და წრეები...

ამ დროისათვის ჩვენც—კავკასიის მარქსისტებიც კერძო ტფილისის, ბათუმის, ქუთაისის მარქსისტები და რუსეთის სხვა ადგილებიდან ჩამოსული ზოგიერთებიც ასე ვსთქვათ „ავმოძრავდით“...

გავმართეთ ჯერ პირველი ყრილობა ზესტაფონში 1892—93 წლ. შობის დღესასწაულებში...

„ყრილობამ“, რა თქმა უნდა, არ მიიღო და მას არც შეეძლო მიეღო რაიმე პროგრამა, მაგრამ მოასწრო საბოლოოთ ჩაეშალა „ნაციონალ-დემოკრატიული პროგრამის პროექტი“, მაშინ ახალგაზრდა კაბუჯის... ვარშავის ვეტერინარ სტუდენტის, რომელსაც საბოლოოთ შეეთვისებია იქ ნაციონალიზმი დემოკრატიული და თითქმის სოციალისტური ელფერით—პოლონეთის მემარჯვენე პეპესოველების დაგვარად,—შემდეგ ცნობილი მენშევიკის ნოე ჟორდანისი. ჩვენ მივიღეთ 2 დებულება რევოლიუციონური, მარქსისტული ხასიათისა: 1) ჩვენ უწინარეს ყოვლისა ვართ სოციალისტ-მარქსისტები და 2) ჩვენ დავირაზმებით რუსეთის სხვა მუშებთან სრულ კონტაქტებში.

შეესწყვიტეთ რა იქ, ყრილობა გავაგრძელებთ ტფილისში, არსენალის იქით, რომელიც გამოქვაბულში... ჩვენ გვერქვა ცენტრალური წრე, რომელსაც მიზნათ ქონდა დასახული გაერკვია საპროგრამო საკითხები,—მოეწყო არალეგალური ბიბლიოთეკები და ამისათვის კავშირი დაეჭირა საზღვარ-გარეთთან და რუსეთის სხვა ცენტრებთან...

1893 წლის გაზაფხულზე კინალამ მოვახერხეთ საზღვარ-გარეთიდან ლიტერატურის მიღება. ტრანსპორტი დაიჭირეს ვარშავაში...

და მხოლოდ 3—4 წლის შემდეგ მე მოვახერხე ქუთაისით (იმ დროს აფთიაქის მოწაფის მიტროფანე ლალიძის მიერ მოცემულ მისამართით) მთელი კავკასიისათვის არალეგალური ლიტერატურის ტრანსპორტის მოწყობა...

მაგრამ მე უკვე გადამისახლეს აქედან 5 წლით,—სწორეთ რუს სოც.-დემოკრატ. მუშათა პარტიის 1 ყრილობის მოწვევის მომენტში..

მე მოვახერხე ხარკოვში 2—3 თვე არალეგალური მუშაობა შემდეგ კი ეკატერინოსლავში 1898 წლის გაზაფხულიდან 1900

წლის ივლისამდე. აქ მოვახერხე რუს. სოც.-დემ. მუშათა პარტიის საკმაოდ მტკიცე კომიტეტის მოწყობა, ორგანო „იუენი რაბოჩის“ გამოცემა და არალეგალური სტამბის შექმნა... როგორც ვიცით, „იუენი რაბოჩი“ გადააბიჯა კუსკოვას „ეკონომიზმის“, „ავიტაციას“, „კრედოს“ ღ პეტერბურგის „რაბოჩაია მისლს“, ღ საზღვარ გარეთის „რაბოჩეე დელოს“, რომელნიც უარყოფდენ ჩვენ მოძრაობაში პოლიტიკის გადამწყვეტ მნიშვნელობას.

1902 წლის შემოდგომიდან მე ისევ აქ ვიყავი, ვცხოვრობდი ქუთაისში განსაკუთრებულ ზედამხედველობის ქვეშ.

**M** 1903 წლის გაზაფხულიდან დავაარსეთ რუს. სოც.-დემ. მუშ. პარტ. ბაქოს, ტფილისის და ბათუმის კომიტეტებისაგან **სოც.-დემ. მუშათა ორგანიზაციების კავასიის** (შემდეგ დაერქვა ამიერ-კავკასიის) „კავშირი“ და საკავშირო კომიტეტთან გავაერთიანეთ ორი ორგანო—„ბრძოლა“ ქართულ ენაზე და „პროლეტარიატი“ სომხურზე. ერთ ორგანოში „პროლეტარიატის ბრძოლა“. იგი გამოდიოდა როგორც ყველა სხვა ფურცლები, პროკლამაციები და ბროშურები (უტიფარი მენშევიზმის წარმოშობამდე) სამ ენაზე: რუსულად, ქართულად და სომხურათ... ჩვენ შევეცადეთ მიგვემატებია მუსლიმანურიც, მაგრამ ვერ მოვახერხეთ. ახალ ორგანიზაციების აღმშენებლობა სდულდა და ვითარდებოდა. ბათუმის კომიტეტთან (და მის კანტროლის ქვეშ), ჩვენ მოვაწყეთ პარტიის ორგანიზაცია და დამოუკიდებელი კომიტეტი ქუთაისში „იმერეთ—სამეგრელოში“ რომელიც ხელმძღვანელობას უწყევდა ჭიათურას, ტყიბულს, სოფლებს და თვით ქალაქ ქუთაისს.

რუსეთის სოც.-დემ. მუშათა პარტიის II ყრილობაზე 1903 წელს ამიერ-კავკასიიდან წარმოდგენილი იყო 3 კომიტეტი (სხვები სრულყოფილებიანები არ იყვნენ, მხოლოდ არსებობდენ)—ბაქოს, ტფილისის და ბათუმის...

განხეთქილების დროს, ორი—ბაქოს და ბათუმის—დელეგატი დაბრუნდა ბოლშევიკათ, ხოლო მესამე—ტფილისის—მენშევიკათ, რისთვისაც ჩვენ ის გამოვრიცხეთ „საკავშირო კომიტეტის“ შემადგენლობიდან ყველა ხმებით ტფილისის კომიტეტის 2 წარმომადგენელის მონაწილეობით.

მუშაობა ძველებურად წავიდა—რევოლიუციონურ-ბოლშევიკური. მე მომიხდა ყველა დელეგატების მაგიერ გამეკეთებინა მოხსენებები ბაქოში, ტფილისში, ბათუმში და ქუთაისში რუსეთის სოც.-დემ. მუშათა პარტიის მე-2-ე ნამდვილ დამფუძნებელ ყრილობის მუშაობის შესახებ. ხოლო ამავე დროს მე იმ ყრილობაზე არ გყოფილვარ. მე მაშინ საორგანიზაციო მუშაობას ვეწეოდი ბათუმს, ქუთაისსა და ტფილისში, როგორც საკავშირო კომიტეტის წევრი. "



ჩვენვე ჩავატარეთ, საზღვარ-გარეთ მე-2 ყრილობის სხდომებში დროს, ცნობილი პირველი საყოველთაო გაფიცვა სამხრეთ რუსეთსა და ამიერ-კავკასიაში. 1903 წ. ზაფხულზე...

მაგრამ მენშევიზმი საზღვარ-გარეთიდან რუსეთის სხვადასხვა ადგილებში შემოიპარა და ბოლოს, ამიერ-კავკასიაში, საზღვარ გარეთის მენშევიკების აგენტები რევდენ სხვადასხვა მუშების გონებას თავიანთი ფსევდო-დემოკრატიზმით და ადგილობრივი კომიტეტების ავტონომიით. საზღვარგარეთის „იხკრა“ მენშევიკური გახდა. პლეხანოვმა უღალატა მე-2ე ყრილობას. ლენინი გამოვიდა ყველა დაწესებულებებიდან გარდა ცეკასი და გამოსცა გაზეთი „გვერიოდი“ — ეს იყო რუსეთ-იაპონიის გაცხარებულ ომის დროს. და ბოლოს, ცეკა ჩაეფლო ჭაობში, „შემთანხმებლობაში“, რომელიც უდრიდა მაშინ გამცემლობას, მეორე ყრილობისადმი ლალატს.

მაშინ კავკასიის კონფერენციამ სრულიად რუსეთის ორ სხვა კონფერენციასთან ერთად დაარსა „შეუმრავლესეთა კომიტეტების ბიურო“ და მან მოიწვია პარტიის მე-3 ყრილობა ლონდონში, 1905 წლის გაზაფხულზე.

ყრილობას 1905 წლის 9, 22 იანვრის შემდეგ, რომელმაც ახალა სარქველი შემდეგი წლების რევოლიუციონურ ქარტეხილს, რა თქმა უნდა, უნდა გაეცა პასუხი ყველა იმ საკითხებზე, რომელსაც მომენტი აყენებდა (მაშინ სწარმოებდა რუსეთ-იაპონიის ომი, რომელიც ცარიზმს გარედან დამარცხებას, ხოლო შიგნივ კრახს უშაადებდა)... რევოლიუციონური მოძრაობა გიგანტური ნაბიჯებით მიმდინარეობდა და მიუახლოვდა ოქტომბერ-დეკემბერს. ოქტომბერ-ნოემბერში — რკინისგზელთა და სხვა მუშების, და შემდეგ ფოსტა-ტელეგრაფის მოსამსახურეთა საყოველთაო პოლიტიკური გაფიცვა, ხოლო დეკემბერში — მოსკოვის შეიარაღებული აჯანყება.

ამ ხანებში წარმოიშვა **შეუმრავლესთა დეპუტატების საბჭო პეტროგრადში** და სხვა ქალაქებში.

რევოლიუცია, რეაქციონურ ევროპის, განსაკუთრებით საფრანგეთის კაპიტალის დახმარებით დამარცხდა, თუმცა 1900—907 წ. ცარიზმმა ვაატარა გავარვარებულ რევოლიუციონურ ატმოსფერაში. 1-ლ და მე-2 სახელმწიფო სათათბიროები მან გარეკა ჯერ კიდევ მის მორჩილებაში მყოფ გლეხურ ჯარისკაცების ხიშტებით.

ამ დროს გაიმართა მე-4 ვაერთიანებული ყრილობა სტოკჰოლმში, მხოლოდ პოლონელების და ბუნდის გარეშე... მენშევიკები უმრავლესობაში აღმოჩნდნენ შეუგნებელ (ფსევდო-რევოლიუციონურ-სოციალისტურ), როგორც მაგ. ვურჩის გლეხთა დელეგატების წყალობით.



ბრძოლა ძლიერდებოდა, ჩვენ ვემზადებოდით მეხუთე, თლაც გამაერთიანებელ ყრილობისათვის, სადაც მონაწილეობა უნდა მიეღოთ რუს. სოც.-დემ. მუშათა პარტიის ყველა ხუთ ფრაქციებს— ბოლშევიკებს, მენშევიკებს, პოლონელებს, ლატიშებს და ბუნდს. ეს ყრილობა გაიმართა ლონდონში.

ეს იყო ჩვენი უკანასკნელი ყრილობა მენშევიკებთან ერთად. ეს იყო ჩვენი რევანში სტოკჰოლმის წინააღმდეგ, აქ მიღებული იქნა ჯერ ერთი ჩვენი ძირითადი რევოლუციონური რეზოლიუცია „**პროლეტარულ პარტიებისადმი დამოკიდებულების შესახებ**“ და სხვა რეზოლიუციები—ყველა ჩვენი მიმართულების.

აქ ჩვენ დახმარება გავეციწა დაუვიწყარმა როზა ლიუქსენბურგმა, რომელმაც პოლონეთის სოც.-დემოკრატები გაურკვეველ მდგომარეობიდან გამოიყვანა და საბოლოოთ გადმოიყვანა ისინი ჩვენ, მემარცხენე ბანაკში.

\* \* \*

მაგრამ უკვე იყო რევოლუცია სუსტდებოდა, დადგა სტოლიპინის სამხედრო საველე იუსტიციის შავბნელი რეაქცია, რომელიც დამთავრდა ნიკოლოზ 2-ეს პრემიერ აზნაურის ბ—ნ სტოლიპინის მოკვლით მისი საკუთარი „შპიკის“ „ობრანის“ აგენტის მიერ.

\* \* \*

1911 წლიდან ხელ-ახლა დაბერა რევოლუციონურმა სიომ.

მაგრამ ამ დროს საერთაშორისო ბურჟუაზიულ სახელმწიფოებრივ ტრესტებმა გერმანიის კაპიტალიზმის სახით, ერთის მხრივ, და ინგლისის, მეორეს მხრივ, დასინჯეს ერთმანეთის ღონე, ჯერ გაბართეს შესავალი-ჟვერტიურა, იტალიის ომი ტრაპოლიტანიაში და ბალკანეთში ოსმალეთის წინააღმდეგ სხვა ხალხთა ომი 1914 წლამდე, ხოლო ამ წელს, როგორც ვიცით, აგვისტოს თვიდან დაიწყო 1 იმპერიალისტური ომი, რომელმაც საბოლოოდ დაანარცხა მიწაზე საერთაშორისო სოც.-დემ. ყვითელი 2 ინტერნაციონალი. 2 ინტერნაციონალის წინამძღოლები გახდნენ სოციალ-შოვინისტები. ასეთებად გახდნენ რუსეთის მენშევიკები—1917 წლის თებერვლის რევოლუციის სხვა და სხვა ჯურის თანამოძმენი დაწყებული მეტიჩარა წერეთელი და დანიდან და გათავებული გამოჩენილ ვეტერანებით მარტოვით, აქსელროდით და კომპანიით.

ჩვენ კი, ბოლშევიკებმა რევოლუციის დაწყების დღიდანვე ჩვენ კონფერენციაზე (1917 წ. აპრილში) გავეცით პასუხი ომის და რევოლუციის საკითხებზე; ჩვენ მოვითხოვდით პურს ხალხისათვის, ომის შეწყვეტას, მშვიდობიანობას მთელ მსოფლიოსათვის და სა-



**ბჭოთა ძალაუფლებას** და არა მატყუარა პარლამენტარიზმს, თუნდაც მისთვის ფორმად და ხალხის მოსატყუებლად რევოლუციონური დამფუძნებელი კრებაც ეწოდებიათ... და მივალწიეთ ჩვენ მიზანს 1917 წლის ოქტომბერში სრულიად რუსეთის მამუტაბში, ხოლო განაპირა კუთხეებში კი როგორც მაგალითად აზერბეიჯანში, სომხეთში და საქართველოში გაცილებით გვიან (1920-21 წ. წ.). რუსეთის კომპარტიის როლი მისი ს.-დ., 7, 8, 9, 10 და 11-ე ყრილობებით დიდია ძველი რუსეთის საბჭოთა საფუძვლებზე გარდაქმნისათვის, მისი როლი დიადია საერთაშორისო მამუტაბშიაც; მის ფრთების ქვეშ არა მარტო არსებობენ სოც.-საბჭ. რესპუბლიკების დიდი კავშირის ყველა საბჭოთა რესპუბლიკები, არამედ გამარჯვებული მსოფლიოს ყველა კომპარტიების გაერთიანება—**მე.პ ინტერნაციონალი, კომინტერნი**, რომელიც ჭეშმარიტად არის საერთაშორისო პროლეტარულ რევოლუციის დიდი შტაბი!

გაუმარჯოს საერთაშორისო პროლეტარულ რევოლუციას!


გაუმარჯოს კომინტერნს და პროფინტერნს!

გაუმარჯოს რუსეთის კომუნისტურ პარტიას!

გაუმარჯოს რუს. კომპარტიის 1923 წ. აპრილში განხორციელებულ 12-ე ყრილობას!

გაუმარჯოს მის განუყოფელ ნაწილებს—ამიერ-კავკასიის ორგანიზაციებს, აზერბეიჯანის, სომხეთის და საქართველოს კომპარტიებს..

გაუმარჯოს კომუნისტებს.



შ. მახარაძე.

# როგორ გავხდი მარქსისტი.

(დასახრული \*)

ვარშავის პერიოდი.

I

თორმეტმა წელმა (1878—1890) რომელიც მე ვავეტარე სასულიერო სასწავლებლების (პირველად სასულიერო სასწავლებელი, ხოლო შემდეგ სემინარია) კედლებში შექმნა ჩემგან პირველად დაუცხრომელო პროტესტანტი და ათეისტი, ხოლო შემდეგ მემამბოხე და მოამზადა ნიადაგი შემდეგი ჩემი რევოლუციონური მოღვაწეობისათვის. მე უკვე ვსთქვი, რომ სემინარიაში ყოფნის დროს მე გარკვეულათ დავადექი რევოლუციონურ გზას.

ეს კიდეც ცოტაა: მე თავის თავს სოციალისტათა ც ვსთვლიდი, არ გამეგებოდა რა ჯერ კიდეც სისწოროთ—თუ რა იყო სოციალიზმი.

მაშასადამე, ყოველივე ის, რაც სემინარიაში ყოველი საშუალებით და ძალღონით სურდათ შთაენერგათ ჩვენთვის, ყოველივე ის, რასაც სულიერი მამები და სხვა და სხვა ღვთის მსახურნი რამოდენიმე წლების განმავლობაში ჩაგვიჩინებდენ,—ყოველივე ეს ჩვენს მიერ უკუგდებული იყო და, პირიქით, ვღებულობდით და ვითვისებდით იმას, რასაც ეს ბატონები ასე გულმოდგინეთ გვარიდებდენ. რას გვასწავლიდენ ჩვენ? ვის ამზადებდენ ჩვენგან? და რა მოხდა?—უნდა ვიფიქროთ, რომ ამ კითხვებზე თითქმის არც ერთი სემინარიის ხელმძღვანელთაგანი სერიოზულათ არ დაფიქრებულა. ისე ბრმად და ისე შეუგნებლად ასრულებდენ ისინი თავიანთ მოვალეობას. ჩემგან ისინი ამზადებდენ ეკლესიის და ტახტის, ესე იგი ქრისტიანობის და მეფის თვითმპყრობელობის მსახურს და ერთგულს, ნამდვილად კი ჩემში შექმნეს ყველაზე უფრო შეურიგებელი მოძულე და მტერი, როგორც ეკლესიის, ისე სარწმუნოების და ტახტის. მაგრამ მეტი მათ არც კი მოეთხოვებოდათ. ასე იყო თუ ისე, სემინარიასთან ყოველივე ანგარიშები უკვე ვავასწორე. ერთად-ერთი ჩემი საზრუნავი, ერთად ერთი განუყრელი სურვილი ეხლა, სემინარიის დამთავრების შემდეგ, იყო სწავლის გაგრძელება. სემინარიამ ხომ ვერ მოგვცა საბოლოოდ ნამდვილი სწავლა. მან ჩვენ ვერ აღვკუთრვა იმ იარაღით.

\*) იხ. რევოლ. მატინე № I.

იმ პრაქტიკულ და თეორიულ ცოდნით, რაც ცხოვრებაში ბელი საჭირო იყო ჩვენთვის. ვინაიდან მთელი სქოლასტიური აბღაუბდა, მთელი ღვთის მეტყველების ზღაპარი, რომელითაც სურდათ გაეყლინათ ჩვენი ტვინი, ჩვენ უკვე თავიდან მოვიშორეთ, ჩვენში დარჩა ხარვეზი, (попелев), რომლის შევსება აუცილებელი იყო დადებითი ცოდნით რათაც არ უნდა დაგვედომოდა.

ვგრძნობდით უზომო წყურვილს, რათა შევეციხა ცოდნა ბუნების-მეტყველების, მათემატიკის და განსაკუთრებით საზოგადოების მეცნიერების ანუ სოციოლოგიის დარგიდან. ამ გზაზე ჩემს წინაშე იყო მრავალი დაბრკოლებანი, რაც ხელს უშლიდა ჩემი სურვილის განხორციელებას, პირველყოვლისა მატერიალური საკითხი. ესე იგი საშუალებათა უქონლობა. ტფილისში სწავლის დროს მე ვღებულობდი ჩემი ძმისაგან თვიურად სულ დაახლოვებით 8 ან 10 მანეთს. ამ ფულით იმ დროს კიდევ შეიძლებოდა ტფილისში ნახევრად-მშვიერი ცხოვრება და ამ თანხიდან ნაწილის კიდევ წიგნების შესაძენად გადადებდა. მაგრამ აშკარა იყო, რომ საუნივერსიტეტო ქალაქში ამ ფულით მაშინაც შეუძლებელი იყო ცხოვრება, ხოლო ამაზე მეტი საშუალება მე არ მომეპოებოდა <sup>1)</sup>.

მაგრამ ამის გარდა იყო კიდევ უფრო სერიოზული დაბრკოლება, რომელიც მილობავდა მე გზას სწავლის გაგრძელებისათვის. საქმე იმაშია, რომ სემინარიის ატესტატი ცუდი ნიშნით ყოფაქცევაში მე საშუალებას მისპობდა ყველა უმაღლეს სასწავლებელში, განსაკუთრებით უნივერსიტეტში შესვლისათვის. სემინარიას კი გამოვეთხოვე, მაგრამ წინ წასვლა აღარ შეიძლებოდა. ძალაუნებურად მიხდებოდა დაცდა, ესე. იგი თავისი სურვილის განხორციელების გადადებამაჲდენივე ხნით. უკიდურეს შემთხვევაში ერთი წლით მაინც.

### რას წარმოადგენდა ქუთაისი 1890 წლებში.

1890 წ. ზაფხულში ტფილისიდან მე პირდაპირ გავემგზავრე ქუთაისში, სადაც მაშინ ცხოვრობდა ჩემი უფროსი ძმა—მაქსიმე, რომელიც მიუხედავად მისი სიღარიბისა, როგორც წინადასე შემდგომში ვარშავაში ყოფნის დროსაც, მიწევდა მატერიალურ და ზნეობრივ დახმარებას. ქუთაისში ჩემი ძმის დახმარებით მაშინვე ვიშოვე ერთ ერთ კერძო სკოლაში მასწავლებლის და რეპეტიტორის ადგილი, რის გასამჯელოთ ვღებულობდი ბინას, სადილს, ხოლო ფულის ჯილდოს სიტყვიერი დაპირების სახით. მაგრამ მე ამითაც კმაყოფილი ვიყავი, ვინაიდან ვგრძნობდი, რომ ვცხოვრობ საკუთარი შრომით და არავის არ ვაწუხებ.

<sup>1)</sup> თუმცაღან მშობლები ამ თანხაზე სიამოვნებით უნარს იტყოდნენ და ამჯობნიებდნენ, რომ მიმეტოვებინა ყოველგვარი სწავლა და ჩამეცვი ანათორა.

მაგრამ შეწუხებული ვიყავი მით, რომ ტფილისიდან მე მოვხვდებოდა რაღაც წუმპეში. ტფილისის შემდეგ ქუთაისი ჩემთვის ნამდვილი სიკვდილი იყო. რას წარმოადგენდა მაშინ ქუთაისი? ვგონებ, რამდენად მე ეს მახსოვს, არც ერთ ჩვენს ბელეტრისტს არ აუწყვია ქუთაისი იმ პერიოდში, რომელზედაც მე ვლაპარაკობ, მე კი სამწუხაროდ არ შემწევს მხატვრული სიტყვებით გამოთქმის უნარი, რომ ავწერო მაშინდელი ქუთაისის სურათი. ეს კი ძლიერ სამწუხაროა, ვინაიდან მივიღებდით ძლიერ საინტერესო სურათს. წარმოიდგინეთ პატარა, ღარიბი ქალაქი, სადაც ცხოვრობენ მხოლოდ მეეტლეები, პოლიციელები, მედუქნიეები, გახუნებული მოხელეები და უქმად მოხეტიალე აზნაურები; დაუმატეთ ამას კიდევ საშუალო სკოლებში მოსწავლე ახალგაზრდობა და აგრეთვე არდადეგებზე ჩამოსული სტუდენტები. რა თქმა უნდა ამ მასას არ აქვს არავითარი საერთო ინტერესი, გარდა წმინდა ეგოისტურ და გათახსირებამდე დაქვეითებულ მეშჩანურ ინტერესებისა. ეს საზოგადოება, თუ შეიძლება ასე ვუწოდოთ მას, ჩაფლული იყო მყრალ ჭაობში, ხოლო ეს ჭაობი თვითვე ის იყო. ირგვლივ არც ერთი ცოცხალი არსება, არც ერთი ცოცხალი ადამიანი.

აი როგორი იყო მაშინ ქუთაისი<sup>1)</sup>. იქ სუფევდა მომწამვლელი ატმოსფერა, შეიძლებოდა იქ კაცი სავსებით დაკარგულიყო, ეს ატმოსფერა და ეს წრე ჩაითრევდა ვინც არ უნდა ყოფილიყო, წაახდენდა და გაათახსირებდა სამუდამოდ. მე მან მაშინვე შორს გამისროლა თავისგან და ამიტომ მე სრულიად მარტოკა დავრჩი, არავინ იყო ისეთი, რომ აზრები გამეზიარებია. მე ამ ხანას ვიგონებ როგორც ყველაზე უფრო წყვედიადით მოცულ დროს ჩემს ცხოვრებაში, რომელმაც ჩემში დასტოვა წარუშლელი მოგონებანი. მთელი ჩემი გონება მაშინ მიმართული იყო ერთ რამეზე: როგორმე თავი დამეღწია ამ დამყაყუბულ ატმოსფერისაგან და წავსულიყავი სადმე, რაც შეიძლეოდა შორს მისგან. მაგრამ როგორ?

### ცდა უმაღლეს სასწავლებელში შესასვლელათ.

რა გზით? იყო ეთი გზა—მომზადებულვიყავი და ჩამებარებინა ექსტერნის სახით სიმწიფის ატესტატის გამოცდა, მაგრამ ეს პირდაპირ ფიზიკურათ შეუძლებელი იყო მაშინ ჩემთვის.

რა უნდა მექნა? დამრჩენოდა კიდევ ერთი საშუალება. სახელდობრ, კვლავ მიმემართა სემინარიის გამგეობისათვის და მომეთხოვა ყოუა-ქცევაში ნიშნის გადასწორება, ან ისეთი მოწმობის მოცემა, რომელიც გააბათილებდა ყოფაქცევაში დასმულ ოთხს. გადავსწყვიტი

<sup>1)</sup> მან რამდენიმედ დღემდეც შეინარჩუნა ეს თვისებები. ის დარჩა მეშჩანურ—წვირილ ბურჯუაზიულ ქალაქად, მაგრამ, რასაკვირველია, ამ ხანის განმავლობაში ბევრი რამ გაუმჯობესდა იქ.



მესინჯა ეს საშუალებაც. ამ მიზნით 1891 წელს, მაისის ბოლოს რუსეთში ტფილისში გავემგზავრე, რათა მენახა სემინარიის რექტორი, ესე იგი ის კაცი, რომელთანაც ერთი წლის წინეთ შე მქონდა ცნობილი შეტაკება. ჩემი მისვლა, რასაკვირველია, მისთვის სრულებით მოულოდნელი იყო.

მის შეკითხვაზე: „რა გინდა შენ“—მე უპასუხე სრული სიმშვიდით, მაგრამ გაბედულად, რომ მე მინდა უმაღლეს სასწავლებელში შესვლა, ხოლო ის მე გზას მილობავს. მე უთხარი, რომ თუმცა მე ვერ შევსძლებ სწავლის გაგრძელებას, მაგრამ ამ უბედურებაში ბრალს ვსდებ მხოლოდ იმას, ვინც ცუდი ნიშანი დამისვა ყოფაქცევაში—მეთქი. სიმართლე ვითხრათ, დიდ ხანს არ დამკირდა მისი დარწმუნება, რადგან იგი ჩქარა მოლბა და თანახმა გახდა მოეცა ჩემთვის განსაკუთრებული მოწმობა **ვარშავის საბეითლო ინსტიტუტში შესახებულად**. ეს იყო მაქსიმუმი, რაზედაც მას შეეძლო დათანხმება თავისთავად ინსტიტუტს მე სრულებით არავითარ მნიშვნელობას არ ვაძლევდი. მე ვცდილობდი, რათა გზა გამეკაფა. ამ დროს მე სრულებით არ ვფიქრობდი გამხდარიყავი საქონლის ექიმში, ან რაიმე სპეცი. ეს ახალი მოწმობა <sup>1)</sup> წინანდელ ატესტატთან ერთად მე დაუყოვნებლივ გავგზავნე ვარშავაში საბეითლო ინსტიტუტის გამგეობაში, საიდანაც ძლიერ ჩქარა დადებითი პასუხი მივიღე.

ამ რიგად ერთ-ერთი ჩემი სურვილი თითქოს განხორციელდა. მე საჩქაროთ მოვემზადე გასამგზავრებლათ, დიდი ვაი-ვაგლახით მოვაგროვე სამგზავრო და 1—2 თვის გაკირვებული ცხოვრებისათვის სამყოფი თანხა.

### მაშინდელი პოლონეთი.

1891 წ. აგვისტოს დასასრულს, ნ. ყორდანიასთან, სერ. მიქაძესთან და მ. მირიანაშვილთან ერთად მე ჩავჯექი გემში (მგონი მას ერქვა „პუშკინი“), რომელიც მიდიოდა ოდესაში. ვიგონებთ საკმაოთ გრძელ მოგზაურობას: ვარშავამდე ჩვენ გზაში დავჰყავით ერთ კვირახე მეტი. მახსოვს როგორი შთაბეჭდილება მოახდინა თვითეულ ჩვენგანზე პოლონეთმა და კერძოთ თვით ვარშავმა. მანამდე არც ერთ ჩვენგანს არ ჰქონდა არავითარი წარმოდგენა ამ ქვეყანაზე. თვალსა-

1) მოწმობაში სხვათა შორის აღნიშნული იყო შემდეგი: „ყოფა-ქცევაში“ ოთხი „დასმული აქვს მიტოვ, რომ ხშირად არ დადიოდა ეკლესიაში და კითხულობდა მხოლოდ საბუნებისმეტყველო-სამეცნიერო ზასიათის წიგნებს“, ამ სიტყვების გამო, როგორც მე შემდეგში ვაიბე, ვარშავის საბეითლო ინსტიტუტის გამგეობაში ბევრი იცინეს, რასაკვირველია სემინარიის გამგეობის მისამართით; მაგრამ მათ ხომ არ იცოდნენ თუ რაში იყო საქმე. მოწმობის ძალით ინსტიტუტის გამგეობის მიიღო კიდევ სხვა ჩემი სემინარიული ამხანაგები, რომლებსაც ჩემსავით ოთხი ჰქონდათ ყოფაქცევაში, როგორც მაგალითად ნ. ყორდანი და სხვებ...

ზინო იყო დიდი განსხვავება პოლონეთის, რომელიც პოლონეთის სამეფოთ იწოდებდა მაშინ, და რუსეთს შორის. ენაც, კულტურაც და ზნე-ჩვეულებაც მათში სულ სხვა და სხვა იყო, თვით ზერელე შეხედვითაც შეიძლებოდა იმაზე ლაპარაკი თუ პოლონეთის კულტურის დონე რამდენად მაღალი იყო მაშინდელ რუსეთის იმპერიის რომელიმე ნაწილთან შედარებით.

არ შეიძლებოდა არ შეგვემჩნია, რომ ჩვენ უეცრად მოვხვდით ძლიერ საინტერესო პირობებში. ჩვენ, რასაკვირველია ვიცოდით, რომ პოლონეთი და პოლონეთის ხალხი იჩაგრება დიდი რუსეთის დესპოტიზმის მიერ ისევე, როგორც მის მიერ დაჩაგრული იყო კავკასია, ამიერ-კავკასია და კერძოდ საქართველო, ქართველი ხალხი. მაგრამ ჩვენ ვიცოდით, რომ რუსეთის დესპოტიზმმა, შეიძლება მცირეოდენი დადებითი როლიც ითამაშა კავკასიაში, მაგალ, ევროპის კულტურასთან დაახლოვებით, თუმცა ეს ხდებოდა ბარბაროსულ და მოუხეშავ ზომებით. ასე იყო თუ ისე რუსეთის დესპოტიზმმა კავკასიაში იმ დროისთვის უკვე შესძლო ადგილობრივ ერების წინააღმდეგობის გატეხა უხეში ფიზიკური ძალით და მათი დამორჩილება მისი გავლენისათვის.

მაგრამ ამის თქმა პოლონეთზე არ შეიძლებოდა. აქ სწარმოებდა ნამდვილი ომი რუსეთის სახელმწიფო ორგანოებს და პოლონეთის საზოგადოებას შორის. რომ უფრო ღრმად ჩავეწლოდით ამ რუსეთ-პოლონეთის ანტაგონიზმს, საჭირო იყო საფუძვლიანად გაცნობა არა თუ არსებულ მდგომარეობის, არამედ აგრეთვე რუსეთის და პოლონეთის სახელმწიფოების ურთიერთობის ისტორიის წარსულ 100—150 წლის განმავლობაში. მაგრამ მიუხედავად ამისა, მე ვამჩნევდი, რომ აქ სწარმოებდა ბრძოლა პოლონეთის სრულ გარუსებისათვის. ეს იყო უსასტიკესი რეაქციის ეპოქა სულთამხუთავ ალექსანდრე მე III-ის და მის დამკაშების და ბნელეთის მოციქულების დელიანოვების, პობედონოსცეების, აზუხტინების, იანოვსკების და სხვების, რომლებმაც სხვათა შორის სკოლა აქციეს დაბეჩავების და ჩაგვრის იარაღად.

უკვე 1863 წლის პოლონეთის აჯანყების შემდეგ გასულიყო დაახლოვებით 30 წელი. ეს განვლილი გვეგონებოდათ, მაგრამ მოგონებანი მასზე კვლავ სკოცხლობდნ და მკაცრი და სასტიკი ზომები რუსეთის მთავრობისა პოლონეთის და პოლონეთის ხალხის წინააღმდეგ ისევ გრძელდებოდნ. თუ რანაირ უკიდურესობამდე მიდიოდა ეს ზომები, მტკიცდება, სხვათა შორის მით, რომ პოლონელებს აკრძალული ჰქონდათ თავიანთ ენაზე ელაპარაკათ ხალხში, ქუჩებში, კრებებზე და სკოლებშიც კი ამ ენაზე აკრძალული იყო სწავლება... მაგრამ გარუსების პოლიტიკა საბოლოოდ გაკოტრდა, მან სწორედ, საწინააღმდეგო შედეგებს მიაღწია. ამ პოლიტიკამ კი-



დევ უფრო გააძლიერა და გამოაცოცხლა პოლონელებში სიძულვილი არა თუ რუსეთის ბატონობისადმი, არამედ თვითეულ რუსისადმი, ყოველგვარ რუსულ სულიერ და მატერიალურ კულტურისადმი. ეს სიძულვილი აღწევდა სრულ უარყოფამდე თვით რუსული სულიერი კულტურის, რომლის გამომხატველები იყვნენ ისეთი კორიფეები, როგორც იყვნენ ჩერნიშევსკი, დობროლიუბოვი, დოსტოევსკი, ტურგენევი, ლ. ტოლსტოი და სხვ... ეს სიძულვილი მიდიოდა იმის აღიარებამდე, რომ რუსეთში არ შეიძლება იყოს საერთოდ რაიმე კარგო— ასე ფიქრობდა თვითეული პოლონელი. აშკარაა რომ ეს იყო პირდაპირ სიგიჟე ანუ გონების დაბრმავება, რაც აიხსნებოდა იმ დროს რუსეთში ნაციონალური საკითხის ძალზე გამწვავებით საერთოდ, ხოლო კერძოთ პოლონეთის მიმართ კი ჩადენილი იყო გაუგონარ ბოროტებათა მთელი რიგი. პოლონეთის ხალხის ბედი პირდაპირ ტრალიკული შეიქნა. მისი ცოცხალი ორგანიზმი მეთვრამეტე საუკუნის განმავლობაში საძვერ იყო ძალდატანებით დაჭრილ-დასერილი, მას სჭრიდენ და აქუცმაცებდენ ნაწილებად, და მისი ორგანიზმის თვითეული ნაწილი ეძლეოდა ერთ-ერთ მის მოსაზღვრე სისხლის მღვრელ სახელმწიფოს, ზოგი რუსეთს, ზოგი პრუსიას ან ავსტროუნგრეთს. რასაკვირველია, პოლონეთის ხალხი არ იყო დამნაშავე იმაში, რომ ის მოხვდა სამ ძლიერ მტაცებელ მეზობელს შორის. პოლონეთის ხალხი არ იყო დამნაშავე აგრეთვე იმაში, რომ თავის ნახევრად—ბარბაროსულ და დესპოტიურ მოსაზღვრე სახელმწიფოთა შორის **პოლიტიკურად** სწორედ ის აღმოჩნდა უფრო განვითარებული. ეს გარემოება მტკიცდება თუნდაც იმ ისტორიულ ფაქტით, რომ 1789 წლის საფრანგეთის დიდმა რევოლიუციამ პირველი გამოძახილი პოვა სწორედ პოლონეთის ხალხში. ამავე დროს პოლონეთმა ორჯერ დაიფარა ეს რევოლიუცია საერთაშორისო ეანდარჩების და ჯალათებისაგან, ესე იგი რუსეთის, ავსტრო-უნგრეთის და პრუსიის ჩარევისაგან, რისთვისაც საჭირო შეიქნა მისი დასჯა.

პოლონეთის დანაშაული მისი ხალხის ჯალათების წინაშე ორკეცდებოდა კიდევ მით, რომ მან ჯერ კიდევ 1791 წელს პირველად შემოიღო ნამდვილი **დემოკრატიული კონსტიტუცია**, რასაც მას არავითარ შემთხვევაში არ აპატიებდა ეკატერინა მეორეს ნახევრად—ბარბაროსული და დესპოტიური რუსეთი. და მართლაც, რამოდენიმე ხნის შემდეგ რუსეთის ჯარები სუვოროვის მეთაურობით შეიჭრა პოლონეთში და გაცხარებული ბოძოლის შემდეგ დაიპყრეს ის (1795 წ.), რის შემდეგ პოლონეთი აღარ არსებობდა, როგორც დამოუკიდებელი სახელმწიფო. შემდეგ ამისა, თუმცაღა ნაპოლეონ პირველმა, თავისი ბატონობის დროს რუსეთის პოლონეთიდან შექმნა რაღაც ნახევრად—დამოუკიდებელი სახელმწიფო, „**ვარშავის საგერ-**



ცოგო“-ს<sup>1)</sup> სახით, მაგრამ ის მოისპო ნაპალეონის საბოლოო დამარ-  
ცხების შემდეგ 1815 წელს. რადგან რუსეთის პოლონეთი კვლავ  
მოექცა რომანოვების მონარქიის ბატონობის ქვეშ. მაგრამ, თავის-  
თავად იგულისხმება, რომ ამით სრულებითაც არ მოღებია ბოლო  
პოლონეთის ხალხის ტანჯვა-წვალებას. პოლონეთს, დაქუცმაცებულს  
რამდენიმე ნაწილებად, რუსეთის, ავსტრიის და პრუსიის პოლონე-  
თის სახით, დამცირებულს და შეწუხებულს მცარცველების და მტა-  
ცებლების მიერ, არა ერთხელ აღუმართავს აჯანყების დროშა მის  
მჩაგვრელების წინააღმდეგ. 1830 წლიდან ვიდრე 1863-დე მრავალი  
იყო ასეთი აჯანყება, მათ შორის: 1830 წ. რუსეთის პოლონეთში,  
1846 წელს ავსტრიის პოლონეთში, 1848 წელს პოზნანში ანუ გერ-  
მანიის პოლონეთში და ბოლოს, 1873 წელს უკანასკნელი აჯანყება  
რუსეთის პოლონეთში... არსებითად აქ ჩვენ ვხედავთ განუწყვეტელ  
აჯანყებებს, რომლებსაც აქრობდენ დრაკონისებური და ბარბარო-  
სული ზომებით, და მიუხედავად იმისა, რომ ამ აჯანყებებში მონა-  
წილეობას ღებულობდენ რეაქციონური კლასები, პოლონეთის „შლი-  
ახტის“, წვრილი ბურჟუაზიის და სხვ. სახით, ყველა ამათ მაინც  
რევოლიუციონური ხასიათი ქონდათ. სწორედ ამიტომ მარქსი და  
ენგელსი ჯერ კიდევ 1848 წელს „ახალ რეინის გაზეთში“ სწერდენ  
თანაგრძნობის წერილებს ამ აჯანყების შესახებ, რომლებიც აღსავსე  
იყო აღშფოთებით და გულისწყრომით.<sup>2)</sup>

პოლონეთის საკითხი,—ამბობს ფრ. მერინგი დიდი ხანია  
აღლევებს დასავლეთ ევროპის კულტურულ ხალხთა რევოლიუციო-  
ნურ ელემენტებს. პოლონეთის დანაწილების და დაბეჩავების გამო  
აღმოსავლეთის სამი სახელმწიფო გახდა მნიშვნელოვანი რეაქციო-  
ნური ძალა; პოლონეთის აღდგენა იქნებოდა ევროპაში რუსეთის  
ჰეგემონიისათვის გულში მახვილის ჩაცემა“. ხოლო 1864 წ. სანტ-  
მარტინის—ლონდონის მიტინგზე, რომელზედაც მოხდა მარქსის და  
ენგელსის მიერ მოწვეული საფრანგეთის და ინგლისის მუშების და  
სხვა სახელმწიფოების რევოლიუციონურ ორგანიზაციების თათბირი,  
საფრანგეთის საპასუხო მიმართვა იწყებოდა შემდეგი სიტყვებით:  
„პოლონეთი კვლავ იხრჩობა თავის შვილების სისხლში, ხოლო ჩვენ  
კი უბრალო მათურებლებად ვრჩებით“-ო.

ჯერ კიდევ საფრანგეთის რევოლიუციის შემდეგ მრავალი პო-  
ლონელი რევოლიუციონერები იყვნენ გაფანტული ევროპის სხვა და

1) ასეთი სახელწოდება შემოდებული იქნა იმიტომ, რომ სიტყვა „პოლო-  
ნეთი“ რუსეთის მეფის მოთხოვით განდევნილ იქნა მხარებიდან.

2) იხ. ამის შესახებ ფრ. მერინგის წიგნი სათაურით: „კარლ მარქსი, ისტო-  
რია მისი ცხოვრების რუს. თარგმანი გვ. 129—81.



ხვა სახელკმე იფოებში და ამერიკაშიაც, სადაც აფრიალებდენ რევოლიუციის დროშას და იდგენ რევოლიუციის პირველ რიგებში.

სამაგიეროდ თვით პოლონეთში, ყველა ამ აჯანყებების და მათი ძალით. ჩაქრობის, განსაკუთრებით 1963 წლის შემდეგ, შეიქმნა პირდაპირ ჯოჯოხეთური მდგომარეობა. მართალია, პირველად რუსეთის მთავრობამ თითქო ალერსი დაუწყო პოლონეთის გლეხობას, მაგრამ ეს დიდხანს არ გაგრძელებულა. პოლონური ენის, კულტურის, განათლების დევნა და შევიწროება, ყველა სახელმწიფო დაწესებულებათა და წარმოებათა გარუსება, აქედან პოლონელების გაძევება და ნაცვლად რუსების დაყენება—ყველა ეს ღონისძიებანი ვერავითარ შემთხვევაში ვერ დაამშვიდებდა ქვეყანას, პირიქით, კიდევ უფრო აქეზებდა და აღშფოთებდა მცხოვრებლებს.

ჩვენ უკვე ზემოდ დავინახეთ თუ სადამდე აღწევდა პოლონეთში სიძულვილი ყოველივე რუსულისადმი. საქმე იქამდე მივიდა, რომ პუშკინების და ლერმონტოვების, ნეკრასოვების და დობროლიუბოვების, ბელინსკების და ჩერნიშევსკების, ტოლსტოების და ტურგენევიების რუსეთს ურევდენ ჯალათ მურავიოვების. ხალხის სულთამხუთავ დამქაშების რუსეთში. ყველაფერს და ყოველივეს ისინი ერთი საზომით უდგებოდნენ <sup>1)</sup> რას გააწყობ, — ასეთია ყოველგვარ ნაციონალიზმის მარტივი ელემენტარული ლოდიკა.

ყოველივე ეს ერთად აღებული იყო ბუნებრივი და ლოდიკური შედეგი იმ დრაკონისებური და მტაცებელ აქტებისა, რომლებს სისტემატიურად ახდენდენ პოლონეთის ხალხის წინააღმდეგ უკანასკნელ 100—150 წლის განმავლობაში, მაგრამ გარდა იმ სიძულვილისა, რომელსაც პოლონელები იჩენდენ რუსების და პრუსიელების მიმართ, მათში იმავე ისტორიული მიზეზების გამო, რომლის შესახებ ჩვენ ზემოდ ვლაპარაკობდით, განვითარდა კიდევ შემდეგი დამახასიათებელი თვისებანი: ეს იყო ეჭვი და უნდობლობა ყველა არა პოლონელიხადმი. ყოველივე ეს ხელს გვიშლიდა ჩვენც, არა რუსებს, დავახლოვებოდით პოლონელებს, მიუხედავად იმისა, რომ ისინი ჩვენ ძლიერ თანაგრძნობით გვეპყრობოდენ. რასაკვირველია, თუ მოინდო-

<sup>1)</sup> „ვისაც პოლონეთში არ უცხოვრია—ამბობს ანხ. მარხლევსკი—იგი ძნელად გაიგებს, თუ როგორ მწვევე სიძულვილს იწვევდა ეს სისტემა (პოლონეთის ერის გამასწარავების სისტემა), თუ თვითველ მოაზროვნე პოლონელს რატომ ეზიზღებოდა ეს მოხელეები—ჯალათები რასაკვირველია, პასუხისმგებლობის დაკისრება რუსეთის ხალხისათვის, რომელიც თვით კენესოდა ცარიზმის უღელ ქვეშ უზარობაა, მაგრამ არაფერი გასაკვირია. თუ ეს ხდებოდა, თუ დაღუპულ აჯანყებულთა შვილები სიძულვილით უფურცდენ ყველაფერ რუსულს, თუ ზნელი მისა, რომელიც არ უწყვეტა პოლიტიკურ საკითხებში, გულში ატარებდა სიძულვილს „მოსკოველებისადმი“; თუ აღშფოთება მზავრდებოდა წინააღმდეგ ვადაქონდათ რუსეთის ხალხზე. იხ. ი. მარხლევსკი: „პოლონეთი უცხოეთის უღელ ქვეშ“. 1920.



მებდი. შეიძლებოდა მათთან დაახლოვება და მართლაც საქართველოდან ვარშავაში მყოფი მოწაფეობის უმრავლესობა კიდევ დაუახლოვდა პოლონელებს, მაგრამ პირადათ მე, მიუხედავად მათდამი თანაგრძნობისა, ვერ შევძელი ჩემი იქ ყოფნის დროს მათთან დაახლოება და შეგუება.

II

**პოლონეთის მუშათა მოძრაობა.**

მე დავახასიათე მოკლეთ ის გარეგანი პირობები, რომელშიაც მე მოვხდი ვარშავაში 1891 წლის მეორე ნახევარში, მაგრამ, რასაკვირველია, ეს არ იძლევა სრულ სურათს იმ მდგომარეობისას, რომელშიაც მაშინ იმყოფებოდა პოლონეთი.

საქმე იმაშია, რომ 1863 წლის უკანასკნელ აჯანყების შემდეგ პოლონეთის მსხვილი მრეწველობა წინ მიდის პირდაპირ გიგანტური ნაბიჯებით. ეს აიხსნება შემდეგი მიზეზით: პირველ ყოვლისა მეფის მთავრობამ 1863 წლის აჯანყების შემდეგ გაატარა აგარაჟული რეფორმა, რის გამო პოლონეთის გლეხი გახდა მის მიერ დასამუშავებელ მიწის მესაკუთრე. ამ გარემოებამ აღადგინა სასოფლო მეურნეობა და ხელი შეუწყო იქ კაპიტალის შეტანას. ამას გარდა, დაახლოვებით იმავე ხანებში მოსაბილი იქნა ის საბაჟო ზღუდეები, რომლებიც ყოფდნენ პოლონეთს რუსეთისაგან.

ამ რიგად გერმანია-პოლონეთის კაპიტალი, რომელიც ყარდნობოდა უფრო განვითარებულ და უფრო უკეთეს ტექნიკას, ვინემ რუსეთს, ამის შემდეგ პოულობდა რუსეთში პირველ ყოვლისა ნედლე მასალას (სელს, ბამბას, მატყლს და სხ.) და შემდეგ, რაც უმთავრესია, დიდ ბაზარს თავის პროდუქტების გასანაღდეზლად. ამის გამო პოლონეთის მრეწველობა სწრაფად განვითარდა, მან მოიპოვა მაშინდელ რუსეთის იმპერიაში თითქმის უმნიშვნელოვანესი როლი. მაგრამ ამასთან პოლონეთის კაპიტალისტური მრეწველობის (საფეიქროლოდის და ვარშავის რაიონები, ქვა-ნახშირის—დომბროვის რაიონი) გიგანტიურ ზრდასთან ერთად, წარმოიშვა, როგორც კაპიტალის ანტიპოდი, **პოლონეთის მრავალ-რიცხოვანი პროლეტარიატი**, რომელსაც აშკარა ბრძოლა უნდა გაემართა მის მყვლფეულ კაპიტალისტურ ბურჟუაზიის წინააღმდეგ. თავის თავად იგულისხმება, რომ ამ გარემოებას უნდა გამოეწვია პოლონეთში კლასობრივი ბრძოლის განვითარება და გამწვავება. კლასობრივი ბრძოლის განვითარებას კი უნდა გამოეწვია შინაგან საზოგადოებრივ ძალთა განწყობილების შეცვლა, უნდა გამოეწვია ნაციონალიზმის თუ სრული გახრწნა არა, მნიშვნელოვანი შესუსტება მაინც. ამგვარათ პოლონეთის ბურჟუაზია, რომელიც, როგორც ნაციონალისტური და შოვინისტური, პირველ ხა-



ნებში იბრძოდა პოლონეთის დამოუკიდებლობისათვის, ესლა კი თავისი კლასობრივ, ჯიბის ინტერესების გამო, ემხრობა უკვე გაერთიანებას თვითმყრობელურ დესპოტიურ რუსეთთან, რომელიც სჩაგრავდა და აბეჩავებდა პოლონეთის ხალხს, ვინაიდან თვითმყრობელობის რეჟიმი იყო კაპიტალის საუკეთესო დამცველი მუშების პრეტენზიებისაგან. ამავე დროს რუსეთის ცარიზმი კიდევ უფრო ერთგული დამცველი იყო პოლონეთის მემამულეების და მიტომაც დროთა განმავლობაში პოლონეთის მემამულეების არისტოკრატია თანდათან ურიგდება რუსეთის თვითმყრობელობას. ამ რიგად პოლონეთის გაბატონებული კლასები, როგორც კაპიტალისტური ბურჟუაზია, ისე მემამულეთა არისტოკრატია, გადაჭრით გადავიდნენ ცარიზმის მხარეზე, რაც არსებითად ნიშნავდა იმავე მხრით პოლონეთის სახელმწიფოს დამოუკიდებლობისათვის ბრძოლაზე უარის თქმას. მაგრამ ამ გარემოებამ სრულებითაც ვერ შეასუსტა ნაციონალისტური მისწრაფებანი პოლონეთის ხალხის სხვა კლასებში. მე ვლაპარაკობ არა მარტო წვრილბურჟუაზიულ, არა მარტო ინტელიგენტურ წრეებზე, არამედ მე მხედველობაში მაქვს უმთავრესად **პოლონეთის პროლეტარიატი**. მას კარგათ ახსოვდა წარსული ბრძოლა მოსკოვის მიჩაგვრელების წინააღმდეგ. პოლონეთის მშრომლებისათვის რუსეთის ცარიზმის ჩაგვრის და ძალადობის უღელს ესეთი დაღი დაესვა, რომ პოლონეთის მუშები თავის უშუალო ექსპლოატატორებთან — პოლონეთ-გერმანიის კაპიტალისტურ ბურჟუაზიასთან ბრძოლის დროს, უარს ვერ იტყოდნენ მთელი პოლონეთის ხალხის წმიდათა წმიდა მისწრაფებაზე. ისე იგი უცხოეთის, ამ შემთხვევაში მეფის რუსეთის უღლისგან განთავისუფლებაზე.

პოლონეთის პროლეტარიატი უკვე გასული საუკუნის სამოცდაათიან წლებში იწყებს თავის **კლასობრივ** ორგანიზაციების შექმნას კაპიტალთან საბრძოლველად და ეს ორგანიზაციები იმთავითვე ატარებდნენ სოციალისტურ ხასიათს; ამავე დროს პოლონეთის სოციალისტების პროგრამა-მინიმუმის ერთ-ერთ უმთავრეს მოთხოვნრილებას შეადგენდა პოლონეთის დამოუკიდებელ რესპუბლიკის დაარსება, ვინაიდან ასეთი რესპუბლიკა მათ ძლიერ გაუადვილებდა ბრძოლას სოციალისტურ წესწყობილებისათვის.

მაგრამ საინტერესოა ის, რომ ასე ფიქრობდნენ არა მარტო პოლონეთის მუშები და მათი პირველი ხელმძღვანელები, არამედ ამავე აზრის იყვენ საერთაშორისო პროლეტარიატის უდიდესი ბელადები, სახელდობრ **მარქსი და ენგელსი**. ჩვენ უკვე ვიცით, თუ როგორ უყურებდნენ მარქსი და ენგელსი პოლონეთის საკითხს 1848 და 1864 წლებში. მაგრამ ამავე აზრს ადგა ენგელსი შემდეგშიაც. ამას ამტკიცებს შემდეგი ფაქტი.

„კომუნისტური მანიფესტის“ პოლონური თარგმანის ახალი გამოცემის წინასიტყვაობაში 1892 წ. ენგელსი ხაზს უსვამს, „არა მარტო პოლონელებისათვის, არამედ ყველა ჩვენთაგანისათვის, დამოუკიდებელ, ძლიერ პოლონეთის აღორძინების“ შესაძლებლობას. ეს დოკუმენტი იმდენად საინტერესოა ყოველ მხრივ, რომ მე აუცილებელ საჭიროებად მიმაჩნია მოვიყვანო ის თუ სრულათ არა, შემოკლებით მაინც. ენგელსი ამბობს: „მანიფესტის“ ახალი პოლონური გამოცემა მიუთითებს პოლონეთის მრეწველობის მუდმივ ზრდაზე, ხოლო ასეთ ზრდას რომ ნამდვილათ ადგილი ჰქონდა უკანასკნელი გამოცემის გამოქვეყნებიდან ათი წლის განმავლობაში, ყოველგვარ ეჭვს გარეშეა, პოლონეთის სამეფო გახდა რუსეთის სახელმწიფოს მსხვილი სამრეწველო ოლქი.

„პოლონეთის მრეწველობა თავს იყრის შედარებით მცირე სივრცეზე და სარგებლობს ამ კონცენტრაციის, როგორც დადებითი ისე უარყოფითი მხარეებით. დადებითი მხარე კარგად ესმით რუსეთის ფაბრიკანტებს, რომლებიც, მიუხედავად ყველა პოლონელების გარუსების ღრმა სურვილისა, მოითხოვენ მფარველობითი ბაჟებს პოლონელების წინააღმდეგ. უარყოფითი მხარეს პოლონეთის ფაბრიკანტები და რუსეთის მთავრობა ხედავდნენ პოლონეთის მუშებს შორის სოციალისტურ იდეების სწრაფ გავრცელებაში და „მანიფესტზე“ მოთხოვნის განუწყვეტელ ზრდაში.

„მაგრამ პოლონეთის მრეწველობის სწრაფი განვითარება, რომელიც გაცილებით აჭარბებდა რუსეთისას, წარმოადგენს თავის თავად პოლონეთის ხალხში დაუშრეტელ, სასიცოცხლო ენერჯის არსებობის ახალ დამტკიცებას და მომავალ ნაციონალურ აღორძინების ახალ გარანტიას. ხოლო დამოუკიდებელ, ძლიერ პოლონეთის აღორძინება ისეთი საქმეა, რომელიც ძლიერ მნიშვნელოვანია არა მარტო პოლონეთისათვის, არამედ აგრეთვე თვითეულ ჩვენთაგანსათვის. ევროპის ხალხთა მჭიდრო საერთაშორისო თანამშრომლობა შესაძლებელია მხოლოდ მაშინ, როდესაც თვითეული ამ ხალხთაგანი იქნება თავის სახლში სრული ბატონ-პატრონი.

1848 წ. რევოლიუციამ, რომელმაც პროლეტარიატის დროშის ქვეშ მიიყვანა პროლეტარიატის მებრძოლები იქამდე, რომ მათ ბურჟუაზიისათვის თავიანთი ხელებით გამოჰქონდათ ცეცხლიდან წაბლი: იმავე დროს ნაპოლეონის და ბისმარკის ხელით შექმნა დამოუკიდებლობა იტალიის, გერმანიის და უნგრეთისათვის, ხოლო პოლონეთი, რომელმაც 1791 წლიდან მეტი გააკეთა რევოლიუციის საქმისათვის, ვინემ სამივე ამ ხალხმა ერთად, მიტოვებული იქნა თავის ანაბარათ 1863 წ. როდესაც ის დაბეჩავებული იყო ათჯერ უფრო ძლიერ რუსეთის სახელმწიფოს მიერ.



„შლიახტა“-მ ვერ შესძლო ვერც შენარჩუნება, ვერც მოპოება დამოუკიდებლობის; ბურჟუაზიისათვის ის დღითი დღე ჰკარგავს მნიშვნელობას. მისი მოპოება შეუძლია მხოლოდ პოლონეთის ახალგაზრდა პროლეტარიატს, მხოლოდ მის ხელში მისი ბედი საიმედოა. ამიტომ დასავლეთ ევროპის მუშა არა ნაკლებ დაინტერესებულია პოლონეთის განთავისუფლებაში, ვინემ თვით პოლონელი პროლეტარიატი (კურსივი ყოველგან ჩემია ფ. მ.)

ასე ამბობდა ენგელსი. 1892 წელს. მაშასადამე, ჯერ კიდევ 1892 წ. „დამოუკიდებელ ძლიერ პოლონეთის“ შექმნა იყო პოლონეთის პროლეტარიატის სავსებით რევოლიუციონური მოთხოვნილება; არ უნდა დავივიწყოთ, რომ ასეთი მოთხოვნილება, სხვათა შორის, პოულობდა თავის დასაბუთებას იმაში, რომ რუსეთის მუშებს შორის იმ დროს რევოლიუციონური მოძრაობა ძლიერ სუსტი იყო, ძლივს მოსჩანდა, მაშინ, როცა პოლონეთში ეს მოძრაობა იზიდავდა თითქმის მთელ მუშათა კლასს. ამიტომ პოლონეთის პროლეტარიატს საკმაო საბუთი ჰქონდა დიდი იმედი არ დაემყარებია რუსეთის მუშებზე თავის განმათავისუფლებელ ბრძოლაში მჩაგვრელების და მოძალადეების წინააღმდეგ. ასეთივე აზრია გატარებული ზემოდ მოყვანილ ფრ. ენგელსის სიტყვებშიც.

რასაკვირველია, შემდეგში, როდესაც რუსეთის მუშათა კლასი ჩაერთა რევოლიუციონურ მოძრაობაში, როდესაც მან მთელ რიგ პოლიტიკურ აჯანყებით მთელი მსოფლიოს წინაშე დაამტკიცა, რომ მას შეუძლია არა მარტო ბრძოლა მეფის თვითმყრობელობის წინააღმდეგ, არამედ მას შესწევს უნარი და ძალა სდციალისტური წესწყობილების მოპოებისათვის, პოლონეთის პროლეტარიატის უიმედობას რუსეთის მუშებისადმი თანდათანობით ადგილი უნდა დაეთმო იმ რწმენისთვის, რომ მუშათა კლასის საბოლოო გამარჯვება მის მტრებზე შეიძლება მხოლოდ რუსეთის, პოლონეთის, ფინეთის, უკრაინის და სხვა ეროვნებათა მუშების სოლიდარობის გზით, და პოლონეთის პროლეტარიატის უფრო შეგნებული ნაწილი ძალიან ჩქარა რწმუნდება იმაში, რომ მის ყველაზე უფრო საიმედო მოკავშირეს დიად განმათავისუფლებელ ბრძოლაში წარმოადგენს სწორედ რუსეთის მუშათა კლასი. მაგრამ მეორეს მხრივ ჩვენ ვიცით, რომ ნაციონალიზმი პოლონეთის მუშებ შორის საკმაოდ ფეხნოკიდებულია ეხლაც. ეს გარემოება აქვს სახეში, სხვათა შორის, აშხ. ა ვარსკისაც „კომუნისტურ ინტერნაციონალში“ (№ 23, წერილი „პარტიულ საკითხებზე“). აქ სხვათა შორის ვკითხვლობთ: „პოლონეთში მუშათა მოძრაობაში ნაციონალიზმთან ბრძოლა წარმოადგენდა რა წარმოადგენს რევოლიუციონური სოციალიზმის ოპორტიუნისმთან და რევიზიონისმთან ბრძოლის უმთავრეს ფორმას. ყველა ქვეყანაში ეს

ბრძოლა ეწყობოდა პრაქტიკულად სხვა გვარად. პოლონეთში რევო-  
 ზიონიზმის პრაქტიკული გამოხატულება იყო ნაციონალიზმი, რომე-  
 ლიც იწვევდა ბურჟუაზიასთან შეთანხმებას და მასთან თანამშრომ-  
 ლობას. და პირიქით,—ნაციონალიზმთან ბრძოლას მიყვავდით აუცი-  
 ლებლად სოციალური რევოლუციის ბანაკში“ (კურსივი ჩემია ფ. მ.).

თავის თავად ცხადია, რომ პილსუდსკის და დაშინსკის ეპო-  
 ქაში, როდესაც „პე-პე-ეს“ (P. P. S) საბოლოოდ გადაჯვარდა და  
 ვადიბარგა შოვინისტური ბურჟუაზიის ბანაკში, ამხ. ვარსკი სავსებით  
 მართალია, როდესაც ის ამბობს, რომ „პოლონეთში მუშათა მოძრაო-  
 ბაში ნაციონალიზმთან ბრძოლა ყოველთვის წარმოადგენდა რევო-  
 ლუციონური სოციალიზმის ოპორტუნუიზმთან და რევოზიონიზმთან  
 ბრძოლის უმთავრეს ფორმას“,—მაგრამ ეს აზრი არ არის სწორი პოლო-  
 ნეთის მუშათა მოძრაობის პირველ საფეხურის შესახებ, იმ საფეხურის  
 რომელიც, სხვათა შორის, მხედველობაში ქონდა ფრ. ენგელსს, როცა  
 ზემოდ მოყვანილ სიტყვებს წერდა. დიახ, პოლონეთის მუშათა მოძრაობას  
 აქვს ბრწყინვალე წარსული. ამის უარყოფა არავის არ შეუძლია. ჯერ  
 კიდევ 1884 წელს პირველად გამოქვეყნდა პოლონეთის სოციალის-  
 ტური პარტიის „პროლეტარიატი“-ს პროგრამა. ამ პარტიას უკვე  
 იმ დროს მოეპოვებოდა ძლიერი ორგანიზაცია პოლონეთის მუშებს  
 შორის. 1889 წ. „პროლეტარიატის“ პარტიამ დასდო ხელშეკრულება  
 „სახალხო თავისუფლების“ პარტიის აღმასრულებელ კომიტეტთან.  
 ამ ხელშეკრულების ძალით, პოლონეთის პარტია იტოვებდა „სრულ  
 დამოუკიდებლობას და პასუხისმგებლობას პოლონეთში თავისი პარ-  
 ტიის ყველა საქმეების წარმოებაში და უკავშირდებოდა, როგორც  
 დამხმარე საკავშირო კორპუსი, რუსეთის რევოლუციონერების ძალებს,  
 კერძო ამოცანის—რუსეთის თვითმყრობელობის დამხობის სისრულეში  
 მოყვანის მიზნით. „პროლეტარიატის“ ორგანიზაცია 1884—85 წლებში  
 განადგურებული იქნა; 1885 წ. ვარშავაში მოხდა „პროლეტარიატის“  
 28 წევრის გასამართლება, რომელთაგან ოთხი: ბარდოვსკი, ოსსოვსკი,  
 პუნიცკი და პეტრუსინსკი დასაჯეს სიკვდილით 1886 წელს, ხოლო  
 დანარჩენები გაგზავნეს კატორღაში. <sup>1)</sup> მაგრამ მიუხედავად ამ განად-  
 გურებისა, პარტია კიდევ განაგრძობდა არსებობას და აწყობდა  
 მუშათა გაფიცვებს. ერთ ერთი გრანდიოზული გაფიცვა იყო მოწყო-  
 ბილი 1892 წელს ლოდში პირველ მაისს, ამ გაფიცვაში მონაწილეო-  
 ბას ღებულობდა დაახლოვებით ასი ათასამდე მუშა. „პროლეტარიატი“  
 უსაბუთოდ იდგა კლასობრივ ნიადაგზე (მის მთავარ ორგანოს, რომე-  
 ლიც გამოდიოდა საზღვარ-გარეთ, ეწოდებოდა „კლასთა ბრძოლა“  
 —Walka klas). ის სთარგმნიდა და ავრცელებდა მუშებში მარქსისტულ

<sup>1)</sup> იხ. ა. ტუნი История революционных движений в России. პეტრ. 1920 წ.



ლიტერატურას — როგორც მაგ. „კომუნისტურ მანიფესტს“, „დაპყრობის რევოლუციური შრომა და კაპიტალი“, „სიტყვა ვაჭრობის თავისუფლების შესახებ“ და მარქს — ენგელსის სხვა წერილ ნაწერებს. მაგრამ არ შეიძლება ითქვას, რომ „პროლეტარიატის“ პარტია იყო სავსებით მარქსისტული ანუ, როგორც ჩვენ ეხლა ვლაპარაკობთ კომუნისტური პარტია. მეორეს მხრივ იმ პერიოდში, რომელსაც მე ეხლა ვეხები, პოლონეთში არ იყო ისეთი პარტია, როგორც მაგალითად გერმანიის სოციალ-დემოკრატია. თუმცაღა იყო ტენდენცია ასეთი ორგანიზაციის შექმნისათვის. არსებობდა პატარა ჯგუფი ანუ წრე, რომელიც 1890-95 წ. სცემდა ვარშავაში ლეგალურ ორგანოს „პრავდას“, ლეგალურ მარქსისტულ ჟურნალის სახით, მაგრამ იმ დროს ამ ცდას ნაყოფი არ ჰქონდა. ამ რიგად, ჩვენ ვხედავთ, რომ პოლონეთის მუშათა მოძრაობა ვითარდება თითქმის დამოუკიდებლად რუსეთის მუშათა მოძრაობისაგან; მას კავშირი ჰქონდა დასავლეთ ევროპის სოციალისტურ მოძრაობასთან, მით უმეტეს, რომ პოლონეთის სამივე ნაწილებს (რუსეთის, ავსტრიის და პრუსიის), მიუხედავად საზღვრების „კორდონებისა“, მჭიდრო დამოკიდებულება ჰქონდათ ურთიერთ შორის. ამავე დროს ავსტრიის პოლონეთი იმყოფებოდა შედარებით უფრო ლიბერალურ პირობებში, ადვილად აწვდიდა რუსეთის პოლონეთს რევოლიუციონურ და სოციალისტურ ლიტერატურას პოლონურ ენაზე.

III

მარქსისტების რიგებში.

გასული საუკუნის ოთხმოცდაათიანი წლების დასაწყისი ითვლება ვადახრის ხანათ მთელი ყოფილი რუსეთის იმპერიის მუშათა მოძრაობის ისტორიაში ამ დროიდან იწყება არა მარტო შეკრება მუშების ცალკე დაქსაქსულ ჯგუფების და წრეებისა უფრო მწყობრ და ჩამოყალიბებულ ორგანიზაციებათ, არამედ, რაც კიდევ უფრო შესანიშნავია, ყველა ეს ცალკე არსებული ჯგუფები და წრეები რუსეთის მოწინავე მუშებისა იხრებიან მეცნიერულ სოციალიზმისაკენ ანუ რევოლიუციონურ მარქსიზმისაკენ. მაგრამ უფრო ძლიერი ამ მიმართულების ცოტათ თუ ბევრათ ორგანიზაცია ჯერ კიდევ არ იყო, როგორც ამაზე განაცხადა. ჯერ კიდევ 1893 წელს რუსეთში მეცნიერულ სოციალიზმის დამაარსებელმა გ. ვ. პლენანოვმა <sup>1)</sup> ეს რასაკვირ-

1) თავის წერილში პოლონელ ამხანაგების მიმართ, პლენანოვი, სხვათა შორის, სწერდა: „რუსეთში საერთოდ და არა თუ მარტო სოციალ-დემოკრატებში, ჯერ კიდევ არაა ძლიერი რევოლიუციონური ორგანიზაცია. რუსეთში არიან ისეთი პირები, რომლებიც უკვე გადავიდნენ მეცნიერული სოციალიზმის თვალთახედვის წერტილზე, მაგრამ რომლებიც კიდევ ვერ ბედავენ აღიარონ თავისი თავი სოციალ-დემოკრატებათაო.“

ველია არ ეხებოდა პოლონეთს, სადაც იმ დროს არსებობდა არა მარტო ძლიერი მოძრაობა მუშებისა, არამედ, აგრეთვე არსებობდა ძლიერი რევოლუციონური მუშათა პარტია „პროლეტარიატი“-ს სახით.

1891 წელს, როდესაც მე მომიხდა ცხოვრება ვარშავაში, რა თქმა უნდა, ყველა ამაზე მე სრულიად არაფერი ვიცოდი. მე არ ვიცოდი არსებობა საზღვარ გარეთელ ორგანიზაციის „შრომის განთავისუფლების ჯგუფისა“ ან და არც ცალკე სოციალ-დემოკრატიულ ჯგუფების და წრეების, რომლებიც არსებობდნენ რუსეთის ცოტათ თუ ბევრათ მნიშვნელოვან ცენტრებში და ბოლოს—არც პოლონეთში მუშათა ძლიერი მოძრაობის არსებობა.

ვარშავაში, როგორც მთელ პოლონეთში, ძლიერ რთული პირობები იყო. იქაურ პირობების შეთვრება ახალ მოსულ პიროვნებისათვის და ისიც მოსულისათვის ისეთ ჩამორჩენილ მხარედან, როგორიც იყო მაშინ მთელი კავკასია და კერძოთ ამიერ-კავკასია, იყო ძალიან ძნელი. ერთის მხრივ ძლიერი პატრიოტული მოძრაობა პოლონეთის ხალხში, რომელიც ორკეცდებოდა საშინელი ნაციონალური და ხშირათ მხეცური სიძულვილით პოლონელებსა და რუსებს (ანუ „მასკალებს“ როგორც რუსებს ეძახოდნენ იქ) შორის, მეორე მხრივ, პოლონეთის პროლეტარიატის სოციალისტური მოძრაობა შექმნილ ისტორიულ პირობების გამო გაქლენთილი იყო ნაციონალისტური მისწრაფებით.

პარტიული მოძრაობა და რუსებ პოლონელებს შორის ანტაგონიზმი მე შორს მტყორცნიდა პოლონელთაგან, მეორე მხრივ, პოლონეთის მუშათა კლასის სოციალისტური მოძრაობა იყო ჩვენთვის მიუწოდომელი, კონსპირაციის გამო, რომელიც უფრო გაძლიერდა დარბევის შემდეგ, რომელსაც ადგილი ჰქონდა რამოდენიმე წლების წინ. ამ მოპყრობასთან დაახლოვების საშვალების პოვნა უცხო პიროვნებისათვის, როგორც ვიყავი მაშინ მე, შეუძლებელი იყო ფიზიკურათ. ჩემს გარეშემო ვერ ვნახე კაცი, რომელსაც შესძლებოდა, არამც თუ შეეყვანა „პროლეტარიატი“-ს პარტიის ორგანიზაციაში არამედ თვით ამ მოძრაობის გაცნობაც.

ამავე დროს ინსტიტუტში, სადაც მე მივისწრაფოდი, სამეცნიერო მეცადინეობა თუმცაღა იყო საინტერესო, მაგრამ მე მაინც ვერ მაკმაყოფილებდა, და პირიქით, ეგ მეცადინეობა მეორე ხარისხოვანი უნდა გამბდარიყო ჩემთვის, რაც მალე მოხდა.

როგორც ხემათ ვსთქვი, საზოგადოთ პოლონელებთან და უფრო პოლონელ სტუდენტებთან დაახლოვება და ცოტათ თუ ბევრათ მჭიდრო კავშირის დაჭერა ძალიან ძნელი იყო, მაგრამ სტუდენტთა შორის, რომლებიც უმთავრესათ იყო პოლონელები, იყვნენ



აგრეთვე რუსებიც და ებრაელებიც. მართალია, ეს ელემენტები, უმთავრესათ რუსები, უმეტეს შემთხვევაში არაფერი გამოსადეგი იყვნენ, რადგანაც წარმოდგენდნენ რეაქციონერებს ან აშკარა შავრახმელებს. მაგრამ, მიუხედავად ამისა რუს და ებრაელ სტუდენტთა შორის ვარშავაში მოიპოვებოდნენ, თუმცაღა გამონაკლისის სახით, ჯანსაღი ელემენტებიც. ვამბობ, ისინი იყვნენ ძალიან ცოტა, მაგრამ მაინც იყვნენ. ჩვენ, ე. ი. მე და ჩემთან ერთად საქართველოდან ვარშავაში ჩამოსული ჟორდანია, მიქაძე და მირიანაშვილი, მალე გავეცანით ზოგიერთ სტუდენტებს. სწორედ ამ უკანასკნელ კატეგორიიდან მე დღემდინ კარგად მახსოვს გვარები ყველა ამ პირების, თუმცაღა მას შემდეგ გავიდა 30 წელი და ამ ხნის განმავლობაში აღარ მქონია მაშასადამე შემთხვევა მენახა ისინი <sup>1)</sup>. დავსახელებ აქ მათ გვარებს: **შუმოვი, რუნკევიჩი, ლიუბიმსკი, ცვეტკოვი, ნევსკი, ანტოკოლსკი, პესკინი და ვიტკინდები** (და-ძმა).

### მარქსიზმის შესწავლის წრე

როდესაც მათ გაიგეს, რომ ჩვენი უმთავრესი მიზანია შესწავლა სოციალიზმისა და გაცნობა სოციალისტურ მოძრაობისა, მათ გვითხრეს, რომ ამისათვის საჭიროა ყველაზე უწინ გაცნობა **პოლიტიკური ეკონომიასთან კ. მარქსის თეორიის სახით**. შემდეგ ჩვენ გავიგეთ იმათაგან, რომ ისინი თავს უწოდებენ **სოციალ-დემოკრატებს** ანუ „**შრომის განთავსუფლებების ჯგუფის**“ მიმდევრებს, რომლის მეთაური იყო **პლენხანოვი**. ისიც გავიგეთ, რომ არსებობს, სხვათა შორის გერმანიაში, მეტათ ძლიერი სოციალ-დემოკრატიული მუშათა პარტია, რომელსაც თავისი წარმომადგენლები ყავს გერმანიის რეისხტაგში და სხვა. ყველა ეს იყო ჩვენთვის სრულიად **ახალი ამბავი, თითქმის აღმოჩენა**, რომელიც ყირამალა აყენებდა ყველა წარმოდგენებს და ყველა ჩვენს ისედაც ბუნდოვან და უაღრესათ დაბნეულ მსოფლმხედველობას, მე მიკვირდა, როგორ გამოგვეპარა ყოველივე ეს აქამდის, რატომ ვერ შევსძელით მიგვექცია ყურადღება სოციალ-დემოკრატიულ მოძრაობისათვის, მარქსის და ენგელსის მოძღვრებისათვის, პოლიტიკური ეკონომიის შესწავლისათვის და სხვ. სხვათა შორის აქ უნდა აღვნიშნოთ ერთი გარემოება: თითქმის რუსეთის ლიბერალურ პრესაში (განსაკუთრებით გაზ. „რუსეთის უწყებებში“) შეიძლებოდა ამოკრფვა საკმაო ცნობების იმის შესახებ, თუ რა ხდებოდა ავსტრიის და განსაკუთრებით კი გერმანიის სოციალ დემოკრა-

1). მხოლოდ სრულიად მოულოდნელად, შემთხვევით შევხდი ერთი იმათგან, ამ ანტ კოლსკის, რომელსაც მე დავშორდი დაპატიმრების წინ 1893 წლის დასაწყისში და რომელიც რაღაც სასწაულით რამოდენიმე საათით ვიხილე ვლადიკავკაში, 1918 წელს ის იყო ბოლშევიკი, ამის შემდეგ მასზე არაფერი ვიცი.

ტიულ პარტიებში, რომლებიც ახალი გამოსული იყო არალეგალური მდგომარეობიდან. ყველა ამასთან მე და ჩემს ამხანაგებს გვიხდებოდა პირველი გაცნობა, და თავის თავად იგულისხმება თუ როგორი გულმოდგინებით მოვეკიდეთ ყველა ამას. წინასწარ ვიტყვი რამდენიმე სიტყვას ზემოხსენებულ პირების დასახასიათებლათ, რომლებმაც, შეიძლება ასე ვთქვათ, პირველათ აგვიხილეს ჩვენ თვალები გარშემორტყმული სინამდვილის დასახსნათ. უწინარეს ყოვლისა ყველა ისინი იყვნენ ვარშავაში მოსული ელემენტები, უმეტესი მათგანი ვილნოდან და ამისათვის უმეტეს შემთხვევაში იმათ ყავდათ ნაცნობთა ძლიერ განსაზღვრული წრე, <sup>1)</sup> ამიტომაც პოლონეთის პროლეტარიატისათვის ისინი უცხო ელემენტები იყვნენ.

ეს იყო უარყოფითი მხარე. შემდეგ მათ შორის იყვნენ ისეთი პირები, რომლებსაც ჰქონდათ უკვე შედარებით დიდი რევოლუციონური სტაჟი და ბრძოლის ისტორია; მაგ. შუმოვი და რუნკევიჩი, უფრო უკანასკნელი, რომელსაც ამისათვის ჩვენ ვეძახდით „რევოლუციის გენერალს“. რაც შეეხება დანარჩენებს, უმეტეს შემთხვევაში ისინი მარქსიზმში ჩვენსავით ერკვეოდნენ.

ამ გაცნობის შემდეგ, ყველა ჩვენს წინაშე ბუნებრივად დაისვა საკითხი მუდმივი წრის დაარსების შესახებ, რათა შეგვესწავლა მარქსიზმი გარკვეული გეგმით, ასეთი წრე ჩქარა კიდევ დავაარსეთ. მე არ შემიძლია გარკვევით დავასახელო თუ რიცხვით როდის დავაარსეთ წრე. დაახლოებით, შეიძლება ითქვას, რომ ეგ იყო 1991 წლ. ნოემბერში თუ დეკემბერში. წრეში იყვნენ: პესკინი, ანტოკოლსკი, ვიტკინდი (ძმა), ლიუბიმსკი, ცვეტკოვი, ნევსკი და ოთხი ჩენი: მე, ჟორდანია, მიქაძე და მირიანაშვილი, ამ უკანასკნელმა მალე დაანება თავი; ჟორდანია რამოდენიმე თვის შემდეგ, 1892 წ. ზაფხულის დასაწყისში გამოემგზავრა სამშობლოში.

მიქაძემ მიაღწია ჩენი ჯგუფის მთლათ განადგურებამდინ, რომელსაც ადგილი ჰქონდა 1893 წ. აპრილში, რომლის შემდეგ ის, ისე როგორც მირიანაშვილი, სრულიად ჩამოშორდა როგორც სოციალიზმს, ისე მუშათა კლასს საზოგადოთ. ჯგუფის სხვა წევრებიდან პესკინი 1892 წელს გაიქცა საზღვარ გარეთ; ვიტკინდი კი დაპატიმრებულ იქმნა ჯერ კიდევ წრის საბოლოოდ განადგურებამდე. ასევე გავიდნენ წრიდან წინასწარ ცვეტკოვი და ნევსკი. რაც შეეხება რუნკევიჩს და შუმოვს, ისინი წრეში არ შემოდიოდნენ, მაგრამ გარედან ხელმძღვანელობდნენ მას. წრე იკრიბებოდა სისტემატიურათ კვირაში ორჯერ. მეტადინეობა სწარმოებდა ძალიან ბეჯითათ. ჩვენ დავიწყეთ მარქსიზმის შესწავლა კაუტკის ბროშურით: „მარქსის ეკო-

<sup>1)</sup> მხოლოდ რუნკევიჩს და შუმოვს როგორც ძველ სტუდენტებს ყავდათ ჩემთან შედარებით ნაცნობები პოლონელებში, რომლებიც დიდ პატივს სცემდნენ მათ.



ნომიური მოძღვრება“, რომელიც ჩვენ ვგვჩინდა მხოლოდ ხელნაწი-  
 და რომელშიაც შემოკლებით იყო მოთავსებული მარქსის „კაპიტა-  
 ლი“-ს პირველი ტომის შინაარსი. იმავე დახმარებას გვიწვედა ჩვენ  
**ხვიდერსკის** ბროშურა პოლიტიკურ ეკონომიაზე, რომელიც მაშინ  
 ლევალურათ იყო გამოცემული პოლონურ ენაზე და შემდეგ გადა-  
 თარგმნილი რუსულათ.

მარქსიზმის საფუძველებთან ასეთი წინასწარი გაცნობის შემ-  
 დგ ჩვენ შევუდექით მარქსის ყველაზე უფრო მნიშვნელოვან ნაწარ-  
 მოების შესწავლას, სახელდობრ „კაპიტალი“-ს პირველ ტომს, რო-  
 მელშიაც ყველაზე უფრო რთულია პირველი თავი, რომლის დაძლევა  
 ჩვენ შევსძელით დიდი ენერჯიის დახარჯვით. ამასთან ერთდროუ-  
 ლათ, ცოტა თუ ბევრათ თითქმის უფრო ადრე ჩვენ შევისწავლეთ  
 ფრ. ენგელსის „**ანტი-დიურიზმის**“ ერთი თავი, „**უტოპიიდან მეცნიე-  
 რულ სოციალიზმისაკენ**“, რამაც ძლიერ გაგვიადვილა **ისტორიის**  
**მატერიალისტურათ** გაგების გარკვევა. იმავე დროს დიდი სიამოფ-  
 ნება გვაგრძნობინა ჩვენ **მარქსის და ენგელსის** „კომუნისტური პარ-  
 ტიის მანიფესტი“. ეს შეიძლება ითქვას, არის კომუნისზმის ნამდვი-  
 ლი სახარება, თუმცაღა, უნდა ვაღიაროთ, რომ უკანასკნელი თავები  
 და სახელდობრ მესამე თავიდან დაწყებული ჩემთვის მაშინ დარჩა  
 მიუწოდომელი, რადგანაც ამისათვის საჭირო იყო ცოტათ თუ ბევრათ  
 ახლო გაცნობა მაშინდელ გერმანიაში არსებულ ფილოსოფიურ და  
 სოციალისტურ მოძღვრებისა, რაც, რა თქმა უნდა, ჩვენ მაშინ გვაკლდა.  
 მიუხედავად ამისა „**კომუნისტური მანიფესტი**“ ს შესწავლამ ითამა-  
 შა გადამჭრელი როლი ჩემი მსოფლმხედველობის საბოლოოვით განპ-  
 ტკიცებაში. როგორც საზოგადოთ მარქსიზმის შეთვისებაში აგრეთვე,  
 განსაკუთრებით რუსეთის სოციალისტურ პარტიების გაცნობაში  
 ძვირფასი ღვაწლი მიუძღვის ჩვენთვის პლენხანოვის ნაწარმოებებს და  
 განსაკუთრებით „**სოციალიზმი და პოლიტიკური ბრძოლა**“ და „**ჩვე-  
 ნი უთანხმოება**“. ეს უკანასკნელი ნაწარმოები მოხერხებულათ და  
 ბრწყინვალეთ ააშკარავებდა რუსეთის სინამდვილეს. ამ წიგნს მრავალ-  
 ჯერ ვაღვიკითხავდი, ამან მომცა საშუალება საბოლოოთ გამერკვია  
 თავისთვის როლი და მნიშვნელობა რუსეთის ცნობილი **თემის**  
 (**ошибка**), აგრეთვე როლი და მნიშვნელობა რუსეთის რევოლიუციო-  
 ნურ მოძრაობაში მუშათა კლასის ყველა იმ სოციალისტურ („ნარო-  
 დნიკების“) პარტიების, რომლებიც ყველა თავის იმედებს ამყარებდენ  
 თითქმის მარტო ამ თემის არსებობაზე.

წრის ასეთ ცხოველ მეცადინეობაში, ჩქარა ვადიოდნენ დღეები,  
 კვირეები, თვეები. თვით რუსეთში ამ დროს მძვინვარებდა საშიშარი  
 სიმშვილი 1891 წლის მოუსავლობის გამო. ყველა ამას, რათქმა უნდა,  
 უმაღლავდენ საზოგადოებას, პრესას, მაგრამ, მაინც რაღაც ყრუ ხმები



ხალხის ამ უბედურებაზე იპარებოდნენ პოლონეთის პრესაში, აქა-იქ. ამ უბედურების მთელ სიმძიმეს ჩვენ მაშინ ვერ ვგრძნობდით, ძალიან შორს ვიყავით ჩვენ მაშინ ყველა ამაებიდან. მაგრამ ჩვენ გაფაციცებით ვადევნებდით თვალ-ყურს ცხოვრებას და განსაკუთრებით მოღვაწეობას **გერმანიის სოციალ-დემოკრატიისას**, რომელმაც თავისუფლათ ამოისუნთქა სოციალისტების წინააღმდეგ განსაკუთრებული კანონების მოსპობის შემდეგ. ეს პარტია, რომელიც დიდ ხანს წარმოადგენდა ნიმუშს და მაგალითს ყველა ქვეყნის სოციალისტურ პარტიებისათვის, თითქმის ჩვენს თვალის წინ იზრდებოდა, ძლიერდებოდა და აღწევდა დიდ წარმატებას და უმორჩილებდა თავის გავლენას მუშების უფრო და უფრო მეტ რიცხვს. ჩვენ აღტაცებაში მოვყავდით უმთავრესათ გერმანიის პროლეტარიატის ბელადების გამოსვლებს (ბებელის, ლიბკნეხტის და სხვ.) გერმანიის რეისტაგში, სადაც ისინი აშკარათ და გაბედულათ ეწინააღმდეგებოდნენ ყველა ჯურის რეაქციონერებს, დაწყებული კლერიკალებიდან და გათავებული პროგრესისტებით, მზგავსათ **ვევენი რიხტერისა**.

გერმანიის სოციალ-დემოკრ. მოღვაწეობა, რომელსაც თვალყურს ვადევნებდით გაზეთებით (მხოლოდ და მარტოდ მოსკოვის გაზეთებით „რუსეთის უწყებები“-თ), წარმოადგენდა თითქოს დამატებას ყველა იმისას, რასაც ჩვენ ვითვისებდით თეორიულათ. ეს იყო თითქოს შემოწმება პრაქტიკაში ჩვენი თეორიული განვითარების და ცოდნის. საქმე იმაშია, რომ სანამ ჩვენ ვიყავით შორს ნამდვილ პრაქტიკისაგან, ე. ი. მუშებისაგან ჩვენ მხოლოდ ვემზადებოდით, რომ სულ ახლო ხანში გაემხდარიყავით მათი ორგანიზატორები და ხელმძღვანელები, პროპაგანდისტები და აგიტატორები.

ასეთი იყო იმ დროს საკითხის დაყენება არა მარტო ჩვენს ვიწრო წრეში ვარშავაში, არამედ აგრეთვე მთელ დანარჩენ რუსეთშიაც. სადაც კი მოიპოებოდა ასეთი სოციალ-დემოკრატიული წრეები. და ეს აუცილებელიც იყო, ვინაიდან, როგორც ჩვენი პარტიის ისტორიკოსი, ამხ. ბატურინი ამბობს: „მომზადებულ მუშა სოციალ-დემოკრატების რიცხვი ჯერ უმნიშვნელო და შეღუმენველი იყო ბნელი მასების ზღვაში. ცხადია, რომ წრეებში პროპაგანდის პერიოდში სოციალ-დემოკრატია სდგას განზე მუშათა მოძრაობისაგან“<sup>1)</sup>.

ჩვენი უბედურება იმაში მდგომარეობდა, რომ თუმცაღა ჩვენ ვცხოვრობდით მუშათა მოძრაობის ცენტრში, მუშებთან დაახლოვება კიდევ ვერ შეესძლებოდა, მიუხედავად იმისა, რომ ჩვენ მზად ვიყავით ყოველგვარი მსხვერპლის გაღებისათვის, მხოლოდ კი მოგვეტანა მათ-

<sup>1)</sup> იხ. ბატურინი, ნარკვევები რუსეთის სოციალ-დემოკრატიის ისტორიიდან. ქართ. თარგ. გვ. 71—2.



თვის რაიმე სარგებლობა. მაგრამ ეს ჯერ ფიზიკურად შეუძლებელი იყო ჩვენთვის. ამავე დროს გადიოდა 1892 წელი. ინსტიტუტში მეცადინეობა მივიწყებული მქონდა. მე უკვე არ დავდიოდი ლექციებზე და პრაქტიკული მეცადინეობაზე, გამოცდების დრო ახლოვდებოდა ეხლა იყო საჭირო ძალების დაჭიმვა, რომ არ დავრჩენილიყავი, მაგრამ ეს ასე ადვილი საქმე არ იყო, ვინაიდან ის მეთოდით, რომელსაც მე ვიყენებდი სემინარიაში—გამოცდების წინ ყველაფერის გაზებრება სახელმძღვანელოებში,—აქ უკვე არ შემძლო გამომეყენებია. მაგრამ როგორც იყო დიდი ვაი-ვაგლახით, გადავედი. გადავწყვიტე საზაფხულო არდადეგებზე დავრჩენილიყავი ვარშავაში \*) და გამომეყენებია ეს დრო ადგილობრივ პირობების უფრო გასაცნობათ. ამავე დროს მატერიალური მდგომარეობის გაუმჯობესების მიზნით იძულებული ვიყავი ამელო კერძო გაკვეთილები, რისთვისაც მაშინ ძლიერ მცირე გასამჯელოს იძლეოდენ.

სწორედ ამ დროს მომიხდა პირველად კონსპირატიული კავშირის დაჭერა მუშებთან და ისიც არა ნამდვილ ფაბრიკის მუშებთან, არამედ ნახევრად პროლეტარებთან—ებრაელ ხელოსნებთან. ისინი სამინი იყვნენ: მხოლოდ ამავე დროს არც მე და არც ერთმა მათგანმა ერთი მეორის ნამდვილი გვარი არ ვიცოდით, ერთგვარი პაროლით მივდიოდი მე მათ სახლში, ვამაცაფინებდი ვბრუნდებოდი უკან და მოვდიოდი. პირველად მე მათთან ვავდიოდი რუსულ ენას და ანგარიშს, მხოლოდ შემდეგ პოლიტიკურ ეკონომიის ანბანს კუაიციის ან სვიდერსკის წიგნით. ეს მეცადინეობა გაგრძელდა 3—4 თვე, რის შემდეგ კავშირი ამ ჯგუფთან შეწყდა.

IV

**არალეგალური ლიტერატურის გავრცელება.**

1892 წ. შემოდგომაზე, სამოსწავლო წლის დაწყებიდან ჩვენმა წრემ, თავის ჩვეულებრივ მეცადინეობის გარდა გადაიტანა თავისი მოღვაწეობა სხვა მხარეზე ე. ი. დაიწყო ცოტათი თავისი მოღვაწეობის გაფართოება. საქმე იმაშია, რომ რაიმე ჩამოყალიბებული და მით უმეტეს მოწესრიგებული ორგანიზაცია, რომელსაც შეეძლებოდა უცხოეთიდან შემოეტანა რუსეთში სოციალისტური ლიტერატურა, კერძოთ „შრომის განთავისუფლების ჯგუფის“ გამოცემანი, ჯერ კიდევ არ მოიპოებოდა. რასაკვირველია ამხანაგების ცალკე ჯგუფები და აგრეთვე ცალკე პირები ეწეოდნენ ამ საქმეს; მე ვიცოდი, რომ ზემოდ დასახელებული რუნკოვიჩი და შუმოვი ხშირად აწყობდნენ ვარშავის საშუალებით რუსეთში არალეგალურ ლიტერატურის შემოტა-

\*) ჩვენ ოთხს შორის მხოლოდ ყორღანია გაემგზავრა სამშობლოში.

ნას. უნდა ითქვას, რომ ვარშავა მართლაც ისეთ ცენტრალურ და ძლიერ ხელსაყრელ პუნქტს წარმოადგენდა ამ მხრივ, რომ სწორედ მისი საშუალებით უნდა მომხდარიყო არალეგალური ლიტერატურის შემოტანა რუსეთის სხვა და სხვა ადგილებში. ამიტომ გასაკვირი არ არის, რომ ჩვენი წრე თანდათან ჩაება ამ საქმეში. მაგრამ, ცხადია, წრე, როგორც ასეთი სპეციალურად, ამ საქმით არ იყო გართული. განსაკუთრებით პირველ ხანებში, ის მხოლოდ ხელს უწყობდა მას.

მე მახსიავს, რომ ჩვენი წრის წევრებიდან ამ მხრივ პირველი ნაბიჯი გადადგა ამხ. პესკინმა. იგი იყო ძლიერ მოხერხებული ახალგაზრდა. იგი გადაიარდა საზღვარს ავსტრიის ან პრუსიის რომელიმე პატარა ქალაქიდან და ბრუნდებოდა უკვე დატვირთული ლიტერატურით; ზოგიერთ შემთხვევაში ეს ხდებოდა ამისათვის საგანგებოდ გაკეთებულ ჩემოდანის საშუალებით. მაგრამ ეს იყო წვეთი ზღვაში.

ამ საშუალებით, რასაკვირველია, შეუძლებელი იყო სტიქიურად წარმოშობილ მუშათა მოძრაობის მოთხოვნების დაკმაყოფილება, მაგრამ მაინც ამასაც მნიშვნელობა ჰქონდა. სამწუხაროდ პესკინი უცხოეთში ერთ-ერთ ასეთ მოგზაურობის დროს სადღაც ავსტრიის საზღვარზე შეპყრობილ იქნა, როგორც ეძახიან დანაშაულის ადგილზე, რუსეთის ჟანდარმერიის მიერ, მაგრამ მოახერხა თავის დაღწევა და გაიქცა უცხოეთში. მასში ჩვენ დავკარგეთ სამუდამოდ გამოცდილი და საქმიანი ამხანაგი.

ამის შემდეგ ვალდებულებიანი და ზრუნვა არალეგალური ლიტერატურის ტრანსპორტისათვის, როგორღაც თავისთავად, სტიქიურად დაგვეკისრა მე და ანტოკოლსკის. მე თავის თავს სრულიად გამოუცდელად ვსთვლიდი ამ საქმეში. მაგრამ აქ ჩემი მონაწილეობა აუკილებელი იყო. რაც შეეხება ანტოკოლსკის, მე იგი მიმაჩნდა უფრო გამოცდილად და ამ საქმისათვის უფრო გამოსადეგად. სამწუხაროდ ეს ასე არ გამართლდა. უცხოეთის არალეგალური ლიტერატურის გასაგრძელებლად გაბმული იყო კავშირი ხარკოვთან, ვილნოსთან და სხვა ქალაქებთან. ამასთან ერთად მე გადავსდგი ნაბიჯები ამ ლიტერატურის ტფილისში გასაგზავნად. მე კიდევ მოვასწარი იქ კოტაოდენი ლიტერატურა ვადამეგზავნა 1892 წ. ბოლოს.

მაგრამ მე განზრახული მქონდა გამეგზავნა ტფილისში გაცილებით უფრო მეტი, ხოლო ამისათვის მე ვსთხოვე ტფილისელებს მოეწოდებიათ ჩემთვის საშუალება ამ მიზნისათვის. მართლაც ტფილისიდან ფული გამოგზავნეს და ამის შესახებ მე მივიღე ცნობა დაუვიწყარ **ევნატე ინგოროყვასაგან**, მაგრამ ამ ფულების მიღება მე არ დამცალდა, ვინაიდან მე იმავე დღეს დამაპატიმრეს. სანამ მე ვადავიდოდე ჩემი მიმოხილვის საბოლოო ნაწილზე, მე მინდა აქ



შეგჩერდნენ რამოდენიმე ფაქტებზე ჩემი ცხოვრების ვარშავის პერიოდისა.

### არჩილ ჯორჯაძის წრე ვარშავაში.

პირველ ყოვლისა მე მსურს რამოდენიმე სიტყვა ვსთქვა აქ კიდევ ერთი „წრის“ შესახებ, რომელიც ჩემი იქ ყოფნის დროს წარმოიშვა ვარშავაში.

ამ წრეში შედიოდნენ მხოლოდ ქართველი სტუდენტები და მას ქონდა წმინდა პატრიოტულ ნაციონალისტური ხასიათი 1891 წელს პეტერბურგის უნივერსიტეტიდან ქ. ვარშავაში გადმოვიდა **არჩილ ჯორჯაძე**—შემდეგში საქართველოს სოციალსტ-ფედერალისტების პარტიის ერთ-ერთი დამაარსებელი. უკანასკნელმა პატრიოტულად განწყობილ ქართველ სტუდენტებს, რომელთა შორის იყვნენ სხვათა შორის **შ. დედაბრიშვილი** (არაგვისპირელი) **ნ. შენგელია** და სხვა, გაუღვიძა აზრი ფარულ საზოგადოების, „საქართველოს ლიგა-ს სახელწოდებით დაარსების შესახებ, რომლის მიზანი უნდა ყოფილიყო არც მეტი არც ნაკლები—საქართველოს განთავისუფლება დესპოტიური რუსეთის უღლისაგან.

შემუშავებული და დამტკიცებული იყო წესდება ამ საზოგადოების, რომელსაც განყოფილებები უნდა ჰქონოდა არა მარტო საქართველოში, არამედ აგრეთვე რუსეთის ყველა-საუნივერსიტეტო ქალაქებში. რამდენად მე ვიცი, ეს წესდება დაიგზავნა მრავალ ქალაქებში, მაგრამ ის მხოლოდ ქალაქებში დარჩა და არსად და არავინ არ ფიქრობდა ასეთი საზოგადოების დაარსებაზე. ჩვენი მარქსისტული წრე, ცხადია, ამჟამად წინააღმდეგი იყო როგორც ასეთი „ლიგის“ ისე ყველა ამდაგვარ უნივერსიტეტებისა. მაგრამ, ერთი კურორტული შედეგი მაინც მოჰყვა ამ „ცდას“. ჩვენი წრის წევრების დაპატიმრების დროს 1893 წ. აპრილში, ერთ მათგანს (მირიანაშვილს) სრულიად შემთხვევით აღმოაჩნდა არქივი, რომელშიაც მოიპოებოდა ფარულ საზოგადოება „ლიგის“ ყველა ქალაქებში და დოკუმენტები. ყველა ეს დოკუმენტები დაწერილი იყო ქართულ ენაზე, რომელიც, რასაკვირველია, ჟანდარმებს არ ესმოდათ. მაგრამ იფიქრეს, რომ წააწყდნენ მათთვის დღემდე უცნობ დიდ ორგანიზაციის კვალს და შეწრილდნენ იმ იმედით, რომ აღმოაჩენდნენ მას სავსებით და მით დაიმსახურებდნენ წარმატებას და ჯილდოს გროშებს. გამოიწერეს პეტერბურგიდან საიმედო მთარგმნელი (თუ არ ვცდები, მგონი პატივცემული პროფესორი მარტი), ხოლო საქართველოში გამოგზავნეს სპეციალურად ამ მისიით ცნობილი ჟანდარმერიის პოლკოვნიკი **დებილი**. მაგრამ ადრე ბატონ ჟანდარმებს იმედი გაუცრუვდათ, ვინაიდან მათთვის ძლიერ სამწუხაროდ ისინი უნდა დარწმუნებულიყვნენ იმაშია



რომ არსად და არასოდეს ასეთი „ლიგა“ არ არსებობდა. საქმეც ამით დამთავრდა.

**ნოე ჟორდანიას პროექტი „ნაციონალ-დემოკრატების პარტიის დაარსების შესახებ საქართველოში.**

დაახლოებით §1892 წლის მეორე ნახევარში, იანვრის დასაწყისში ნ. ჟორდანიასაგან, რომელთანაც მე განუწყვეტელი მიწერ-მოწერა მქონდა და რომელიც მაშინ ცხოვრობდა საქართველოში, მივიღე წერილი, რომელშიაც იყო პროგრამის და წესდების პროექტი, ჩვენში „ნაციონალ-დემოკრატების“ სახელწოდებით ახალი პოლიტიკური პარტიის დაარსების შესახებ. ჟორდანიას გვთხოვდა ჩვენ წრეს და კერძოდ მე გამოგვეთქვა ჩვენი აზრი ამ პროექტის შესახებ. რასაკვირველია, მე დაუყოვნებლივ წარვადგინე ის ჩვენს წრეში. ცხადი იყო, რომ ჟორდანიას თავის პროექტით სურდა ერთად მოეთავსებია სხვა და სხვა გვარი დებულებები და მოვლენები. თავისთავად იგულისხმება, რომ მას მხედველობაში ჰქონდა სოციალისტური პარტიის დაარსება და აზრად ჰქონდა სოციალ-დემოკრატიულ ორგანიზაციის ან პარტიის შექმნა. მაგრამ ნამდვილად კი გამოდიოდა წინააღმდეგი, სახელდობრ, მისი პროექტი მოითხოვდა **ბურჟუაზიულ-დემოკრატიულ ლიბერალურ პარტიის დაარსებას.**

ერთი სატყვეთ ეს „პროგრამა“ ცდებოდა როგორც მარქსიზმის, ისე ბუშათა კლასის წინაშე. ეს აიხსნებოდა ძლიერ ადვილად. ის არ იყო შედგენილი ბუშათა კლასის უშუალო გავლენის ქვეშ, არამედ ის წარმოიშვა ინტელიგენტის გონებაში და ისეთ პირობებში, სადაც ჯერ კიდევ არ იყო არა თუ არავითარი ბუშათა მოძრაობა, არამედ აზრიც კი არ იყო ამაზედ დაბადებული. მაგრამ ჟორდანიას ვარაუდში ყოფნის დროს გაეცნო მარქსის და ენგელსის მოძღვრებას, ესე იგი მეცნიერულ სოციალიზმს. იცოდა უცხოეთში „შრომის განთავისუფლების ჯგუფის“ არსებობის შესახებ, რომელსაც ჰქონდა სოციალ-დემოკრატიული პროგრამა, იცოდა აგრეთვე გერმანიაში ძლიერ სოციალისტურ პარტიის **გერმანიის სოციალ-დემოკრატიულ პარტიის** არსებობის შესახებ. ვიკითხოთ, თუ ყველაფერი ეს იცოდა, რატომ მან მაინც ვერ მოახერხა თავიდანვე სწორი კურსის აღება. იყო ეს მაშინ შემთხვევით მომხდარი შეცდომა, თუ აქ ჰყოვა თავისი გამოხატულება იმ ორ-აზროვანმა პოზიციამ, რომელიც მას ეჭირა შემდეგში თვით იმ დრომდე, როდესაც საბოლოოდ გადავიდა პროლეტარიატის აშკარა მტრების მხარეზე.

ვიცნობთ რა მის როლს ჩვენში ბუშათა მოძრაობის მთელი ისტორიის განმავლობაში, დაბეჯითებით შეიძლება ითქვას, რომ



შემდგარი კურსი ზემოდ აღნიშნულ პროგრამის შედგენის დროს მის მიერ აღებული იყო არა შემთხვევით.

ასე იყო თუ ისე, ჩვენმა წრემ თავიდან ბოლომდე შეუბრალე-ბელ კრიტიკის ქარცეცხლში გაატარა ზემოდ მოხსენიებული პროგრამის პროექტი და საკმაოდ შეეხო თვით პროექტის ავტორსაც, ამ მუშაობაში მონაწილეობას ღებულობდენ, წრის წევრების გარდა, აგრეთვე რუნკევიჩი და შუმოვი. რამდენად ჟორდანიას პროექტში ლაპარაკი იყო პარტიის ან ორგანიზაციის დაფუძნებაში, ჩვენ წინა-დადგება მიგვეცით ჟორდანიას დაეარსებია **სოციალ-დემოკრატიული პარტია** და საფუძვლად დაედო მისთვის კ. მარქსის და ფრ. ენგელსის **მეცნიერული სოციალიზმი**. ყველა ამის შესახებ პასუხის მიცემა დამავალეს მე, რაც დაუყარებლევ შევასრულე. ვიცოდი, რომ ეს პროექტი ახლო მომავალში წარდგენილი უნდა ყოფილიყო ერთ ერთ ყრილობაზე საქართველოში. შემდეგში ეს ყრილობა მართლაც შესდგა, მგონი ყვირილაში და იქ ჟორდანიამ მართლაც წარადგინა პროგრამის ერთნაირი პროექტი. მაგრამ მე არ ვიცი, — მან იქ წარადგინა პროექტი პირველყოფილი სახით, თუ ჩვენ მიერ უკვე ვარშავაში შესწორებული და მისთვის გაგზავნილი ტექსტი. ვფიქრობ, რომ ჩვენი კრიტიკის შემდეგ მას არ შეეძლო წარედგინა ის პირველყოფილი სახით, სამწუხაროდ ჩვენამდე არ მოუღწევია პროგრამის არც ერთ ტექსტს — არც პირველყოფილს და არც ჩვენს მიერ შესწორებულს. თავისთავად ცხადია, რომ ეს დოკუმენტები შუქს მოჰფენდენ ჩვენში, საქართველოში სოციალ-დემოკრატიული მოძრაობის წარმოშობის ისტორიას. მაგრამ ეს ჩვენ არ მოგვეპოება და არც არავითარი იმე-დია, რომ ვინმე შესძლებდეს ამ ჟამად მის აღდგენას წინანდელი სახით.

1893 წელი წარუშლელი იქნება მუდამ ჩემს ცხოვრებაში, განსაკუთრებით მისი დასაწყისი. ამ წლის პირველი სამი თვე შეიძლება ჩაითვალოს ყველაზე უფრო გაცხოველებულ და ენერგიულ მუშაობის დროთ. თვით მეც ვგრძნობდი, რომ ვიჩენდი მაქსიმუმ ენერგიას, ვალწევდი გატაცების უმაღლეს წერტილს. პარტიულმა მუშაობამ საბოლოოდ შთამთქა და გამიტაცა მე. რასაკვირველია, ინსტიტუტში მეცადინეობა მე სრულებით არ მაინტერესებდა და იქ სრულებით აღარ შევიხედავდი. ვგრძნობდი, რომ ყველაფერი ეს ღიღბანს არ გაგრძელდებოდა, რომ კატასტროფა ან მარცხი აუცილებელი იყო, მით უმეტეს, რომ ჩვენ ირგვლივ გარშემოტყეპული ვიყავით ჯაშუშებით და პროვოკატორებით.

1893 წ. 14 მარტს სრულდებოდა პირველი ათი წლის თავი ჩვენი დიადი მასწავლებლის **კარლ მარქსის** გარდაცვალების დღი-დან. ჩვენ გადავსწყვიტეთ რითიმე აღგვენიშნა ეს დღე, მაგ., სალამოს



მოწყობით, როდელიც უნდა გვეძღვნა მის ხსოვნის აღსანიშნავათ, ფერატის შედგენა მარქსის მნიშვნელობის შესახებ დავალებული მქონდა მე. ჩვენს შორის იყვნენ პირები, რომლებსაც ჩემთან შედარებით გაცილებით უფრო უკეთესათ ესმოდათ მარქსის მოძღვრება და ამიტომ ეს დავალება ჩემთვის ერთის მხრივ ძლიერ საამაყო იყო, მეორე მხრით, ვგრძნობდი მთელ სიძნელეს დაკისრებულ მოვალეობის შესრულებაში მაგრამ შემძლია ვსთქვა, რომ ეს ამოცანა მე ღირსეულად შევასრულე. მე ვსარგებლე მაშინ ჩვენს განკარგულებაში არსებულ მარქსიზმის მთელი ლიტერატურით. ჩემი რეფერატი გამოვიდა ძლიერ ვრცელი. სალამოზე თითქმის ყველა არა თუ კმაყოფილი დარჩა არამედ შემდეგ ის მიჰქონდათ და მორიგეობით ხელმეორედ-კითხულობდნენ. იყო აგრეთვე წინადადება მცირე ცვლილებით გამოცემული ყოფილიყო ის ცალკე ბროშურად, მაგრამ ეს არ მოხერხდა იმ მომენტში, ხოლო შემდეგ იმ პირებმა, რომლებსაც ჩემი დაპატიმრების შემდეგ დარჩათ ის, ჩხრეკის შიშით დასწვეს.

სალამოზე — მარქსის ხსოვნის აღსანიშნავად — 14 მარტს 1893 წ. შეიკრბა საკმაოდ ფართო საზოგადოება, დაახლოებით ას კაცამდე. ხოლო ეს იმ დროს ვარშავის პირობებში, როდესაც თვითვეულ სახლს ჰყავდა მეგზოვე, რომელიც ერთსა და იმავე დროს იყო პოლიციის და თითქმის ქანდაკმერის სამმართველოს თანამშრომელი, ჩაითვლებოდა კონსპირატიულ ხელოვნების უდიდეს მიხწყევათ.

საგულისხმოა ის, რომ ამ კრებაზე იყვნენ არა მარტო რუსები და ებრაელები, არამედ აგრეთვე — პოლონელებიც და ამ რიგად ეს კრება ნამდვილი ინტერნაციონალური იყო. რასაკვირველია, უმრავლესობას შეადგენდნენ ახალგაზრდა სტუდენტები. ამავე დროს აქ იყვნენ, რასაკვირველია, არა მარტო სოციალ-დემოკრატები, არამედ აგრეთვე სხვა პარტიების წარმომადგენლებიც, როგორც მაგალითად „პროლეტარიატის“ პარტიის წარმომადგენლები. იყვნენ ალბად ისეთებიც, რომლებიც ამ დროს არ ეკუთვნოდნენ არც ერთ სოციალისტურ პარტიას, მაგრამ თანაუგრძობდნენ სოციალისტურ იდეებს. სალამო ჩატარდა ცოცხლად და ნაყოფიერად. რასაკვირველია, სიფრთხილე დაკული იყო, რათა თავიდან აგვეცდინა პოლიციის თავდასხმა, მაგრამ ამ შემთხვევაშიაც ვიცოდით როგორი პასუხი მიგვეცა. კრება დაიშალა, შეუმჩნეველად მეფის პოლიციის და ქანდარმერისთვის, რომლებიც თითქოს ყოველგან იყვნენ და ყველაფერს ტყობილობდნენ. მაგრამ მიუხედავად ამისა მთავარი აქტი ახლოვდებოდა, მე ამას ვგრძნობდი და ვიცოდი, რომ დღეს თუ ხვალ ეს აუცილებლად უნდა მომხდარიყო, მაგრამ უკან არ ვიხევდი და სრული შეგნებით მივდიოდი წინ ერთხელ არჩეული გზით, იმის აშკარა შეგნებით, რომ ამ გზიდან გადახვევა იქნებოდა საქმის ლალატი.

და ბ ა რ ა რ ი ა

ეს დაიწყო ასე. დაახლოვებით მარტის მეორე ნახევარში ჩვენ გამოგვეცხადა ერთი უცნობი ამხანაგი, რომელმაც გვაცნობა, რომ პოლონეთის ერთ პატარა საზღვრის განაპირა ქალაქიდან ვარშავაში სატრანსპორტო საზოგადოება „ნადეჟდა“-ს საშუალებით გამოგზავნილია არალეგალური ლიტერატურის დიდი ტრანსპორტი, რომელიც შემოტანილია პოლონეთში კონტრაბანდით. ლიტერატურა ჩაწყობილია დიდ ყუთში, საოჯახო ნივთების სახით, ლიტერატურა იყო მხოლოდ და მარტო სოციალ-დემოკრატიული, სახელდობრ „შრომის განთავისუფლების ჯგუფი“-ს უკანასკნელი გამოცემანი, მათ შორის **პლენარვის წერილები „რუსეთში სიმშვილობის შესახებ“**, ახალი მარქსისტული ჟურნალი „სოციალ-დემოკრატის“ სახელწოდებით და სხვა მრავალი წიგნები და ბროშურები. მთელი ეს ტრანსპორტი იგზავნებოდა მხოლოდ რუსეთისათვის და ამავე დროს წიგნები უკვე წინდაწინ დანაწილებული იყო სხვა და სხვა ქალაქებს შორის; ამ განაწილებაში კავკასია და კერძოდ საქართველო არ შედიოდა, მაგრამ მე მაინც ვფიქრობდი შემენახა კავკასიისათვის ამ ლიტერატურის ნაწილი, ვინაიდან უკვე იყო ასეთი დაპირება საქართველოს ამხანაგებისადმი და მე ვიცოდი, რომ მათ უკვე გამოგზავნილი ჰქონდა ამისათვის ფული. უცხოეთიდან ლიტერატურის მიღებას ჩვენ ველოდებოდით დღითი დღე, ჩვენ არ ვიცოდით სად და როგორ მივიღებდით მას. ხოლო ეხლა ვიცოდით, რომ ეს ლიტერატურა რომელსაც ჩვენ დიდი ხანია ველოდით, ეხლა უკვე მიღებული იყო ვარშავაში და ინახებოდა საზოგადოება „ნადეჟდა“-ს საწყობში. ეხლა საკითხი მდგომარეობდა იმაში, თუ როგორ წამოგველო ის აქიდან. თითქმის ეს იყო უბრალო ამოცანა: მივსულიყავით საზოგადოების კანტორაში, წაგვედგინა დოკუმენტი განსაზღვრული ტვირთის მისაღებად და წამოგველო ის, მაგრამ საკითხი რთულდებოდა შემდეგი გარემოებით: იმ ამხანაგმა, რომელმაც გადმოგვცა ჩვენ ეს დოკუმენტები ამ ტვირთის მისაღებად, სხვათა შორის სთქვა, რომ ლიტერატურის „ნადეჟდა“-ს კანტორიდან მიღების დროს საჭიროა დიდი სიფრთხილე, რადგან ექვი არის აღებული, რომ მთავრობამ იცის, თუ ნამდვილად რა აწყვია ყუთში და რა თქმა უნდა იგი ამ ყუთის საშუალებით შეეცდებოდა მიეგნო ორგანიზაციის კვალი, მის დასაჭირათ. რასაკვირველია, ეს იყო მხოლოდ ექვი, მაგრამ შეიძლებოდა, ის გამართლებულიყო და მაშინ ლიტერატურასთან ერთად ჩვენ შეგვეძლო დაგველუპა მთელი ჩვენი ორგანიზაცია; ამიტომ რასაკვირველია უმჯობესი იყო უარი გვეთქვა სავსებით ლიტერატურის მიღებაზე, თუ ასეთი ექვი გამართლდებოდა.



ცხადია, ეს არ შეგვეძლო ჩვენ გვექნა მხოლოდ სიტყვიერი განცხადების მიხედვით, მით უმეტეს, რომ ჩვენი მოქმედება მუდამ „რისკის“ გაწევა იყო. სხვა გვარად ჩვენ რაღა რევოლუციონერები ვიქნებოდით?

ამ ამოცანის შესრულება დამევალა მე და ანტოკოლსკის. ჩვენ შევიმუშავეთ ტრანსპორტის მიღების გეგმა და გავინაწილეთ როლები ურთიერთშორის; პირველ ყოვლისა ამოვარჩიეთ ბინა, სადაც კანტორიდან პირდაპირ უნდა მიგვეტანა ყუთი, ბოლოს ჩვენ ავირჩიეთ მირიანაშვილის ბინა, როგორც უფრო მოხერხებული კონსპირატიული მხრით. ჩვენი გეგმა მე გავაცანი მირიანაშვილს, რომელიც სრულეზობით არ ხედავდა ამაში საფრთხეს და თვით საფრთხის შემთხვევაშიც მას შეეძლო თავი ემართლებოდა მით, რომ ეს ყუთი, რომელშიაც მან სრულეზობით არ იცოდა რა იყო, გამოვეუგზავნე შესანახად მე. ამ პირობებში მირიანაშვილი თანახმა იყო დაეთმო ჩვენთვის თავისი ბინა და ამავე დროს, ყოველ შემთხვევაში, მას წინასწარ უნდა დაეცალა თავისი ბინა არალეგალურ ნივთებისაგან, რომლებსაც ჩვენ მასთან ვინახავდით, რაც მან სავსებით მაინც ვერ შეასრულა, მიუხედავად ჩემი კატეგორიულ განცხადებისა. შემდეგ უნდა გვეპოვნა ისეთი კაცი, რომელიც კანტორიდან მიიღებდა და შემდეგ წამოიღებდა ჩვენთვის ისე ძვირფას ყუთს.

ბოლოს ჩვენ გადავწყვიტეთ შეგვესრულებოდა ეს ერთ-ერთ შიკრიკის საშუალებით, რომლის სპეციალობას შეადგენდა სახელდობრ ასეთ დავალებათა შესრულება. ამავე დროს ჩვენ მაინც მიზანშეწონილად ვსცანით დაგვევალებოდა ეს საქმე უფრო საიმედო შიკრიკისათვის, თუ ასეთს ვიპოვნიდით, რომელსაც ჩვენი საიდუმლოება, რასაკვირველია, არ უნდა სცოდნოდა, ჩვენ მივიღეთ ენობა, რომ ასეთ საიმედო კაცს წარმოადგენს შიკრიკი № 85.

დანიშნულ დღეს, დაახლოვებით აპრილის პირველ რიცხვებში, დილით ადრე მე და ანტოკოლსკი გამოვედით ქუჩაში. ჯერ უნდა გვენახა შიკრიკი № 85, შემდეგ ჩვენი როლები ნაწილდებოდა ასე: ბარგის დამტარებელთან საქმე მე უნდა მქონოდა, მხოლოდ ანტოკოლსკი შიკრიკის მიერ კანტორიდან ყუთის მიღების დროს უნდა ყოფილიყო, როგორც გარეშე კაცი, მას თვალყური უნდა ედევნებოდა კანტორაში მყოფ პირებისათვის და გამოერკვია უთვალთვალეზს თუ არა ვინმე ყუთის მიღებას. იმ შემთხვევაში, თუ ის შეამჩნევდა, რომ ყუთის საქმე ცუდათ არის, გამოვიდოდა რა ქუჩაში, სადაც მე მას ველოდებოდი, იგი მე მანიშნებდა. მე ვიცოდი, თუ რა უნდა გამეკეთებოდა. ასეთი თადარიგების მიცემის შემდეგ ის წავიდა კანტორა „ნადეჟდაში“, მე კი მოვძებნე შიკრიკი და გადავეცი მას დოკუმენტები ყუთის მისაღებად და აგრეთვე მისამართი—სადაც უნდა წაველო.

მიღებული ნივთი, მაგრამ მე მას მივეცი არა ნამდვილი მისამართი, არამედ ყალბი, ვინაიდან თუ ანტოკოლსკი შენიშნავდა, რომ ტვირთის საქმე ცუდათ იყო, მაშინ უმჯობესი იქნებოდა დაკარგულიყო ეს ლიტერატურა, მაგრამ სამაგიეროდ, ამ შემთხვევაში ჩვენ თავიდან ავიშორებდით თითქმის მთელი ჩვენი ორგანიზაციის დაღუპვას. და მხოლოდ იმ შემთხვევაში, თუ ანტოკოლსკი გამოარკვევდა, რომ ყუთზე ეჭვი არ არის აღებული, მე უნდა მიმეცა შიკრიკისათვის ნამდვილი მისამართი უკვე ყუთის მიღების შემდეგ.

დასახული გეგმა შესრულებული იყო სისწორით. მე ვიდექი ქუჩაზე კანტორის შენობის გამოსავალთან. უეცრად მე ვხედავ, რომ ჩემი შიკრიკი მოდის და ძლივს-ძლიობით მოათრევს ზურგით მძიმე ყუთს, მას მოყვება უკან თვით ანტოკოლსკიც, რომელსაც დიდი აღელვება ეტყობოდა სახეზე მოლაპარაკების თანახმად — ის ჩემთან ახლო არ უნდა მოსულიყო, და მხოლოდ ნიშნით უნდა ეცნობებოდა ჩემთვის, თუ რა უნდა გამეკეთებინა მე.

ხოლო ის კი პირდაპირ მოვიდა ჩემთან და მითხრა, რომ ჩვენ ყველანი ჩავვარდით. ეხლა შიკრიკისათვის ნამდვილი მისამართის მიცემა საჭირო არ იყო, პირიქით, თვით ჩვენ უნდა გამემძვრალიყავით სადმე შეუშინველად. მე ერთი წუთი დაფიქრდი და მივხვდი, რომ საქმე წაგებული იყო, რომ ლიტერატურა დაიკარგა. ამ დროს მე მოეტრიალდი მეორე მხრით და ვხედავ, რომ შიკრიკი სდვას შუა ქუჩაში და ევაჭრება მეეტლეს; ის უკვე სდებს ყუთს ეტლში და უნდა ჩაჯდეს შიგ. მაშინ, ცოტა ხნის დაფიქრების შემდეგ, გამსკვალული რალაც გაურკვეველი გრძნობით, მე მივირბინე მასთან და გადავეცი მას ნამდვილი მისამართი იმ ბინის, სადაც მას უნდა მიეტანა ყუთი. მან ჯერ ვერ გაიგო, მაგრამ მე კატეგორიულად ვუბრძანე, რომ მას წაეღო ყუთი ახალი მისამართით. მე კვლავ გამოვბრუნდი ტროტუარზე, შიკრიკი წავიდა ეტლით, ხოლო რამდენიმე წუთის შემდეგ მეც ჩავჯექი ეტლში და გავყევი უკან, რომ მეთვალთვალებოდა თუ ვინმე მოდიოდა ჩვენს უკან უნდა აღენიშნო, რომ ქუჩა, რომელზედაც ყველაფერი ეს ხდებოდა, სავსე იყო ხალხით, კონსპირატიული მხრით ეს კარგიც იყო და ცუდიც, — ცუდი იყო იმ მხრით, რომ აქ თუ ჩვენ „შპიკები“ გვითვალთვალებდნენ, ამის შემჩნევა ძნელი იყო. მაგრამ როცა ჩვენ მოვშორდით ამ ადგილს უფრო ადვილი იყო ჩვენი მიგნება <sup>1)</sup> და აი ვიხედებო ირგვლივ, მე ვაიმედებ ჩემს თავს, რომ ტრანსპორტს სრულებით საფრთხე არ მოელის და რომ ჩვენ უკან არავინ არ მოგვდევს, ვინაიდან ეჭვი რომ აღებული ყოფილიყო, მე უსათუოდ დამედევნებოდნენ პოლიციის საიდუმლო აგენტები და ჯაშუშები, რომლებითაც ავსებული იყო ვარშავა.

1) ანტოკოლსკი ცალკე წავიდა ეტლით სხვა მიმართულებით.

სიფრთხილის გულისათვის ჩამოვხტი ეტლიდან სანამ მირიანაშვილის ბინას მიუახლოვდი მე კარგათ დავათვალიერე ყველაფერი, რომ შემემჩნია თუ საექვო პირი გამოჩნდებოდა. როდესაც დავრწმუნდი, რომ არავინ არ არის ასეთი, მე გავსწიე მირიანაშვილის სახლისკენ. სახლის მახლობლად არაფერი საექვო არ იყო. სახლში შესასვლელად საჭირო იყო ეზოს გავლა. ეზოში სრული სიწყნარე იყო. მე გავეშურე მირიანაშვილის ბინაში, რომელიც სახლში დაგვხვდა, როგორც შეპირებული მყავდა.

მირიანაშვილმა მთხოვა, რომ რაც შეიძლება ჩქარა გაგვეთავისუფლებია მისი ბინა ყუთისაგან. მე შევბირდი, რომ ეს დღესვე საღამოს იქნებოდა შესრულებული; მივეცი შესაფერი დარიგება ყოველ შემთხვევისთვის და წამოვედი. ამოდენა მღელვარების შემდეგ მე მოქანცულად ვიგრძენი თავი და მინდოდა ცოტა დამესვენებია ჩემს ოთახში. გზაში, სახლში რომ ვბრუნდებოდი, შევედი საპარიკმახეროში და პირველად ჩემს (ცხოვრებაში <sup>1</sup>) მოვიპარსე წვერიც და უღვაშიც, ასე რომ უეტრად გამოვიცვალე ფიზონომია და ტანსაცემელიც რომ გამომეცვალა, მაშინ ვშაკიცველარ მიცნობდა. სახლში დამხვდა ანტოკოლსკი, მან მითხრა, რომ როდესაც სახლში მოდიოდა მას ეტლით დაედევნენ „შპიკები“ და რომ ძლივ გადაურჩა დაჭერას. იგი ღელავდა იმ ზომამდე, რომ მზად იყო თვითვე წასულიყო ჯანდარმერის სამმართველოში, განეცხადებია ყველაფერი და თავის თავი დამნაშავეთ ეცნო. მე შევეცადე დამემშვიდებია იგი და გამეფანტა ყველა მისი ეჭვები. ამისათვის პირველად მე გავაცანი მას საქმის ფაქტიური მდგომარეობა, ვუთხარი, რომ იქ თუ „შპიკები“ ყოფილიყვნენ და დაგვდევენბოდენ ყუთს და ჩვენ, პირველად გამოუდგებოდენ იმას, ვინც ეს ყუთი წამოიღო, ხოლო შემდეგ დამედევნებოდენ მე, ვინაიდან ყველა შეამჩნევდა, რომ მე მქონდა პირდაპირი კავშირი მასთან: რომ არც ერთს, არც მეორეს ადგილი არ ქონებია, რომ ყუთი ლიტერატურით იქ ინახება, სადაც ის უნდა იყოს, რომ დაბოლოს, მეც იქ ვიყავი და ჩემი თვალებით ვნახე, რომ ირგვლივ სიმშვიდე იყო და არავითარი საექვო პირი არ ყოფილა. ამის შემდეგ ის გონზე მოვიდა და აღიარა, რომ ყველა მისი ეჭვები ნაყოფია ავადმყოფური ფანტაზიის. მაშინ მან მიჩრია წავსულიყავით ამხ. შუმოვთან და რუნკევიჩთან და მოგველაპარაკებია თუ შემდეგში როგორ მოვქცეულეყავით. ამ წინადადებაზე მე დავთანხმდი, და ცოტახნის შემდეგ წავედით მათთან. შუმოვი სახლში დაგვხდა და უამბეთ მას ყველაფერი, რაც ამ დღეს მოხდა, მასთან ანტოკოლსკის ლაპარაკიდან

<sup>1</sup>) ამ საშვალეგას უკანასკნელ დროს ძლიერ ხშირად მივმართავდი მენშევიკების ბატონობის დროს საქართველოში.

სჩანდა, რომ მას კიდევ ეჭვი ქონდა ამ ისტორიის მშვიდობიანად დასრულებაში.

ჩვენს მოსმენის შემდეგ, შუმოვი უსიტყვოდ გავიდა სახლიდან და რამოდენიმე წუთის შემდეგ დაბრუნდა ჩვენს შიკრიკთან ერთად, ხოლო მის დაბრუნებამდე მოვიდა კიდევ რუნკევიჩი.

შიკრიკის დანახვისას ანტოკოლსკი სიხარულისაგან ზეზე წამოიჭრა, კინაღამ მოეხვია მას და დაუწყო გულახდილად ლაპარაკი, რომ ყუთში, რომელიც მან დღეს კანტორიდან გამოიტანა, იყო საიდუმლო არალეგალური ლიტერატურა, ხომ არავის უკითხავს მისთვის ამ ყუთის შესახებ და სხვა...

ანტოკოლსკის ამ განცხადებით ჩვენ უზომოდ ნაწყენი დავრჩით, ვინაიდან ჩვენ შორის არავის აზრდაც არ მოსვლია შიკრიკისთვის ჩვენი საიდუმლოების გაზიარება. ამ გარემოებით ჩვენ ყველანი უკმაყოფილონი დავრჩით და ვხედავდით, რომ ანტოკოლსკიმ დაუშვა მიუტევებელი შეცდომა, შეიძლება მეტიც. მაგრამ კიდევ უფრო გაკვირვებული დარჩა ანტოკოლსკის გულახდილობით თვით შიკრიკი, იგი ცოტათი შეკრთა ამ ამბის გაგონებით და ვერაფერი სთქვა, გარდა იმისა, რომ მან არაფერი იცის. ყველამ უხერხულობა ვიგრძენით და ამ მდგომარეობიდან გამოსასვლელად ერთმა ჩვენთაგანმა აჩუქა მას ათი მანეთი და შიკრიკი წავიდა. მისი წასვლის შემდეგ ჩვენ ყველამ შენიშვნა მივეცით ანტოკოლსკის, რომ მისი განცხადება დიდი შეცდომა იყო და, რომ შიკრიკისათვის ამის გამხელა სრულებით საჭირო არ იყო. თუმცაღა იმ წუთში არც ერთი ჩვენთაგანი არ ფიქრობდა იმას, რომ იგი ჩვენ გაგვცემდა. ასეთი ეჭვი რომ ყოფილიყო, მაშინ ჩვენ ვიცოდით როგორც უნდა მოვქცეულიყავით. ანტოკოლსკი ამას თვითონვე გრძნობდა. მართლაც ბოლო ხანებში ის იმდენად ნერვიული შეიქმნა, რომ ვერ შეიძლო თავის დაჭერა. საერთოდ იგი იყო საუცხოვო ადამიანი, იშვიათი მეგობარი და ამხანაგი, როგორც იშვიათად შემხვდენია ცხოვრებაში.

შუმოვის ბინაზე ჩვენ გადავწყვიტეთ: მირიანაშვილის ბინიდან დღესვე წამოგველო ლიტერატურა. ეს საქმე დაგვაკისრეს მე და რუნკევიჩს. ამის შემდეგ ჩვენ სწრაფად გავეშურეთ მირიანაშვილის ბინისაკენ, რაც საკმაოდ დაშორებული იყო ამ ადგილიდან. ანტოკოლსკისკენ ურჩიეს წასულიყო პირდაპირ სახლში, მაგრამ იგი ამის მაგივრად წასულიყო ჩემს ბინაზე, სადაც იგი დააპატიმრეს და იქვე ყველაფერში გამოიტყუარიყო. როდესაც ჩვენ მიუახლოვდით მირიანაშვილის ბინას უკვე გვიან იყო, საღამოს 9 საათზე მეტი იქნებოდა. ჩვენ წყნარად დავაკაუნეთ კარებზე. იმ წუთშივე კარები გაგვიღეს ვიღაც საეჭვო პირებმა, რომლებიც მუხანათურად იღიმებოდნენ და რომლებმაც მაშინვე გარს შემოგვერტყენ. დერეფანში მე დავინახე



ჩვენს ყუთი, რომელზედაც ისხდნენ ორი საექვო სახის კაცი. ჩვენ ყველამ ვიგრძენით, რომ ჩავცვივდით, რომ გაცემული ვართ. ცხადი იყო, რომ აქედან ჩვენ აღარ გავვიშვებდნენ, მაგრამ მაინც ვსცადეთ უკან დაბრუნებულვიყავით, მაგრამ გადაგვიდგენ გზაში და მოგვიღირეს იარაღი. ამის შემდეგ შეგვიყვანეს უკვე დაპატიმრებულ მირიანაშვილის ოთახში; იგი ძლიერ დაღონებული იყო. მან ქართულ ენაზე გადმომცა, რომ დაახლოვებით 20—30 წუთით წინ მას თავს დაესხნენ „სისჩიკები“, ჟანდარმერიის სამმართველოს აგენტები ვილაც როტმისტრის მეთაურობით და მოსთხოვეს მას ყუთი, რომელიც მან მიიღო საზოგადოება „ნადეჟდასაგან. მან, რასაკვირველია დააკმაყოფილა მათი მოთხოვნილება და როტმისტრის შეკითხვაზე, თუ ვინ გამოუგზავნა მას ეს ყუთი, მან უპასუხა, რომ ის გამოგზავნა ფ. მახარაძემ და რომ მან არაფერი იცის, თუ რა არის ყუთში მოთავსებული. მაშინ როტმისტრს თავის აგენტების ნაწილი გაეგზავნა ჩემს ბინაზე, ხოლო მეორე ნაწილი დაეტოვებია მის ბინაზე. მას კიდევ დამთავრებული არ ჰქონდა ლაპარაკი, როდესაც ოთახში შემოიყვანეს მიქაძე, რომელსაც მე ქართულად ვუსაყვედურე, თუ რისთვის მოვიდა ის აქ. მან ამიხსნა, რომ ჩვენთან 1) ბინაზე მოვიდნენ ვილაც უცნობი პირები და შენ ე. ი. მე მიკითხეს. მიქაძემ იფიქრა, რომ რამე საქმისათვის ვესაჭიროებოდი იმათ და წამოვიდნენ ჩემს საძებრად, რათა გადმოეცა ეს ჩემთვის. იგი საიდან იფიქრებდა, რომ ისინი მთავრობის აგენტები იყვნენ. ამ რიგად იგი სულ შემთხვევით ჩავარდა. ყველაზე უფრო მე მებრალებოდა მირიანაშვილი, მაგრამ მე ის დავარწმუნე, რომ მას დიდხანს არ გააჩერებენ ციხეში, რომ ბოლოს და ბოლოს მე თავის თავზე ავიღებ ყველაფერს, როგორც ეს წინად აღუთქვი მას. თავის მხრით მას კატეგორიულად უნდა განეცხადებია, რომ მან არაფერი იცოდა თუ რა იყო ყუთში 2). ცოტა ხნის შემდეგ მოვიდნენ კიდევ ჟანდარმერიის სამმართველოს სხვა აგენტები, გავჩხრიკეს და შემდეგ ცალ-ცალკე წავგიყვანეს. პირველად წამიყვანეს მე. როგორც კი შემიყვანეს ჟანდარმერიის სამმართველოში, მაშინვე მტაცეს ხელი რამოდენიმე კაცმა, ამწიეს ჰაერში და ასე გამხადეს ტანზე სულყველაფერი. შემდეგ აიღეს ცალ-ცალკე თითოეული ნივთი და გასინჯეს თვითთულად, რომ არაფერი იყოს შიგ ამოკერებულიო. მხოლოდ ასეთი პროცედურის შემდეგ გამიყვანეს მეორე ოთახში დაკითხვაზე. იქ იყო ორი ჟანდარმის ოფიცერი, ერთი პოლკოვნიკი დებილი, ხოლო მეორე როტმისტრი, რომლის გვარი არ მაგონდება.

1). მე და მიქაძე ერთ ოთახში ვცხოვრობდით.


2) პართლაც ასეთ ჩვენების შემდეგ მირიანაშვილი ჩქარა გაანთავისუფლეს.



დამკითხა როტმისტრმა, მე ისეთი ჩვენება მივეცი, რომ როტ-  
მისტრმა ვერ გადასწყვიტა დაეწერა ორდერი დასაპატიმრებლათ. იგი  
შეყოყმანდა, ეს შენიშნა დებილმა და დაიწყო ყვირილი, რომ მე შეც-  
დომაში შემყავს მოხუცი კაცი. მის ყვირილზე მე მკაცრად ვუპასუხე-  
ამის შემდეგ ორდერზე სასწრაფოდ ხელი მოაწერეს და მე წამიყვანეს.  
ახლა სხვებიც უნდა დაეკითხათ.

მე დაუყონებლივ ჩამსვეს დახურულ კარეტაში და ბნელ-  
ლამეში წამიყვანეს სადღაც. მე ვიცოდი სადღაც მივყავდით. ეს იყო  
ცნობილი **ალექსანდრეს ციხადელი**. ერთი საათის შემდეგ მე უკვე  
ვიჯექი ამ საშიშარი შენობის მაღალ და დაღვრემილ კედლებთან.  
ჩქარა გაიღო რკინის დიდი კარები, რომელიც შესვლისას ისევე  
სწრაფათ დაიხურა ყრუთ და დიდი ხნით.

იანვარი, 1923 წ.



კომტე ბინსკემ.

## ჩემი მოგონებანი

(1903 წ. 1920 წლამდე).

ქუთაისის სასულიერო სემინარიაში ახლად შესული ვიყავი, როდესაც რუსეთში და საქართველოში რევოლუციონურმა მოძრაობამ ასე თუ ისე ფართო ხასიათი მიიღო. ჯერ კიდევ 15-16 წლის ახალგაზრდა ვიყავი, როდესაც რევოლუციონურმა მოძრაობამ საკმაოდ გამიტაცა.

ეს იყო 1902—3 წლებში. ეს ის დრო იყო, როდესაც საქართველოში მუშაობდნენ ეგრედ წოდებული მესამე დასელები. ამათი ჟურნალი „კვალი“ საუკეთესო საკითხავ საგნად იყო გადაქცეული ყველა ახალგაზრდებისათვის. კარგათ ვერ ვერკვევი იმ დროს თუ რა იყო მიზანი და რომელ კლასს წარმოადგენდა მესამე დასელები. მხოლოდ ერთი რამ ცხადი იყო ჩემთვის: მესამე დასელები ჩემს თვალში წარმოადგენდა ღარიბთა დამცველს, მდიდრებისა და მთავრობის მტრებს. განსაკუთრებით მიტაცებდა ის, რომ გაგონილი მქონდა: მესამე დასელებს მთავრობა სდევნის და ისინი კი მაინც განაგრძობენ მუშაობასო. პროტესტანტობა, აკრძალულის გაკეთება ჩემი ბუნების სტიქიას შეადგენდა. რევოლუციონური მოძრაობით გატაცებას ხელი შეუწყო ჩემმა სოციალურმა მდგომარეობამ. ჩენი ოჯახი უღარიბესი ოჯახი იყო მაშინ ჩენს სოფელში. მდიდრებათ წარმოდგენილი მყავდა ადგილობრივი ვაჭრები, რომლებიც საშინლად მეჯავრებოდა. თუ კი იმათ წინააღმდეგ ვინმე გაილაშქრებდა მეც მზათ ვიყავი. ასეთი სულით ვიყავი გაელენთილი, როდესაც ქუთაისის სასულიერო სემინარიაში შევედი. ეს იყო 1903 წელი. სემინარიაში კარგა ხანია არსებობდა თურმე მოწაფეთა წრეები. მეც დიდი ხანი არ დამიყოვნებია და ერთ-ერთ წრეში მოვხვდი. წრეში მიმიღო მაშინ ჯეროსი კლასის მოწაფემ გერმანე იმნაიშვილმა. აქ პირველად გავეცანი საზოგადოების ორ კლასად დაყოფას: მუშებს, გლეხებს, ბურჟუაზიას და სხვას. ამავე წრეებში გავეცანი რუსეთის საუკეთესო მწერლებს, კრიტიკოსებს: ჩერნიშევსკის, დობროლიუბოვს, მიხაილოვსკის, ბელინსკის, პისარევს, პლეხანოვს და სხვებს. სემი-



ნარიაში შესვლის პირველ წელშივე 1903 წელში მოხდა არეულობა — „ბუნტი“, როგორც მაშინ ვეძახდით. არეულობას ამზადებდნენ უფროსი კლასის მოწაფენი. მახსოვს არეულობის პირველ დღეს დილით სემინარიის ეკლესიაში ლოცვის დამთავრების შემდეგ გამოვიდნენ უფროსი ამხანაგები, თავ-თავიანთ კლასებში წასვლის მაგიერ გამოგვიყვანეს ერთ-ერთ დიდ ზალაში და იქვე მყოფ ადმინისტრაციას გამოუცხადეს: ჩვენ ვკვეთავთ სწავლას მანამდის, სანამ ჩვენი მოთხოვნილებები შესრულებული არ იქნებაო. შეიქნა დიდი ხვეწნა ადმინისტრაციის მხრით, მუქარაც ბევრი იყო, მაგრამ მოწაფენი, ვარდა რამოდენიმე სულმოკლეებისა მაგრად იდგნენ და ადგილიდან არ იძვროდნენ. განსაკუთრებით სასტიკ წინააღმდეგობას უწევდა დაღმატი გალდავა, ქავჯარაძე, დემინაიშვილი და სხვები.

ადმინისტრაციამ გამოიწვია პოლიცია პოლიცემისტერი ლისოვსკის მეთაურობით: შემოვიდა თუ არა ლისოვსკი სემინარიის ენაში შეიქნა ერთი ალიაქოთი, გინება პოლიციელებისა, ხმაურობა, ყვირილი. პოლიცია იძულებული იყო უკან გაბრუნებულიყო. ჩვენ პატარა, ახალგაზრდა მოწაფეები უცქეროდით ყველა ამას გაკვირვებით და რასაც უფროსები გვეტყოდნენ, ვასრულებდით: როცა ყვირილი შეიქნებოდა ჩვენც აყვირდებოდით, დაჩუმდებოდნენ ჩვენც დაჩუმდებოდით. ეს იყო ჩემი პირველი მონათვლა საპროტესტო ასპარეზზედ. ორი კვირის შემდეგ გაფიცვა „ბუნტი“ გასტეხეს. ბევრი დაიჭირეს და თავ-თავიანთ მშობლებს ჩააბარეს, ზოგი ეტაპით სოფლებში გაგზავნეს. მეთაურების ჩამოცლის შემდეგ დანარჩენები გატყდნენ. ბევრი სასწავლებლიდან დაითხოვეს. ვინც გადაჩა გამოორიცხვას სწავლას შეუდგნენ. მე როგორც ახალ შესული გამოორიცხვას გადავრჩი. შემდეგ ამისა კვლავ შეუდევით მეცადინეობას წრეებში. შესდგა ახალი ორგანიზაცია, რომელმაც მაშინ საქმე დაიჭირა ქუთაისის სოციალ-დემოკრატიულ კომიტეტთან, რადგანაც მოწაფეთა ორგანიზაცია ლეზულობდა ინსტრუქციებს. ვემზადებოდით ახალი საპროტესტო გამოსვლების მოსაწყობად.

თითქმის მთელი 1903 წელი და 1904 წ. დასაწყისი მზადებაში გატარდა. ამ ხნის განმავლობაში უკვე ვერჩევოდი პარტიულ პროგრამებში. ჩქარა მოგვეცა საშვალება ჩვენი მზადება ცხოვრებაში გაგვეზორციელებინა. 1904 წელში გამოცხადდა რუსეთ-იაპონიის ომი. ქუთაისის კომიტეტმა, რამდენადაც შესაძლებელი იყო არა-ლეგალურ პირობებში, გამართა კომპანია ომის წინააღმდეგ. უმთავრესად მოსწავლე ახალგაზრდობაში იყო მუშაობა. მოსწავლე ახალგაზრდობა მაშინდელ პირობებში კარგად იყო შეკავშირებული. ყველა სასწავლებლებს ერთი მეორეში ჰქონდა წარმომადგენლობითი კავშირი. ხშირათ შეგროვებული კრებები ხდებოდა. დიდათ ბედნიერი ვიყავი

იმ დღეს, როდესაც კრება წარმომადგენლებისა ჩემს ბინაზე მოხდებოდა. გადავწყვიტეთ ომის საწინააღმდეგო დემონსტრაცია მოგვეხდინა. დირექტივებს, რასაკვირველია ქუთაისის სოც. დემოკ. კომიტეტი გვაძლევდა, მხოლოდ ფრიად უჩინარი იყო მისი ხელი. დემონსტრაციის დღეთ 3 თებერვალი დავნიშნეთ. სემინარიდან გამოყვანა მოწაფეების გეჰონდა მინდობილი მე, ვანო ინწკირველს და დიმიტრი ჩხაიძეს. სანამ დემონსტრაციისათვის ვემზადებოდით სასწავლებლებში მოფენილი იყო ომის საწინააღმდეგო პროკლამაციებით. ერთმა მოწაფემ, თუ მეხსიერება არ მალატობს, ბოჭორიშვილმა, ნახა თუ არა პროკლამაცია, მაშინვე სემინარიის რექტორს „მამა“ სილიბისტროს მიართვა. „მამა“ სილიბისტრომ ამ პროკლამაციაზე ააშენა მთელი ქადაგება. მახსოვს 2 თებერვალს მირქმის დღესასწაულზე წირვის ბოლოს ჩვენმა რექტორმა დაიჭირა ხელში ომის საწინააღმდეგო ფურცელი და ძალზე აღელვებული მოგვემართა ჩვენ მოწაფეებს: „სირცხვილბ თქვენ, სასულიერო სასწავლებლის მოწაფენო, თქვენ მომავალო შამებო მორწმუნეთაო, რომ თქვენ შორის ასეთ ფურცლებს გაგრცვლებას აქვს ადგილი. ნუ თუ არ იცი თქვენ, რომ ამ ფურცლის შინაარსი ჩვენი მთავრობის საწინააღმდეგოა. ურწმუნოთა ურდოები იაპონელები—სამართლმადიდებელი რუსეთს შემოესია მათ სურთ მოსპონ მართლმადიდებელთა ეკლესია, სარწმუნოება შეგვივინონ, ვაანადგურონ რუსეთის სახელმწიფო. ამპროკლამაციის გამავრცელებელნი იაპონიის მიერ მოყიდულნი არიან, მათ სურთ მეფის ტახტის მოსპობა, მთავრობის ჩამოგდება.“

მაგრამ სანამ ეს ღვთის ტახტი (მიუთითებს წმინდათა-წმინდაში ტრაპეზს) აქა სდგას, მანამ მეფის ტახტის დანგრევა შეუძლებელია. ღვთის ტახტი მუდმივია, მეფის ტახტიც სამუდამოაო. დაათავა სიტყვა (ნეტავ სად არის ეხლა მამა სილიბისტრო). ჩემს გვერდით იდგა მაშინ ჩემი სკოლის ამხანაგი კლავდიოზ ტყემალაძე, რომელსაც გადაულაპარაკე ჩუმათ: „ბიჭო უჩემოთ არ წახვიდე, წირვის შემდეგ“.

გათავდა წირვა, ვემთხვიეთ ჯვარს და გამოველით გარეთ. დაუძახე ჩემს მეგობარს კლავდიოზს და უთხარი: ამელამ შუალამისას რათაც არ უნდა დაგვიჯდეს უნდა შევიდეთ ჩვენს ეკლესიაში და ის ღვთის ტახტი თავდაყირა უნდა დავსცეთ. ვაჩვენოთ ჩვენს რექტორს როგორ სამუდამოა ის და რომ მეფის ტახტიც მაგრე ადვილად დაინგრევა-თქვა. მან სიხარულით დამსთანხმდა. ასეთი საცელქო რამეები სხვაც ბევრი გაგვიკეთებია ჩვენ ერდად. თუ რა შედეგები მოყვებოდა ჩვენთვის პირადათ, ამაზე სრულებით არც კი გვიფიქრია. როდესაც სახლში მოვედით ერთ ამხანაგს აკაკი ქარცივაძესაც ვავანდეკით ჩვენი საიდუმლოება და ისიც დაგვეთანხმა მონაწილეობის მიღებაზე. ღამის 12—1 საათზე შევიყარეთ ერთად თავი და ვავსწიეთ

სემინარიის ეკლესიისაკენ. შეიარაღებული ძლურ „კარგათ“ ვიყავით: მე საჯიბე დანა მქონდა, ქარცივაძეს მსხვილი ჯოხი, ტყემალაძე სულ ცალიერი იყო. მივადექით ეკლესიას უკანა ფანჯრებიდგან. ქარცივაძე დავტოვეთ ცოტა მოშორებით: თუ ვინმე გაიგებდა ის დაგვიფშტვენდა ჩვენ. ორი მიველით ახლოს ფანჯარასთან, პატარები ვიყავით და ვერ მივწვდით ფანჯარას, რომელიც თან დაკეტილი გამოდგამოვიღე ჩემი დანა და შებტომით რაც ძალა და ღონე მქონდა გავარტყი ფანჯარას. ფანჯარა გასკდა და თან საშინელი ჩხრიალი მოახდინა. ჩვენ ჩავჯექით და გავტრუნეთ სული. მიმოვიხედეთ—არავინაა. არავის გაუგია ხმაურობა. კლავდიოზი დავაყენე ოთხზე და მე ზურგზე შევადექი. თავისუფლათ გავყავი ხელი გატეხილ ფანჯარაში და შიგნიდგან რაზი გავხსენი. ფანჯარა გაიღო. ეხლა ადვილი იყო გადასვლა ფანჯარაში, რომელიც სწორედ „წმინდათა-წმინდაში“ შედიოდა—თავი წმინდათა-წმინდაში ამოვყევით. ჯერ ზედ რაც ეწყო მივლევ-მოვლევით. გვერდზე ორი ბოთლი წითელი ღვინო იდგა ისიც დავღვარეთ (არ დაგვიღვია იცოდეთ). შემდეგ შეუდეგით ორი მხრიდგან ტრაპეზს. პირველ აწევაზე ვერ დავსძარით. მეორეჯერ მოვიკრიფეთ უკანასკნელი ძალა და კიდევ ავსწიეთ. როგორც იყო ავაგლიჯეთ იატაკს და ფეხებ-აღმა ვავშშლართეთ ტრაპეზი იატაკზე. მე მოვინდომე თვით სამლოცველოში გასვლა და ზოგიერთ ხატების „შეურაცყოფა“. ჩემი ამხანაგი მიძახის: წავიდეთ აწი, შენი სახლი ხომ არაა აქ, რომ ასე დათარეშობო“. მე არ დავიჯერე და მაინც გავედი. გამოიშვა ისიც. ამოვიღე ჩემი დანა და ორი თუ სამი ხატი წმინდანების, რომელიც ტილოზე იყო დახატული გავსტერი მუცელზე. ამის შემდეგ დავტოვეთ წმინდათა-წმინდა“ და მოვკურცხლეთ სახლისკენ. ჩვენს დარაჯს, თუ მეხსიერება არ მალატობს, დასძინებოდა კიდეც გავალვით და გავწიეთ შინისკენ. ისეთ კმაყოფილებას ვგრძნობდი პირადათ მე, რომ ახლად დავიბადე მეგონა. მკვდარივით მეძინა მთელი ღამე. მეორე დღით ისევ შევიყარეთ მე და ტყემალაძე და ყველაზე ადრე მოვიბრძინეთ სემინარიაში. წარმოდგენილი ვქონდა რექტორი, რომელიც მიდის ეკლესიაში და თვალ წინ აფორიაქებული საყდარი ხედება. ყველაზედ უფრო მისი გაცეხებული სახის გამომეტყველება გვამხიარულებდა. აგერ დავინახეთ მოდის „მისი კურთხევა“, არავის არ აქცევს ყურადღებას. ჩქარი ნაბიჯით გარბის ეკლესიისაკენ. ჩვენ უკან დავედევნეთ. შევიდა ეკლესიაში და რა ნახა ყველაფერი ის, ერთი შედგა, მიიხედ მოიხედა ჩვენ დანახვაზე სახე შეიკმუხნა. ასე გვეგონებოდათ რაღაც შეგვატყაო. ჩვენც გავინაწილეთ მისი მწუხარება: კლავდიოზმა წაილულულა „ღმერთი არ გაუშვებს მაგის მქნელებს“—ო გამოველით გარეთ და არ მახსოვს მე თუ ტყემალაძემ გაუშვით ასეთი

ანგლოტი: „წმინდანებს ღვინო დაუღევიათ, დამთვრალან, შემდეგ წმინდა ნინოზე ჩხუბი მოსვლიათ, ერთმანეთი დაუჩხეხიათ და თან ეკლესიაც აუფორიაქებიათ“-ო. საინტერესო იყო მოწმუნენ მოწაფეების სულიერი მდგომარეობა. დაჩუმებულნი იყვნენ, თითქო რაღაც ახლობელი მოკვდომიათ. გულში ალბათ კიდევაც უჯავრდებოდნენ თავიანთ ღმერთს, თუ როგორ ამების ჩამდენი იქავე ვერ გააქვავაო. ბევრი მოწაფენი ამის გამო მზიარულობდნენ; ზოგიერთები უფრო იმიტომ რომ იმ დღეს წირვა არ იქნებოდა (ფრიად მობეზრებული ვიყავით უქმე-დღეებზე წირვა ლოცვით). ისე დაწვრილებით გვასრულებინებდნენ საეკლესიო წესებს. რომ წირვა ლოცვის დროს გინების პეტს არაფერს ვაკეთებდით. ბევრ მოწაფეებს იმის იმედიც კი ჰქონდათ, რომ სემინარიას დახურავდნენ.

იმ დროს იყო სერიოზიული პოლიტიკური მიმდინარეობა სემინარისტებში მიმართული სასულიერო სასწავლებლების სრულებით დახურვისაკენ. მოწაფეებს ამხინჯებს ესდარაც მეტი დაიხურება ასეთი სკოლები მით უკეთესიაო, ამბობდნენ ისინი. მათ შორის მეც ასეთი აზრის ვიყავი. მაგრამ სემინარიის ადმინისტრაცია ჩვენზე უფრო ხერხიანათ მოიქცა. მან მოინდომა ამ აქტის დაფარვა. ეკლესიის „შეურაცყოფა“ ორ თებერვალს მოხდა, მეორე დღისთვის—სამი თებერვალისთვის დემონსტრაცია იყო დანიშნული. სამს დილით მოვედით სასწავლე ბლებში. მე მქონდა მონდობილი ჩემი კლასის გამოყვანა. სულ უნდა გამოსულიყო დემონსტრაციაში სამი კლასი—პირველი, მეორე და მესამე. უფროსი კლასები არ იღებდნენ მონაწილეობას. ბევრმა ამხანაგებმა გვიმუხთლა. ვერ ვაბედეს სასწავლებლის დატოვება... მოვიყარეთ თავი ხელმძღვანელებმა და შეუდექით ძალის დატანებას. ზოგიერთი ჩვენთაგანი მოწაფეებს თავზე ხელ-აღებულ ადამიანებათ მიანდათ. შეუდექით კლასებიდგან გამორეკას. კლასებიდან გამოდიოდნენ როგორც იყო დიდის ყვირილით, მუქარით, შერცხვენით, ერთად შეუყარეთ ეზოში თავი. აქ კი, როდესაც ბევრმა მოიყარა თავი ერთად, გული მოეცათ და დაიძრნენ. მახსოვს ერთი ეპიზოდი: გადაშელობა წინ ერთი ბერ-მონაზონი, მეუბნება: სად ერეკები ამ მოწაფეებს, ნუ იზამ მავას, გამაგებინე—თუ კარგია მეც წამოვალო და ამნაირად გულს უცრუებდა ხელმძღვანელებს. დიდი გრძელი წვერები ჰქონდა. გაბრაზებულმა ვტაცე ხელი წვერში და მაგრად მივაქანჯალე. მოგვეზორდა და ჩვენ გზას გაუდექით. ყველა სასწავლებლებიდან თავი ბულვარის ახლოს უნდა მოგვეყარა. უცდით ჩვენ სემინარიელები და არსაიდგან არავინ არ სჩანს. რამოდენიმე ამხანაგმა გაუარეთ სახელმწიფო გიმნაზიას, საიდგანაც **ხ. ქავთარაძეს** უნდა გამოეყვანა მოწაფეები—გამოიჩქვა, რომ სასწავლებლის ადმინისტრაციას გაეგო მოწაფეთა განზრახვა და მოწაფენი ჩაეკეტათ. რეალურ სასწავლე-

ბელიდან მოხვდა, „მთავარ სარდლათ“ წოდებული ბესო კვიციანი მოხდა აგრედვე ქალთა გიმნაზიდანაც. ქალების ეპარქიალურ სასწავლებლიდან კი 30 მოსწავლე ქალებს მოესწოთ გამოსვლა ანეტა სულაქველიძის და ფაცია გალდავას მეთაურობით. დაგვიჩვენეს თუ არა გიმნაზიელებმა იყვირეს, დაღეწეს ფანჯრები, გადმოვიდნენ რკინის ლობეზე და შემოგვიერთდნენ ჩვენ, ხელმძღვანელობდა მათ ამხ. ს. ქავთარაძე, ყველანი გამოუტყდლები ვიყავით. არ ვიცოდით წესი დემონსტრაციისა. ხუთას კაცამდის ვიქნებოდით. დავედევით ქუთაისის ქუჩებს და ყვირილით: „ძირს ომი, ძირს თვითმპყრობელობა“, მოვირბინეთ ყველა ქუჩები. რეალურ სასწავლებლიდან მხოლოდ ექვსი კაცი შემოგვიერთდა ბესო კვიციანის მეთაურობით.

გავრბივართ ერთად და თან პოლიცია მოგვდევს. ასე გეგონებოდათ თვით პოლიციელებიც დემონსტრაციის მონაწილენი არიანო.

ბოლოს გამოიწვიეს ცეცხლის მქრობელი რაზმი და წყლით დაგვშალეს. ზოგი ამხანაგები ისე გაეტაცებია ლოხუნგებს, რომ დემონსტრაციის გათავების 15 წუთის შემდეგაც ყვიროდნენ „ძირს ომი, გაუმარჯოს რევოლუციასო“. თუ არ ვცდები ქუთაისის მოწაფეთა დემონსტრაცია პირველი იყო იმ ხანებში მთელ რუსეთში. შთაბეჭდილება ცდიდი იყო, რადგან იმ ხანაში ჰაერში რევოლუციონური სუნი ტრიალებდა და ასეთ გამოსვლებს დიდი აღმზრდელობითი მნიშვნელობა ჰქონდა.

დემონსტრაციის მეორე დღეს გამოცხადდით სასწავლებელში ვითომ და აქ არაფერი ყოფილიყოს. დაიწყო კვლევა-ძიება. ხელმძღვანელების გამოძებნა. სანამ დამთავრდებოდა გამოძიება—ჩვენ ის გვაწუხებდა—დახურავდნენ თუ არა სემინარიას. ხმები დადიოდა, რომ ყველაფერი დაფარეს. სემინარიას არავითარი საფრთხე არ მოელოსო. ვიგონებდით სხვა და სხვა ხერხს. ბოლოს გადავწყვიტეთ კლასიდან ჩამოგველო ერთი ხატი და საპირფარეოში დაგვესვენებია. თქმა და შესრულება ერთი იყო მე ჩამოვიღე ხატი, ვანო ინწკირველმა ამოიღვა პალტოს ქვეშ (მას პალტო ეცვა) და „დიდის მორიდებით“ საპირფარეოში დაასვენა. ამ დროს შემთხვევით სანიტარულმა კომისიამ ჩამოიარა. საპირფარეოებიც დაათვალიერეს. ნახეს თუ არა ხატი ასეთ „შეუფერებელ“ ალაგას, დაუძახეს იქვე მდგომ მოწაფეებს. უკანასკნელებმა დიდის შიშით და მოკრძალებით გასვრილი ხატი სამასწავლებლო ოთახში შეასვენეს. აქ რექტორმა თავისი თმით და ნაკურთხი წყალით გაასუფთავა ხატი. აკოცა და კედელზე მიასვენა. სანიტარულმა კომისიამ სასწრაფოთ აცნობა ეს უკანასკნელი ამბავი ტფილისში ეგზარხს, რომელმაც სასწრაფო გამოძიება დანიშნა. აქ კი ყველაფერი გამოიჩვენა და სამი თვის შემდეგ



სემინარია დახურეს სავსებით. დახურვამდის ადმინისტრაციის  
 მანც მოასწრო და დეკონსტრუქციადგან ორი კვირის შემდეგ  
 13 მოწაფე გამოირიცხა სემინარიიდან. ცამეტ - ცამეტი მო-  
 წაფე გამოირიცხეს აგრეთვე სხვა სასწავლებლებიდანაც. ჩვენ გამორი-  
 ცხვას სემინარიიდან რალაც მოსაზრებით უშუალოთ ჩვენ არ გვაგე-  
 ბინებდენ. ერთი თვის შემდეგ მშობლებს გააგებინეს: „თქვენ შვილს  
 შეუძლია ქალაქის მიღების შემდეგ სემინარიაში არ გამოცხადდე-  
 სო“. ჩვენ კი წინდაწინ ვიცოდით ჩვენი „უბედურება“. გაგვაგებინა  
 ერთ-ერთმა მასწავლებელმა დობრიჩენკომ, რომელიც გულში ფრიად  
 თანაგვიგრძნობდა ჩვენ. შეგვხდა გზაში, გაგვაჩერა და დაგვიწყო მუ-  
 საიუი: ხომ არ ნანობთ, რომ გამოგრიცხესო. ჩვენ უპასუხეთ, რომ  
 სანანებელი არაფერი გვაქს-თქო, იმანაც გვითხრა, რომ სანანებელი  
 არაფერია, მხოლოდ ეცადეთ თავი არ გაიფუჭოთ, ნაძირალებათ არ  
 გადაიქცეთ, განაგრძეთ სწავლა და ბრძოლა, ხალხის სისარგებლო  
 აღამიანი გამოდითო. მოგვეფერა, ბეჭებზე ხელი გადაგვკრა და ხე-  
 ლის ჩამორთმევით გამოგვეშვიდობა. ძლიერ დიდი შთაბეჭდილება  
 მოახდინა ჩვენზე მისმა დარიგებამ და ჩვენ მოქმედებაზე დასტურის  
 დაკრამ. ჩვენ ვიკრძენით, რომ მარტონი არ ვყოვილვართ, თვით  
 მასწავლებლებშიაც თანამგრძნობები გვყოლია.

აქედან იწყება ჩემი, ასე რომ ვთქვათ, რევოლიუციონური მო-  
 ლვაწეობა. უკვე მოთხოვნილებათ გადამექცა რაიმეს გაკეთება. ვეძებ-  
 დი საშუალებას. ამ მიზნით ვავიცანი, —თუ მან მომნახა—ბარონ ბი-  
 ბინეიშვილი. ის მაწვდიდა არა-ლეგალურ ლიტერატურას. გაშმაგე-  
 ბით დავეწაფე არა-ლეგალურ გამოცემებს, განსაკუთრებით „ისკრას“.   
 ბარონი გვაძლევდა ფურცლებსაც გასავრცელებლად. მოახლოვდა  
 აღფკომის დღესასწაულები. ბარონმა მე და ვალოდია სულაქველიძეს  
 მოგვაწოდა საიდგომო და ომის საწინააღმდეგო ფურცლები, რომ-  
 ლებიც მოვფინე ეკლესიებში წირვის დროს და ყაზარმებში—ჯარის  
 კაცებში. დამიწყეს ჟანდარმებმა დევნა. ბარონს გაგვაგებინე, რომ  
 მდევნიან მეოქი. იმანაც ლაფაცურდა. მომცა ერთი ძველი მისი პი-  
 ჯაკი, შავი „შლიაპა“ და სათვალეები: „ჩაიცი, გამოგცვლის და ვე-  
 ლარ გიცნობენო“. არა-ლეგალური ცხოვრება ჩემთვის ახალი იყო.  
 გამოცვლით კი გამოვიცვალე, მაგრამ ბინაზე თავის სახლში ვიყავი  
 და ბულვარში დავსეირნობდი. ერთ ღამეს დაღლილი მოვედი ოთა-  
 ხში. თან ორი ამხანაგი მოვიყვანე ღამის გასათევად—ერთი აბაშიძე  
 და მეორე გვარი დამავიწყდა. ოთახში არა-ლეგალური ლიტერატუ-  
 რით მოფენილია ყველაფერი. ღამის პირველ საათზე შეიქნა ბრახუ-  
 ნი. მე არაფერი გამიგია. იქვე ახლო ცხოვრობდა ნინა ბაბტაძის  
 ქალი ეპარქიალური სასწავლებლის მოწაფე, გამოვიდა ის და გამა-





ღვიძა. მითხრა პოლიცია მოვიდა, ჟანდარმებიც არიანო. ყოველ მხრიდან სახლს გარს არტყიანო. ავდექი. შარვალი ჩავიცვი და ბარონის მოცემული პიჯაკი. გამოვიტანე „დერეფანში“. ლიტერატურა და გასარეცხი საცვლების შესანახ „უჯრაში“ ჩავდევი—საცვლების ქვეშ, ვითომ ძალიან „შორს“ დავმალე. ამხანაგებს უთხარი: შეიძლება მე გავიქეცე და თქვენ არ შეგეშინდეთ, უთხარით, რომ სახლში არ ყოფილა—თქვა. გამოივლი. წინ მოსამსახურე ბიჭი შემომხვდა სულ ცაზკახებდა. მე კი ჩემი თავი „გმირად“ მიმაჩნდა. ასე ვმსჯელობდი: თუ გავიქეცი ხომ კარგი და თუ არა დამიჭირავენ, როგორც პოლიტიკურ მომუშავეს. ეს კიდევ უკეთესი; მოსამსახურეს მითხრა: ჩემი ოთახიდან პატარა ფანჯარაა, საიდგანაც მეორე ეზოში გადახტომა შეიძლებაო. მეორე სართულში ვიმყოფები. შევედი ოთახში, გადვიხედე ფანჯრიდან; კედელზე ერთი არშინი მოშორებით ღობეა, რომლის იქით რაჟდენ ხუნდაძის ეზოა. ღობეს და კედელს შუა ასე სამი საყენით მოშორებით დგას „გოროდოვოი“. მიიხედა თუ არა „გოროდოვოი“ მეორე მხარეზე, მეც ვისკუპე და მეორე ეზოში ბრავვანი მოვადინე. გაიგეს ძაღლებმა და დამიწყეს საშინელი ყევა. როგორც იყო თავი დავახწიე. სირბილით მივირბინე ორი ამხანაგის ბინაზე. მინა ხუტულაშვილის და კლავდია ტყემალაძისაში. არც ერთი სახლში არ დამხვდნენ. თურმე ყველა ისინი იმავე სახლში ქვემო სართულში ერთ ამხანაგთან იყვნენ და ჩემთან აპოსელამდის დაეპატმრებიათ, რომ მე არაუერი გამაგებინონ. ეს ამბავი არქივლის გორაზე იყო. იქიდან ძირს ჩამოველი—ქალაქში. დამე სასტუმროში გავათენე—ავადმყოფი ამხანაგის ჭანტურიშვილის ოთახში.

ამის შემდეგ კიდევ მეტად უფრო მალულად უნდა მეცხოვრა. მაგრამ რა ვიცოდი მალვა რას ნიშნავდა... ისევ ბულვარი და ისევ ამხანაგებთან ხეტიალი. ერთი რამ კი ვიცოდი. ბარონთან მისვლა არ შეიძლებოდა. კონიტეტი ჩავარდებოდა.

ერთხელ ერთი ჩვენი წრის მოწაფე ქალი მიდიოდა ტფილისში. ჩვენც მოვინდომეთ მისი გაცილება. შევიყარეთ 10 15 კაცამდის და ისე ჩვენებურად, ახალგაზრდულად, ყვირილით, ხმაურობით, სიცილით გამოვედით სადგურზე. აბა სად მალვა და სად სადგურზე ხეტიალი. გამოვეყვით რიონამდის. გზაში აყალ მყალი მოგვევიდა ობერ-კანდელქტორთან, რომელიც, ეხლა რომ უკვირდები არავეითარი დამნაშავე არ იყო. მაგრამ ჩვენ მაშინ, როგორც იტყვიან, ღვთის წყალობა შეურაცყოფათ მიგვაჩნდა. ჩვენი ჩხუბისათვის თვალ ყური უდევნებია ერთ-ერთ ჟანდარმს და როცა რიონში ჩამოვედით, მოგვადგა ჟანდარმი და შეუბნება: აქეთ წამობრძანდითო. მეც გავყევი და თან ამყათ ვეჩხუბები. აქ ჩემი განუყრელი მეგობარი კლავდიოზ ტყემალაძესაც მოაბრძანებენ. აყალ-მყალში აუცილებლად ორივე უნდა ყო-

ფულიყავით. მე დავიწყებდი,—ის ჩაერეოდა—ის დაიწყებდა მე ჩავერეოდი.

გვეკითხებიან სახელსა და გვარს. ის ეუბნება: შეყლაშვილი ვარო, მე ვუუბნები გაიპარაშვილი ვარ—თქო. დაკითხვა გათავდა. აღარ გვიშვებენ. დაუწყეთ ჩხუბი. ვერაუფერი გავაწყეთ და მერე დაეღრიჯა კლავდიოზი და ეუბნება: ამხანაგი გამოვაცილეთ, სირცხვილია, გაგვიშვი, თუ გეშინიათ გავგვაცოლეთ თითო ქანდარმიო.—და აჯერა. გამოვგვაცოლეს ერთი ქანდარმი და პლატფორმაზე გამოველია. მატარებელი მოვიდა. ხალხი აირივ-დაირია. აბა, ბიჭო, კლავდიოზ, უღუთრით სადგურის უკან ტყეში თქვა. დიდი აღარ დავვიყოფნებია. გავძვერით სადგურის უკან და მოგვტრცხლეთ ფეხით ქუთაისისაკენ 8 თუ 10 ვერსტია. სული არ ამოვეითქვამს ისე სირბილით. ჩამოველით „წვანე-ყვავილას“ სასაფლაოზე. ამის შემდეგ არ გასულა ერთი თვე, დამიჭირეს ისევე ამხანაგთან. ბოქაულ მახარაძეს გადაეცემა ჩოხა და აგენტებით გამოყოლოდა სახლამდის. ეს აბა რა ვიცოდი—ან აგენტი ან შპაონი და ან გადაცემა თუ შეეძლო ბოქაულებს. დამიჭირეს და გადამცეს ქანდარმერიას, იქიდან გამაგზავნეს ქუთაისის საგუბერნიო ციხეში,—ახალ ბინაზე. ჩამსვეს ჯერ ცალკე. მერმე ვილაცხინოენიკი შემოიყვანეს. აქ იყვნენ პოლიტიკურები, რომლებმაც დამარიგეს: რა კიანხვაც არ მოგცეს ყველაფერზე უარი უპასუხეო. ორი კვირის შემდეგ დამიძახეს. მეკითხებიან: ვინ მოგცა ლიტერატურა, შენია თუ არაო. მეც დარიგებისამებრ უპასუხებ: ჩემი არაა, არაფის ვიცნობ და სხვა და სხვა. გამაჩერეს 6 თვე. ამ ხნის განმავლობაში პასუხისგებაში მიმცეს სადგურზე აყალ-მაყალისათვის. მომარიგებელ მოსამართლემ დამიძახა. ჯერ წინადადება მომცა მიმეღო მანიფესტი, რომლის ძალით ასეთი საქმეები ისპობოდა (ალექსის დაბადების გამო იყო მანიფესტი). მაშინ ისეთი ხანა იყო, რომ არა თუ მეფის მანიფესტი, არამედ მეფეს ოქროები რომ გადმოეყარა, იქითკენ არ გავაუდავდი. მანიფესტი არ მივიღე,—მედიდურად განუცხადე: „მე მეფისაგან მოწყალებას არ ეღებულობთქვა“. დარბაზი ხალხით ვაჭედელი იყო. მოსამართლე გაოცდა. ხალხს ეტყობოდა ესიამოვნა ჩემი ასეთი პასუხი. მიმისაჯა ორი კვირის ციხე. უკან ციხეში გამომაბრუნეს. ექვსი თვის შემდეგ, როგორც მცირე წლოვანი მშობლების ხელწერილით გამომიშვეს. ციხემ დიდი სარგებლობა მომიტანა. აქ გვეცანი ყველა მაშინდელ მოწინავე ამხანაგებს, მუშებსა და ინტელიგენტებს: აქ იყვნენ ბუღუ მღივანი, ვარლენ კალანდაძე, დათიკო ლორთქიფანიძე, გიორგი თელია, ალექსანდრე დგებუაძე, კანდელაკი და სხვები. ჩემს ციხეში ყოფნის დროს მოიყვანეს ვურიილგან დატყვევებული გლეხები.

პირველი ადგილი გლეხებში შეგნებით და რიცხვითაც ეჭი-



რათ გურულ გლეხებს. მათ შემდეგ იმერული გლეხები, უმეტეს რესად სამტრედია-ხონის რაიონებიდან. დასავლეთ საქართველოში იმ დროს ძლიერი რევოლიუციონური მოძრაობა იყო. მოძრაობა-სოციალ-დემოკრატიულ დროშის ქვეშ სწარმოებდა. უფრო სინტერესო იყო, რომ გლეხურ მოძრაობას დასავლეთ საქართველოში არ ქონებია კუთხური ხასიათი. პირიქით, მოძრაობა ფრიად ღრმა იყო და ყველა ლოზუნგები ეფარდებოდა რუსეთის და საზოგადოდ საერთაშორისო მუშურ მოძრაობის ლოზუნგს, რადგან ის სწარმოებდა სოც.-დემოკ. პარტიის მუშაობით. მიზეზი გლეხების დაქერისა იყო აშკარა დემონსტრაციები მთავრობის წინააღმდეგ. ბევრ ადგილას მიტინგები და დემონსტრაციები სისხლის ღვრითაც კი დამთავრდა. მიუხედავად იმისა, რომ მთავრობა სასტიკ ზომებს ღებულობდა მოძრაობის წინააღმდეგ და ბევრგან სისხლიანი შეტაკებებიც კი მოხდა — გლეხები მაინც ყოჩაღათ იყვნენ და არ ეტყობოდათ ოდნავათაც გულის გატეხა. პირიქით, იმათმა შემოსვლამ ციხე გაამხიარულა, გამოაცოცხლა. პირველად დავინახე თვალით და ვიგრძენი მთელი ჩემი არსებობით სიდიადე განმათავისუფლებელი მოძრაობისა. რევოლიუციონური მუშების და გლეხების დანახვამ ციხეში საშინლად ამითამაშა გული და პირველად მთელი ჩემი არსებობით მომენტრათავისუფლება, ციხიდან გამოსვლა და მუშაობა. მანამდის არც კი მივგრძენია თავისუფლების უქონლობა, ცხოვრებაზე მოწყვეტა. ამას ზედ დაერთო კიდევ ციხეში მეცადინეობა. აქ შევისწავლე პოლიტიკური ეკონომია, ძველი რევოლიუციონური მოძრაობა და სხვა და სხვა. როცა რაც ძალი და ღონე მქონდა დავეწაფე მეცადინეობას — სწორედ ამ დროს გამომიცხადეს განთავისუფლება. ამხანაგებმა დაამზადეს წერილები. გამოკეთეს ფეხსაცმელებში და პირადათაც მომცეს ბევრი დავალებანი. განსაკუთრებით ერთი დიდათ სერიოზული შინაარსის წერილი გამატანეს ბათუმში ვლადიმერ ჯიბლაძესთან. ის ბათუმში მუშაობდა მაშინ. შინაარსი ეხებოდა ამხ. გიორგი თელიას და მისი რამოდენიმე ამხანაგის განთავისუფლებას. უნდა დახვედროდენ გზაში და ძალით გაენთავისუფლებიათ. წარმოუდგენელ სიხარულს განვიციდიდი, როცა ბათუმში ასეთი სერიოზული დავალების შესასრულებლად გავემგზავრე ციხიდან გამოსვლის მეორე დღითვე წერილი ჩაუტანე და მივეცი ლ. ჯიბლაძეს. იქიდან გამობრუნებული ქუთაისში ჩამოველ. მინდოდა მიმემართა კომიტეტისათვის, რომ ესარგებლათ ჩემით. განსაკუთრებით მიტაცებდა „პროპაგანდისტობა“. მე აღარ დამჭირდა მიმართვა. მახსოვს ბულვარის ახლოს ქუთაისში „სესიას კონდიტერი“ იყო. აქ შემხვდნენ კოლია ქარცივაძე — მაშინ გამოჩენილი რევოლიუციონერი — ბოლშევიკი (დღეს რენეგატი) და ალიოშა ჯაფარიძე — (თურქესტანში ინგლისელ — მენ-



შვეიც — ესერებისაგან ვერაგულად დახვრეტილი). გამაჩერეს და მტკიცედ  
 ხეს: წამიკითხავს თუ არა რ. ს. დ. მ. პ. პროგრამმა, ბოგდანოვის  
 პოლიტიკური ეკონომია, კომუნისტური მანიფესტი და რალაც კიდევ  
 ბროშურები ჩამომითვალეს. მე დადებითი პასუხი მივეცი... ჩემი დადებ-  
 ბითი პასუხი საკმარისი იყო, რომ მე ქიათურაში ვ. ინწკირველთან  
ერთად „პროპაგანდისტათ“ გავეგზავნეთ. ამ დროს ქუთაისში სტა-  
ლინი მუშაობდა... რამოდენიმე ლექცია იმანაც წავგიკითხა. უფრო  
 პარტიულ განხეთქილების შესახებ, რომელიც მხოლოდ პარტიული  
 მეთაურების სფეროში ტრიალებდა. ეს ნოემბრის შუა რიცხვები 1904  
 წელი იყო. კარგად გარკვეული პარტიულ განხეთქილების საკითხში  
 არც ლიდერები იყვნენ მაშინ. მხოლოდ ხდებოდა გარდატეხა ჯერ  
 ხელმძღვანელ ორგანიზაციებში; შემდეგ განხეთქილების საკითხი მასა-  
 შიაც გადავიდა. მე და ვანო ინწკირველს თავი ბოლშევიკებათ მიგ-  
 ვაჩნდა.

გავემზადე ქიათურაში წასასვლელათ... დამტვირთეს არა-ლეგა-  
 ლური განოცემებით და გავსწიეთ ქიათურაში. გული მიფანცქალებს.  
 ვიცი რამდენიმე დღის შემდეგ მუშების წინაშე პროპაგანდისტათ  
 უნდა წავერდგე. თან მიხარია და თან ვშიშობ — ვაი თუ კარგათ ვერ  
 ვილაპარაკო, ვაი თუ შევრცხვე-თქვა. ქიათურაში შიშიყვანეს ადგი-  
 ლობრივ პარტიულ ორგანიზატორების სახლში — ქრისტაფორე ჩელუას  
 თან და ვანო ლომთაძესთან. მაშინ ქიათურაში ინტელიგენტთაგანი  
 ჩვენ ორის მეტი არავინ იყო. — მე ვამბობ პროფესიონალურ პროპა-  
 განდისტებიდან.

ვზივართ სახლში: მე, ვანო ინწკირველი და სამი კიდევ ადგი-  
 ლობრივი მუშები. უცბათ კარები გაიღო და შემოვიდა ნესტორ  
 ჩნიკვაძე სამი-ოთხი უცხო პირების თანხლებით. ნესტორი ითვლე-  
 ბოდა ერთ-ერთ საუკეთესო ორგანიზატორად იმ დროს. მართლაც  
 იყო ეს. შემოსვლისთანავე მოგვესალმა და ვინაიღვან ჩემი სახელი  
 არ იცოდა სალამი ასე გამიკეთა: გამარჯობა კოტე შენი. აქედგან  
 დამერქვა კოტე და მის შემდეგ სხვა სახელი არც კი მესმის. არც  
 ნამდვილი ჩემი სახელი მესმის, როცა ხანდახან ნათესავებიღვან ვი-  
 ნმე დამიძახებს ესლა.

დაუფასებელი ხანა იყო. ყველაფერი რევოლიუციით სუნთქავდა.  
 დრო მიმზიდველი და გამტაცებელი იყო. არავინ თავის თავზე არ  
 ფიქრობდა. ამხანაგობა, მეგობრობა მიმზიდველი იყო, გულწრფელი  
 იყო ერთმანეთ შორის დამოკიდებულება, თვითეული ჩვენგანის  
 სატკივარი, — ყველას სატკივარი იყო.

მართლა გვიყვარდა ერთმანეთი. ადგილობრივ ამხანაგებს  
 ორგანიზატორებს ზედ-მიწევნით დაუახლოვდით „პირში სულს უბე-  
 რავდენო“ რომ იტყვიან, სწორედ ასე იყო.



ჩვენ ახალგაზრდები ვიყავით, გამოუცდელები. კონსპირაცია ნაკლებად გვესმოდა. გვინდოდა უფრო აშკარად მოქმედება. ამხანაგები კი გვიფრთხილდებოდნენ. ეშინოდათ არ ჩავარდნილიყავით თორემ ძნელი იყო ახლების შოვნა: ცოტანი იყვნენ ორგანიზაციაში „მცოდნე“ ამხანაგები. მთელი დღე ოთახში ვიჯექით ტყეებივით, მხოლოდ ღამლამობით მივიდიოდით მადნებში მუშებთან სამუსაიფოთ—ან როგორც მაშინ ვეძახოდით „საპროპაგანდო“. მთელი ჭიათურა დაყოფილი იყო ხუთ პარტიულ რაიონად: პერევისა, შუქრუთი, მღვიმევი, რგანი და თვით ჭიათურა.)\*

საშინელი მდგომარეობა იყო მუშების. მადნებში მუშაობა ერთ-ერთ მძიმე სამუშაოდ ითვლებოდა. მუშებისათვის არ არსებობდა არც ბინები, არც განათება, არც სიწმინდე, არც ტანისამოსი, არც საჭმელი. პირუტყვები გაცილებით უკეთეს მდგომარეობაში ცხოვრობდნენ, ვიდრე ჭიათურის მუშები. სამუშაო დღე ხშირად 16—18 საათი იყო. 15 საათზე ნაკლები არსად არ ყოფილა, ხელფასი ფრიად მცირე თუ არ მალაატობს მეხსიერება ორ-აბაზს არ აღემატებოდა დღიური ხელფასი. თვით მადნებში მუშაობის დროს უბრალო ჭრატკებით ინათებდნენ სამუშაოს. თვით მუშები საშინელ სანახავს წარმოადგენდნენ. მთელი, თვეობით მუშებს არ შეეძლოთ საცვლები გამოეცვალოთ. შავი ქვის შავი მტვრისგან გამუროულები მთელი თვეობით მუშაობდნენ, წელში მოხრილნი. ჩვენი პარტიული მუშაობისათვის დიდებული ნიადაგი იყო.

ჩვენც ესარგებლობდით ასეთი მდგომარეობით და რამდენათაც მჭერმეტყველება გვიჭირდა უღვივებდით მუშებს რევოლუციონურ გრძნობებს და შვენიბას.

ჩვენ ორი პროპაგანდისტი ვიყავით. 5 რაიონი და თან კვირა უქმეებში სოფლებიც გაყოფილი იყო ჩვენ ორ ამხანაგს შორის. მე რამოდენიმეჯერ ვაფუყვი ამხ. ინწკირველს და ჟსმენდი თუ როგორ ეწეოდა პროპაგანდა-აგიტაციას, რადგან ის უკვე გამოცდილი იყო შემდეგ მარტო დავიწყე სიარული.

\* როგორც ზემოთ ვსთქვი, დღითი გარეთ არ გვიშვებდნენ. ზამთარი იყო. ასე საათის 7-8 გამოვიდოდით მადნებში მუშებიც დაახლოვებით 8-9 სათზე ათავებდნენ მუშაობას. ამ დაღლილ დაქანცულ მუშებთან ერთ—ან 1<sup>1</sup>/<sub>2</sub>, საათს ვლაპარაკობდით, ლაპარაკის დროს ხშირად დაღლილობისაგან მუშები იძინებდნენ ხოლმე.

მიუხედავად ამისა 2<sup>1</sup>/<sub>2</sub>, თვის განმავლობაში შევკარით 40-50 წრე. წრეში 10-15-20 კაცამდი შედიოდა. ასე რომ 1905 წლის შვა იან-

\*) თითოეულ რაიონს თავის ორგანიზატორი ყავდა: პერევისაში გიორგი წერეთელი, შუქრუთში ქრისტოფორე მელუა, მღვიმევიში-ზაქარია გურული, რგანში-ნესტორ ჩიკვაძე და შიგ ჭიათურაში ვანო ლომთათიძე.

ვრისათვის გვყავდა ორგანიზაციაში 300-350 მუშამდე. ჭიათურის ორგანიზაციას მიზნათ ჭონდა დასახული ერთი დიდი დემონსტრაცია და თან ვაფიცვა მოეწყო ჭიათურაში.

თუ არ ვცდები დემონსტრაცია—ვაფიცვა 25-26 იანვრისათვის დაენიშნეთ, ენერგიული მუშაობით და ადგილობრივი ორგანიზატორების დაუფასებელი შრომით შესანიშნავად ჩატარდა, როგორც დემონსტრაცია ისე ვაფიცვა. 25 იანვარს დილით ყველა ხუთი რაიონიდან ჭიანჭველასავით გამოვიდნენ მუშები დანიშნულ ადგილას.

ჩენც, მე და ვ. ინწყირველი ჩოხებში გადაცმულები მივედით. წითელი დროშის აფრიალების ბედი მე შემხვდა. 25-30 კაცი იმ დროსთან შედარებით კარგათ შეიარაღებულნი დროშას გას ერტყენ.

10 ათას კაცამდის შეიკრიბა სულ. მეტად სასიამოვნო სანახავი იყო შავი ქვის მტვერში გასვრილი, გამურული მუშების დანიშნული ადგილიდგან ჭიათურის ქალაქისაკენ მსვლელობა. პირადათ უდიდეს კმაყოფილებას განვტყდიდი, როცა ვხედავდი, რომ ორი-სამიტვის მუშაობამ და შრომამ ტყუილად არ ჩაიარა. ყველა დემონსტრანტს სახეზე კმაყოფილების ელფერი ეტყობდა, ყველა ყოჩაღად და ფხიზლად იყო. ასე დარაზმული, წესიერად და რიგ-რიგობით, მარსელიეზის გუგუნით მიუახლოვდით ქალაქს. წინ რამოდენიმე ჩაფრებით შემოგვეგება ბოქაული ბერეჟიანი. დანახვის თანავე მუშებმა დასწყვილეს და მუქართა და ხმაურობით გაექანენ პოლიციელები-საკენ... შეიარაღებულებმა თოფები მოიმარჯვეს. მუშების გაბედულ მოქმედების, მათი ხმაურობის და შეტევის დანახვაზე ტანში ყრუანტელმა დამიარა. მინდოდა სათითაოდ გადამეკოცნა ყველანი.

ასეთ განწყობილების დანახვაზე ბ. ბოქაული თავისი ჩაურებით შედრკა, იბრუნა პირი და თვალის დახამხამებაზე სადღაც მიიმალნენ. დემონსტრაცია ქალაქში შევიდა, გაიარა და რკინის გზის სადგურის წინ დადგა.

გაიმართა შესანიშნავი მიტინგი. მშვენიერად და მჭერმეტყველად დაასურათა მუშების მდგომარეობა აშხ. ვ. ინწყირველმა.

აქვე აშხ. ვანომ (სტეპკომ) ჭიათურის ორგანიზაციის და ქუთაისის კომიტეტის სახელით მოუწოდა მუშებს გატაცვისაკენ. მუშებმა სინარულით შეეგება ამ მოწოდებას და ფიცი დასდო: არც ერთი მუშა სამუშაოს არ შეუდგება, სანამ ვაფიცვა გამარჯვებით არ დამთავრდება. წინდაწინვე გამომუშავებული მოთხოვნილებანი წაკითხულ იქნა, რაც ერთხმად მიიღო მიტინგმა და დაიშალა. ამ ვაფიცვის მოკებაზე იყო დამოკიდებული სოც-დემოკრატიის მიერ სახელის მოხვეჭა და პრესტიჟის მოპოება მუშათა მასაში. ვაფიცვა 1<sup>1</sup>/<sub>2</sub> თვე გაგრძელდა. ვაფიცულთა კომიტეტმა ჭიათურის ორგანიზაციის ხელმძღვანელობით შეუდგა ვაფიცულთა სასარგებლოდ სახსარის შეგრო-



ვებას. ყველა შეძლებულთ გააწერეს შეძლებისდაგვარად, რომ საგარეო  
 ბი ფონდი შეედგინათ. თვით კაპიტალისტებს, რომლის წინააღმდეგ  
 იყო გაფიცვა მიმართული, შეაწერეს 15 ათას მანეთამდი. კაპიტალისტები  
 ისე იყო დაშინებული, რომ დიდი ხანი არ დაუყოვნებიათ ფულის  
 შემოტანით. ამნაირად 1<sup>1</sup>/<sub>2</sub> თვის შემდეგ გაფიცვა სრული გამარჯვებით  
 გათავდა. მუშების სიხარულს საზღვარი არ ჰქონდა. არა ნაკლებ  
 სიხარულს განვიცდიდით ჩვენც. ცხადია, რომ ასეთი გრანდიოზული  
 დემონსტრაცია და გაფიცვა მთავრობის მხრით უყურადღებო არ  
 დარჩებოდა. გაფიცვის გამოცხადების მეორე დღეებშივე ჟანდარმერიამ  
 გააძლიერა თავისი მუშაობა. ჭიათურა მოფინა ჯაშუშებით.  
 აამუშავა ადგილობრივი თავისი აპარატი. ადგილობრივმა აგენტებმა  
 (შპიონებმაც) წამოყვეს თავი და შეუდგნენ ცნობების შეკრებას და  
 მიწოდებას. განსაკუთრებით მოსვენებას არ ვაძლევდა აზნაური  
 ნორვეანა ჩხეიძე და პოლიციის მწერალი მხეიძე. ჭიათურის  
 ორგანიზაციამ გადასწყვიტა ორივეს თავიდან მოშორება. ერთი  
 მათგანი ჩხეიძე სულ მოკლე ხანში მოკლულ იქნა ტერორისტებისაგან.  
 მწერალი მხეიძის მოკლა კი მიანდეს უფრო გამოკდილ და მანე  
 ამხანაგს შაქრო გიჟნაშვილს. შაქრომ შეაგროვა რამდენიც  
 საჭირო იყო გამოკდილი და გულადი ამხანაგები. ნათ შორის იყო  
 ამხ. კირკიტაძე, რომელსაც თავის სამსახურის გამო თავისუფლად  
 შეეძლო პოლიციაში შესვლა და გამოსვლა. შაქრომ მოუყარა ყველას  
 თავი და დაავალა, რომ იმის და უნებურად არავის ნაბიჯი არ  
 გადაედგა აქტის შესასრულებლად. ის ელოდებოდა ხელსაყრელ  
 მომენტს, რამ უეცრად თავს დასხმოდა. ასეთი მომენტი მისი  
 აზრით იყო დილის საფოსტო მატარებლის მოსვლა, რომლის შესახებ  
 დროად პოლიციიდან თითქმის ყველა ჩაფრებამ უნდა წასულიყო. ასე,  
 რომ პოლიციაში დარჩებოდა მწერალი და ორი ან სამი ჩაუარი.  
 მაგრამ ამხ. კირკიტაძემ დისციპლინა ვერ გამოიჩინა და შაქროსა და  
 სსეების დაუკითხავად გასწია პოლიციაში ტერორის სისრულეში  
 მოსაყვანად. შევიდა მწერლის კაბინეტში, ამოიღო რევოლვერი და  
 მ-ჯერ დაახალა მწერალს, რომელიც პირველი სროლის-თანავე  
 წაიქცა შავიღის გვერდით. ამხ. კირკიტაძე გამოვიდა გარეთ მშვიდათ  
 და გამოსწია შაქროსკენ სახარობლად, მაგრამ საუბედუროთ  
 მას ვერც ერთი ტყვია ჯაშუშისათვის ვერ მოერტყა. მწერალმა  
 მორთო ყვირილი და გამოიწვია იქვე მყოფი ჩაფრები, რომლებსაც  
 მიუთითა მიმავალ კირკიტაძეზე. ერთმა ჩაფარმა ესროლა ამხ. კირკიტაძეს  
 და დასჭრა მკლავში. დაჭრილი კირკიტაძე გადმოხტა მალა კლდიდან,  
 დაიჭირა ხელში მოტეხილი მეორე მკლავი და „გაუმარ-



ჯოს ერთობას“ ძახილით შემოვიდა ბაზარში. თოფის და სროლის ხმაზე შაქრომ იგრძნო, რომ რაღაც ცუდათაა საქმე. დაავლო თოფს ხელი (ის იქვე ახლო ფეხსაცმელს აკეთებინებდა სახელოსნოში) და გაექანა იქითკენ, საიდანაც თოფის სროლა მოესმა. შეუდგა თუ არა პოლიციისკენ მიმავალ აღმართს, მან დაინახა ერთ-ერთი ჩაფარი თოფით ხელში ჯერ კიდევ მისდევს კირკიტაძეს. შაქრომ იქვე წამო-  
 უროქა და შეჰყვირა რუსულად: (რადგან ჩაფარი რუსი იყო) „სტოი ტი მაია ზაკუსკა“-ო და ესროლა. დახე უბედურებას, თოფი არ გავარდა, გამოსცვალა მეორე პატრონა, თოფმა კიდევ უმტყუნა. დახედა თოფს და დაუღრიალა იქვე მდგომ უბრალოდ მაყურებელ ამხანაგებს—„ჩემი თოფი მომიტანეთო“, მაგრამ აღარ დასცალდა. ის იყო მობრუნდა თოფის გამოსაცვლელად. ჩაფარი გონს მოვიდა და ესროლა შაქროს. ტყვია წელში მოხვდა ერთი ვეფხვივით შეუხტა მალღა და დაეცა. თოფი ხელიდგან გაუვარდა. ამხანაგებს შესძახა—  
 „თოფი არ გაატანოთ მაგ ჯალათსო“ ვერავენ ახლოს მისვლა გერო გაბედა. დანარჩენი შეიარაღებული ტერორისტებიც არ იყვნენ ახლოს—ისინი შაქროს განკარგულებას უცდიდნენ სადღაც ჩაფარი მივიდა ხელიდგან გავარდნილი თოფი შაქროსი აიღო და პოლიციისაკენ მოჰკურცხლა.

გამოირკვა, რომ როდესაც შაქრომ თოფის ხმის გაგონებაზე თოფს ხელი წაავლო და სწრაფად გამოვიდა, თაფის თოფის მაგიერ სხვისი თოფი მოჰყოლოდა ხელში, რომელსაც აღარ მიუდგა საკუთარი თოფის პატრონები და ასე შემთხვევით თავი წააგო.

დაქრილი შაქრო საავადმყოფოში წაიყვანეს. იცოცხლა ორი საათი. სიკვდილის წინა წუთებში თაფის ამხანაგ-მეგობრებს შესთხოვა: „შური იძიეთო“. რამოდენიმეჯერ გაიმეორა ეს უკანასკნელი სიტყვები სიკვდილის წინ.

საათის 4-5 იქნებოდა ამხ. შაქრო რომ გარდაიცვალა.

6-7 საათზე ჩვენი სახლი გაივსო მოწინავე მუშებით, შაქროს ამხანაგ მეგობრებით და გულდამწვარნი მოითხოვდნენ მათთვის თოფების დარიგებას. ორგანიზაციას იმ დროს საწყობში მოებოვებოდა რამოდენიმე თოფი.


„მოგვეცი თოფები, სისხლი უნდა ავიღოთ, შური უნდა ვიძიოთ მტარვალებზე, შაქროს სიკვდილის შერჩენა, შაქროს დათმობა ჩვენ არ შეგვიძლიანო“-გაიძახოდნენ მუშები.

ჩვენც არაფერი გვექონდა საწინააღმდეგო. იარაღი დაურიგეთ. მთელი ღამე ჭიათურა სამხადისო ბანაკს წარმოადგენდა. არც ერთი



ბილიკი შეუკრავი არ დარჩენილა. ყველგან შეიარაღებული მუშები იდგნენ, მთელ ჭიათურას გარშემო ალყა ჰქონდა შენორტყმული შეიარაღებული მოწინავე მუშებისაგან და ორგანიზაციის ორგანიზატორებისაგან.

(შემდეგი იქნება).



ნ. ალექსაროვისა.

## ჩვენი არა-ლეგალური სტამბა.

1902 წლის ივლისში ნახალოვკაში (ლოტკის მთა), საკავშირო კომიტეტის დავალებით აშენებული იყო „წყალობა“ და ბაგრატ სოლომონის ძე სოლოლაშვილების სახლის ეზოში ერთ-თვალიანი პატარა სახლი. ამ სახლის სარდაფში მოწყობილი იყო სტამბა (პატარა დაზგა და ნახევარი ფურცლის საბეჭდავი მანქანა—„ამერიკანკა“). სტამბის მოწყობა ითავეს ვანო ბოლქვაძემ და გიგო ლელაშვილმა. ცოტა ხნის შემდეგ სტამბის გამგეთ დაინიშნა ამხ. ლადო დუმბაძე.

ამ სტამბაში იბეჭდებოდა მხოლოდ საკავშირო და ტფილისის კომიტეტის ფურცლები. მაგ. გამოიშვა რამდენიმე ფურცელი იმ გაფიცვების შესახებ, რომელიც იმ დროს მოედვა მთელ სამხრეთ რუსეთს და ჰყოვა ნაწილობრივი გამოხმაურება კავკასიაშიაც. გამოშვებული იყო აგრეთვე მოწოდებები ოფიცრებისა, მუშებისა და გლეხებისადმი.

დრო გამოშვებით სტამბა ბათუმისა და ქუთაისის ორგანიზაციებსაც ემსახურებოდა და ბეჭდავდა მათ შეკვეთილებსაც.

რამდენიმე თვის შემდეგ სტამბას უბედურება ეწვია; იგი განადგურებულ იქნა ბუნების სტიქიის მიერ,—განუწყვეტელი წვიმების გამო მას მოასქდა მთიდან დიდი ნიაღვარი და სულ ერთიანად წაღეკა იგი.

სტამბა მალე გადატანილ იქნა ჩუღურეთში, ალექსანდრეს ქუჩ., ამხ. გვენცაძის სახლში. აქ მუშაობდნენ ამხ. ლადო დუმბაძე, კიკიკო კალანდაძე, მანასე გოგუაძე და ბაბე ლაშაძე. ეს უკანასკნელი ასრულებდა დიასახლისის როლს. სტამბა მოთავსებული იყო ოთახში და ეს გარემოება დიდ საშიშროებას უმზადებდა მას, რადგან პოლიციას ადვილათ შეეძლო მიეკვლია მისთვის.

ამ სტამბაში იბეჭდებოდა საკავშირო კომიტეტის ყურნალი „ბრძოლა“ ქართულ ენაზე სულ გამოიცა ამ ყურნალის 4—5 №№. გარდა ყურნალისა დაიბეჭდა და გამოვიდა წიგნაკი „ოთხი ძმა“ და მრავალი ფურცლები როგორც საკავშირო, ისე ტფილისის კომიტეტებისა.



ამავე დროს გადაწყდა გაფართოებულიყო ბეჭედის საქმე და მოწყობილიყო იგი უფრო საიდუმლო და უშიშარ ალაგზე. დაიწყეს შესაფერ ადგილის ძებნა და ბოლოს 1903 წლის ივლისში კიდევ მიაგნეს ასეთს. ეს ადგილი მდებარეობდა ავლაბარში პეტრე-პავლეს სახელობის სასახელაოს პირდაპირ და ეკუთვნოდა დავით როსტომ-შვილს, რომელმაც შესთავაზა იგი ამხანაგებს დასახულ მიზნისათვის.

შეუდგენ საქმეს. შემოაგლეს ეზოს მაღალი ფიცრული ღობე და დაიწყეს შენობის აგება. გადაწყვეტილი იყო აეშენებიათ ორ-თვალიანი სახლი სარდაფით. ამ სარდაფს ქვეშ განზრახული იყო მეორე სარდაფის გაკეთება და ამ უკანასკნელში სტამბის გამართვა.

დიდი ფიქრი დასჭირდათ იმის შესახებ თუ როგორ და საიდან გაეკეთებიათ ჩასასვლელი მეორე სარდაფში.

შემთხვევით ამ დროს ამხ. მიხო ბოკორიძე კითხულობდა სენკევიჩის რომანს „ცეცხლითა და მახვილით“; სადაც აღწერილია ერთ ბულგარულ რევოლუციონერის ცხოვრება, რომელსაც მოწყობილი ქონდა მიწაში ხვრელები და საიდუმლო ადგილები და ფარულად უყრიდა იქ თავს თავის თანამოაზრეებს საჭიროებრს დროს.

ამ შემთხვევით ისარგებლეს სტამბის ორგანიზატორებმა და შეადგინეს შემდეგი გეგმა მეორე სარდაფში ჩასასვლელის გასაყვანათ

(გ ე გ მ ა).

ამნაირად სტამბაში ჩამსვლელთ ჯერ უნდა გაეცლოთ სარაიი. დან ჭა და შემდეგ გვირაბი, რომელიც გაყვანილი იყო მიწაში ჭის ძირიდან სტამბის კარებამდე. საცხოვრებელი ბინიდან ამ სტამბაში გაყვანილი იყო ელექტრონის ზარი, რომლის საშუალებითაც შესაძლებელი იყო სტამბაში მომუშავეების გაფრთხილება თავზე დატეხილ საფრთხის დროს, სახლის აშენების დროს დურგლის ხელობას ასრულებდა მ ძმა ჩოდრიშვილები და კალატოზობას კი ძმები მირიმიან და სანდრო.

შენობის დასრულების შემდეგ აქ გადმოიტანეს ჩუღურეთის სტამბა. ვაეიდა რამდენიმე ხანი და ამხანაგებმა მოინდომეს გადმოეტანათ ბაქოდან დიდი საბეჭდავი მანქანა ც. კ. (რ.ს.დ. მ პ.) სტამბიდან. ეს საქმე მიახდვეს ამხ. ლადო დუმბაძეს, რომელმაც დიდის მოხერხებით ჩამოიტანა ტფილისში აღნიშნული მანქანა და გამართა იგი ახლად აშენებულ სტამბაში.

ამ სტამბაში რეგულიარულად იბეჭდებოდა სამი ორგანო: „ბრძოლა“ ქართულ ენაზე, „ბორბა“ რუსულ ენაზე და „ბანგორი კრივ“ სომხურზე. იბეჭდებოდა აგრეთვე მრავალი ბროშურები სამივე ენაზე. „ახალ გზაზე“, „ობობები და ბუზები“, „რითი სცხოვრობენ ადამიან-

ნები“ დიკშტინისა, მოწოდებები და ფურცლები მთელი ამიერ-კავკასიისათვის.

მთელი მუშაობა სტამბაში დაკისრებული ქონდათ ამხ. ლადო დუმბაძეს (გამგე), მანასე გოგუაძეს, ჭიჭიკო კალანდაძეს, გიგო ლელაშვილს, ვასო ურუშაძეს, ბაბე ლაშაძეს, რომელიც იმავე დიასახლისის როლს ასრულებდა და ტიგრანს.

სტამბამ იმუშავა განუწყვეტლივ 1903-დან 1905 წლამდე (ოქტომბრის მანიფესტამდე) ამის შემდეგ მუშაობა შესწყდა 1 $\frac{1}{2}$ —2 თვით, რადგან ამ ხნის განმავლობაში უკვე ლეგალურათ გამოდიოდა „კავკასკი რაბოჩი“.

მაგრამ გაძლიერდა ისევ რეაქცია და საჭირო შეიქნა არა ლეგალურ პირობებში გადასვლა და ავლაბრის სტამბაში მუშაობის გაჩაღება. ერთი თუ ორი თვის შემდეგ 1906 წ. მოხდა გაერთიანება მენშევიკებთან და რადგან ამ უკანასკნელებს თავისი სტამბა ქონდათ გამართული ქალაქის ცენტრში, მთელი სასტამბო მუშაობა გადატანილ იქნა იქ.


1906 წლის აპრილში ავლაბრის სტამბას ეწვია უბედურება და იგი დაიღუპა.

აი რა პირობებში მოხდა ეს.

1906 წლის იანვარში გაერთიანებულმა საკავშირო კომიტეტმა დაადგინა გამოყოს 6 ამხანაგიდან შემდგარი ჯგუფი პარტიზანულ გამოსვლების მეთოდებისა (ქუჩებში ბარიკადებში ბრძოლის წარმოება და სხ.) და აგრეთვე ასაფეთქებელ მასალების დამზადების შესასწავლად.

ამ ჯგუფში შედიოდა სამი მენშევიკი—სილიბისტრო ჯიბლაძე, კალისტრატე გოგუა და (მესამეს გვარი არ მახსოვს) და სამი ბოლშევიკი (მიხო ბოჭორიძე, ნინა ალაჯაროვისა და ნუშიკ ზავარიანი). იანვრის შუა რიცხვებში ჯგუფი შეუდგა მაცადინოებას სპეციალისტის ხელმძღვანელობით და ორი თვის შემდეგ, როდესაც უკვე შეისწავლა ამ საქმის თეორეტიული მხარე, საჭირო შეიქნა პრაქტიკულ მუშაობაზე გადასვლა (ბომბების, ფუგასების და სხ. დამზადება). გადასწყვეტეს ამ მიზნისათვის გამოეყენებიათ იმ დროს თავისუფალი შენობა ავლაბრის სტამბისა. მთელი ჯგუფი გარდა სილ. ჯიბლაძისა და კ. გოგუასი აქ გადმოვიდა. ამ დროს დიასახლისათ ისევ ბაბე ლაშაძე იყო. სამი კვირის შემდეგ გაჩნდა ბოროტი ადამიანი, ვინმე მუშა ტატუზოვი (მენშევიკი), რომელმაც გასცა ეს საქმე და სტამბა დაიღუპა.

გამხეცებულმა კახაკებმა დაანგრიეს და მიწასთან გაასწორეს სტამბის შენობა და თვით სტამბა კი, რომელიც წარმოადგენდა ამიერ კავკასიის პროლიტარიატის სიამაყეს და რომელიც მრავალწლების განმავლობაში სჭედდა და ავრცელებდა ტანჯულთა შორის რევოლუციურ აზროვნებას—გადაიტანეს ხელმწიფის მოადგილის შტაბში.



ს. თოდროს

## აღიონიდან გათენებამდე.

(პირადი მოგონებები).

თუ რომ პირველი შვილის დაბადებას, და ისიც ვაჟის, სიხარულით და თოფის ცემით შეხედებოდენ გურიაში, რაც უნდა ღარიბი ოჯახი ყოფილიყო—მეხუთე შვილის ყოლა, ცხადია, ვერაფერ დიდ მხიარულებას გამოიწვევდა. მით უმეტეს, რომ ამ მეხუთე შვილის მშობლებს სამი ქცევა მიწის და ერთი ფაცხა სახლის მეტი თუ არაფერი გააჩნდათ. ასეთ ღარიბ ოჯახში დავიბადე მეხუთე შვილათ 1880 წელში.

—ვალმა სთქვა: „ჭუჭრუტანაში შემოვძვრები და კარებში კი ველარ ვავეტევიო“.—ეს სიტყვები ხშირად მსმენია დედაჩემისაგან.

ამიტომ „ვალი“ და „მევალე“ მე წარმოდგენილი მქონდა რაღაც საშინელ ცხოველათ, რომელიც უნდა გაიზრდებოდა, უნდა დაპატარავდებოდა, საჭიროების მიხედვით,—და მუდამ მხოლოთ იმაზე ფიქრობდა, თუ ვის რა ვნება მოუტანოვო!

რადგან დედაჩემის ნუღმივი წუწუნი მევალისა და ვალის შესახებ მეც ძლიერ მაწუხებდა, ამიტომ სულით და გულით მწადდა, როგორმე მივშველებოდი და მომეშორებია თავიდან ეს მავნე ცხოველი.

მაგრამ ეზოში ან სახლში მას ვერსად ვხედავდი. ამიტომ ვფიქრობდი, რომ თუმცა ის ჯერ არ არის შემოსული, მაგრამ მოსალოდნელია ყოველ წუთში მისი შემოძრომა ღობის რომელიმე ჭუჭრუტანიდან მეთქი.

ხშირათ დავდიოდი ღობე-ღობე და ვათვალიერებდი ჭუჭრუტანებს, და თუ სადმე შევამჩნევდი ასეთს,—ამოვლობავდი, ან ქვას მივადებდი ზედ.

ერთ ასეთ მოგზაურობის დროს ეზოს გარშემო, წაეაწყდი ზედ ერთ ცხოველს, რომელიც დაფუყულიყო, დაეყვლიპა თვალები და გაშტერებული შემოძკეროდა. მუცელი მას ებერებ-ეჩუეებოდა, თითქოს არ იცის რა ქნას: გეიბეროს ისე, რომ კარებში ველარ გაეტიოს, თუ დაპატარავდეს ჭუჭრუტანაში გასაძრომათო.



მის დანახვაზე თმა ამებუროძგლა, ტანში ჟრუანტელმა დამიარა, ალბათ ნაცრის ფერიც დამედო. ისე გავშეშვი, რომ აღარ ვიცოდი გავქცეულიყავი, თუ დამეყვირნა.

საშინელი ცხოველიც ალბათ ასეთ მდგომარეობაში ჩავარდა ჩემს დანახვაზე, რადგან ისიც უძრავათ გაშეშებულიყო.

განვლო რამდენიმე წუთმა. გაშტერებულ თვალებს ერთმანეთს წაშითაც კი არ ვაშორებდით.

ბოლოს ცოტათი გონს მოვედი, თმა თავის ადგილას დაეშო, ჟრუანტელმაც გამიარა და ალბათ ფერზედაც მოვედი. ცხადი იყო, რომ ჩემ წინ ვალი ან მევალე იჯდა, მხოლოდ არც ისეთ საშიშროებას წარმოადგენდა, რადგან მანაც არ იცოდა, როგორ მოქცეულიყო: გაზრდილიყო და შემტაკებოდა, თუ დაპატარავებულიყო და გაქცეულიყო ღობის ქუჭრუტანაში. რალაი დავრწმუნდი მის ასეთ გამოურკვეველ მდგომარეობაში, მეც გული მომეცა. თუმცა ცხოველისთვის თვალი არ მომიშორებია, მაგრამ მაინც შევამჩნიე ჩემს გვერდით მდებარე კარგი პრტყელი ქვა.

ხელ-ნელა წავიწიე ქვისაკენ, ფოთხილათ ავიღე ხელში, კარგათ მოვიმარჯვე, თან გასაქცევათაც ფეხი წინ წავდგი: ვინიცობაა ქვა ასცდენოდა და გამომდევნებოდა ვალი—სახლამდის რომ მიმესწრო.

რაც ძალა და ღონე მქონდა მოუქნიე და ვსთხლიშე თავში, თანაც სახლისკენ მოვცოცხე. მაგრამ ჩქარა დავრწმუნდი, რომ უკან არავინ მომსდევდა.

შეეჩერდი; მივიხედ-მოვიხედე, გული მოვიცავი და დავბრუნდი უკან, სანახავათ, თუ რა მოუვიდა საშინელ ცხოველს.

პრტყელი ქვა ისე მარჯვეთ დამერტყა წელზე, რომ მხოლოთ თავი და ოთხივე გაჭიმული ფეხები მოსჩანდა ქვეშიდან.

ჩემი გამარჯვება ცხადი იყო. გათამამებულმა და გაგულადე-ბულმა მოგტეხე მაგარი ჯოხი და ისე გაუჭქქვე თავი, რომ გაცოცხლება ყოვლად შეუძლებელი იყო. ხელათ გაეთხარე იქვე სამარე, ჩავფალი შიგ და ზედ დიდი ქვა დავადე.

ამის შემდეგ მხიარული კრიმანჭულით გავსწიე სახლისაკენ. შინ რომ მივედი, შეკაზმული ცხენი დავინახე სახლის პარმანზე მიბმული. პარმანში კი უცხო კაცი დაიარებოდა წინ და უკან.

ვაფითრებული დედაჩემი შემომხვდა წინ და ხმის კანკალით მითხრა:

—გეიქეცი ყანაში მამაშენთან და უთხარი ამ წუთში მოვიდეს შინ,—მევალე მევიდათქვა!

არ ვიცი, როდის უფრო ცუდათ ვგრძნობი თავს: მაშინ როცა საშინელ ცხოველს,—ბარდის გომბიოს,—პირველათ წავაწყდი რამდენიმე წუთის წინეთ, თუ ეხლა, როცა მევალე ადამიანის სახით წარმო-მიდგა თვალწან!



აი, რანაირათ დაედო მამაჩემს ვალები: ერთ წელიწადს თუ-  
 მე თუთუნები ძალიან კარგ ფასებში გაიყიდა. ამ წელს მამაჩემს ცო-  
 ტა ჰქონდა ნაკეთები და გვარიანათ მოეტბო ხელი მასში აღებული  
 ფულებით. მეორე წლისთვის წაქეზებულებს: მამაჩემსა და ორ ჩემს  
 ბიძას ყანებისთვის სულ მიენებებიათ თავი და მარტო თუთუნის კე-  
 თებისთვის მოეკიდნათ ხელი. აელოთ მიწები სანახევროთ დასამუ-  
 შავებლათ მეზობელ ლარიბ ახნაურებისაგან და დაეთესათ თუთუნი.  
 მაგრამ ფასები ისეთ მდგომარეობაში ჩავარდნილიყო ამ წელს, რომ  
 არა თუ მარტო მამაჩემს და ბიძებს, არამედ მთელ რიგ გლეხებს, ვი-  
 საც კი თუთუნის კეთებისათვის მოეკიდნა ხელი, არ მოესურვებიათ  
 გაყიდვა ასეთ მცირე ფასში. მეორე წელს ფასებს არ მომატებოდა,  
 თუთუნის წონა კი გახმობის გამო ბევრათ დაკლებულიყო. თან სარჩო  
 მჭადი და ლობიო საყიდელი ჰქონდათ. ამიტონ იძულებული გამხდა-  
 რიყვენ გაეყიდათ თუთუნი თითქმის მექათათ და მჭადის ყიდვაში  
 აღებული ვალი ვერც კი გაესწორებიათ თუთუნში აღებული ფასით.

ეს ვალი კი იზრდებოდა წლიდან წლამდე, რადგან ნამთავნი-  
 მანეთზე აბაზი წელიწადში-ზედ ემატებოდა.

ეს სიღარიბე უმწვერვალესამდე იყო ასული იმ დროს, როდეს-  
 საც მე სოფლის სასწავლებელში შევედი. მახსოვს, რომ დედაჩემი  
 სადილის დასამზადებლათ, მარილის უქონლობის გამო, ხმარობდა  
 ცხენის მარილს, რომელიც დარჩენილიყო ერთხელ ცხენის ყოლის  
 დროიდან.

სასწავლებელში სიარული არ მიყვარდა პირველისავე დღიდან  
 და აი რატომ: წერა-კითხვა სახლში მასწავლა უფროსმა ძმამ. დედა-  
 ენა და ბუნების კარი შინ მქონდა წაკითხული. სასწავლებელში ინა-  
 ვე წიგნების კითხვა ღამაწყებდეს ისევ და რადგან ყველაფერი ეს  
 უკვე ვიცოდი, ამიტომ აღარც ხალისი მქონდა და თვით მასწავლე-  
 ბელიც აღარაფერს მეკათხებოდა. ამას ზედ დაერთო კიდევ ზოგი  
 პატარა ებიზოდი, რომლებმაც თითქმის შემაძულა სკოლაში სიარუ-  
 ლი. მაგალითად, ერთხელ, საღმრთო სჯულის გაკვეთილების დროს,  
 მომივიდა თავში აზრი შეეკითხებოდი მასწავლებელს შემდეგს: ადამსა  
 და ევას ჰყავდათ ორი შვილი — კაინი და აბელი. კაინმა მოჰკლა აბე-  
 ლი. შემდეგ მიეცათ მესამე შვილი — სეთი. ესენი გამრავლდნენ. საი-  
 დან იმოვნეს მათ ცოლები, როდესაც ქვეყანაზე სხვა ადამიანები  
 არავინ სცხოვრობდნენ მეთქი. ამ შეკითხვისთვის მასწავლებელმა კარ-  
 გა ამიწითლა ყურები, ხელებზე ტყავი ამაძრო სახაზავის ცემით და  
 თმა ამჭიჩა. პასუხი კი არაფერი მოუცია. ერთხელ მოსწავლეები ცუ-  
 დათ კითხულობდნენ რალაც გაკვეთილს დედა-ენიდან. მასწავლებელმა  
 მითხრა მე წამეკითხა მოთხრობა „გვრიტი“ და მეჩვენებია მაგალი-  
 თი სხვებისთვის, თუ როგორ უნდა წაკითხვა.





მე ავიღე ჩემი ძველი დედა ენა, ჩემი ძმის ნაქონი და დავიწვე კითხვა. ჩავედი იმ ადგილზე, სადაც ეწერა: „გლეხი გარეთ გამოვარდა. აქ კარებში ატუხულმა ვირმა ლაზათიანი წიხლი **სდრუხა**“... ამ სიტყვებზე შეიქნა სკოლაში ბავშვების საერთო სიცილი. საქმე იმაში იყო, რომ სხვების ახალ გამოცემულ დედა-ენაში ეწერა „ვირმა წიხლი ჰკრა“, ჩემსაში კი — „სდრუხა“...

ამაზედაც გვარიანათ მიმბეგვა მასწავლებელმა, რატომ ახალი გამოცემა არ გაქვსო.

თხოულობდა აგრეთვე მასწავლებელი ჩემგან, რომ რვეული ან ქალაღი მეყიდნა და არა მარტო დაფზე მეწერა. მახსოვს, ერთხელ დედამ გამაგზავნა დუქნებზე ნავთის და საპონის საყიდლად. მედუქნემ, რომ შემდეგშიდაც მასთან და არა სხვებთან მივსულიყავი სავაჭროთ, მომცა კამფეტი საჩუქრათ. მე კი დაუბრუნე უკან კამფეტი და ერთი ფურცელი საწერი ქალაღი ვსთხოვე სამაგიეროთ. გაკვირვებულმა მედუქნემ, როცა გამომკითხა, თუ რათ მინდოდა ქალაღი, — კამფეტიც მომცა და ერთის მაგიერ სამი ფურცელი ქალაღი მაჩუქა. ჩემს სიხარულს საზღვარი აღარ ჰქონდა, მაგრამ გზაში უბედურება მეწია. დაუშვა ისეთმა კოკისპირულმა წვიმამ, რომ მთლათ გამატანა ყველაფერში და ისე დამისველა ქალაღი, რომ აღარაფრათ გამოდგებოდა.

ერთხელ დიდი მარხვის პირველ კვირაში წაგვიყვანეს ეკლესიაზე საზიარებლათ. ეკლესიის შენობა პატარა იყო და ყველა მოსწავლეები მლოცველებთან ერთად ვერ ვეტეოდით შიგ. ამიტომ რამდენიმე ბავშვი შეგვიყვანეს საკურთხეველში და მღვდლის მარჯვნივ და მარცხნივ დავაყენეს კუთხეში. მე მომეხასიათა ერთი ჯგუფიდან მეორე ჯგუფში გადასვლა, გაურბინე უკან ხუცესს და შეუერთდი მეორე ჯგუფს, მაგრამ მომიძახეს იქედან აქედან მღვდელმა, დიაკონმა, მესაკეცხლურემ და ზოგმა მოწაუეებმაც, მტაცეს ხელი და გამარბენინეს ისევე უკან წინანდელ ადგილზე იმავე გზით. თურმე აღსავლის კარებსა და მღვდლის ტრაპეზის შორის გარება აკრძალული ყოფილიყო. მე კი, იმის მაგიერ, რომ შემენანებია ასეთი აკრძალული წესის დარღვევა, პირიქით შევედავე მღვდელს და დიაკონს: თუ გარება აკრძალულია — მე ერთხელ გევიარე და თქვენ კი მეორეჯერაც იქვე რატომ გამატარეთ მეთქი.

ამისათვისაც ამისრისა ყურები მასწავლებელმა წირვის გათავების შემდეგ.

თავი და თავი მიზეზი შკოლის შეძლების კი ის იყო, რომ სასწავლო გადასახადი, — სამი მანეთი წელიწადში, არც ჩემს ძმას ჰქონდა შეტანილი, რომელსაც უკვე გათავებული ქონდა შკოლა, და არც მე, რასაც ყოველ ცისმარე დღე მეჩიჩინებოდა მასწავლებელი

და მთხოვდა მოტანას. მაგრამ ისე გავათავე, ძალაუნებურათ, სასწავლებელი, რომ არც ჩემი და არც ჩემი ძმის სასწავლო გადასახადი არ შეგვიტანია მესამედიც კი.

თორმეტი თუ ცამეტი წლის ვიქნებოდი, როდესაც წამოვედი სახლიდან „ფულის საშუარათ“.

ჭიათურის რკინის გზა ჯერ არ იყო დამთავრებული და შავი ქვის გადაზიდვა ურმებით და ცხენებით სწარმოებდა ზესტაფონამდე.

ზესტაფონაში სასტუმროში მსახურებდა ჩემი უფროსი ძმა, რომელთანაც მივედი და დავდექი მოსამსახურეთ მეც. რამდენიმე ხნის შემდეგ ეს სასტუმრო პატრონმა გაჰყიდა, თითონ გადავიდა კერძო ბინაზე და ახალი რამე საქმის დაწყების მოლოდინში მეც თან წამიყვანა, ჩემი ძმა კი დარჩა ახალ სასტუმროს პატრონებთან.

აქ, ამ კერძო ბინაზე, ჩვენს გარდა სცხოვრობდა ადგილობრივი სასწავლებელის მასწავლებელი—წერეთელი, რომელსაც ოთახში ბევრი წიგნები ეწყო. მე თავისუფალ დროს ვკითხულობდი ამ წიგნებს. შემამჩნია რა მასწავლებელმა ჩემი ასეთი წიგნების კითხვის ხალისი, ცოტა გამოცდასავით გამიკეთა, რითაც კმაყოფილი დარჩა. შემდეგ მან მოელაპარაკა ჩემს ძმას, რომ მივებარებოდე მე მისთვის და ის იკისრებდა ჩემს სახელმწიფო ხარჯზე სასწავლებელში გამოზრდას, რის შემდეგაც მე შემეძლებოდა რაიმე სახელმწიფო სამსახურში შესვლა.

ამაზე ჩემი ძმა არ დათანხმდა, რადგანაც ჩვენ სოფლიდან ვიყავით წამოსული იმ განზრახვით, რომ ცოტა ფულები გვეშოვნა და გავვეზაუნა სახლში დედამამისთვის ვალების გადასახდელათ და ორი დის გასათხოვ-გასამზიებლათ.

ამის შემდეგ, რადგან ჩემმა ხაზინმა ვერაფერ საქმეს ვერ მოჰკიდა ხელი და სასტუმროში აღებული ფული ნელ-ნელა შემოვიღია, ამიტომ ჩემმა ძმამ იწყო ჩემთვის ახალი ალაგის ძებნა. ასეთი იპოვნა შავი ქვის წვრილი მწარმოებელი და მემამულე თავადი სანდრო აბაშიძე, რომელმაც წამიყვანა თავის სასახლეში სოფ. სვირში.

ეს ერთ დროს შეძლებული თავადის დავით აბაშიძის ოჯახი ცხოვრობდა ეხლა ღარიბათ, მაგრამ გარეგნულ ბრწყინვალეების შენარჩუნებას მაინც ცდილობდა. მოჯამაგირე ოსები, მოსამსახურე გოგო და ბიჭი, მეძებარი და მწვევარი ძაღლები, მიმინო, ცხენები—ყველა ეს შეადგენდა თავადის აუცილებელ მოთხოვნილებას, მიუხედავად იმისა, რომ ძლივსძლიობით შოულობდა ბანკში შესატან პროცენტების ფულს დაგირავებული მამულის საჯაროთ გაყიდვისგან გადასარჩენათ.

ძველი ჩვეულების შენარჩუნებასთან ეს ოჯახი არ იყო მოკლებული ახალი დროის ზეგავლენასაც. აქ მე გავეცანი ქართულ თანამედროვე ლიტერატურასთან ერთად ჟურნალ-გაზეთებსაც. „კვალის“



და „ივერიის“ ნომრები მოდიოდა აბაშიძეს და მე, რადგან თავისუფალი დრო ბევრი მქონდა, ვკითხულობდი მათ. აქვე წავიკითხე ვეფხისტყაოსანი, თამარიანი, აკაკის და ილიას ნაწარმოებები და სხვა.

აბაშიძის ოჯახში გატარებული წელიწად ნახევარი არის ჩემი სიყმაწვილის საუკეთესო ხანა. მაგრამ, რადგან აბაშიძეს არ ჰქონდა იმდენი შეძლება, რომ ჩემთვის, რომელიც თითქმის არავითარ საქმირობას არ წარმოვადგენდი ოჯახში, გარდა იმისა, რომ ხანდახან სანადიროთ გავყოლოდი ან ჩაქურაში გამოწყობილი ვხლებოდი საღმრესტუმრობის დროს. — ჯამაგირი ეძლია, ამიტომ ჩემმა ძმამ წამიყვანა ისევ უკან ზესტაფონში. აქ მას ეხლა თითონ ქონდა არენდათ აღებული პატარა სასტუმრო, სადაც მე გამაწესა მოსამსახურეთ. აბაშიძის ოჯახში შედარებით საინტერესოთ გატარებულ წელიწად ნახევარის შემდეგ ჩემთვის ვერაფერი სასიამოვნო საქმე იყო სასტუმროში მოსამსახურეობის როლი. წაკითხულ წიგნებს და ჟურნალ გაზეთებს უკვე საკმაო გავლენა ჰქონდათ ჩემზე მოხდენილი და ამიტომ ვერ ურიგდებოდი სასტუმროში ადამიანის ღირსების ყოვლად დამამცირებელ სამსახურს.

ჩემმა ძმამ შემატყო, რომ მე ვეღარ გამოვდგებოდი მის დამხმარეთ და არჩია ჩემი სოფელში გაგზავნა. ცოტა ხანს დავჩი სახლში, მაგრამ იქ ჩემი ყოფნა შეუძლებელი იყო, — ერთი რომ მამაჩემს მიწაცოტა ჰქონდა და თითონაც არ ყოფნიდა მარტო დისამუშევრლათ: მეორე — არც მე მიწოდდა სოფელში მიწის მუშა გლეხი გამხდარვიყავი. ვარჩიე ისევ მეორე ძმასთან ქიათურაში წასვლა, სადაც უკვე გაყვანილი იყო რკინის გზა და სადაც ის მსახურებდა ტელეგრაფისტათ.

ქიათურაში მე მოვკიდე ხელი ტელეგრაფის ხელობის შესწავლას და იმავე დროს ვმსახურობდი უფროს ტელეგრაფისტის ოჯახში ხელზე მოსამსახურეთ. როცა რკინის გზის გაყვანა სრულებით დამთავრდა, ის გადავიდა რკინის გზის საერთო სამმართველოს განკარგულებაში. ყველა მოსამსახურეებს გამოუძახეს ტფილისში და მოსთხოვეს ეგზამენის ჩაბარება. ეგზამენებში ჩემი ძმა ჩაიჭრა რუსული წერაკითხვის საკმაოთ უცოდინარობის გამო. ამის შემდეგ ჩემს ტელეგრაფის შესწავლას ანგარიში აღარ ჰქონდა, რადგან რუსული წერაკითხვა მე მასზე უფრო ცუდათ ვიცოდი.

მივანებე თავი ტელეგრაფზე სწავლას და გადავედი ბღვილობრივ სამკითხველო-ბიბლიოთეკაში გამგეთ.

ეს იქნებოდა ათას რვაას ოთხმოცდა ოთხმეტში თუ თუთხმეტში (1894 — 5). ბიბლიოთეკა — სამკითხველო იყო დაარსებული ქიათურაში შავი ქვის წარმოებაში დაბანდებულ მოსამსახურე ინტე-



ლიგენტთა მიერ. ესენი იყვნენ „მესამე დასელები“: თედო კიკვაძე, ერ-  
 კიწმარიშვილი, კარპე მოღებაძე, გ. დეკანოზიშვილი და სხვა. სამკით-  
 ხველოში მე შეუღდექი აბაშიძისგან წამოსვლის შემდეგ შეწყვეტილ  
 წიგნებისა და ჟურნალ-გაზეთების კითხვას. ამ დროს სწარმოებდა  
 საბერძნეთ-ოსმალეთის ომი, რაც კიდევ უფრო მახალისებდა გაზე-  
 თების კითხვას. ჩემი სიმპატია, რა თქმა უნდა, საბერძნეთისკენ იყო,  
 რადგან ოსმალეთის მიმართ ანტიპატია ბავშვობიდანვე სხვა და სხვა  
 საწინელ ამბების მოთხრობებთან ერთად თანმეზრდებოდა სისხლ-  
 ხორცში.

ის გარემოება, რომ რუსული წერა კიოხვის სათანადო უცოდინ-  
 ნარობის გამო ტელეგრაფისტობისთვის თავი უნდა მიმენებებია, მაი-  
 ძულებდა რუსული წიგნების კითხვისთვის მომეკიდნა ხელი, რათა  
 შემესწავლა ეს ცხოვრებაში საჭირო ენა. ვკითხულობდი უსისტემოთ,  
 რაც კი მომხვდებოდა ხელში, — უფრო მოთხრობებს, რასაკვირველია.  
 იმავე დროს თვალ-ყურს ვადევნებდი „კვალს“, „ივერიას“ და ახლად  
 გამოსულ „ცნობის ფურცელს“. სერიოზული კამათი ამ სამი მიმარ-  
 თულების ჟურნალ-გაზეთებს შორის — მესამე დასელების „კვალი“,  
 ნაციონალ-დემოკრატების „ივერია“ და ფედერალისტების „ცნობის  
 ფურცელი“, — არ მახსოვს. მახსოვს მხოლოდ ის, რომ დიდხანს კამათობ-  
 დენ იმაზე, თუ რომელი უფრო წმინდა ქართულია: „ჩქერი“, თუ  
 „ჩანჩქერი“, ან და, „აღვიარებ“, თუ „აღიარებ“. გძელი წერილები  
 იბეჭდებოდა ასეთ სულ წვრილმან უბრალო რამეებზე და სერიოზული  
 საზოგადო მოღვაწენი თავგამოდებით იტყავდნენ თავიანთ პოზიციებს.

ყოველ შემთხვევაში, ჩემი სრული თანაგრძნობა „კვალის“ მი-  
 მართ იყო, შეიძლება იმიტომ, რომ იქ იბეჭდებოდა ამ დროს სახუ-  
 მარო-გასართობი „დარისპანის და გოჯასპირის“ ერთმანეთში მუსაი-  
 ფის სახით. ეს იუმორისტული მოთხრობები იპყრობდნენ ჩემს ყურად-  
 ლებას ყველაზე უფრო მეტათ. გარდა ამისა, ვიცოდი, რომ ჩემი ბიბ-  
 ლიოთეკა-სამკითხველოს დამაარსებელი „მესამე დასელები“ ეკუთვნო-  
 დნ „კვალის“ მიმართულებას; აგრეთვე ისიც მქონდა გავიანილი,  
 რომ სილ. ჯიბლაძე, ჩემი დედიდისშვილი, „დასელი“ იყო და ნათე-  
 საური გრძნობაც ალბათ მიზიდავდა აქეთკენ.

სამკითხველოში დავყავი წელიწადზე მეტი, დავრჩებოდი კიდევ  
 დიდხანს, მაგრამ ამ დროს მოხდა ისეთი შემთხვევა, რამაც გამოი-  
 წვია სამკითხველოს დახურვა.

ადგილობრივი ბოქაული, გარუსებული ქართველი არდიშვილი.  
 კაი ხანია კბილებს იღესავდა სამკითხველოზე, მაგრამ ადგილობრივ  
 ინტელიგენციას საშვალეა ჰქონდა არდიშვილის დების საშვალეებით  
 ეხსნათ სამკითხველო დახურვისგან. მაგრამ, ნათქვამია, კოკა ყოველ-  
 თვის წყალს არ მოიტანსო. ასეთმა მფარველობამ ბოქაულის დებისან



ვერ დაიფარა სამკითხველო დახურვისაგან. ერთხელ ერთმა მოწაფემ წაიღო წიგნი და აღარ დააბრუნა უკან. როდესაც მეორეთ მოვიდა წიგნის წასაღებათ, მე მოვსთხოვე წაღებულის მოტანა, რაზედაც უარი განაცხადა. მე წავართვი ყაბალახი და დავეჭადნე, სანამ წიგნს არ მოიტან, მანამ ყაბალახს ვერ მიიღებ-მეთქი. მოსწავლე წასულიყო ბოქაულთან საჩივლელათ. იშოვნა რა მიზეზი არდიშვილმა, თითონ მოვიდა სამკითხველოში და დამიწყო უკმეხათ ლაპარაკი. უკმეხ სიტყვებზე მეც უკმეხათ უპასუხე. ყაბალახი დამაბრუნებია მოსწავლისთვის და მიბრძანა წავყოლოდი საბოქაულლოში. მე უარი განუცხადე წავოლაზე იაკინთე მოდებამის, სახლის პატრონის ჩავონებით. ბოქაული წავიდა და ჩაფრები გამოგზავნა ჩემს წასაყვანათ. იმავე ი. მოდებამის ჩავონებით მე არც ჩაფრებს გავყევი და მოვთხოვე ბოქაულის მოწერილობა. ჩაფრები წავიდნენ და აღარ მობრუნებულან. მაგრამ გაბრაზებულმა ბოქაულმა მაინც თავისი გაიტანა: დაიბარა სამკითხველოს გამგეობის წევრები და წინადადება მისცა, საჩქაროთ დაეხურათ სამკითხველო თავისი ნებით, თორემ უსიამოვნება შეემთხვეოდათ ამის გამო.

მესამე დასელი ხერხემალ-რბილი ინტელიგენცია იძულებული იყო დამორჩილებოდა ბოქაულის ბრძანებას და სამკითხველო დახურულ იქმნა.

მე დავრჩი უადგილოთ. ჩემი ძმაც ამ ხანათ უსქმოთ იყო. ტელეგრაფისტობიდან გადაყენების შემდეგ ერთხანს ის მემისრეთ იყო, მაგრამ როცა შეატყო, რომ არაფერი ხეირი გამოვიდოდა, — მიანება თავი და შავი ქვის მწონელათ დადგა, სადაც დიდხანს ვერ გასტანა. როგორც გამოუცდელმა წონის მახინაცებში და ჩალვადრების მოტყუილებაში, რასაც ფართო ადგილი ჰქონდა.

ჩემმა ძმამ წინადადება მომცა, რომ დავვეწყო ერთათ მუშაობა მალაროში, რაზედაც მე უარი განვაცხადე, დავსტოვე ქიათურა. ცოტა ხანს დაგყავი სოფელში და შემდეგ წავედი ბათუმში.

აქ დავდექი კბილის ექიმთან, — თან კბილის ტექნიკას ვსწავლობდი და თან ხელზე ვემსახურებოდი. მაგრამ მე და ექიმი ჩქარა წავიჩხუბეთ გაზეთის კითხვის გულიზა.

თავისუფალ დროს მე გაზეთის კითხვას ვანდომებდი, მას კი სურდა მუდამ ტილოთ ხელში ავეჯეულობიდან მტვერი მეწმინდა, სულერთია, იქნებოდა მტვერი ზეთ, თუ არა.

რამდენათაც მახსოვს, ამ დროს დრეიფუსის საქმე ირჩეოდა საფრანგეთში და გაზეთები დიდ ინტერესს წარმოადგენდა.

დამიშალა რა გაზეთის კითხვა ხაზინმა, მივახიე გაზეთის ფურცელი სახეში და მივატოვე სამსახური. დავრჩი რა უადგილოთ, ნიკო ჯაყელის ბათუმის სამოქალაქო სასწავლებლის მასწავლებლის



საშვალებით გავმართე მოლაპარაკება სტამბის პატრონ კოწიაშვილთან, რათა მიველე სტამბაში ასოთ-ამწყობის შავირდათ. კოწიამ სამი წლის უჯამაგიროთ შეგირდობა მომთხოვა. ეს მე არ ექენი და გავმართე ისევ პირადათ მოლაპარაკება მეორე სტამბის პატრონ გურსკაიას ქალთან, რომელმაც ამიყენა უჯამაგირო შევირდათ ექვსი თვის ვადით.

მე დავთანხმდი, — ცოტა ფული მქონდა ექიმთან სამსახურის შემდეგ, ცოტა ჩემმა ძმამ გამოპიგზავნა ქიათურიდან, რომელიც ახლა ქვის წარმოებას ეწეოდა, და ანაირათ მოვკიდე ხელი მუშაობას.

ისეთი ერთგულობა და გამსჯელობა გამოვიჩინე, რომ ექვსი თვის მაგაერ — სამი თვის შემდეგ დამინიშნა ჯამაგირი გურსკაიას ქალმა, და არა ერთი თუმანი თვეში, როგორც დაპირება იყო წინეთ-არამედ თორმეტი მანეთი.

როდესაც რამდენიმეთ შევისწავლე ასოთ-ამწყობობა, მოვინდომე საბეჭდავ მანქანაზე მუშაობის შესწავლაც, რისთვისაც ვადავედი იქვე საბეჭდავ მანქანაზე, მიუხედავათ იმისა, რომ ასოთ-ამწყობათ მეტ ჯამაგირს მპირდებოდენ, მანქანაზე იმავე თორმეტ მანეთად ვამჯობინე დარჩენა. ჩქარა ეს ხელობაც შევისწავლე საკმაოთ და ჯამაგირსაც ერთი ორათ ვღებულობდი ცოტა ხნის შემდეგ.

მიხედვოდა შავრაზმულ გაზეთის „Черноморский Вестник“-ის ბეჭდვა, რომელიც გამოდიოდა ვინმე ყოფილი ოპერეტული მომღერალი პალმის რედაქტორობით. ბევრი შავრაზმელი გაზეთი მინახავს და წამიკითხავს შემდეგში, მარა ასეთი პირწაშვებული არ შემხვედრია. ერთხელ შეტაკებაც — სიტყვიერი, რა თქმა უნდა, მომიხდა რედაქტოროთან ერობის შესახებ, რომლის წინააღმდეგ ის ილაშქრებდა.

1900 წელში ადგილობრივი მესამე დასელები, — კ. ჩხეიძე, ისრაშიშვილი, ევგენია სოლორაშვილის ქალი და სხვ. აწყობდენ საკვირაო შკოლებს მუშებისთვის, სადაც კითხულობდენ ლექციებს ბუნების მეტყველებაზე, ისტორიაზე და აგრეთვე წერა-კითხვასაც ასწავლიდენ უცოდინარეებს.

ასეთ ლექციებს დავესწარი მეც ქართულ შკოლაში მ. ორმოცაძესა, მ. წულაძესა, გ. თავართქილაძესა და კიდევ რამდენიმე მოწინავე მუშასთან ერთად. ამავე წელში დაიწყო სხვა და სხვა დარგის მუშების ერთმანეთში შეკავშირება ერთნაირი თავისებური მოვლენით: შაფათ სალამოობით, ან კვირაობით შევიყრიდით თავს, მოვაგროვებდით ერთმანეთში ფსონს და წავიდოდით სარდაფში სადილის ან ვახშმის საკმელათ. თუმცა ამ ვახშმებზე სადღეგრძელო ბევრი ითქმებოდა, მაგრამ მუშათა მოძრაობის შესახებ კი ჯერ არაფერი გამოსტეიოდა. შიგ. ხან და ხან უფრო სამშობლოს



თავისუფლებასზე თუ ვინმე წარმოსთქვამდა მხურვალე სიტყვას. კვირაობითვე იმართებოდა ქალაქ გარეთ ცეკვა და ბურთის თამაში. აი, ეს საერთო ვახშმები და ცეკვა-ბურთაობა გადაიქცა შემდეგ წრეების თავმოსაყრელ ნიადაგათ. იმ დროს, როდესაც ახალგაზრდა გოგო-ბიჭები ბუქნას უვლიდნენ და უქმე დღეზე დასვენების მაგიერ კიდევ უფრო იღლებოდნენ, გაღარჩეული ჯგუფი მუშებისა იქვე მახლობლათ გუმრალაში მუშათა მოძრაობის საკითხზე ვმსჯელობდით და ორიოდვე გექტორაფზე გადაბეჭდილ ბროშიურას ვკითხულობდით, 1901 წელს კი ერთ ასეთ ვახშამზე შემდეგნაირათ მოგვიხდა პირველი მაისის დღესასწაულის გადახდა

პირველი მაისის წინა ღამის ცხრა თუ ათი საათი იქნებოდა.

ნორიაში ერთი სამიკიტნო დუქანის უკანა ოთახში, ყოველივე წინასწარ სიფრთხილის დაცვით, თავი მოვიყარეთ რვამ, თუ ათმა სხვა და სხვა ქარხნებში და სტამბებში მომუშავე მუშამ.

შეუყვეთეთ ვახშამი და მის მოტანამდის ერთმანეთში ხმა დაბლა ბაასი გავაბით.

ერთმა ჩვენგანმა ამოაძვრინა ჩექმების ყელიდან სამაისო არალეგალური გაზეთის ნომერი.

ყველამ მისკენ მივიჩოჩეთ და დაუწყეთ გაფაციცებით თვალღერება გაზეთს.

საერთო ჩუმი სიცილი გამოიწვია გაზეთის ბოლოში წარწერამ: „ნება დართულია ცენზურისაგან“ და „სტამბა ეძებ“. რა თქმა უნდა, ერთიც და მეორეც მოგონილი იყო.

მოსანსახურის შემოსვლაზე გაზეთი სტოლ ქვეშ მიიმალა და მის მაგიერ დემონსტრატიულათ „შავი ზღვის მოამბე“ ადგილობრივი შავრაზმული გაზეთის ფურცელი აშრიალდა მაგიდაზე.

როდესაც მოსამსახურემ სუფრა გაშალა და მოიტანა, რაც მოსატანი იყო, ოთახი დასტოვა და ჩვენ შეუდექით თან ვახშმობას, თან სამაისო არალეგალურ გაზეთის კითხვას.

არ გავუვლია რამდენიმე წუთს, რომ გვერდის ოთახიდან ხმაურობა მოისმა.

ჩვენ ყურები ვცქვიტეთ.

ოთახიდან რამდენიმე კაცის რუსულად ლაპარაკი მკაფიოთ მოისმოდა.

ერთი ჩვენგანი გავიდა ამბავის გასაგებათ გარეთ, მაგრამ იმ წუთშივე უკანვე შემოიბრინა გაფითრებულმა.

მან მოგვითანა საზარელი ამბავი, რომ გვერდის ოთახში ჟანდარმები არიანო.

ამის გაგონებაზე ყველას ცივმა ოფლმა დაგვასხა და პირში ლუქმა შეგვრჩია.

ვაზეთის ფურცელი იმ წუთშივე ჩექმის ყელში მოექცა.

ვითომ გარეგნული სიმშვიდით ჭამას მიუყვებით ხელი იმის მოლოდინში, რომ საცაა გაიღება კარები და შემოცვივიან ჟანდარმები ჩვენს გასაჩხრეკათ და დასატუსაღებლათ.

გაპარვა ყველას შეუძლებლათ მიგვაჩნდა, რადგან გვერდის ოთახი სწორეთ გასაგლეხი გზის მხრით იყო.

გადიოდნენ წუთები, მაგრამ ჟანდარმები არ შემოდისოდნენ.

ჩქარა მათი ოთახიდანაც საინების და კიქა ბოთლების წკარუნნი შემოისმა.

ამ გარემოებამ ცოტათ დაგვამშვიდა, მაგრამ მაინც მეტათ ცუდ გუნებაზე ვიყავით.

ბოლოს დავრწმუნდით, რომ ჟანდარმების მოსვლას არ ჰქონდა პირდაპირ მიზნათ ჩვენი დატუსაღება.

ვითომ სიმღერის შემოძახებაც ვცადეთ, მაგრამ ყველას ხმა ჩახლენილი გამოგვაჩნდა.

ამ დროს უეცრათ კარები გაიღო და ოთახში შემოვიდა აცლასუდა ჟანდარმი. მის დანახვაზე ყველას ფერი გვეცვალა და ხეზე წამოვიწიეთ. მაგრამ ჟანდარმმა ბოდიში წაილულულა და ისევ გაბრუნდა უკან.

ალბათ გარეთ ვავიდა საჭიროებისათვის და კარები შეეცვალა. მაგრამ ჩვენ კი ჩვენი დაგვემართა!

ამის შემდეგ უგემურზე უგემურათ წავეყლაპეთ ვახშამი და საჩქაროთ დავიშალენით.

„ჟანდარმები“, რომლებიც აღმოჩნდნენ უბრალო ჯარის კაცები, მადიანათ განაგრძობდნენ სმა-ჭამას და ჩვენი დარდი ალბათ არც კი ჰქონდათ.

ამნაირათ უხეიროთ ჩატარდა ჩვენი პირველი მაისის პირველი დღესასწაული!...

ამავე 1901 წელს მოხდა ასოთ-ამწყობების გაფიცვა გაზ. „Чер Берт“, რომელშიდაც მივიღე მე მონაწილეობა და აგრეთვე მოვინათლე აქტიური რევოლიუციონერის მირონცხებით.

მეტათ მიმივე პირობებში უხდებოდათ მუშაობა ასოთ ამწყობებს. სამუშაო დრო განსაზღვრული არ იყო. ხშირათ დილის შვიდი საათიდან საღამოს 10-11 საათამდი მუშაობდნენ, სადილისთვის ერთი საათის შესვენებით. ვაზეთს განსაზღვრული შტატი აწყობდა და თუ ვინმე დააკლდებოდა ავთამყოფობით, ან სხვა მიზეზით, დანარჩენებს უხდებოდათ ზედმეტი მუშაობა უსასყიდლოთ. იყო შემთხვევები მუშაობის დროს გულის შეწყუხებისა დაქანცულობისგან. იყო თუ არა გარედან რაიმე გაფიცვის გამოიწვევი გავლენა არ ვიცი, როგორც ლ. დუმბაძე იხსენიებს თავის მოგონებაში. მახსოვს მხოლოთ, რომ



ერთი გაზეთზე მომუშავე ასოთ-ამწყობი წავიდა სოფელში დღის ავთმყოფობის გამო. სამაგიერო კაცი მოსთხოვეს ასოთ-ამწყობებმა ხაზეიკას, მაგრამ მან არ მოისურვა აქციდენციის სამუშაოდან გაზეთზე ასოთ-ამწყობის გადაყვანა, თუმცა ეს სულ ადვილი მოსახერხებელი იყო. ამის გამო მუშებმა მიატოვეს გაზეთის წყობა. მიუხედავად იმისა, რომ მე საბეჭდავ მანქანაზე ვმუშაობდი და ამტყდარი კონფლიქტი მე პირადათ არ მეხებოდა—შეუერთდი გაფიცულებს.

თუ რამდენათ სტიქიური და შეუგნებელი იყო გაფიცვა, ეს სჩანს შემდეგი მისი მიმდინარეობიდან: გაფიცულებმა გამოვედით თუ არა სტამბიდან, გავემართეთ პოლიცემისტერის სამმართველოსკენ, რომ აგვეხსნა პოლიცემისტერისთვის ჩვენი გაფიცვის მიზეზი და თავი გვემართლებია.

როდესაც მივედით სამმართველოში, ის უკვე გაფრთხილებული იყო ალბათ გურსკაიასა და პალმისაგან ტელეფონით, ამიტომ მან არ მიგვიღო და გვაცდია კარიდორში. ამ ხანათ მოვიდა გურსკაია და პირდაპირ მოუხსენებლათ შევიდა პოლიცემისტერთან. მისი გამოსვლის შემდეგ დაგვიძახა ჩვენ პოლიცემისტერის თანაშემწე კურდიუმოვმა და შესვლისთანავე ფეხების ბაკუნით, „ლორების“ და „ვირების“ ძახილით შეგვეგება. ასეთ შეხვედრას პირველმა მე გაუწიე წინააღმდეგობა და დაუწყე მტკიცება, რომ ჩვენ ლორები და ვირები არა ვართ. საპასუხოდ კურდიუმოვმა შარი მომდო, თუ როგორ ბედავ ყვირილს და ხელების ქნევას იქ, სადაც ჰკიდია მისი უდიდებულესობის იმპერატორის სურათითა და გამგზავნა „ჩუღანში“. აქედან გადამგზავნეს საბოქაულოს ნაწილში საიდანაც ჩვენების ჩამორთმევას შემდეგ დამაკავეს რამდენიმე საათი და საღამოზე გამომიშვეს.

ჩემს დატუსაღებას მეტად მძიმე შთაბეჭდილება მოეხდინა ბიჭებზე, თან კურდიუმოვი დაქაღნებოდათ—ოცდა ოთხ საათში ვაგზავნით აქედანო. როდესაც მე მნახეს გამოშვებული გადასწყვიტეს, რომ არც ისე საშიშროთ ყოფილა საქმე და გული მოეცათ. სტამბაში კი ამ დროს გაზეთი იწყობოდა დარჩენილი აქციდენციის მომუშავეების საშვალბით. ჯერ ერთი კაცი არ უნდოდა მოეცა გურსკაიას გაზეთისთვის, ეხლა კი მთელი შტატი გადაიყვანა გაზეთზე და გამოუშვა მაინც აუარებელი ძველი აწყობილი განცხადებების მოთავსებით. აგრეთვე მეორე და მესამე დღეს. შემდეგ ჩამოვიდა სოფლიდან ასოთ ამწყობი მ. ნოდია, რომლის გულისთვის დაიწყო ეს გაფიცვა და ბიძა მისი მღვდელი ჩხიკვაძის ზეგავლენით დაიწყო მუშაობა, ამ გარემოებამ ვააუარესა ჩვენი მდგომარეობა, გაზეთი თუმცა დიდი დაბრკოლებით, მაგრამ მაინც გამოდიოდა. ამ დროს მოვიდა ჩემთან ნ. ჩიჩუა, ბათომის საავთმყოფოს ფერშალი და წინადადება მომცა, რომ თუ გაზეთის გამოცვლას შევაჩერებდით რო-



გორმე ერთი კვირით მაინც, შესაძლებელი იქნებოდა ხუთას მანეთამდელი ფულის შოვნა ამ მიზნისთვის და თან გადმომცა იქვე თორმეტი მანეთი აუცილებელ საჩქარო საჭიროებისთვის, - დანარჩენის მოცემას შემპირდა საჭიროებისამებრ.

ამ დროს ტფილისიდან ჩამოვიდა ორი სომეხი ასოთ-ამწყობი, გვარები არ მახსოვს, რომლებს ჩამოსაყვანათ ტფილისში გავზავნა გურსკაიამ მბეჭდავი არ. ჯალალოვი.


ნოდისა და ამ ჩამოსულ ასოთ-ამწყობებს ბევრი უტრიალე, ვაძლიე ფულები, დავექადნე გალახვასაც, მარა არ იქნა და არა, ვერ ავადებიე ხელი მუშაობაზე.

ამნაირათ ცხადი შეიქნა ჩვენთვის გაფიცვის წაგება მუშებისვე ღალატის გამო. გამოვაცხადეთ რა გაფიცვა გათავებულათ, დავთანხმდით მუშაობის დაწყებაზე, მაგრამ ეხლა გურსკაიამ აღარ ინება ყველა ჩვენგანის უკლებათ უკანვე მიღება. არც გაფიცვის დროს ხელფასის მოცემა. ამ გარემოებამ გვაიძულა მიგვემართა ოლქის უფროსის სლავოჩინსკისთვის თხოვნით. მაგრამ იმ დროს, როდესაც მე და ხარ. ლომთათიძე მივედით თხოვნით ხელში სლავოჩინსკის ეზოში. მისი ფანჯრიდან გადმოიყურებოდა პოლიცეისტერის თანაშემწე კურდიუმოვი და თითოთ გვემუქრებოდა. სლავოჩინსკიმ თხოვნა არც კი ჩამოგვართვა, ისე გამოგვისტუმრეს: ჩემი საქმე არ არისო.

ამის შემდეგ ზოგი ჩვენგანი გურსკაიას გადარჩევით დაბურნდა უკანვე სამუშაოთ, ზოგი ტფილისში წავიდა, ზოგი ბათუმში მოთავსდა სხვა და სხვა სტამბებში.

ამ გაფიცვამ დიდი ხმაურობა გამოიწვია ბათუმის მუშათა წრეებში.

(შემდეგი იქნება).



მ. ხაბაძე.

## ჩემი მოგონებებიდან

(1890 წ. — 1905 წლამდე).

ძნელია დაწვრილებით, მეხსიერების საშუალებით ყოველივე იმის აღდგენა, რაც მოხდა ამ რამოდენიმე ათი წლის წინეთ წერილობითი ცნობები კი ხელთ არაფერი გვაქვს. კონსპირაციის შენახვის გამო შეუძლებელი იყო მაშინ რევოლუციონურ მოძრაობაზე წერა და მით უმეტეს ასეთი ნაწერების უნდარმების თავდასხმიდან გადაჩენა. რევოლუციონურ მოძრაობის იმ ხანაზე, რომელიც ჩვენ გვინტერესებს, დღემდის თითქმის არაფერი არ დაწერილა. მე შინდა ამ წერილში უმთავრესად მკითხველის ყურადღება შევაჩერო რევოლუციონურ მოძრაობის იმ მომენტზე, როდესაც პირველათ დაარსდა ჩვენი სოციალ-დემოკრატიული მუშათა წრეები. სანამ ჩვენ ამას შეუდგებოდეთ საჭიროთ მიგვაჩნია შევეხოთ იმ საერთო პირობებს და მდგომარეობას, რომელიც წინ უძღოდა ამ მომენტს. რუსეთში ფრიალ მდიდარი ისტორია აქვს ნაროდნიკულ მოძრაობას. რამდენიმე ათეული თავგანწირული ინტელიგენტი, ათეული წლობით აწარმოებს უსწორო და მედგარ ბრძოლას თვითმპყრობელობასთან. ეს ბრძოლა იწყება 1870 წ. და გრძელდება 1890 წლამდე. ამ გმირულ ბრძოლას ჩვენშიაც ჰქონდა, თუმცა მკრთალი, მაგრამ მაინც ერთგვარი გამოხშობა. ეს აიხსნება იმით, რომ აქ ნაროდნიკულ მოძრაობას ნაკლები ნიადაგი ჰქონდა. ჩვენში ამ მოძრაობის ერთ საუკეთესო გამომხატველად უნდა ჩაითვალოს გოლა ჩიტაძე. გოლა ჩიტაძემ და მისმა ამხანაგებმა შესძლეს და გააკეთეს ის, რის გაკეთებაც მანამდე ვერავინ ვერ შესძლო. მან პირველმა მოაწყო ტფილისში საიდუმლო სტამბა, მან პირველმა შეადგინა მუშების წრეები და აწარმოებდა მათში ნაროდნიკულ პროპაგანდა-აგიტაციას და ამზადებდა სასოფლო აგიტატორებს. დამარცხდა რუსეთში ნაროდნიკობა და დამარცხდა ჩვენშიც. გოლა ჩიტაძე ჭკუაზე შეიშალა; ამ გარემოებამ თავხარი დასცა მის ანხანაგებს... ისინი იძულებული გახდნენ ლიკვიდაცია ექნათ როგორც სტამბისთვის. ისე სხვა კონსპირატიული საქმეებისათვის. დაიშალა მუშათა წრეები და ყველაფერი სასოწარკვეთილებამ. მოიცვა... ამ დროს, რუსე

თში აზროვნების სფეროში ჯერ კიდევ გაბატონებული იყო ნ. მიხაილოვსკი, ეს უკანასკნელი ბურჟი ნაროდნიკულ აზროვნებისა, ფილოსოფიისა. მის აზროვნებას ყავდა შეპყრობილი რუსეთის მოწინავე ინტელიგენცია და მოსწავლე ახალგაზრდობა. ნაროდნიკულმა მოძრაობამ ვერ გაამართლა საზოგადოების იმედები; შევბნელმა რეაქციამ უფრო მაგარი რკინის სალტეებით შებოქა და შეჭკრა რუსეთის მოწინავე საზოგადოების თავისუფალი აზროვნება და მისწრაფებანი. მაგალითად, რუსეთის პრესა 1870 წლებში უფრო თავისუფლათ მსჯელობდა და აზროვნობდა სხვა და სხვა საჭირობოროტო საკითხებზე. ვიდრე 1880 წ. ძალიან ბევრი გამოცემები, რომლებიც 1870 წ. გამოვიდა, 1880 წ. აკრძალეს. ამავე დროს კაპიტალისტური წარმოება რუსეთში სწრაფის ნაბიჯით ვითარდებოდა. ცხოვრების ასპარეზზე გამოვიდა ახალი კლასი—სამრეწველო პროლეტარიატი. 1888 წ. \*) ყოფილი ნაროდოვოლეცი გ. ვ. პლესხანოვი აარსებს საზღვარგარეთ შრომის განმათავისუფლებელ ჯგუფს („გოტუპა ოსვობოდენია ტრუდა“). ეს ჯგუფი თავის უახლოეს მიზნათ ისახავს ნაროდნიკულ მსოფლმხედველობის კრიტიკას და მის აღაგას აყენებს მარქს-ენგელსის მოძღვრებას. ჯგუფი, უმთავრესად თავის გამოცემების საშუალებით, ამტკიცებს, რომ რუსეთში კაპიტალისტური წარმოება სწრაფად ვითარდება და ის ძილიან მოკლე ხანში კაპიტალისტურ ქვეყნათ გადაიქცევა და, როგორც ყველა კაპიტალისტური ქვეყნებში—იქაც სანრეწველო პროლეტარიატი გახდება რევოლიუციის ერთ უმთავრეს მამოძრავებელ ძალათ. ამიტომ ჩვენი ყურადღება უნდა იყოს მიქცეული ამ კლასზე. ეს კლასი უნდა აღვზარდოთ პოლიტიკურათ, შევკავშიროთ ორგანიზაციულათ და ავამოძრაოთ კლასიურათ. „შრომის განთავისუფლების ჯგუფის“ თავის დროზე დაწყებულმა პროპაგანდა-აგიტაციამ საზღვარგარეთ მალე შესავერი ნაყოფი გამოიღო რუსეთში და მასთან ერთად ჩვენშიც. სხვათა შორის დიდი გავლენა მოახდინა ამ მხრივ, როგორც რუსეთში, ისე ჩვენში გ. პლესხანოვის წიგნმა („ნაში რაზნოვლასია“) „ჩვენი უთანხმოება“. არალეგალურ გამოცემებს საზღვარგარეთ „შრომის განთავისუფლების ჯგუფისას“, რომლების შემოტანა და გავრცელება რუსეთში, მაშინდელ პოლიტიკურ პირობებში, ნამეტანი ძნელი იყო, —მალე გამოეხმაურა რუსეთში ლეგალური პრესაც პეტრე სტრუვეს, ტუგან-ბარანოვსკის და სხვების სახით. პირველმა გამოუშვა წიგნი „კრიტიკული შენიშვნები“ კაპიტალიზმის განვითარების შესახებ რუსეთში. თუ არ ვცდები, ეს წიგნი გამოვიდა

\*) აქ ავტორი ცდებოდა ხსენებული ჯგუფი დაარსდა 1888 წელს პლესხანოვ-აქედროდის მიერ. რედაქცია.

1894 წ. და 1895 წ. გამოვიდა ლეგალურათ „მონისტიური შეხედულება ისტორიაზე“ ბელტოვისა (ვ. პლენანოვის) ამ წიგნმა ნამდვილი რევოლიუცია მოახდინა მარქსისტულ აზროვნებაში და სამუდამოთ გაჰყანტა ნაროდნიკული ჯანდ-ბურუსი. ჩვენში მარქსისტულ აზროვნობის ლეგალურ გამოხმობათ უნდა ჩაითვალოს „მესამე დასი“ და ამ მესამე დასის ცენტრალურ ფიგურათ ე. ნინოშვილი. მართალია, სახელწოდება „მესამე დასი“ ამ მიმართულებამ ნინოშვილის დაკრძოვის დროს გურიაში, ჩოჩხათის სასაფლაოზე მიიღო, მაგრამ საქმე იმაშია, რომ ის ჩვენში გაცილებით ადრე დაიბადა. ე. ნინოშვილი, მიხა ცხაკაია, სილიბისტრო ჯობლაძე, ნოე ჟორდანიძე, ფილიპე მახარაძე, კარლო ჩხეიძე და სხვ. შეადგენდნენ მესამე დასის სულის ჩამდგმელებს, იმ დროს „მესამე დასელების“ მოღვაწეობა განისაზღვრებოდა უმთავრესად მოწინავე მოსწავლე ახალგაზრდობაში მეცადინეობით და რამდენათაც ეს შესაძლებელი იყო, ლეგალურ პრესაში პუბლიცისტურ და სხ. წერილების წერით. დიდი ყურადღება ჰქონდა მიქცეული მოსწავლე ახალგაზრდების თეორეტიულ მომზადებას, უფრო ნიჭიერებს საზღვარგარეთ გაგზავნას და იქ მარქსის მოძღვრების საფუძვლიანათ შესწავლას. „საჭიროა ჯერ ჩვენ მოვემზადოთ, შევისწავლოთ საფუძვლიანათ მარქსის ფილოსოფია, ზოგამზადოთ, როგორც, აქ ისე საზღვარ-გარეთ საკმარისი რიცხვი ინტელიგენტ-პროპაგანდისტ-აგიტატორებისა და მერე დავიწყოთ-ო, მუშებში მუშაობა“ ამბობდნენ „მესამე დასელები“. პრაქტიკულ მუშაობას მოსწავლე ახალგაზრდობაში უმთავრესათ მიხა ცხაკაია და ე. ნინოშვილი აწარმოებდნენ. მაგალითად ტფილისის სასულიერო სემინარიის შეგირდების გაფიცვას მაშინ ხელმძღვანელობდა მიხა ცხაკაია, რომელიც მალე საქართველოდან რუსეთში გადაასახლეს <sup>1)</sup>. მარქსისტულ იდეების გავრცელებაში პრესის საშუალებით დიდი როლი ითამაშეს ჩვენში ნ. ჟორდანიამ და ფ. მახარაძემ.

1891—1892 წ. ჩამოვიდა ტფილისში ე. ნინოშვილი. ის, თუ არ ვცდები, პირველათ ზაქარია ჭიჭინაძესთან სცხოვრობდა მთაწმინდაში შემდეგ გადაესახლა მიხაილოვის ქუჩაზე, მიხაილოვის საავადმყოფოსთან ახლო (ახლა პლენანოვის პროსპექტი, სახლი № 54). აქ ის სცხოვრობდა ერთ ნოტიო სარდაფში, ის სახლი და ის სარდაფი ახლაც არის თუ არ ვცდები იმავე სახით, როგორც იყო მიშინ. ეს სარდაფი ისტორიული სარდაფი იყო. აქ იკრიბებოდნენ „მესამე და-

1). ეს იყო დაახლოებით 96-97 წ. მ. ცხაკაია მოვზდა ხარკოვში; იქიდან კი ეკატერინესლაფში, სადაც იწყებს მარქსისტულ წრეში მუშაობას; ემგზა სოციალ-დემოკრატიულ ორგანიზაციაში.

სელები“, აქ კითხულობდენ ისინი რეფერატებს, მოხსენებებს, წი-  
რად რუსეთში ლეგალურათ მარქსიზმის შესახებ ახლათ გამოცემულ  
წიგნებს და სხ. ერთი სიტყვით ეს სარდაფი იყო არა ლეგალური კლუბი  
„მესამე დასელებისა“ და სარდაფში მცხოვრები ე. ნინოშვილი ამ ახალი  
აზროვნების ტონის მომცემი, ე. ნინოშვილი და მიხა ცხაკაია პირვე-  
ლათ აქ გავიცანი; აქ დავინტერესდი მარქს-ენგელსის სწავლა მოძ-  
ღვრებით. იმ დროს ჯერ არც ეს მოწინავე წრე იყო გამორკვეული  
კარგათ მარქსის მოძღვრებაში. ძალიან ცოტა იყო მაშინ წიგნები  
მარქსიზმის შესახებ დაწერილი და რაც იყო იმის შოვნა ძალიან ძნელი  
იყო. არა-ლეგალური ლიტერატურა თიოქმის არ მოიპოვებოდა და თუ  
იყო რამ, ისიც ნაროდნიკული; ამიტომ მეტად ძნელი იყო შესწავლა მარ-  
ქსის მოძღვრებისა. თვით „კაპიტალი“ ძნელი საშოვარი იყო და რომ  
გეშოვნა კიდევ მისი გაგება მოითხოვდა დიდ მომზადებას და ფართო  
მეცნიერულ ცოდნას. „მესამე დასელთა“ წრეებში მაშინ ერთნაირის  
გულმოდგინებით კითხულობდენ მარქსის და ლასალის თხუხულებებ-  
თან ერთად ცნობილ ლავროვის „ისტორიულ წერილებს“, ჩერნიშევს-  
კის, დობროლიუბოვს, პისარევს, მიხაილოვსკის და სხ. სიმართლე  
რომ ეს თქვათ, ე. ნინოშვილიც იმ დროს ნაკლებათ იყო გამორკვეული  
მარქსის მოძღვრების დებულებებში და მის აზროვნებაში ჯერ კიდევ  
ბევრი რამ იყო არა მარქსისტული, არამედ ნაროდნიკული, იდეალის-  
ტური. მიუხედავათ ამისა უნდა ვაღიაროთ, რომ მაშინდელ ყველა  
ჩემ ნაცნობებში ე. ნინოშვილი ყველაზე ღრმა და დიდ შთაბეჭდი-  
ლებას ახდენდა. ის იყო პიროველი მოძღვარი და მოციქული ახალი  
აზრისა, ახალი მიმართულებისა. ღრმა ნოაზროვნე, იშვიათი ლოღი-  
კის მქონე და, რაც ყველაზედ უფრო საინტერესოა,—არა ჩვეულებ-  
რივი მიმზიდველობის ადამიანი. პირველ დალაპარაკებისთანავე ის  
შენ დაგიპყრობდა, დაგიმორჩილებდა. ძნელი იყო მისი განშორება და  
სანატრელი მასთან ხელახლათ შეხვედრა...

1893, 94 წ. წ. მე გავატარე ფილოქსერის „პარტიაში“. უნდა  
აღინიშნოს, რომ ფილოქსერის „პარტიაში“ დიდი სამსახური გაუწია  
იმ დროს „მესამე დასელებს“. თვით ე. ნინოშვილიც მსახურებდა  
ფილოქსერის „პარტიაში“. თითქმის ყველა ცნობილი „მესამე დასე-  
ლები“ მსახურებდენ იქ. თუ ზამთრობით მიხაილოვის ქუჩაზე ე. ნი-  
ნოშვილის ნესტიანი სარდაფი „დასელების“ საიდუმლო კლუბს წარ-  
მოადგენდა, ზაფხულობით ფილოქსერის პარტია იყო სააგარაკო ად-  
გილი მათთვის. როგორც ზევით აღვნიშნე 1894 წ. ზაფხულზე მეც  
ვიშოვნე „სტარში რაბოჩის“ ადგილი ფილოქსერის პარტიაში და  
მაისის დამლევს გავემგზავრე გორის მაზრაში სოფ. ქვიშხეთში. იქ  
მე პირველათ გავიცანი სილიბისტრო ჯიბლაძე და კარლო ჩხეიძე.  
ისინი შედარებით ჩემთან უფრო მომზადებული იყვნენ მარქსის მოძ-



ღვრებაში და თავის თავად ცხადია, ამ შეხვედრამ დიდი სარგებლობა მომიტანა პირადათ მე. ბევრ საკითხებში უკეთესად გამოვერკვირე და ტფილისში რომ დავბრუნდი, ჩემ თავს საკმარისათ მომზადებულ მარქსისტათ ვთვლიდი. როგორც ზევით აღვნიშნე—„მესამე დასელები“-ს წრეს მე გავეცანი 1892 წლიდან. სამი წელიწადი ვტრიალებდი ამ წრეში, ბევრ თვით-განვითარების წრეებში ვღებულობდი მონაწილეობას, ბევრს ვკითხულობდი და ბევრს ვფიქრობდი... ყველაფერი ეს მე მომწონდა, ხოლო არ მომწონდა ერთი რამ,—ყველა ჩემი მეგობარი „მესამე დასელები“ სამი წლის განმავლობაში მხოლოდ თვითგანვითარებაზე, მოსწავლე ახალგაზრდობაში მეცადინეობაზე და მათში უფრო ნიჭიერთა სახლვარგარეთ გაგზავნაზე ფიქრობდნენ. მათი პრაქტიკული მოღვაწეობა ამ ფარგლებს არ ცილდებოდა. მე, რასაკვირველია ეს არ მომწონდა. ჩემი მეგობრები თავის ასეთ საქმიანობას, როგორც ზევით აღვნიშნე, იმით ასაბუთებდნენ რომ სამი წლის განმავლობაში საკმარისი რიცხვი პროპაგანდისტებისა ვერ მოამზადეს; თუმცა ამ დროს „მესამე დასელების“ ჯგუფი მრავალ-რიცხოვანი იყო. ასეცყო თუ ისე მარქსის რევოლუციონურ სოციალიზმის იდეების პრაქტიკულათ მუშებში გადატანაზე ჯერ კიდევ არავინ ფიქრობდა... მე პირადათ არ ვიზიარებდი „დასელების“ აზრს და ვფიქრობდი, რომ შესაძლებელი იყო მუშათა წრეების დაარსება და მათში რევოლუციონურ მუშაობის გაჩაღება. სამწუხაროთ ამ ჩემ არზს არავინ იზიარებდა და მე, როგორც რუსები იტყვიან: „Один в поле не воин“-ო მარტო რას ვააკეთებდი. იმედს მაინც არ ვკარგავდი და ენერგიულათ ვეძებდი ჩემი აზრის მომხრეებს. 1894 წ. ოქტომბრის შუა რიცხვებში, სილიბისტრო ჯიბლაძე ჩამოვიდა სურამიდან (ის იმ წელიწადს ფილოქსერის პარტიაში დატოვეს „რაზსლედოვატელათ“ მთელი წლით და ხამთარში უნდა ეცხოვრა სურამში) ტფილისში და კარგათ აღარ მახსოვს სად შევხვდით ჩვენ ერთმანეთს. ერთ საღამოს მე და სილიბისტრო ჯიბლაძე წავედით ერთ ამხანაგთან, რომელიც ცხოვრობდა არსენალის ქუჩაზე და რომლის გვარი სახელი აღარ მახსოვს. იქ ჩვეულებრივათ დიდი კამათი გაჩაღდა მარქსის ფილოსოფიაზე. მთელი ორი საათის განმავლობაში ჩვენს მსჯელობას უაღრესათ თეორეტიული და განყენებული ხასიათი ჰქონდა. აქ პირველათ გავიცანი ახალგაზრდა ყმაწვილი, ზემლემერის სასწავლებლის შეგირდის ფორმაში გამოწყობილი, რომლის სახელი და გვარი, როგორც შემდეგ გამოირკვა, იყო **სტანისლავ რენიგერი**. აქედან მე და რენიგერი ერთად წამოვედით სახლში. ქუჩაში კაი ხანს ორივე ჩუმათ მივდიოდით. ეს სიჩუმე ბოლოს რენიგერმა დაარღვია და მითხრა:—აი, წარმოიდგინეთ თქვენ, რომ ყოველოვს ასე ხდება—შეიყრებიან ეს თქვენი მარქსისტები და გაჩაღებენ დაუსრულებელ ფილოსოფიურ სჯა-ბაას, ილაპარაკებენ,

ილაპარაკებენ და დაიშლებიან. მეორე წელია, რაც მე ტფილისში ვცხოვრობ, ვიცნობ თითქმის ყველა ქართველ მარქსისტებს, ბევრი მათგანი თეორეტიულათ საკმარისათ მომზადებულია და ამასთან ერთად ნიჭიერიც, მაგრამ რა გამოვიდა, ყველა გაუბრის მუშებში მუშაობას, ყველას უნდა ჯერ ფილოსოფოსი გახდეს, ყველა ოცნებობს საზღვარ-გარეთ წასვლაზე. მე ვაოცებით უსმენდი რენიგერს: ეს პირველი ადამიანი იყო, რომელიც ისე ფიქრობდა, როგორც მე და ამიტომ ჩემს სიხარულს საზღვარი არ ჰქონდა. რენიგერი გულდაწყვეტით განაგრძობდა: დღეს ტფილისში მუშაობა ძალიან კარგათ შეიძლება. არის აქ მოწინავე მუშები, არის მათში დიდი ინტერესი თვით-განვითარებისა, რევოლუციონურ მუშაობისა. ძალიან მოკლე დროში შეიძლება მოეწყოს მუშათა სოციალ-დემოკრატიული წრეები, მაგარი და ფართო ორგანიზაციები. კონსპირატიული პირობებიც აქ კარგია: ამ საქმის გასაძლიერებლად მომზადებული ხალხიც არის. ერთი სიტყვით ყველაფერი ხელს უწყობს რევოლუციონურ მუშაობას და სამწუხაროთ კი არაფერი კეთდება. არამც თუ არაფერი არ კეთდება—ფიქრათაც არავის მოსდის ასეთი მუშაობის დაწყება... მე ჩემის მხრივ განუუცხადე რენიგერს, რომ მეც ისეთივე აზრისა ვარ ამ საკითხზე, როგორც ის და ვსთხოვე უფრო დაწვრილებით მოგველაპარაკა ამაზე. მან ჩემს განცხადებას სკეპტიკურათ შეხედა. რაღაც უნდობლობა ეტყობოდა. ცოტა დაფიქრდა და მითხრა: ხვალ ნაშუადღევს ხუთ საათზე მოდიტ საბალოსნო შკოლაში და იკითხეთ კოკი; მე იქ ვიქნები; მოვილაპარაკოთ. შევთანხმდით რა შეხვედრის ადგილზე და დროზე ჩვენ მალე გავმორდით ერმანეთს. მე რენიგერი ძალიან მომეწონა; მისმა გულწრფელმა ლაპარაკმა ღრმა შთაბეჭდილება დატოვა ჩემზე. გულში იმედებმა გაიღვიძა. ვიფიქრე—მე რენიგერში ვიპოვე ერთი თანამოაზრე მაინც მეთქი. მეორე დღეს დანიშნულ დროზე და ადგილზე ჩვენ შევხვდით ერთმანეთს. რენიგერი ახლა უფრო მხიარულათ შემხვდა. როგორც შემდეგ გავიგე მას უკვე შეეკრიბა ჩემს შესახებ ცნობები და ეტყობოდა, რომ ეს ცნობები მისთვის დამაკმაყოფილებელი იყო, ამიტომ მის საუბარს ჩემთან უფრო გულახდილი და საქმიანი ხასიათი ჰქონდა. აქ მე იმან მითხრა, რომ ტფილისში არის ერთი პატარა ჯგუფი მარქსისტებისა, რომელსაც ის ეკუთვნის. ამ ჯგუფს გადაწვეტილი აქვს ტფილისის მუშებში რევოლუციონური მუშაობა აწარმოოს. ჯგუფს აქვს მოწყობილი კაი მდიდარი ბიბლიოთეკა მუშებისათვის და გეგმოგრაფი. ბიბლიოთეკა პრავალფეროვანი: მოთხრობები მუშათა და გლეხთა ცხოვრებიდან, პუბლიცისტური და კრიტიკული წერილები, მეცნიერების სხვა და სხვა დარგებიდან, პოპულარული, მუშებისათვის ადვილათ გასაგები წიგნები ო წიგნაკები.



ბიბლიოთეკაში მოიპოვებოდა თითქმის ყველა გამოცემები „მარტოველი“ განთავისუფლების ჯგუფისა“. ყველა რუსეთში ლეგალურად დაბეჭდილი წიგნები და სხვა და სხვა ჟურნალებიდან ამოკრებილი წერილები მარტოსის შესახებ ერთი სიტყვით—მისი ლაპარაკიდან გამოიკვია, რომ ჯგუფს დიდი ნაყოფიერი წინასწარი მუშაობა გაუწევია; მართალია ის მუშაობა წრეებში ჯერ კიდევ არ აწარმოებდა პროპაგანდა-აგიტაციას. მაგრამ მას ზოგიერთა მოწინავე მუშებში, ბიბლიოტეკის საშუალებით კავშირი მაინც ჰქონდა. ამ მუშებს წიგნებს აძლევდნენ წასაკითხავათ. მუშაობა ბიბლიოთეკის შექმნა უკვე ნახევარ საქმეთ უნდა ჩაითვალოს. სანამ ამ ჯგუფს გავიციობდი ძალიან ბევრს ვფიქრობდი ასეთი ბიბლიოთეკის მოწყობაზე. კარგათ ვიცოდი, რომ სერიოზული მუშაობის წარმოება მუშებში შეუძლებელი იქნებოდა უბიბლიოთეკოთ. ბიბლიოთეკა მუშაობა კლასიურ თვით-შეგნების საფუძველია. არ შეიძლება მოწინავე მუშების მომზადება თუ ამისთვის საჭირო ლიტერატურა არ გექნა, ამიტომ ამ ამბავმა მე ძალიან გამაკვირა და გამახარა;—გამაკვირა იმდენათ, რამდენათაც მე ამ ჯგუფის და მუშაობა არა-ლეგალურ ბიბლიოთეკის არსებობას არ მოველოდი და გამეხარა იმდენათ, რომ ჯგუფის და ბიბლიოთეკის არსებობა იძლეოდა სრულ გარანტიას მუშებში პრაქტიკულ მუშაობის დაწყებისას, რომელზედაც მე რამდენიმე წელიწადი მხოლოდ ვოცნებობდი. აქ მე, სრულიად მოულოდნელად წავაწყდი, ან უკეთ რომ ვსთქვა—აღმოვაჩინე ორგანიზაცია, რომლის შექმნა მე მარტოვერ შეეძლო. რენიგერმა მიაიმბო იმის შესახებაც თუ როგორ შეიძინეს მათ ეს წიგნები.

ტფილისში იმ დროს ბევრი იყო ესრეთ წოდებული: „ყოფილი ადამიანები“ („ბივშიე ლაუდი“) ყოფილი ნაროდნიკი რევოლუციონერები. ბევრ მათგანს სხვა და სხვა სახელმწიფო დაწესებულებებში გამოჩენილი ადგილი ეჭირათ და გვარიან ჯამაგირს იღებდნენ. ამ „ყოფილ ადამიანებთან“ მჭიდრო კავშირი ჰქონდა რენიგერის ჯგუფსა. ეს ყოფილი ხალხი დიდის ყურადღებით და თანაგრძნობით ეპყრობოდნენ მარტოსისათა ჯგუფის დაწყებულ საქმეს, მათ იცოდნენ, რომ ბიბლიოთეკა ეწყობოდა მუშებისათვის. ამ თანამგრძნობ პირებს შეწერილი ჰქონდათ გადასახადი, როგორც წიგნებით, ისე ფულით. ფულს ისინი იხდიდნენ ყოველთვითურათ. ფულების შეკრება მათ შორის მინდობილი ჰქონდა კოკს. ამ ფულით ჯგუფი იძენდა წიგნებს, საზღვარ-გარეთიდან ლიტერატურის მიღება მინდობილი ჰქონდა რენიგერს. რენიგერი, სხვათა შორის, დიდი კონსპირატორი იყო. არავინ არ იცოდა როგორ და რანაირათ ახერხებდა ის საზღვარ-გარეთიდან არა-ლეგალურ წიგნების მიღებას. ჯგუფი შესდგებოდა სულ ოთხი კაცისაგან: სტანისლავ რენიგერი, (მისი კონსპირაციული



„კლიკა“ იყო იუსტინე), თედორე აფანასიევი, მიშა კლიმიაშვილი და კოკი. აფანასიევი მუშა იყო. ის მუშაობდა მეხანიკის თანამდებობაზე ზინგერის საკერავ მაშინების ცენტრალურ მალაზიაში. ბიბლიოთეკა და გექტოგრაფი მოთავსებული იყო აფანასიევის ბინაზე (ახლა კოლოზნის ქუჩა სახ. № 20, სალდათის ბაზართან). მე რომ ჯგუფში შევედი—მიშა კლიმიაშვილი იქ აღარ იყო, მაგრამ როგორც რენიგერმა გადმომცა—მან მხურვალე მონაწილეობა მიიღო ბიბლიოთეკის შექმნა—მოწყობაში. ჯგუფის პირველი კრება, ჩემი თანადასწრებით მოხდა აფანასიევის ბინაზე. აქ—პირველათ დაისვა საკითხი მუშათა სოციალ-დემოკრატიულ წრეების მოწყობაზე. მე ტფილისის სახელოსნო შკოლა გავათავე და ზოგიერთ ჩემ შკოლის ამხანაგებთან, რომლებიც ამიერ კავკასიის რკინის გზის სახელოსნოში მუშაობდნენ, მაშინ უკვე მქონდა კავშირი. მათ ხშირათ ვხედავდი, წიგნებს ვაძლევდი, ბევრს ვებაასებოდი მარქსის მოძღვრებაზე, მუშებში მარქსისტულ წრეების და ორგანიზაციების დაარსებაზე. როდესაც ჯგუფის კრებაზე ეს საკითხი პრაქტიკულათ დაისვა—მე იმათ გავაცანი ჩემი დამოკიდებულება მუშებთან და უთხარი, რომ ეს საქმე მე შემიძლიან ვიკისრო. ისინი ჩემ განცხადებას სიხარულით შეხვდნენ. ამავე კრებაზე დაისვა საკითხი ბიბლიოთეკისთვის კონსპირატიულ ადგილის გამოძებნაზე; რადგან ჯგუფს თავისი კრებები აფანასიევის ბინაზე ჰქონდა,—ამიტომ იქ ბიბლიოთეკის დატოვება საშუაო იყო. სამწუხაროთ ამ ბიბლიოთეკის გადატანა დიდხანს ვერ მოხერხდა და 1896 წ. წიგნების დიდი ნაწილი ჟანდარმებს ჩაუვარდათ ხელში. ამავე კრებაზე იყო დასმული საკითხი—წიგნებით ესარგებლა მხოლოდ მუშებს. გამონაკლისს შეადგენდნენ ის ინტელიგენტები, რომლებიც ჯგუფის ხელმძღვანელობით მეცადინეობდნენ, ან შემდეგში იმეცადინებდნენ მუშებში. წიგნების გაცემის დროს დაცული უნდა ყოფილიყო სასტიკი კონსპირაცია. წიგნები უნდა მისცემოდა ისეთ პირებს, რომლებსაც ჯგუფის წევრები კარგათ იცნობდნენ და რომლებიც სრული ნდობით იქნებოდნენ აღჭურვილი. ამნაირათ ჩვენ ურთიერთშორის ერთგვარი შრომის განაწილება მოვახდინეთ: ბიბლიოთეკის გამგეობა იკისრა აფანასიევმა, კოკი დარჩა თავის თანამდებობაზე—ის ბიბლიოთეკის სასარგებლოთ ფულებს აგროვებდა „ყოფილ ადამიანებში“, რენიგერი არა-ლეგალურ ლიტერატურას ლეზულობდა საზღვარგარეთიდან, მე მომანდევს მუშათა წრეების შედგენა და მათი ხელმძღვანელობა. ჩვენი მიზანი იყო, ყოველთ უწინარეს ხელში ჩავგვედო ამიერ-კავკასიის რკინის გზის ტფილისის დეპო და სახელოსნო. ვინაიდან ჩვენ ვიცოდით, რომ ამ სამრეწველო დაწესებულებებში მუშების მეტი ნაწილი წერა-კითხვის მცოდნე იყო. ამ მუშებიდან კი ადვილად შეიძლებოდა, მომავალ




მუშათა მოძრაობის ხელმძღვანელების და აგიტატორ-პროპაგანდისტების დამზადება და მათი საშუალებით მუშათა ფართო მასებში ვართო რევოლიუციონურ მუშაობის დაწყება. საზოგადოთ ჩვენი ჯგუფი ძალიან სკეპტიკურათ უყურებდა ინტელიგენციას. ის დარწმუნებული იყო იმაში, რომ მუშათა საქმე-მუშათა ხელით უნდა გაკეთებულიყო. აქედან თავის თავად ცხადია ჯგუფის მთელი ყურადღება მიჰყრობილი იყო მუშებში მეცადინეობაზე. რკინის გზის დეპოსახელოსნო მაშინ შეადგენდა უმთავრეს ძარღვს წარმოებისა მთელ ამიერ კავკასიაში და საჭირო იყო ამ ძარღვის დაპყრობა, რომელიც გაგვიადვილებდა. დანარჩენ ფაბრიკა-სახელოსნოებში და ქარხნებში მუშაობას, როგორც ტფილისში, ისე სხვა ქალაქებში და სამრეწველო პუნქტებში. ამიტომ ჩვენ რევოლიუციონური მუშაობა აქედან დავიწყეთ. ჩვენი ვარაუდი სამაგალითოთ გამართლდა. ამ სამრეწველო დაწესებულებამ უდიდესი როლი ითამაშა არა თუ მარტო ტფილისის მუშათა მოძრაობაში, არამეთ მთელ ამიერ-კავკასიაში. ის შუდამ სათავეში ედგა ამიერ-კავკასიის მუშათა მოძრაობას. ის იყო როგორც ავანგარდი, ისე ხელმძღვანელი და ტონის მიმცემი ხანგრძლივი და მედგარ ბრძოლისა. პირველი მუშათა წრეები ამ სახელოსნოში დაეარსეთ. 1894 წ. ნოემბრის პირველ რიცხვებში შეიკრიბა მუშათა პირველი წრე. ამ წრეში შედიოდენ: ე. გიორგობიანი, ვანო ჭავჭავაძე (გლეხია გორის მაზრიდან), იოსებ არავიაშვილი, სერგო ჯაფარიძე \*) და შემდეგ ამავე წრეში შემოვიყვანეთ არჩილ არავიაშვილი, უფროსი ძმა იოსებ არავიაშვილისა. გიორგობიანი და ჭავჭავაძე რკინის გზის სახელოსნოში მუშაობდენ. იოსებ არავიაშვილი, ხელობით დურგალი-მუშაობდა კერძო სახელოსნოებში და მჭიდრო კავშირი ჰქონდა ტფილისის თამბაქოს ფაბრიკების მუშებთან. არჩილ არავიაშვილმა სალდათობა გაათავა და სოფელში ცხოვრობდა, საიდანაც ჩვენ ის გამოვიწვიეთ და რკინის გზის სახელოსნოში მივალბინეთ. გიორგობიანს, ჭავჭავაძეს და ძმებს არავიაშვილებს ტფილისის სახელოსნო შკოლა ჰქონდათ გათავებული. ხელობით, იოსებ არავიაშვილის გარდა, ყველა სლესრები იყვნენ. მე იმათ სახელოსნო შკოლიდან ვიცნობდი; არჩილ არავიაშვილს და ზაქარია ჩოდრიშვილს ჯერ კიდევ მაშინ, როდესაც სახელოსნო შკოლაში ვსწავლობდით, კავშირი ჰქონდათ გოლა ჩიტაძის წრესთან, საიდანაც ისინი ღებულობდენ, რუსულიდან ქართულ ენაზე ნათარგმნ ლიტერატურას. მე მახსოვს, ჯერ კიდევ პირველ კლასში, სახელოსნო შკოლაში არჩილ

\*) ეს არ არის ის ვეკილა სერგო ჯაფარიძე, რომელსაც მკითხველები იცნობენ პირველ სახელმწიფო სათათბიროდან, როგორც დეპუტატს ს.-დ. ფრაქციისა.

არავიაშვილმა გადმომცა წასაკითხათ „ოთხი ძმის ისტორია“ ერთი კიდევ რაღაც სხვა ბროშურა. ასე რომ ამ ამხანაგებს მე სახელოსნო შკოლიდან ვიცნობდი. რაც შეეხება სერგო ჯაფარიძეს ის ინტელიგენტი იყო, სიმწიფის ატესტატზე ემზადებოდა და შემდეგ მოწინავე წრეებში ქართველ მუშებს რუსულ ენას ასწავლიდა. ჯაფარიძე შემდეგ საზღვარ-გარეთ წავიდა და იქ (თუ არ ვცდები, გერმანიაში) ელექტრო-ტექნიკური სასწავლებელი გაათავა. შემდეგში ამ წრიდან დიდი როლი ითამაშა არჩილ არავიაშვილმა, მაგრამ ამაზე შემდეგ.

(შემდეგი იქნება).



რომანოვ უანსხაპა-

## ჩემი მოგონების ნაწყობი.

80 წლების მეორე ნახევრიდან მე შევუამხანაგდი გ. ჩარკვიანს, რომელიც ტფილისში განაგებდა წიგნის მაღაზიას და ჩაბმული იყო სტამბის საქმეშიც. ამ დროს საქართველოში ი. ჭავჭავაძის რედაქტორობით გამოდიოდა ერთად ერთი ქართული დღიური გაზეთი—„ივერია“, რომელიც ღარიბ ქართულ მწერლობას, რა თქმა უნდა ვერ აკმაყოფილებდა, ვერც მკითხველებს სძუნდა ახალ რამეს. ამიტომ რამდენიმე პირმა გადაეწყვიტეთ შეჩერებულ ყოველი კვირეული გაზეთი—„თეატრი“ გაგვეახლებია (ახალის გამოცემის ნებას მაშინ არ იძლეოდენ). ფაქტიურად რედაქტორობა და კორექტურაც ამ გაზეთისა ამხანაგებმა მე მომანდევს და 88 წელს სექტემბრის პირველ რიცხვებიდან გაზეთის გამოცემის საქმეც უკვე მოეწყო.

ამ გაზეთში თავი მოიყარეს სამუშაოთ საქართველოს ცნობილმა ლიტერატორებმა დიდ მგოსან აკაკისთან ერთად.

საქმის ვითარებამ შემდეგი დაგვანახვა, რომ ამდენ ლიტერატურულ ძალებს ერთი კვირეული გაზეთი ვერ წვდებოდა და გადაეწყვიტეთ, გაზეთი „თეატრი“ ყოველ თვიურ სქელ ტანიან კურნალად გადაგვექცია და ქართულ ლიტერატურაში შეგვეტანა სრულიად ახალი, ჯერ არ გაგონილი მარქსისტული მსოფლ-მხედველობა. მაშინ მე და ვასილ წერეთელი საქართველოში პირველ მარქსისტებათ ვითვლებოდით. (ამის შესახებ იხ. ჩემი წერილები იმავე წლის „თეატრში“ გაზ. „ივერიაში“ ჭრელაშვილის, დონ-იაგოს და ნალის წინააღმდეგ დაწერილი. რამდენიმე ჩემი სტატია მაშინდელმა ცენზორმა—რაფიელ ერისთავმა სულ აკრძალა).

ფილიპე მახარაძე და ნოე ჟორდანიძე მაშინ მოწაფეები იყვნენ: სწავლობდენ სემინარიის მეექვსე კლასში.



ამ ხანებში პროვინციიდან მომხივიდა ეგნატე ნინოშვილის ფსევდონომით ხელმოწერილი მოთხრობა, — თუ არა ვცდები „გოგია უიშვილი“. მოთხრობა მომეწონა, იგი ცოცხალი, ნიჭიერი მხატვრული ენით იყო დაწერილი და ამიტომ მოვათავსე კიდევ „თეატრში“. მე აქ ფეიქრობდი თან ეგნატე ჟურნალის მუდმივ თანამშრომელათ მომეწვია, მაგრამ ეშმაკი თურმე სხვანაირად ფიქრობდა. მთავრობას უკვე გაეგო, რომ ეს წრე ჟურნალის თანამშრომლებისა სოციალისტებისა-კან შედგებოდა... ამის შემდეგ გაზეთს დიდხანს აღარ უბოგინია, — დაიხურა.

მე წლის მიწურულში ზესტაუონში მყოფ ეგნატე ნინოშვილი-საგან მომხივიდა პატარა ბარათი, რითაც იგი მეპატიეობდა.

ეგნატე ნინოშვილი იმ დროს მსახურობდა მოლარეთ შავი ქვის მრეწველის, ცნობილ ნიკოლოზ ლოლობერიძის კანტორაში და იქვე იდგა ბინათაც. ეგნატეს ბინაზე მე დამხვდა სხვა სტუმრებიც, როგორც გამოირკვა მას ჩემს გარდა მოეპატიეა სხვებიც. ესენი იყვნენ: კარლო ჩხეიძე, სილიბისტრო ჯიბლაძე, დარჩია, დიმიტრი კალანდარაშვილი, ვარლამ ჭიჭინაძე და სხვა, რომელნიც ახლა აქ არ მაგონდება, — ასე თუთხმეტამდის ყმაწვილ-კაცობა იქნებოდა თავმოყრილი.

ეგნატეს ბინაზე, რომ მოვედი, ოთახიდან სწაფად გამოვიდა ერთი ქერა სანდომიანი თვალტანადი, ინტელიგენტური სახის ყმაწვილი კაცი, ასე 27 წლისა, რომელმაც თავი გამაცნო ეგნატე ნინოშვილად.

ეგნატეს მაინც და მაინც მზიარული სახე არ ჰქონდა, არ იყო პირმცინარე, თითქო მუდამ რაღაცაზე სწუხდაო. ეს ინტელიგენტური ნალგელი და სევდა ამ ლამაზ კაცს უხდებოდა და სასიამოვნო, მეტად მიზიდაველი საყურებელიც იყო. იგი ნაზი, გულითადი და, გულწრფელი მოსაუბრე იყო. ამასთან ყოფნა არ მოგწყინდებოდა. ჩემთან ახლო მჯდომმა ეგნატემ დამიწყო ლაპარაკი სალიტერატურო ორგანოსა და ახალი „ქართული წიგნების მბეჭდავი ამხანაგობის“ საქმიეებზე, ზოგიერთი სტუმართავანი ქართველი ინტელიგენტის საქმიანობაზეც მეკითხებოდა.

ცოტა ხნის შემდეგ გაწყობილ სუფრას შემოუსხედით და ვახშმის ჭამას შევექეციით. ჩვენ ეგნატესთან ერთად გავმზიარულდით და ავმეტყველდით. ეხლა არ გვეზინოდა ჯაშუშების, თავზე დაპყემლების, მოგხსენით ენას კლიტე და გაბედულათ ავლაპარაკდით პოლიტიკაზე, ლიტერატურაზე, გლეხებზე და ასე ვასინჯეთ პროლეტარიატზეც **ქი**.

სუფრას ჩვეულებისამებრ ყავდა თამადა.

სიტყვის თქმის ნება გამოითხოვა პირველად მასპინძელმა

ეგნატემ. მან დაახასიათა მომენტი, მოგვითხრო შექმნილი ეკონომიური და პოლიტიკური პირობები და დაასკვნა: აბსოლიუტიზმი ახჩობს მშრომელ ხალხს, იგი სისხლსა და ტვინს სწოვს მას. მშრომელი ხალხის სოცოცხლე, ენერგია და ნიჭი სრულიად კვდება. ჩვენ ყოველი ღონე უნდა ვინმართ, რომ ეს მშრომელი ხალხი ავამოძრაოთ, რომ ამ გაყინულ წერტილიდან დავძრათ დამყაყებული საზოგადოებრივი ცხოვრება.

აქ შემდეგ შეიქნა ლაპარაკი რუსეთის მოსწავლე ახალგაზრდობის გმირულ რევოლიუციონურ მოძრაობაზე, რომელიც მიმართული იყო, როგორც თვითმყრობელობის, ისე შეძლებულ ხალხის, — მდიდრების წინააღმდეგ.

ეგნატეს შემდეგ ილაპარაკეს სხვებმაც.

მეც მომიხდა აქ დაბოლოს ლაპარაკი.

რუსეთის ახალგაზრდობა, სტუდენტობა და მთლად ინტელიგენცია — ვამბობდი მე, — რაც უნდა გამწარებით დაეტაკოს დესპოტიზმს, იგი მაინც ვერაფერს გახდება და სრულიად გაისრისება მთავარი საძირკველი კი, რაზეც დაყრდნობილია ეს საშიშარი დესპოტიზმი, მაინც შეურყეველი დარჩება.

საჭიროა ჩვენი პოლიტიკური გზა და მიზანი ძირიან ფესვიანათ შეიცვალოს. უპირველესათ საჭიროა, რუსეთის სამრეწველო ცენტრებში, — მდიდარი ქალაქების ფაბრიკებსა და ქარხნებში მომზადდეს და დაირაზმოს პროლეტარიატი, გაათვითცნობიერდეს იგი პოლიტიკურად, რომ მუშათა შორის კოლექტივიზმის იდეამ ფეხი მაგრათ მოიკიდოს, და როცა მუშათა კლასი რუსეთში ამართავს ბრძოლის დროშას და მისი ბატონობის ქვეშ თავს მოიყრის რევოლიუციონური გლეხ-კაცობა, ჯარი და სტუდენტობა, აი, მაშინ დესპოტიზმსაც ძირში მოტყდება ფეხები და მოისპობა.


მე აქ მოვიგონე გერმანიეთის სოციალ-დემოკრატია, მისი ბელადის ავგუსტ ბებელის სიტყვები, რომელიც არ უყურებდა დიდი იმედით სტუდენტების პოლიტიკურ ბრძოლას, რომელმაც პოლიტიკური ბრძოლის როლი მხოლოდ და მარტოდ მუშათა კლასს მიაკუთვნა...

ჩვენი ვალდებულობაა მივბაძოთ ამ შემთხვევაში გერმანიეთის სოციალ დემოკრატიას და იმასავით დავამზადოთ, გავათვითცნობიეროთ, — მუშათა კლასი, შევავანებით მას თვისი ეკონომიური და პოლიტიკური მდგომარეობა და იგი თავის თავად აღწდგება დესპოტიის წინააღმდეგ და მოსპობს კიდევ მას საფსებით, დავასრულე მე.

გაიმართა აქ დიდი სჯა-ბაასი, სადაც შემდეგ, პოლიტიკის ამ სფეროში მუშაობისათვის შემუშავებული იქნა შესაფერი გეგმა და დავიშალენით. \*)

\*) ეს იყო პირველი მარქსისტულად მოაზროვნე ჯგუფის კრება ყვირილაში, რის შედეგად წარმოიშვა „მე-3 დისი“. რ. ფანცხავას ამ მკრთალ ნაწყვეტს ვათავსებთ აქ როგორც ისტორიულ დოკუმენტს, რომელიც რამოდენიმეთ ფარდას ხდის. თუ როგორ წარმოიშვა პირველი მარქსისტული ჯგუფი საქართველოში და როგორ პირობებში მომზადდა იგი. დაწვრილებით ამის შესახებ მკითხველი ნახავს ჟურნალის ამავე ნომერში მოთხრობებულ ამხ. ფ. შახარაძის მოგონებაში.

რედაქცია.





# ავტობიოგრაფიაჲი.

## რაჰდენ პალაჲი.

დავიბადე 1871 წელს სოფელ ეწერში (ქუთაისის მაზრა) სოფლის ღარიბ მღვდლისა და მწერლის ოჯახში. მღვდელი იყო ბაბუა, მამა კი ჯერ იყო სოფლის მწერალი, შემდეგ ის სოფელში მასწავლებლობდა, ბოლოს მედავითნცე იყო და მასწავლებელიც. დედა გლეხის ქალი იყო მარა წერა კითხვის მცოდნე; მასთან იგი ყოველ მხრივ ზედმიწევნით პატიოსანი, კარგი მეოჯახე, ღვთის მმოსავი აღაძინი და თავის შვილების უკიდურეს თავგანწირულებამდი მოყვარე.

სოფელში დავეყავი 9 წლამდი, როდესაც კი 9 წლის გავხდი, წამიყვანეს ქუთაისში და იქ სასულიერო სასწავლებელ ში მიმიცეს.

ეს სასწავლებელი დიდი წარმატებით დავასრულე და აქედან გადავედი ტუილისის სასულიერო სემინარიაში. აქ კარგათ ვსწავლობდი, განსაკუთრებით ლიტერატურასა და ლოღიკას, მაგრამ სრული უნიჭობა და დაუდევრობა გამოვიჩინე სამღვთო ცოდნის დარგში და განსაკუთრებით საეკლესიო გალობაში, რისთვისაც დამტოვეს იმავე კლასში (მეოთხე საერთო განათლების კლასი). დარჩენის შემდეგ აღარ ვისურვე სასწავლებელში დარჩენა და გამოვედი სემინარიიდან იმ აზრით, რომ რუსეთის უმაღლეს სასწავლებელში გამეგრძელებია სწავლა, მაგრამ ეს განზრახვა ჩემი სიღარიბისა და ბუნებრივ მოკრძალებლობის გამო ვერ მოვახერხე. ამის შემდეგ ქართული და რუსული წიგნების საშუალებით შეუდექი თვით-განვითარებას. ყველაფერი ეს იყო 1880 წლიდან 1891 წლამდე.

უაღრესათ მე დავინტერესდი რუსეთის სოციალისტებით მაშინ, როდესაც მათ მოახდინეს ისტორიული მნიშვნელობის ტერორისტული აქტი—1881 წლის 1 მარტს (თვითმპყრობელი მეფის ალექსანდრე მე-II მკვლელობა). მაშინ მე ვიყავი 10 წლის და ვსწავლობდი ქუთაისის სასულიერო სასწავლებელში. ბავშობიდანვე ვუარყვოვდი ყოველგვარ სამღვდლო წესებს, ცურუმორწმუნეობას და არ მქონდა რელიგიური რწმენა. მეფის მოკვლის გაგებამ ჩემში დაბადა სოციალურ საკითხებისადმი ინტერესი.



ათეიზმი და სოციალიზმი, აი ორი დასაწყისი, რომელიც ბავშობიდანვე გადაეჭლო ჩემს შეგნებას.

სემინარიაში გადასვლის, ქართულ ლიტერატურის გაცნობის და განსაკუთრებით სემინარიის ლექტორის, ჩუდუცკის მოკვლის (1885-წ.) გავლენით, აგრეთვე დიმიტრი ყიფიანსა (მაშინდელი თავად აზნაურთა წინამძღოლისა და ცნობილი მოღვაწის) და საქართველოს ეგზარხის პავლეს შორის ჩამოვარდნილ კონფლიქტის, მიწერ მოწერის და შეტაკების შემდეგ მე დავინტერესდი ქართული ხალხის ბედით და შევიქენი დიდი „პატრიოტი“.

ამგვარათ ჩემში იყო მაშინ სამი სხვადასხვა ელემენტი: 1) წმინდა იდეური, 2) სოციალისტ-რევოლიუციური და 3) ნაციონალური, და მე ვიყავი ერთდა იმავე დროს ათეისტი, რეალისტი რევოლიუციონერი და „პატრიოტი“. ამავე დროს ვკითხულობდი ლევ ტოლსტოის თხზულებებს და გავხდი „ტოლსტოვეცი“, არ ვსვამდი ღვინოს და არც ხორცეულს ვჭამდი. ვცდილობდი ყოველმხრივ გამეუმჯობესებია ჩემი პირადი „მე“. ეს იყო 1891 წ. მე მაშინ 20 წლის ვიყავი.

ამ წელს სემინარიიდან გამოსვლის შემდეგ მე გავეცანი ჩვენი რევოლიუციონური ცხოვრებისა და აზროვნების ორ ბელადს—სახელგანთქმულ ქართველ ბელეტრისტს ეგნატე ნინოშვილს და ახალგაზრდა რევოლიუციონერსა და სოციალისტს მიხა ცხაკაიას. ესენი იყვნენ ჩემი პირველი მასწავლებლები და ხელმძღვანელები. დაუახლოვდი მათ, განსაკუთრებით ეგნატეს და, რომ შემეფსო ცოდნა და შემემუშავებია მსოფლმხედველობა, წიგნების კითხვის და წაკითხულ წიგნებზე რეფერატების წერის გარდა, მათთან ხშირათ ვმართავდი კამათს სხვა და სხვა საკითხებზე, უმეტესათ სოციალურ და ლიტერატურულ-მხატვრულ ხასიათის საკითხებზე.

ეგნატემ და მიხამ შექმნეს ახალგაზრდა სოციალისტ ინტელიგენტებისაგან წრე, რომელში მეც ვითვლებოდი. ამ წრეში ვკითხულობდით და ვარჩევდით ლავროვის ისტორიულ წერილებს.

1892 წლის დამლევს ეგნატეს ინიციატივით შედგა დ. ყვირილაში პირველი არალეგალური კრება ქართველ მარქსისტებისა, რომელსაც ეგნატეს მიწვევით მეც დავესწარი. აქ მე პირველათ მოვისმინე მარქსისტული აზრები და დაუპირდაპირე ის ნაროდნიკობას მოვბრუნდით ტფილისში და აქ ჩვენ კიდევ შევადგინეთ მოწაფეთა რამდენიმე წრე.

1893—4 წელს ამ ელემენტებისაგან შესდგა ჩვენში „მესამე დასი“, რომელიც შემდეგ ეგნატე ნინოშვილის სიკვდილისა გარდიქნა საქართველოს სოციალ-დემოკრატიულ პარტიათ.

ამ პირველ „მესამე დასელებისაგან“ 1897 წელს შედგა ტფი-



ლისში პირველი საინიციატივო რევოლიუციონური კომიტეტი, რომელშიც ჩემს გარდა შედიოდნენ:

1. ვასო ცაბაძე, 2. სილიბისტრო ჯიბლაძე, 3. სვეტიცხოველი,
4. საშა შატლოვი, 5. ზაქარია ჩოდრიშვილი, 6. მიხა ბოჭორიძე და 7. არაქელა ოქუაშვილი.

ამ ამხანაგებში უფრო რევოლიუციონერობა ემჩნეოდა ყველა მუშებს, ნახევრად მუშებს და ნახევრად ინტელიგენტს ვასო ცაბაძეს. შემდეგში ბოლშევიკურ ფრაქციაში მოგვხვდით (მე და ხსენებული სამი მუშა).

1891 წლიდან ჩვენ დავაარსეთ პირველი „მუშათა წრეები“, სადაც ვაწარმოებდით არა-ლეგალურ სოციალისტურ პროპაგანდას მარქსის მოძღვრების თვალსაზრისით. ამ წრეებში აღიზარდნენ და გამოვიდნენ შემდეგი ცნობილი ბოლშევიკი მუშები: ვანო სტურუა, გიორგი თელია (მუშა—პუბლიცისტი) და გიორგი ჩხეიძე.

1898 წელს ლადო კეცხოველმა გამაცნო მისივე წრეში მომაცადინე, დღეს რუსეთში ცნობილი და მაშინ კი ახალგაზდა სემინარიელი ამხ. სოსო ჯულაშვილი, რომელიც იმ დროს სკოლიდან დათხოვნილი იყო. სოსოს ვუშოვე სამსახური ტფილისის მეტეოროლოგიურ ობსერვატორიაში, სადაც იმ დროს ვმსახურობდი.

ამხ. სოსო იმ დროიდანვე (1898 წლიდან) შეუდგა რევოლიუციურ მოღვაწეობას ჩვენი ხელმძღვანელობით და, როდესაც ჩვენ „მესამე დასელები“, ე. ი. სოც.-დემოკრატები, თითქმის ყველა დავატუსაღეს, 1901 წელს საქართველოში რევოლიუციური მოძრაობის ხელმძღვანელობა მოუხდა მარტო მას.

1898 წელს ამხანაგებთან ს. ჯულელთან, ლადო კეცხოველთან და მუშა ზაქრო ჩოდრიშვილთან, მიხა ბოჭორიშვილთან და არაქელა ოქუაშვილთან ერთად პირველი საინიციატივო ს.-დ. კომიტეტის დადგენილების თანახმად (რომლის წევრებიც ზემოთ მოვიხსენიე) მოვაწყვე პირველი მასსიური არა-ლეგალური დღესასწაული 1 მაისისა.

იმავე კომიტეტის დადგენილების თანახმად მოვაწყვე ვასო ცაბაძესთან და ლადო კეცხოველთან ერთად „კონკის“ მოსამსახურეთა ვაფიცვა, რომელსაც თავის თავათ პოლიტიკური ხასიათი მიეცა. ეს მოხდა 1900 წლის 1 იანვარს, როცა ვაფიცული მუშების სისხლი ტფილისში პირველათ დაიდვარა. შემდეგში (1904), როცა მე უკვე დაავითმყოფებული ვიყავი, მოვაწყვე კიდევ ეკონომიური ხასიათის ვაფიცვა დაბა სამტრედიისში მოსკოველ მეფაბრიკის ილინის აბრეშუმის ქაფის საღებ ფაბრიკაში. რამდენიმე კვირით ადრე აქ, ამ ფაბრიკაში მომუშავე ქალის, ანეტა გაბილაიას მეთაურობით და ინიციატივით მე მოვაწყვე მუშა ქალთაგან წრე სოც.-დემოკრატიული პროპაგანდის გასაწევათ.

ამის შემდეგ პოლიტიკურ დემონსტრაციებში მე არ მიმიღია მონაწილეობა, რადგან ბაქოში არა-ლეგალურათ ცხოვრების საშინელი პირობების გამო და შემდეგ ათ თვეს ციხეში ჯდომის გავლენით ნერვიული დამბლა დამეცა და 1902 წლიდან ვიდრე 1904 წლამდე ნახევრად ინვალიდი დავრჩი.

მხოლოდ 1905 წელს ქუთაისის ს. დ. ბოლშევიკების კომიტეტმა დამავალა გამეწია პარტიული ხელმძღვანელობა სამტრედიის რაიონისათვის. ვხელმძღვანელობდი ამ რაიონს როგორც ბოლშევიკი მასამდე, ხოლო მასში ცნობილ გენერალ ლიხანოვის განკარგულებით დამატუსაღეს, მაგრამ ვარანცოვ დაშკოვის ტფილისში ჩამოსვლის გამო გამანთავისუფლეს მაისის დამლევს.

1907 წლიდან უმთავრესად ლიტერატურულ შრომას ვეწეოდი: ვთანამშრომლობდი ყველა ს. დ. ლეგალურ გაზეთებში და დრო გამოშვებით ვაწარმოებდით ბოლშევიკურ პროპაგანდას მუშათა წრეებში. მხოლოდ ერთი შემთხვევა იყო, როდესაც მე მონაწილეობა მივიღე ქართულ არა-ლეგალურ გაზეთის „ბრძოლა“-ს გამოცემაში, რომელსაც მაშინ ხელმძღვანელობდა ამხ. ბ. ნანეიშვილი; ამ საქმეში მონაწილეობა ამხ. მგელაძემაც (ვარდინმა) მიიღო, რომელიც მაშინ ასოტამწყობი იყო.

მებრძოლ ჯგუფებში და ტერორისტულ აქტებში მე მონაწილეობა არ მიმიღია და არც შემძლო მიმეღო ავადმყოფობის გამო. დუმცა მიუხედავად ამისა, 1919 წლის 15 სექტემბერს მენშევიკურმა მთავრობამ მაინც დამატუსაღა დენიკინის გენერალის, ბარათოვის აფეთქების გამო, ვინაიდან მე მჭიდრო ურთიერთობა მქონდა ვასიკო წიგწივაძესა და არკადი ელბაქიძესთან, რომელთაც მინდობილი ჰქონდათ ამ საქმის მოწყობა.


ვიჯექი ციხეში სხვა და სხვა დროს ორი წელიწადი, გადასახლებული ვიყავი ორჯერ და ვიმაღებოდი სამ წელიწადს. ქუთაისის ციხეში 1901 წელს ჩემთან ერთად იჯდა ნოე ჟორდანიას და შემდეგ ასობით ბოლშევიკები, რომელთა შორის იყვნენ გამოჩენილი და თავდადებული ამხანაგები დაწყებული ამხ. მ. ცხაკაიადან და გათავებული ლადო სუხიშვილითა და ნოე ლეჟავათი.

რევოლიუციურ მოღვაწეობას მაწყვეტინებდა მხოლოდ ციხეში ჯდომა და ავადმყოფობა.

თებერვლისა და ოქტომბრის გადატრიალების დროს მე ვიყავი ტფილისში და ვრედაქტორობდი ბოლშევიკური მიმართულების მუშურ ჟურნალს ქართულ ენაზე. ამ რევოლიუციებში ჩემი მონაწილეობა გამოიხატა მხოლოდ ლიტერატურული მოღვაწეობით. ჩემთან ერთათ მუშაობდნენ: ამხ. მიხა, ფილიპე, ლადო დუმბაძე, ს. თოდრა, ვანო

ბოლქვაძე და სხვები. 1917—18 წელს ჩვენ ვუშვებდით გაზეთ „ბრძოლას“, რომელიც ს. სოც.-დ. (ბოლშევიკების) ლეგალურ ორგანოთ ითვლებოდა.

შემდეგ ამხ. ფილიპესთან ერთად ვმუშაობდი გაზ. „კომუნისტურ-მენშევიკურ საქართველოში არა-ლეგალურ ორგანოებშიც ვმუშაობდი: ვეხმარებოდი ამხ. ფილიპეს არა-ლეგალური ბიულეტენების დამზადებაში და ვთარგმნიდი არა-ლეგალურ რუსულ პროკლამაციებს. 1919 წელს ვთარგმნე რ. კ. პ. ჩვენში არა-ლეგალურად გამოსული პროგრამა.



## იოსებ სიმონის-ქა გორჩილაძე.

მე დავიბადე 1876 წელს. რევოლიუციონურ მოძრაობაში თავიდანვე ვღებულობდი მონაწილეობას.

მამა ჩემი იყო მეწაღე და მე თითონ მუშა-პროლეტარი ვმსახურებდი რკინის გზაზე. როგორც პროლეტარი იძულებული ვიყავი ბრძოლა მეწარმოებია კაპიტალის წინააღმდეგ. მე მიმიღო პარტიაში გორის ორგანიზაციამ, რომელსაც ხელმძღვანელობდა ვანო კეცხოველი.

1905 წ. ვღებულობდი მონაწილეობას წითელ რაზმში, რომელიც მოქმედებდა ახალქალაქის რაიონში შავრაზმულ ორგანიზაციის წინააღმდეგ, ე. ი. მიმამულეთა და თავად-აზნაურთა ცხენოსანი რაზმის წინააღმდეგ. წითელი რაზმის უფროსი იყო არსენ კორსიძე. ვღებულობდი მონაწილეობას რკინის გზელთა გამოსვლაში ხაშურში. ამიტომ დატუსაღებული და მოთავსებული ვიყავი გორის ციხეში.

არჩეული ვიყავი ახალქალაქის, რაიონის თავმჯდომარეთ და ვასრულებდი სხვა და სხვა კონსპირატიულ დავალებებს.

1905 წლის რევოლიუციის დროს ვიყავი ტფილისში და ამხ. (სტალინ) ჯულაშვილის წინადადების თანახმად გამაგზავნეს გორის ორგანიზაციაში. ვღებულობდი მონაწილეობას ახალქალაქის წითელ რაზმში, რომლის უფროსადაც არსენ კორსიძე იყო.

მონაწილეობას ვღებულობდი ტერორისტულ აქტებში—სადგ. ვრაკალში მოგკალი ცნობილი ჯაშუში კოშაძე და გორის ხიდზე ციციშვილი, რომელიც დავალებული მქონდა გორის ორგანიზაციის ერთი ჯგუფისაგან.


პოლიცია მუდამ მსდევნიდა და დამატყვევა კიდევ. სამხედრო-სავლელ სასამართლომ მომისაჯა ოთხი წლის კატორღა. ციხეში ჩემთან ერთად იჯდა განსვენებული კოკოლა ოდიშვილი, ქიტესა ჯანიაშვილი და მიხა ბატკუაშვილი. პარტიულ მუშაობას ვაწარმოებდი განუწყვეტლივ.

თებერვლისა და ოქტომბრის რევოლიუციების დროს მოვხვდი ქ. ტრაპეზუნდში, სადაც მე ვითვლებოდი სამხედრო სამსახურში მონაწილეთ. რევოლიუციის დროს იქ ვიყავი არჩეული საბჭოთა

არჩევნების დელეგატთა და შემდეგ საბჭოს წევრად, რომლის თავმჯდომარედაც ამხ. კვირკველია იყო.

1900—1903 წლამდე ვიყავი ტფილისში, 1903—1907 წლამდე გორში, 1906—1909 წლამდე ვიჯექი გორის ციხეში. 1909 წელს გადამასახლეს, საიდანაც გამოვიპარე და ვიმალებოდი 1914 წლამდე. 1914—1917 წლის ბოლომდე ვიყავი ტრაპეზუნდში. 1917 წლის დამლევს ჩამოვედი ტფილისში და ამირჩიეს აქ 1 რაიონის საბჭოში. 1919 წლიდან 1921 წლის დამლევამდე ვიყავი ტფილისის კომიტეტის წევრად. ამავე წლებში ვიყავი 1 რაიკომის ბიუროს წევრიც. 1921 წელს არჩეული ვიყავი დელეგატად პარტკონფერენციაზე.

1919-სა და 1920 წლებში არჩეული ვიყავი წარმომადგენლათ ტფილისის მუშათა ცენტრში. 1921 წელს დამატულად და ვიჯექი ქუთაისისა და ბათუმის ციხეებში—საქართველოში საბჭოთა ხელისუფლების დამყარებამდე



## პარლამენტში.

დავებადე 1884 წელს გლეხის ოჯახში სოფ. ბურნათში (ოზურ-გეთის მაზრა, ქუთაისის გუბ). ბავშობისას მე ვიყავი ავადმყოფი.

ჩენი მატერიალური მდგომარეობა უარესდება ოჯახში განვითარებულ ავადმყოფობით, რომელმაც იმსხვერპლა შეიდი სული მშობლებთან ერთად.

თავდაპირველად მე ვსწავლობდი ხაშურის სასოფლო სკოლაში, ხოლო ამის შემდგომ შევედი იქაურ რკინის გზის სასწავლებელში.

ექიმების რჩევით მე გადავედი ტფილისში საბალოსნო შრომის სკოლაში. ეს იყო 1896-1897 წლებში. ამ სკოლაში საქმის დაწყება მე არ მაკმაყოფილებდა, ამისათვის 1899 წელს გავემგზავრე ბესარაბიაში, ქ. კიშინიოვში, სადაც დავიწყე მზადება მეღვინეობის უმაღლეს სასწავლებელში შესასვლელად, მაგრამ მატერიალურის მხრივ უმწეო მდგომარეობამ იძულებული მყო დავბრუნებულიყავი 1900 წელს გორში.

ცოტა ხნის შემდეგ მე მომიხდა სამსახურში შესვლა ბორჩალოს მაზრაში მელიკოვებთან, სადაც საფუძვლიანად შევისწავლე მევენახეობა და მეღვინეობა. აქ ვიმსახურე თითქმის ერთი წელი, ხოლო შემდეგ დავბრუნდი ისევ გორში.

მე დიდხანს განზე ვუდექი პოლიტიკურ მიმდინარეობას, მაგრამ ხაშურში მუშების დახვედრამ მოახდინა ჩემზე საოცარი შთაბეჭდილება და დასძრა ჩემი ფიქრები პოლიტიკისკენ

აქედან იწყება ჩემი პირველი გამოსვლა რევოლუციონურ სარბიელზე.

1903 წელს ნიკოლოზ ფერაძის დახმარებით მე შევედი ესდეკების პარტიაში, მის ხაშურის ორგანიზაციაში. იქ მუშაობდენ გარდა ფერაძისა ისიდორე მეფარიშვილი და ცაბაძე.

1904 წელს ვცხოვრობდი ტფილისში, ვერაზე, ვირიცხებოდი ვასო ფერშლის იაჩეიკაში, მისი გვარი დამავიწყდა. იაჩეიკის სხვა წევრები არ მახსოვს. მონაწილეობას ვიღებდი წრეებში როგორც ტფილისში ისე ხაშურში. ტფილისის წრის ხელმძღვანელნი არ მახსოვს, ხოლო ხაშურის წრის ხელმძღვანელად, გამოვლით, იყო ისიდორე რამიშვილი. წრეში ვასრულებდი სხვა და სხვა მინდობილობას,





მაგრამ წრეებს ჩემზე გავლენა არ ქონია. გონებას ვავარჯიშებდი ბროშიურების და წიგნების კითხვით. ჩემი პოლიტიკური და ეკონომიური რწმენის შესამუშავებლად ვადამწყვეტი მნიშვნელობა ქონდა ჩემთვის კამოს პიროვნებას. დიდი იყო მისი გავლენა ჩემზე. ის სისტემატიურად მაწვდიდა სათანადო ლიტერატურას. რაც შეეხება გაფიცვებს, მე ვიღებდი მონაწილეობას პოლიტიკურ გაფიცვებში ეკატერინოსლავში 1907-1908 წლებში, სადაც მახსოვს ამხანაგები და არკადი (მათი ვგარი დამავიწყდა) და აგრეთვე ეკონომიურ გაფიცვებში ბაქოში.

აქტიურ მონაწილეობას ვიღებდი 1905 წლ. აჯანყებაშიც, პატროქიან ბომბების დამზადებით. რასაკვირველია, ფაბრიკაცია მიმდინარეობდა კონსპირატიულად; საიდუმლოებას თხოულობდა აგრეთვე ბომბების და, მაშინდელი ტერმინოლოგიით, არა-ლეგალურ ლიტერატურის ჩემ მიერ გადაზიდვა-გადმოზიდვა და სხვა. ყველა ეს სწარმოებდა ხაშურში. პირდაპირ მონაწილეობას მებრძოლ ჯგუფებში არ ვიღებდი, ვიყავი მხოლოდ ხელმძღვანელი. ჯგუფი უმთავრესად ყურადღებას აქცევდა ტერორისტულ აქტების მოწყობას, მაგრამ თვალსაჩინო ჩვენ არაფერი არ გავგიკეთებია, რადგანაც უკვე მოასწრეს ჩვენი შემუსვრა. ხელმძღვანელთა შორის მახსოვს წერეთელი. ტერორისტულ აქტებში არ ვიღებდი მონაწილეობას. ლიტერატურის გავრცელების გამო მე მიმცეს პასუხის გებაში. სისხ. სამ. დებულების 129 მუხ. ძალით, მაგრამ, რადგანაც ამ მუხლით ვერ დამიმტკიცეს დანაშაულობა, მეორე ნაწილის სის. სამარ. დებულების 132 მუხ. ძალით მომისაჯეს 6-ი თვის ციხეში ჯდომა. სასჯელი მე არ მომიხდია, რადგანაც მოგყევი 1913 წლის მანიფესტში. ფაქტიურად კი მოვიხადე განწესებული სასჯელი, რადგანაც სხვა და სხვა ღროს ნახევარი წელი, საქმის გამორკვევამდე, დავყავი მეტეხის ციხეში.

ციხეში ღროს ვატარებდა გამოიხატებოდა წიგნების კითხვაში და სხვა და სხვა თემაზე სჯა-ბაასში. ჩემთან ერთად ისხდნენ: ავაქოვი (სახელმწიფო სათათბიროს ყოფილი წევრი), თელია (მისი სახელი არ მახსოვს), მენშევიკი, რომელიც დაიკარგა უგზო-უკვლოდ და ქართული გაზეთის მონაცვალე რედაქტორი გიორგი (გვარი არ მახსოვს).

ბოლშევიკების ფრაქციაში ვირიცხები 1904 წლის ბოლოდან თუ 1905 წლ. თავიდან. ღრო შეწყვეტით პარტიაში ჩემ ყოფნას თითქმის ადგილი არ ქონებია. ხან და ხან მასთან კავშირი წყდებოდა, მაგრამ მიუხედავად ამისა მუშაობას მაინც არ ვაჩერებდი.

1905 წლის რევოლუციის დამარცხების შემდგომ გავემგზავრე საზღვარ-გარეთ—შვეიცარიაში ქ. ბერნში. იქიდან გამოვბრუნდი 1907 წელს და მოვედი პეტროგრადში.



აქ მე შევხვდი კრასინს, რომელსაც ერქვა სახელად „ივანე ივანოვიჩი“. მან მე გამაცნო მეუღლე ამხ. ლენინისა.

ამხანაგების რჩევით მე დროებით გავემგზავრე პარტიულ სამუშაოდ ეაკატერინოსლავში, სადაც დაეყავი რამდენიმე თვე, ხოლო შემდგომ ჩვენი მუშაობის ჩაფუშვისა, რეპრესიებისა გამო, მე გავემგზავრე ხაშურში.

თებერვალი და აგრეთვე ოქტომბერი 1917 წლისა მე გავატარე ტფილისში, სადაც ვმუშაობდი რკინის გზის დეპოში. აქ ვეწეოდი საორგანიზაციო მუშაობას, აგიტაციას და პროპაგანდას. როგორც ბაქოს დელეგატი მე ვიღებდი მონაწილეობას ამიერ კავკასიის ორგანიზაციათა პირველ სხდომაზე, აგრეთვე მონაწილეობას ვიღებდი რამდენიმე საქალაქო პარტიულ კონფერენციაზე. იქ ჩემს გარდა იყო გიორგი სტურუაძე, სხვები არ მახსოვს. კონფერენციაზე განსახილველი საკითხები არ მახსოვს.


დაწვრილებით ჩემი რევოლიუციონური საქმიანობა 1917 წლისა გამოიხატება შემდეგში: 1917 წელს ბაქოდან მე დაებრუნდი ტფილისში. აქედან გამგზავნეს ტრაპეზუნდში, სადაც მოვაწყე რაზმი კალედინის წინააღმდეგ, ხოლო ტრაპეზუნდიდან დაბრუნების შემდგომ გავგზავნილ ვიყავი სევასტოპოლში თანახმად საოლქო კომიტეტის მინდობილობისა, საქართველოსთან შეთანხმებით, რევოლიუციონურ ფლოტის ბრძოლისთვის მომზადების ხელმძღვანელად.

მარგამ სევასტოპოლში გადასვლა ვერ მოვახერხე და დავრჩი ჩრდილო კავკასიაში. მე ვიღებდი აქტიურ მონაწილეობას სამხრეთ ფრონტზე, გაგრის მიდამოებში, როგორც პოლიტკომისა და სამხრეთ ფრონტის შტაბის წევრი. ამის შემდგომ ვიყავი დელეგატთა მაიკოპის ყრილობაზე, ხოლო შემდგომ არჩეულ ვიყავი პარტიულ კომიტეტის თავმჯდომარედ. აქედან გაწვეულ ვიყავი საოლქო კომიტეტის და ჩრდილო კავკასიის ცენტრ. კომიტეტის აღმასკომის მიერ პიატიგორსკაში, სადაც დამნიშნეს მთიულეების საქმეთა და შინაგან საქმეთა კომისარის მოადგილედ. ამის შემდგომ ვიყავ არჩეული სამხედრო-საკანტროლო კომისიაში, რომელიც დაბოლოს გადაკეთდა საგანგებო განყოფილებათ, სადაც განვაგებდი საიდუმლო ოპერატიულ ნაწილს. ეს იყო უკვე გიორგიევსკში. გიორგიევსკის ევაკუაციის შემდგომ, ჩვენ მოგვიხდა გადასვლა ასტრახანისკენ. შავ ბაზართან მე და ამხანაგთა ერთი ჯგუფი ვიყავით ტყვეთ წყევანილი, მაგრამ მე და ამხ. ივანოვმა (აღლერსკიმ) მოვახერხეთ მიმალვა.

ნაოსნობის გახსნამდე ვიმალებოდი კიზლიარის ბალებში, ხოლო ნაოსნობის გახსნისა შემდგომ მოვედი ბაქოში, საიდანაც ამხანაგებმა არ გამიშვეს და დამტოვეს იქვე, მაგრამ ბაქოს გაფიცვების ჩაშლისა შემდგომ, მუსავატისტების დროს, მე მოვედი ტფილისში. აქ ვმუშა-

ობდი პირველ და მეორე უბანში. აქედან საოლქო კომიტეტის მიერ ვიყავ მივლინებული ქუთაისში საორგანიზაციო და რამდენიმე კონსპირატიული საქმეთა მოსაწესრიგებლად. ლეგალიზაციის შემდგომ ვიყავ დანიშნული ტფილისის საგუბერნიო კომიტეტის თავმჯდომარედ, მაგრამ დამიჭირეს და გადაამგზავნეს ქუთაისის სატუსალოში. აქედან გადაგზავნილი ვიყავი ბაქოში.

აქ მე შევედი საქართველოს კომუნისტურ პარტიის ცენტრალურ კომიტეტის ბაქოს ბიუროს შემადგენლობაში. ბაქოდან ვიყავი მივლინებული ვლადიკავკაეში, ყრილობაზე; იქიდგან დაბრუნებისა შემდგომ გამამგზავნეს ზაქათალაში შეიარაღებულ აჯანყების ხელმძღვანელად. იქ ვიყავი დანიშნული კავკასიის ფრონტის მე-11-ე ლაშქრის რევოლუციონურ სამხედრო საბჭოს თავმჯდომარედ და მთავარ პოლიტიკურ ხელმძღვანელად. ლაშქარი მიიწვოდა საქართველოს მმართველებით, ლაშქრით მე მივედი ხაშურამდე, ხოლო შემდგომ დაგბრუნდი ტფილისში.



# რევოლუციის მსხვერპლთა ხსოვნას.

მანო სტურუა.

ამხ. ვასო სტურუა.

(დაღუპული 1905 წ. ბრძოლებში)

ამხ. ვასო სტურუა იყო გლეხის შვილი, ის დაიბადა სოფელ კულაშში (ქუთაისის მაზრაში). მამა მისი ნიკოლოზი სტურუა, იყო საშუალო გლეხი. ვასო სასწავლებელში არ ყოფილა. წერა კითხვა შეუსწავლია მოჯამაგრობაში. თვითონ იყო აზოვანი, პირველ შეხედვაზე მრისხანე სახის, მაგრამ თუ გაეცნობოდი, დიდი პატიოსნებას და სათნოებას იგრძნობდი მასში. იყო შეუპოვარი და ვაი მისი ბრალი თუ ვინმე დაიმსახურებდა მის რისხვას, განსაკუთრებით ყოფილი თავად-აზნაურობა, რომელიც ჭირივით ეზარებოდა. არა ერთი და ორი მათგანი გაუტყუებია ჯერ კიდევ იმ დროს, როცა გლეხობა კიდევ რამდენიმე მანძილიდან უხდიდა ქუდს, ან ყაბალახს თავადებს.

1888—წ. ამხ. ვასო იყო „სადნიკათ“ (всадники, добровольно вступившие) და მსახურებდა ბათუმის ოლქში. მას ვარჯიშობის დროს მოუვიდა შეტაკება „სოტნის“ კომანდირთან, თავად მიქელაძესთან. მიქელაძე ვარჯიშობის დროს უწუნებდა „სადნიკებს“ მიხვრა-მოხვრას და სცემდა ზოგიერთებს. ეს ვასოს არ მოსწონდა და გული უკვდებოდა, როცა სილა გაწნული ჯარის კაცი კრინტს არ იღებდა. ძალიან უნდოდა ამხ. ვასოს ერთი მასთან ყოფილიყო ასეთი შემთხვევა. ერთხელ ვარჯიშობის დროს ვასო განგებ დაიკლაკნა. შეამჩნია რა ეს კომანდირმა, გაუპირა ხელის წაწევა სილის გასაწნავათ, მაგრამ შეცთა კომანდირი ანგარიშში, მან უმაღლ მიიღო მძლავრი სილა ამხ. ვასოდგან. ამ დღიდან ამხ. ვასო ტოვებს სამხედრო ბანაკს, ეშურება ქალაქ ბათუმიდან, პოულობს მეზავრ რაინდებს, ეწევა არსენა ოძელა-შვილივით, ღარიბის, ჩაგრულის მოსარჩლეობას და არ ინდობს წურბელა ბობოლებს. რასაკვირველია, ამ დროს ამხ. ვასოს არ ამოძრავებდა კომუნისტური გრძნობები, მაგრამ ის ბუნებრივად იყო სოცია-

ლისტური ელემენტი, ინსტიტუტურათ გრძნობდა ჩაგრულთა მოსარჩ-  
ლეობას.

1898 წელში ვასოს ვხედავთ სოფლათ, გლეხებში მოჭუტუნეს. მიუხედავათ მისი ფიზიკური სიძლიერისა, ის ძლიერ თავმდაბალი და მომთმენიანია, თუ სადმე ჩხუბს შეესწრო, ხელათ დააშოშმანებს, ხოლო თუ ვინმე გაჭირვეულდა და მოთმინებიდან გამოიყვანა, ვასო მისი არწივისებური თვალებით, მძლავრი მკლავებით ხელათ აგრძნობინებს, რომ მასთან ჯიუტობა არავის გაუვა. 1898—წ. აზხ. ვასო ემხრობა მუშურ მოძრაობას. მასთან ბინა აქვს ყველა კონსპირატიულათ და არა-ლეგალურათ მყოფ აზხ. 1899 წ. აზხ. ვასო ჩამოვიდა ჩემთან ტფილისში. მე მაშინ რკინის გზის მთავარ სახელოსნოში ვმუშაობდი სახარატო განყოფილებაში ხარატათ, (токарем). მიზანი ვასოს ჩამოსვლისა იყო ლეგალური ლიტერატურის წაღება.

მაშინ ჩვენც ძალიანი სუსტი ვიყავით პარტიული ლიტერატურით, და თუ გვქონდა რამე, ისიც რუსულ ენაზე. დარჩა ტფილისში თითქმის ერთი კვირა, ორჯერ კრებებზედაც წავიყვანე. იმ დროს გამოდიოდა „კვალი“, მესამე დასელების ორგანო, მართალია, ძალიან მკრთალათ, მაგრამ ცოტაოდენ რასმეს მაინც იძლეოდა გონების გასავეითარებლათ. უმოვეთ ერთი ბროშურა ქართულ ენაზე „საუცხოვო ნიმუში“ პასუხი ნიკო ნიკოლაძეს, კ. ჩხეიძის, სოციალ-გამცემლობისათვის დღეს სამარცხვინოთ საქართველოდან გაქცეულის.

1900—წ. მე დავეტოვე ტფილისი, წავედი ბაქოში და გავწყვიტე მიმოწერა აზხ. ვასოსთან. 1901—წ. ციხის შემდეგ მე მივედი სოფელში აზხ. ვასო საკმაოთ მომზადებულიყო. მან ჩემს უთქმელათ მომიტანა ოცი მანეთი ოქროს ფული (ოთხი ხუთ-ხუთი მანეთიანი), მომცა ჩუმათ და მითხრა: „ნაციხარი ხარ, შენ ფული არა გაქვს ვიციო, გახმარე და თუ ოდესმე გექნეს, მაშინ მომეციო“. იგივე 1901—წლის ბოლოში გავშორდი აზხ. ვასოს და წავედი (კი არ წავედი გადამასახლეს ბაქოს პოლიციის ზედამხედვობის ქვეშ) ბაქოში.

1903 წ. ბოლოში ჩვენ უკვე მოვაწყვეთ ბაქოში გამომცემლობა. გამოუშვით რამდენიმე ქართული ბროშიურა: ოთხი ძმის არაკი, ლადო კეცხოველის გადაკეთებული, საუბარი გლეხებთან აზხ. აბელი ენუქიძის შედგენილი, ვაზ. „ბრძოლა“ პირველი ნომერი აზხ. ლადო კეცხოველის წინასიტყვაობით, მიმართვა მუშებისადმი, რომელშიაც ჩაქსოვილი იყო ლადოს სულის სიძლიერე. მე მოვახერხე ბაქოდან ასეთი ბროშურების და გახეთების გამოგზავნა აზხ. ვასოსთვის სამტრედიის რაიონში, სოფელ კულაშში. საზღვარი არ ქონდა აზხ. ვასო სტურუას სიხარულს, როცა ეს ფეშქაში მიელო მას. მწერდა ვასო: „შენი ფეშქაში მივიღე, სამაგიეროს გლეხების შეგნებაში დაინახავო და, ამაზედ უკეთეს ჯილდოს შენ არ ეძებო“. 1904 წელში აზხ. ვა-



სოსთან გამოვავზავნე ბაქოდან ამხ. სიმონ ენუქიძე. ამ დროს ვასო კულაშის თემის მამასახლისათ იყო არჩეული გლეხების დავალებით. ვასო გვაძლევდა პასპორტის ბლანკებს არა-ლეგალური ამხანაგებისათვის, მოწმობებს და სხვას.

სწორეთ ამხ. სიმონა ენუქიძეც იმიტომ იყო წამოსული, რომ პასპორტის ბლანკები მიეღო ორგანიზაციისათვის.

1904 წლის გაზაფხულზედ დიდი მარხვის უკანასკნელი კვირაში, ერთ დიდ ბაზრობაზე დ. სამტრედიის მიხდა დემონსტრაცია, გაავრცელეს ზღვა ხალხში ფურცლები, დასქერეს სასიკვდილოთ ნიკოლოზის მთავრობის მიერ დანიშნული მამასახლისის ვინმე ძიგრაშვილი, მოკლეს სამტრედიის ბოქაული, სერგია (სახელია, გვარი არ მახსოვს). ამას ხელმძღვანელობდა ამხ. ვასო.

1904 წ აგვისტოს თვეში, მთავრობამ შეამჩნია ვასოს, რომ ის მონაწილეობას ღებულობდა განმათავისუფლებელ მოძრაობაში და გამოეკიდა დასაქერათ. ამხ ვასო მიიმალა ჯაჭვიან ბეჭდიანათ. ერთი კვირის შემდეგ ამხ. ვასო მივა მალულათ სამტრედიის ახალ ბოქაულთან, შავგულიძესთან, ართმევს თოფს მის მცველს წინასწარ, ამოუყრის ტყვიებს, ამოიღებს თოფის ჩასაკეტს (Затвор) და გადუგდებს. შემდეგ შედის ბოქაულ შავგულიძესთან, მიუგდებს მამასახლისის ჯაჭვს და ბეჭედს, ეუბნება მუქარით: თუ კიდევ მოსულხარ ჩემ ოჯახში და მიგიყვანია ყაზახები ჩემ დასაქერათ და აგიწიოკებია ჩემი ცოლ-შვილი, იცოდე: სერგია ბოქაულთან გაგავზავნი შენცო. ეხლა კი დაგტოვებ ცოცხალსო.

ამის შემდეგ მიიმალება ამხ. ვასო. უსათუოთ მას თან ახლდა შორი-ახლოს რამდენიმე ამხანაგი და მზათ იყვენ ყოველ შემთხვევისთვის.

1904 წელში, მისი არა-ლეგალობის დროს, ამხ. ვასო ჩამოვიდა ბაქოში ოქტომბრის მიწურულში. მე მაშინ სხვა ამხანაგებთან ერთათ ცენტრალური (ბოლშევიკების) კომიტეტის არა-ლეგალურ სტამბაში ვმუშაობდი, რომელიც იყო მოწყობილი პირველ პარალელურ ქუჩაზე. ჩვენი ნახვა მაშინ ასე ადვილი არ იყო, ჩვენ რკინის დისციპლინას ვიცავდით, სტამბა რომ არ ჩავარდნილიყო. გარეთ გადიოდა მარტო სიმონა ენუქიძე, ისიც ფრანტათ ჩაცმული, რომ ექვი არ მოეტანათ ზაფთიელებს და პოლიციელებს. ვასოს ჩამოსვლის შემდეგ თითქმის ერთმა კვირემ გაიარა და ვასომ ჩვენ ვერ გვნახა, იცოდა კი, რომ ბაქოში ვიყავით სადღაც.

ბოლოს შემთხვევით შეხვედროდა ქუჩაში ამხ. ს. ენუქიძეს. ეთქვა მისი მისამართი ვასოს და სწრაფათ გაშორებულებენ. საღამოს ამხ. სიმონამ მითხრა ვასოს ჩამოსვლა და გადმომცა მისამართი. ამხანაგების ნებართვით მე წავედი ღამით ვასოსთან. ამხანაგებიდან



თანხმობა მქონდა მიღებული მიმეყვანა ის კონსპირატიულ ბინაზე. დაებრუნდით ლამის 11-საათზე. ვასომ დაათვალიერა ჩვენი ბინა და სტამბა ვერსად იპოვა. ბოლოს იკითხასად არის სტამბაო. როცა ჩვენი სადგომი ბინიდან გაიყვანეთ საიდუმლო გასავალით მეზობელ მეორე სახლში, რომელსაც არსაით კარები არ ქონდა, უზარმაზარი საბეჭდავი მაშინა იდგა და ყოველივე მისი მოწყობილება, ოთხი რევოლვერი კედელზე ჩამოკიდებული ყოველ შემთხვევისთვის, ვასოს სიხარულით ცრემლები წამოუვიდა თვალებიდან. ორი დღე არ გამოგვიშვია, მაშინის ტრიალზედაც გვეხმარებოდა. მესამე დღეს, ღამით, ვაჩუქეთ ერთი რევოლვერი და გამოვიყვანეთ. ვასომ ბაქოში დაყო 1905-წ. იანვრის გათავებამდის. ამ დროის განმავლობაში სულ სამჯერ შევხვდით ერთმანეთს.


1905-წ. მაისში ვასო გამოჩნდა თავის სოფელში, კულაშში. ამ ხანებში იმდენათ მაგარი იყო ორგანიზაციები დასავლეთ საქართველოში, რომ, თუ ქალაქათ ან სადგურზე არა, სხვაგან ნიკოლოზის ჯალათები ვერც კი ბედავდნენ დაჭერას. ამნაირათ ამხ. ვასო უკვე ლეგალურათ ცხოვრობდა სოფელში 1906 წლის 17-ოქტომბრის „მანიფესტამდის“.

17-ოქტომბრის დღეებში ამხ. ვასო ინიშნება ორგანიზაციის მიერ „წითელი რაზმელების“ უფროსათ სამტრედიის რაიონში. 1905-წ. დეკემბრის აჯანყების დროს ვასომ მიიღო ბრძანება წასულიყო ყვირილაში თავის რაზმით. წასვლის დროს ემშვიდობება მის ცოლს, ამხ. მელანიას (პარტიულია ეხლაც), რომელიც ფეხმძიმეთ იყო მეორე შვილზე და, ეუბნება: ამხ. მელანია, შენი ხელით გამიკეთე ტყვიის საწყობები წელზეო (Патронташ), თუ ვერ მოვიდე ცოცხალი შენ არ იჯავრო, ამ ერთ შვილს (ორი წლის იყო მაშინ) რეზექს მოუარე. თუ მეორეზე შვიდობით გადაჩე, შენ იცი და შენმა ქალობამ, თუ არ შეარცხვენ მათ მამას, და ეცდები გამოზარდო მშრომელი ხალხისთვის სასარგებლო შვილებიო. აწი შვიდობით, მივიღივარ, ამხანაგები მელოდებიან დიდ კლასთანო.

თითქოს წინასწარ გრძნობდა, ამხ. ვასო, რომ არ დაბრუნდებოდა ცოცხალი სახლში. 1905-წ. 30-დეკემბერში საშინელი ბრძოლა იყო ზესტაფონში. მეფის ჯარების ნაწილი „თეჩინის პოლკიდან“ ებრძოდა რევოლუციონერებს. ვასოს ჩასაფრებული ყავდა თავისი რაზმი ორთქლმავლის მოსაბრუნებელის რკალში (Поворотный круг) და უწევდა წინამლდეგობას. რამოდენიმე საათის ბრძოლის შემდეგ მეფის ჯარის ნაწილები იქნა განიარაღებული და ტყვეთ წაყვანილი წითელი რაზმელების მიერ, მაგრამ ამხ. ვასო, გაგმირული იქნა ტყვიით თავში, და სანამ სული არ დალია კიდევ გაიძახოდა: აბა ამხანაგებო, მხნეთ, არ შეშინდეთო.

1906-წ. პირველ იანვარს, ახალწელიწად დილას, ამხანაგებმა ჩამოიტანეს ჩვენი ვასოს გაცივებული გვამი სოფელ კულაშში. ვასოს მისი სიკვდილის შემდეგ შეეძინა მეორე ქალი-შვილი, ნადია. ამხ. მელანიამ მტკიცეთ დაიცო ვასოს ანდერძი, მისი უკანასკნელი სიტყვები. მან აიტანა უამრავი გაჭირვება. დღეს ნახევრათ ვერ ხედავს, თვალის ჩინი დაკარგა. უფროს ქალს გიმნაზია გაათავებია, უმცროსი ეხლა სამტრედიის ტექნიკუმში სწავლობს და დიდ სიღარიბეს განიცდის.

ასე დამთავრდა ამხ. ვასო სტურუას რევოლუციონური მოღვაწეობა. ის გლეხის წიალიდან იყო წარმოშობილი და მუშურ-გლეხურ თავისუფლებას შესწირა თავისი სიცოცხლე





სეფი სინსაპე.

## აგხ. იესე [კაბრა] ფილიპეს-ჰე სინსაპე.

(1905 წ. ნაძალადეგში მოკლული ცხრათა შორის.)

იესე ფილიპეს ძე ცინცაძე დაიბადა სოფელ ფარცხმაში (ჩოხატაურის თემი, ოზურგეთის მაზრა). მამა მისი ფილიპე ცინცაძე იყო სოფლის ღარიბი მცხოვრები, მიწის მუშა. იესე იყო მისი პირველი შვილი და მშობლები სიხარულით შეჰყურებდნენ იესეს აღზრდას. ჯერ მას დაამთავრებინეს ადგილობრივი ორ კლასიანი სასწავლებელი და შემდეგ ის შეიყვანეს სამეურნეო სასწავლებელში, როგორც მოკლე ვადიანი სასწავლებელი და მასთან სოფლისათვისაც გამოსადეგი უფრო. იესემ სამეურნეო სკოლის კურსი დაამთავრა, მაშინდელი სკოლის გამგის სტაროსელსკის ხელში, რომლიდანაც მიიღო სათანადო დიპლომი. მას სურდა სწავლის გაგრძელება, მაგრამ სიღარიბის გამო იძულებული გახდა დაენებებინა სწავლისთვის თავი და დაეწყო სოფლათ სამეურნეო დარგში მუშაობა.

ის ასეც მოიქცა. 1900 წელს სკოლიდან დაბრუნების შემდეგ შეუდგა გრიგოლ ცინცაძესთან ერთად ნამყენი ვაზის სანერგეს გაკეთებას და მის მოშენებას ზემო გურიაში.

ასეთი მუშაობა იესესთვის ვერ გამოდგა ხანგრძლივი, ერთის მხრივ იმიტომ, რომ იგი იყო უთანხო, ღარიბი; ხოლო მეორეს მხრივ კი იმიტომ, რომ იგი ჩაება განმათავისუფლებელ მოძრაობაში, რამაც ერთობ გაიტაცა. 1899 წლიდან ბათუმის მუშების მოძრაობა დაიწყო, რომლის ზეგავლენით, გურიაში მყოფს, მას უხდებოდა გურიის გლეხებთან პოლიტიკურ გამოსვლებში მონაწილეობის მიღება.

1901 წლის დამლევს მოძრაობამ უფრო ფართო ხასიათი მიიღო გურიაში, უფრო მეტად კი ხიდისთავ—ჩოხატაურის რაიონში, და აი ამ მოძრაობის ერთ-ერთი მეთაური იესეც იყო.

მისი მეთაურობით მოხდა 1902 წელს 2 მაისს დემონსტრაცია ჩოხატაურში და ხიდისთავში, რომლებიც უნდა შეერთებოდნენ ერთმანეთს და წითელი დროშით გაეგლოთ ჩოხატაური. ჯაშუშების მეოხებით გაიგო ჩოხატაურის ბოქაულმა, რომ ხიდისთავიდან ხალხი წითელი დროშით ჩოხატაურისკენ მიდისო. ბოქაული ჩაფრებით



დარაზმული სასწრაფოთ გაემგზავრა იქითკენ და შეხვდა მომავალ ხალხს ჯვარცხმაში, რომელთაც უბრძანა დაშლა, თან დაუშინა თოფები შეუიარაღებელ ხალხს, რის შედეგად მოკლულ იქნა ორი მებრძოლი ამხანაგი: **კალანდაძე და ფოცხიშვილი**. ამ დროს იესე კი ჩვენთან იყო და აწყობდა მდინარე სუფსის პირას რამდენიმე იარაღიანი ამხანაგების რაზმს შესახვედრათ. მაგრამ როდესაც გაიგო ამხანაგების სიკვდილი და დემონსტრაციების გაუფანტვა, მან გმირულად აღმართა წითელი დროშა და რევოლვერით ხელში გაემართა მომავალ ჩაფრებისაკენ, თან ჩვენ, მის გვერდში მდგომ ოცდა ათამდე ამხანაგებს შეგვეყვირა: „წამოდით, არ შეშინდეთ, ვეტაკოთ მაგ ძაღლებსაო!“ ჩაფრები იყო ოთხი და ჩვენს დანახვაზე შეშინებული გვიპასუხეს: „წადით, არას გერჩითო“. ჩვენც განვაგრძეთ ქალაქ ჩოხატაურისკენ წამოსვლა, მაგრამ როცა დაგვიახლოვდა ხიდისთავიდან მომავალი გამხეცებული ბოქაული თავისი რაზმით, სხვა გზა არა გვქონდა უნდა დავშლილიყავით და კიდევაც დავიშალეთ, იესე შეიქნა ამის შემდეგ დევნილი პიროვნება; ის იძულებული გახდა წასულიყო სხვაგან და, აი წავიდა კიდევ სხვის სახელობაზე აღებულ ბილეთით ქ. ბათუმში, სადაც ბათუმის კომიტეტის ხელმძღვანელობით დაიწყო რევოლუციური მუშაობა.

1903 წელს ნოემბერში იესეს მეთაურობით მოხდა დ. ჩოხატაურში მეორე დემონსტრაცია ახალ გასაწვევ ჯარის კაცებთან ერთად.

იესეს მთავრობა სდევნიდა დასაქერათ და ამიტომ იგი ხშირად იპარებოდა ბათუმში და იქ იწყებდა არა-ლევარურ რევოლუციონურ მუშაობას. იქიდან კი დრო გამოშვებით დადიოდა გურიაში, მიქონდა ფურცლები, აწყობდა კრებებს და სხვა.

მოხდა თუ არა განხეთქილება სოც.-დემოკ. პარტიაში, ის იმ თავიდანვე მიეზნო ბოლშევიკურ ფრაქციას და მის სასარგებლოთ იწყო მუშაობა. 1904—1905 წ. მას ხშირად დაყავდა ზემო გურიის ყველა სოფლებში ფრაქციულ დებატებზე ამხანაგები, როგორც იყო ს. ჯულაშვილი, ბუღუ მდივანი, თედორე კალანდაძე და სხვა...

ამათთან ერთად ის ეწეოდა პროპაგანდა-აგიტაციას და მოუწოდებდა პარტიის წევრებს ბოლშევიკური ფრაქციისაკენ. სწორეთ მისი მეთაურობით დაარსდა 1904 წელს ჩოხატაურში ბოლშევიკური ორგანიზაცია, რომელშიდაც შევდიოდით 25-მდე ამხანაგები.

1905 წლის რევოლუციის დროს ის დიდ როლს თამაშობდა როგორც ბათუმში ისე გურიაშიც. მას (როგორც საერთოდ ბოლშევიკს) არ მოსწონდა პარტიზანული დაცემა რომელიმე მთავრობის დაწესებულებაზე ან ჯარზე და კიდევაც ბევრი დავა დასჭირდა მას მენშევიკებთან (ისინი უმრავლესობას შეადგენდნენ მაშინ) ნასაკირა-



ლზე ლაზარენკოს და მის მხლებელ პლასტუნებზე თავდასხმის შესახებ, რომელსაც არავითარი ნაყოფი არ მოუტანია, მაგრამ რა კი ვერას გახდა მებრძოლებს მაინც არ მოშორებია იგი და გვერდში ედგა მათ.

იესეს გული არ უთმენდა სოფელში გაჩერებას, ვინაიდან ქალაქის მუშებში უფრო დიდი მუშაობა იყო, უფრო მეტი რევოლუციონერებიც იყო საჭირო და ამიტომ, მიუხედავად მისი მშობლების ხვეწნა მუდარისა მან მოიტოვა სოფელი და გაეშურა 1905 წლის ბოლო რიცხვებში ქ. ტფილისში, სადაც მთელის არსებით ჩაება რევოლუციონურ მოძრაობაში.


ტფილისის ამხანაგებმა ის მაშინვე მიიღეს და როგორც გამოცდილი მუშაკი შესაფერი ალაგიც მისცეს. ცხრაას ხუთის მიწურულში, როდესაც რევოლუცია მარცხდებოდა, როდესაც ტფილისში იმართებოდა რევოლუციონერების მიერ საბედისწერო კრებები და ირჩეოდა ყოფნა არ ყოფნის კითხვები, აი ამ კრებას 18 დეკემბერს რამდენიმე ამხანაგთან ერთად დარაჯობდა იესეც ნაძალადევის გორაკზე და იცავდა მათ მტრებისაგან.

ამხანაგები მთელი ღამის განმავლობაში ერთგულათ დარაჯობდნენ მუშათა უბანს, მაგრამ გათენებისას მათ ორი მხრიდან შემოესიათ ყაზახთა ასეული და ჩაებნ მათთან სამკვიდრო-სასიცოცხლო ბრძოლაში. მათ იბრძოლეს გამხეცებული ყაზახების წინააღმდეგ, რომლებსაც საგრძნობი ზიანიც მიაყენეს, მაგრამ გადარჩენა მათი ზიანიც შეუძლებელი გახდა, ვინაიდან ყაზახები ოცჯერ მეტი იყო მათზე.

ამრიგად, იესე ცხრა ამხანაგთან ერთად ნაძალადევის გორაკზე მსხვერპლათ შეეწირა ცხრაას ხუთის მუშათა მოძრაობას; ის მოკვდა ჯალათების ხელით ხორციელათ, მაგრამ არ მომკვდარა მისი იდეა, რომელმაც ფრთა შეისხა და წალეკას უქადის მთელი ქვეყნის ბურჟუაზიას.

იესეს არ დაივიწყებს მუშათა კლასი საერთოდ, და კერძოთ კი ჩოხატაურის კომუნისტური პარტია, რომლის პირველი საძირკველის ჩამყრელი იყო ამხ. იესე.

მუშათა კლასის ვალია ყურადღება მიაქციოს იმ სასაფლაოს, სადაც განისვენებენ რევოლუციისათვის თავდადებული გმირი იესე და მისი ამხანაგები.



მ. ინჰპირველი.

## ვანო ნიკოლოზის-კე ინჰპირველი

(სტეპკოს ბიოგრაფია.)

დაიბადა ს. ფამფალეთში, შახვის თემში 1887 წ. პირველ დაწყებითი სწავლა მიიღო ქ. ოზურგეთის სასულიერო სასწავლებელში. დასრულების შემდეგ სწავლობდა ქ. ქუთაისში სემნარიაში 1901-2-3 წლებში. ამ ხნიდან ის ლებულობდა მზურვალე მონაწილეობას რევოლიუციონურ მოძრაობაში, რის გამო გამოირიცხულ იქნა სემინარიიდან 1904 წ. და ამ წლიდან იწყება მისი აქტიური მონაწილეობის მიღება რევოლიუციონურ მოძრაობაში. ის ეკუთვნოდა მეუმრავლესეთა ფრაქციას ს. დ. მ. პ. მუშაობდა შემდეგ ადგილებში: დვაზუ, ვაკი-ჯვარი, ერკეთი, იანეთი, სამტრედია, ხონი, ქუთაისი, ქიათურა, ტფილისი და უკანასკნელად კი ქალაქ ბაქოში, სადაც 1908 წ. 21 მაისს ამხანაგების ბინაზე დილით მოკლულ იქნა პოლიციელ ვილაც გურულ ვალოდია ესაძისაგან, სხვა პოლიციელებთან ერთად თანხლებით. მიცვალებულს გადაართვენ სურათი ისე დამახინჯებულად და დაასაფლავეს ბაქოში ახალ საზოგადო სასაფლაოზე ჯვრის 119-№-ით. ამის შემდეგ მისი ამხანაგებიდან, მისი ხსოვნის აღსანიშნავად იყო შემდეგი ლექსი გაზეთში 1908 წ.

ჭეჭა-გრიალმა მოიცვა არე,  
ბოლოს საზარი გაისმა კენესა,  
და ვალ-მოხდილთა განსასვენ ალაგს  
ისიც ჩაეკრა, იქ არის დღესა.

იმის წმინდა შუბლს მეგობრის ხელით  
არ მოსწმენდია ოფლი სიმწარის,  
მხოლოდ-ღა ჯალათს უკანასკნელად  
შერჩა შეხედვა მის გვერდზე მკვდარის.

შეხედვა, მაგრამ ის საამაყო ბრჭყალი მტრის გულში  
რომ შერჩენოდა  
და სახეს მისას ნუგეშის სხივად ეს შერჩენოდა ზედ შე-  
კვდომოდა!..

მწარეა, ყოფნის შეუწყდა ძაფი, ფრთა შეეკვეცა მისსა გულის  
თქმას.

ის აღარ არის, უკვე მკვდარია, მაგრამ ამაყად და ნეტავი მას.  
ამასთანავე მეუმრავლესეთა ბიურომ ტფილისისამ გამოუშვა  
პროკლამაციები რუსულ-ქართულ ენაზე, რომლის შინაარსიც რაც  
მაგონდება ვწერ აქ:


ამხანაგებო, ამ დღეებში შავბნელმა რეაქციამ, გაუმაძღარმა  
აფთარმა კიდევ ერთი საუკეთესო გმირი იმსხვერპლა, ერთხელ  
კიდევ დაეწაფა გამარჯვებული ბარბაროსი უმანკო, თავგან-  
წირული მებრძოლის სისხლს. 20 მაისს ამხანაგების ბინაზე მო-  
გვიკლენ გმირი ამხანაგი ვანო ინწკირველი. პარტიაში ცნობილი იყო  
სტეპკოს სახელით.

ამხანაგო სტეპკო, სწორედ დღესაა საჭირო შენისთანა დიდ  
ბუნებოვანი გმირი ამხანაგი, რომ ამ შემდორებულ და მოდუნებულ  
ატმოსფეროში ელვასავით ანათოს, მეხივით ჭექოს, რათა მტერს ლახ-  
ვარი დასცეს, დაჩაგრულთ იმედი გაუღვიძოს. გულადო შევარდენო,  
მტერთან ბრძოლაში სისხლიდან დაიცალო, მაგრამ შენი სისხლის ნა-  
პერწკლები ჰაერში აფეოქდებიან და ბევრ ვაჟკაცს აუნთებს გულში  
თავისუფლებისთვის ბრძოლის წყურვილს! რა უყოთ, რომ მოკვდი,  
სამაგიეროთ სულით ძლიერთა და მამაცთა ხსოვნაში შენ მუდამ ცო-  
ცხალ მაგალითად იქნები. შემდეგ იყო აღწერილი თუ სად და რო-  
გორ მუშაობდა იდეურად და საჭიროების დროს როგორ გაბედუ-  
ლად გამოდიოდა იარაღით ხელში.

(ბოლოს ეწერა: მამაცთა სიგიჟეს ჩვენ უმღერით დიდებას.

ხელს აწერდა ტფილისის მეუმრავლესეთა ბიურო.

ხემო აღნიშნული რაც გამახსენდა დავწერე მე მისმა დამ მი-  
ნიკა ინწკირველმა.



# პარტიული არქივი.

თ. პალანდამი.

გურულ ამხანაგებს.

## რა ვაკეთოთ?

თვენახევარზე მეტია, რაც გურულ კომუნისტების რევოლუციონური გამოსვლა მოხდა. ეს გამოსვლა სრულ დამარცხებით გათავდა. ჩვენ ვალდებული ვართ, სასტიკი და უღმობელი ანალიზი გაუკეთოთ გურულ ამხანაგების პოლიტიკურ ნაბიჯებს, მიუდგომლათ აღწერსხვით ყველა მათი შეცდომები, რომ სწორი პასუხი გავსცეთ სადღეისო საჭირ-ბოროტო კითხვაზე: **რა ვაკეთოთ.**

გურულები, მართალია, დამარცხდნენ, მაგრამ დამარცხებაც არის და დამარცხებაც. ეს დამარცხება სრულიად შემთხვევითი და დროებითია. რატომ? ჩვენი დროშა კომუნისტური რევოლუციის დროშაა და სანამ ეს დროშა **ძღვევამოსილათ** ფრიალებს თვალგადაუწვდენელ რუსეთში და მის ქვეშ იბრძვიან მუშები მთელ ქვეყანაზე, მანამ ასეთი დამარცხებები მუდამ დროებითი, ნაწილობრივი და შემთხვევითი იქნება. ხოლო რომ კომუნისტური მოძრაობა (ე. ი. ბოლშევიზმი) მოედვა და ედება დღეს მთელ მსოფლიოს, რომ კომუნიზმი დღეს ძილს უფრთხობს მთელი ქვეყნის გაბატონებულ კლასებს, ეს ყველასათვის ნათელი და უეჭველია. ნხოლოდ სულმოკლე და ერთობ ჩამორჩენილ ამხანაგებისთვის შეიძლება ეს საეჭვო იყოს. მარა კომუნისტური პარტია იბრძვის და იმარჯვებს არა სულმოკლეების, არამედ თავზე ხელაღებულ რევოლუციონერების წყალობით.

თუმცა ჯერ-ჯერობით, სანამ გაფანტული და დევნილი ამხანაგები თავს მოიყრიდნენ და ერთმანეთს თავის აზრს გაუზიარებდნენ, ძნელია და შეუძლებელიც ამ დამარცხების მიზეზების და შედეგების სრული სისწორით გამოორკვევა, მარა ჩვენ საჭიროდ მიგვაჩნია ანხანათ გაკვრით მაინც შევეხვით ამ კითხვას.

გურულ ამხანაგების დამარცხების მიზეზები, ჩვენი აზრით, შემდეგია.



1. **მოუმზადებლობა.** მოუმზადებლობა ორგვარია: ობიექტიური და სუბიექტიური. ობიექტიური გარეშე) პირობები ჩვენთვის ხელსაყრელი იყო. მშრომელი ხალხის დიდი უმრავლესობა თანაუგრძობდა ჩვენ პარტიას და სულთ და გულით სურდა ჩვენი გამარჯვება მთელ საქართველოში. ხალხს გული გაუცრუვდა მენშევიკურ მთავრობაზე, იგი (ხალხი) მოსტყუვდა მენშევიკურ პარტიაში. ვერც ერთი დანაპირები (მსხვილმანი, რასაკვირველია) ამ პარტიამ, მისმა მთავრობამ, მისმა დამფუძნებელმა კრებამ ხალხს ვერ აუსრულა. ძირითადი საკითხები, როგორიცაა მავალითად: მიწის, მართვა-გამგეობის, სახალხო განათლების, გადასახადების, ჯარის, მშრომელ რუსეთთან მჭირდო კარშირის დაქერის, პოლიტიკური და მოქალაქობრივი თავისუფლების, მუშა-პროლეტარების და სხ. შესახებ,—არც ერთი ეს საკითხი მშრომელი და გაყვლეფილი ხალხის სასარგებლოთ არ გადაჭრილა. პირიქით, ყველა ეს საკითხები დღეს ჩვენში გაბატონებულმა მენშევიკუთმა პარტიამ ბურჟუაზიის (არსებულის და მომავალის) და მემამულეების სასარგებლოთ გადასჭრა. მშრომელი ხალხი კარგათ ხედავს და გრძობს ამას ყველაფერს, დრტვიანავს აშკარად ან ფარულათ და ხალისით ეგებება ყოველ ძალას, რომელიც ცდილობს დაამხოს ეს მენშევიკური რეჟიმი და შეჭქმნას ახალი, უკეთესი წყობილება. მარა მარტო თანაგრძობა, სურვილი, ნატვრა და ხალისი არ კმარა, საჭიროა აქტივობა ბრძოლა იარალით ხელში, ერთნაირი რისკის გაწევა. ასეთ აქტიურ ნაბიჯს ხალხი, მასსა გადასდგამს მხოლოდ მაშინ, თუ დაინახავს თითქმის შეჭველ, უტყუარ გამარჯვების ნიშნებს. ასეთი ნიშნები, სიგნალი ხალხს უნდა აჩვენოს ინიციატურმა უმცირესობამ, რევოლიუციონურმა პარტიამ. ამნაირათ, ობიექტიური პირობების მხრით აჯანყებისათვის ნიადაგი მომწიფებული იყო გურიაში (ისე როგორც ყოველგან საქართველოში). მარა ჩვენ ვიცოდით, რომ მარტო ობიექტიური პირობების სიმწიფე არ კმარა რევოლიუცია-აჯანყების გამარჯვებით დავირგვინებისათვის. საჭიროა და აუცილებელი სუბიექტიური სიმწიფე-მომზადებაც. აი სწორეთ ეს მომზადება აკლდა გურულ ანხანაგებს. (ობიექტიურ პირობებს ეკონომიკის მხრით ჩვენ აქ არ ვეხებით).

რას ნიშნავს ეს. გურულებს არ გქონებიათ საკმაოდ მკვიდრი მაგარი, მრავალრიცხოვანი და რკინის დისციპლინით გამსჭვალული ორგანიზაცია. სანამ აჯანყებას დაიწყებდეს, რევოლიუციურმა პარტიამ კარგათ, თითქმის მატემატიკურათ უნდა გაითვალისწინოს არსებულ ძალთა განწყობილება, მან ზედმიწევნით უნდა იცოდეს, როგორც თავისი საკუთარი, აგრეთვე მტრის ძალაც. როცა აჯანყება იწყება, ბრძოლის ველზე უნდა გამოვიდეს ყველა პარტიის წევრი, ყველამ თავისი პოსტი უნდა დაიჭიროს და უკანასკნელ სისხლის წვეთამდე



დაიცვას იგი. ასეთი უნდა იყოს შეგნება და დისციპლინა, ასეთი უნდა იყოს რევოლიუციონური თავგანწირვა, გატაცება, ენტუზიაზმი. ასეთი რევოლიუციონური აპარატით ხელში შედარებით მცირე გუნდსაც დიდი სასწაულის მოხდენა შეუძლია. ასეთი ორგანიზაცია კრიტიკულ მომენტში, აჯანყების დროს გურულებს აღარ დაგირჩათ. ჩვენი პარტიის წევრებში კარგი ძალი შეუგნებელი, უდისციპლინო, ლაჩარი და მოლაღატე აღმოჩნდა, გამოსვლის წინა დღეებში ბევრმა გურულმა ამხანაგმა მხოლოდ თავის სიგლახით დააქერია თავი მთავრობას. ამნაირათ, თქვენ სუბიექტიურათ მოუშზადებელი დარჩით გამოსვლის დროს, რამაც სხვა მიზეზებთან ერთად გამოიწვია დამარცხება.

**2. სტიქიური უბედურება.** ბუნებამ სასტიკათ შეუწყო ხელი დამარცხებას, თითქოს ის მოსყიდული ყოფილიყოს მენშევიკების მიერ. საშინელი კოკისპირული წვიმა, ნიაღვარი და წყალდიდობა (ხიდე ბოგეების მოშლა-წაღება) სწორეთ იმ საათებში, როცა კამუნი-სტურ რაზმებს სასწრაფოთ და უკუნ-წყვდიადში უნდა გაეცლოთ ქვეითად 20-30 ვერსი, რომ მოულოდნელად თავს დასხმიოდნ მტრის უდიდეს ციხე-სიმაგრეს—ოზურგეთს, რომელიც გამაგრებული იყო ათამდე ზარბაზნით და რამდენიმე ათეული პულემიოტით,—ეს წარღვნა იყო ჩვენთვის უდიდესი უბედურება, რომელსაც შეიძლება (ჯერ კიდევ ძნელია დანამდვილებით ამის თქმა) **გადამწყვეტი** მნიშვნელობა ქონდა ჩვენ დამარცხებაში, რასაკვირველია მხოლოდ გურიის ფარგლებში. ეს საინტერესო კითხვა უნდა გაიჩნეს ახლო მომავალში. მსგავსი სტიქიური უბედურება იშვიათი მოვლენაა რევოლიუციების ისტორიაში. ასეთ მოვლენას მხოლოდ სოფლის (გლეხობის) რევოლიუციაში შეიძლება დაურჩეს ადგილი, რაც სხვა ბუნებრივ და სოციალურ პოლიტიკურ დაბრკოლებებთან ერთად (მაგ. გლეხკაცობის დაქსაქსვა, განმარტოება) ძალიან აძნელებს და უმეტეს შემთხვევაში შეუძლებლათაც ხდის რევოლიუციის გამარჯვებას. სოფლის რევოლიუცია შეიძლება გათავდეს გამარჯვებით, თუ მას მეთაურობს და წინ მიუძღვის ქალაქი. ეს კარგათ უნდა ახსოვდეთ პარტიის ხელმძღვანელ ორგანოებს, რაც სამწუხაროთ დავიწყებულ იქნა ამ გამოსვლის დროს.

**3. ორგანიზაციის დარღვევა-დასუსტება აჯანყების წინა-დღეებში.** ხიდისთავის რაიონის ორგანიზაცია ითვლებოდა ყველაზე უფრო მოწინავეთ მთელ გურიაში, თუ ორგანიზაციულათ არა, იდეურ-პოლიტიკურათ მაინც. იქ იყო ხელმძღვანელი ცენტრი, რომელიც მეთაურობდა მთელი გურიის მოძრაობას. ამიტომაც სწორეთ ამ ცენტრის განადგურება დაისახა მიზნათ ადგილობრივმა და ცენტრალურმა მთავრობამ, რაც კიდევაც მოიყვანა სისრულეში გადამწყ-





ყვეტ მომენტის წინა დღეებში. გამოსვლის წამს ეს უმთავრესი ორგანიზაცია თავმოქრილი, განადგურებული დარჩა, რასაც უექველათ დიდი მნიშვნელობა დაუტრჩა დამარცხებაში.

**4. საოლქო ცენტრის სისუსტე.** თითქმის არც ერთი დირექტივა მიზანშეწონილი არ გამოდგა. საჭირო იყო შესაფერი მზადება საერთო გამოსვლისათვის, მზადება უმთავრესი, მკვიდრი ორგანიზაციული აპარატის შესაქმნელათ ყოველგან, როგორც ქალაქში, ისე სოფლათ. საჭირო იყო გამოსვლისათვის დროის დანიშვნა, როცა გლენტობა უფრო თავისუფალია აუცილებელი სამეურნეო მუშაობისაგან. საჭირო იყო, რაც შეიძლება მეტი დროის (ვადის) მიცემა, ორგანიზაციებისათვის სოფლათ, მეტის, ვიდრე ქალაქში, მაგალითად, ერთი-ორი კვირის მაინც. გურიას მხოლოდ ორი დღით ადრე მოუვიდა დირექტოვა, იგიც შემთხვევით და დამაეჭვებელი: ამ ორ დღეში აჯანყება მოაწყვეთო, და ეს იმ დროს, როცა გურიის ორგანიზაცია თავმოქრილი იყო, რაც საოლქოს კარგათ უნდა სცოდნოდა. საჭირო იყო კატეგორიული პასუხი კითხვაზე—როგორ ხდება გამოსვლა: ერთდროულათ ცენტრში და პროვინციაში, თუ უწინ ცენტრი გამოდის და მერე მას პროვინცია მიყვება. საოლქო შეურყველათ უნდა მდგარიყო **არსებულ პირობებში** იმ აზრზე, რომ ცენტრმა უნდა მისცეს სიგნალი პროვინციას. საჭირო იყო სწორი, უექველი და ჩქარი ინფორმაცია და არა შემთხვევითი, ცალმხრივი, შეკვეცილი, ბუნდოვანი და ზანტი. საოლქომ სამჯერ დანიშნა (თუ მეტი არა) ვადა გამოსვლისათვის. ეს ყოვლად დაუშვებელი იყო, რადგანაც პირველი გამოსვლის ჩაშლის შემდეგ მთავრობა უქვე მზათ იყო. სულ, ასე ვთქვათ, „ზაკახათ“, 25 ოქტომბრისათვის (ძ. სტ.). ეს კარგია მხოლოდ მაშინ თუ პარტია ყოველ წამს მზათაა ძლევამოსილი გამოსვლისათვის, მხოლოდ უცდის დირექტივებს უმაღლესი (მოსკოვის) ცენტრისაგან. მარა თუ პარტია მზათ არაა, მაშინ „ზაკახათ“ აჯანყება დამლუპველია. შეიძლება პარტიამ შეიარაღებული აჯანყება-დემონსტრაცია მოაწყოს, მარა დღეს ეს დიდი სისულელე იქნებოდა. ჩვენთვის თავი და თავი კითხვაა: აჯანყება **გამარჯვებისათვის**, ე. ი. ძალა-უფლების ხელში ჩასაგდებათ. ამისათვის აუცილებელი სრულებითაც არაა „ზაკახი“, იუბილესთან შეფარდება... უწინ საოლქო გვპირდებოდა: ტფილისი და პროვინცია ერთ და იმავე დროს გამოვლენო, როცა ეს აღარ მოეწყო და ტფილისი ველარ გამოვიდა (რამაც დამლუპველად იმოქმედა პროვინციაზე), საოლქომ გამოსცა ახალი დირექტივი: ჯერ პროვინცია აჯანყდეს და მერე ცენტრიც მოჰყვებაო. კერძოთ გურიას ეუბნებოდენ და პირდებოდენ: შენ თუ აჯანყდები პირველათ, მთელი პროვინცია და ცენტრიც გამოგყვებაო. გურიამ ყურად ილო ეს მუდარა-დაპირებანი და გამო-



ვიდა. მართალია, ეს გამოსვლა სრული დამარცხებით და შედარებით მრავალი მსხვერპლით დაბოლოვდა. მარა სად იყო იმის გარანტია, რომ წინააღმდეგი გამხდარიყო, რომ აჯანყება გამარჯვებით გათავებულყო, ტფილისი და სხვა პროვინცია გურიას ვაჭყოლოდა? ამის იმედი ძალიან ნაკლები იყო. საოლქოს უნდა კარგათ გაეთვალისწინებია, რომ აჯანყებული პროვინცია ტფილისს შეჰყურებს: თუ იგი (ტფილისი) პირველი აჯანყდებოდა, ძალა-უფლებას ხელთ იგდებდა, თუ გინდა ძალიან პატარა ხნით, მთელი პროვინცია, და გურია—პირველი მას აქტიურათ მხარს დაუჭერდა. ასეთია საერთოდ ჩვენი ამხანაგების შეხედულება ტფილისის როლზე საერთოდ აჯანყების დროს, ასეთია შეხედულება იმ ფართო მასისაც, რომელიც თანაუგრძნობს ჩვენ პარტიას... ისე ჩატარდა პროვინციის ზოგიერთი კუთხეების აჯანყება, რომ ტფილისი ერთხელაც ვერ გამოვიდა. როგორც ცნობებია, იქ ისე მაგრათ და ფართოდ გაუდგამს ქსელი პროვოკაცია ჯაშუშობა-ლალატს, რომ ძალიან საეჭვოა მისი ახლო მომავალში გამოსვლა, თუმცა დღევანდელ დაუდგროველ რევოლიუციონერ ორონტრიალში ყველაფერი მოსალოდნელია.

**5. ტაქტიკურ-სტრატეგიული შეცდომები.** ოზურგეთის ასაღებად მარტო ერთი რაიონი (ჯუმათი) არ კმაროდა. თუმცა მას უნდა დახმარებოდა კიდევ ორი რაიონი—ხიდისთავი და თვით ოზურგეთი, მარა როგორც ზემოთ ითქვა, პირველი ამ დროს განადგურებული იყო, მეორე კი თავიდან უსუსტეს ორგანიზაციით ითვლებოდა მთელ გურიაში. ეს მგონია საკმაოდ დამტკიცდა გამოსვლის წამს. უდიდესი ძალები ოზურგეთის ასაღებათ უნდა მიგემართად. ოზურგეთის აღება და არტილერიის ხელში ჩაგდება გადამწყვეტ როლს ითამაშებდა მთელი გურიის ასაღებათ.

უნდა ითქვას, რომ ჩინებულათ გამოვიდა ერკეთი. პირველი მისი ნაბიჯი-საუცხოვო იყო, უკანასკნელ ნაბიჯებში კი ბევრი შეცდომაა. მაგ. შემცდარი იყო, ჩოხატაურის ალების, იარაღის ხელში ჩაგდების და რევოლიუციონერების შეიარაღების შემდეგ—სწრაფად სამოქმედო ბაზის (ასპარეზის) გაფართოება და დაძვრა ხიდისთავ-ნავომარ-ოზურგეთისაკენ. ნახტომები გაკეთდა აგრეთვე ჩოხატაურის ევაკუაციის (დატოვების) დროსაც, რახაც დიდი მსხვერპლი მოყვა. ამის გამო შემთხვევით და მოტყუებით მტერმა დაატყვევა ჩვენი ამხანაგები და ბარბაროსულად აწამა \*)

\*) აწამა ე. ი. ტყვე ბოლშევიკები ორჯერ გაასამართლეს: პირველათ მათ გადაუწყვიტეს კატორღა, მეორეჯერ კი—სიკვდილი. ამ მეორე განაჩენის შემდეგ კვირაზე მეტი გავიდა, პირდებოდნენ: სასჯელი შეგეცვლდებათ, შეგეცვალათო, სიკვდილით ადარ დაგსჯიანო. როცა ციხიდან გამოაყვებდით, ტუსაღებს უთბრეს: ქუთაისში უნდა წაიყვანათო, მარა გზაში პულემიტოთ თავს დაესხნენ და დახვრიტეს. ბარბაროსულათ მოებყრენ ლანჩხუთ-სოფელ ამხანაგებსაც.



რასაკვირველია, ძნელი დასაშვები იყო, რომ მტერი აჯანყებულელების უსისხლოთ, უბრძოლველათ უკან დახევის შემდეგ, ვერაგული წამებით გაუსწორდებოდა ტყვე კომუნისტებს. მაგრამ ჩვენ თავიდანვე უნდა გვცოდნოდა, რომ წვრილ-ბურჟუაზიული მენშევიკების პარტია ყოველგვარ მხეცობას და საზიზღრობას ჩაიდენდა. ამ პარტიამ კარგათ იცის, რომ ჩვენი გამარჯვება მისი სიკვდილი იქნება და ამიტომაც აღარ ზოგავს არავითარ უნამუსო და ბინძურ საშეაღებას. რა მოჰყვებოდა აჯანყებულების დაძვრას დასავლეთისაკენ? თუ აჯანყებული დასავლეთი—ჯუმათი-ლანჩხუთი-სუფსა მოასწრებდენ აჯანყებულ აღმოსავლეთთან—ჩოხატაურთან—შეერთებას და ერთი რევოლიუციონური ფრონტის შექმნას, შეიძლება დიდი რევოლიუციონური საქმე გაკეთებულყო, თუ გინდ ოზურგეთი ვერც კი აედოთ და ბოლოს მაინც დამარცხებულიყვნენ. შეიძლება და სხვა გზის გამოწახვაც, თუ კომუნისტური რაზმები მოახერხებდენ შეერთებას: მაგ. რკინის გზის გადალახვა (აყრაც) და იმერეთ-სამეგრელოსაკენ დაძვრა. ზოგიერთები იტყვიან: ამ შემთხვევაში ბევრი სისხლი დაიღვრებოდა და ბოლოს მაინც დავმარცხდებოდითო. შეიძლება ეს ასეც მომხდარიყო, შეიძლება გურია განმარტოებული დარჩენილიყო, მარა ეს უკეთესი იქნებოდა, ვინემ ის, რაც მოხდა: უსისხლოთ, მშვიდობიანათ უკან დახევას მოჰყვა ოცამდე ტყვე კომუნისტის ავაზაკურათ წამება. ოცი უიარალო რევოლიუციონერის ბარბაროსულათ დახოცვას უნამუსო მტრის მიერ ბევრათ ჯობია ასეულ-ათასეულეების ბრძოლის ველზე სიკვდილი. ზოგიერთ ამხანაგებში იყო ერთგვარი ილიუზია, რომ გურიაში ძალა-უფლების ხელში ჩაგდება უსისხლოთ შეიძლება. მარა ასეთ მავნე ილიუზიებს აწი აღარ უნდა დაურჩეს ადგილი. მენშევიკები გურიაში თითქმის ოცი წელია რაც მუშაობენ, ათი ათასამდე პარტიის წევრი ყავთ. ამიტომ, რასაკვირველია, უბრძოლველათ ისინი ვერ დასთმობენ თავისი ამდენი ხნის ბატონობას. ეს შეიძლება მომხდარიყო ან მოხდეს მაშინ, თუ ცენტრში ბოლშევიკური გადატრიალება მოხდებოდა. საზოგადოდ უნდა გვახსოვდეს, რომ თანამედროვე რევოლიუციონერი კომუნისტი, როცა იარაღს იღებს ხელში ძალა-უფლების მოსაპოებლათ უნდა იბრძოდეს ბოლომდე, სანამ მხოლოდ სიკვდილი არ გამოსტაცებს მას იმ იარაღს ხელიდან. რევოლიუციონერი ვერაა ის, ვინც ყოველ წამს არაა მზათ სიცოცხლე გასწიროს რევოლიუციონურ საქმისათვის. სამარცხვინო ბოძზე გასაკრავია ის ვითომდა რევოლიუციონერი, რომელიც პირველი საფრთხის წინაშე უკან იხევს, იარაღს ჰყრის, რომ საკუთარი ტყავი გადაარჩინოს.

**ჯუმათლებზე** კითხვა სავსებით კიდევ არაა გარკვეული, მარა ერთი რამ კი ეხლაც ცხადია: ისინი უღმობელი სტიქიის გამო სწო-



რეთ ტრადიკულ მდგომარეობაში ჩაცვივდენ. საუკეთესო გამოსავალი ასეთი მდგომარეობიდან იქნებოდა, ჩვენი აზრით, არა საჩქაროთ იარაღის დაყრა, არამედ დაქსაქსული რაზმების თავის მოყრა, სხვა აჯანყებულ რაიონებთან შეერთება და ბრძოლა.

**ლანჩუთ-ჩიხათლებს** ერთი დიდი საბედისწერო შეცდომა (თუ სიგლახე) ჩაუდენიათ: მათ ვერ შესძლეს რკინის გზის აყრა, რასაც გამოუწვევია მათი და **სუფსელების** სწრაფი დამარცხება გოგვაძის ჯავშნიანი მატარებლის წყალობით. ამ შემთხვევაში მათთვის საუკეთესო გამოსავალი იქნებოდა ის ნაბიჯი, რომელზედაც ზევით გვქონდა ლაპარაკი. მით უფრო გასაკვირია ლანჩუთლების ეს სტრატეგიული სისუსტე, რომ მათ თავის დროზე რამდენჯერმე მიუთითეს რკინის გზის აყრის აუცილებლობაზე. საერთოდ უნდა ითქვას, რომ ლანჩუთლებმა ვერ გაამართლეს მათზე დამყარებული იმედები.

**ნატანები** სრულებითაც არ გამოსულა, რაც თავიდანვე მოსალოდნელი იყო. ნატანები მოითხოვდა გამოსვლის ერთი დღით მაინც გადადებას. ვინ იცის შეიძლება სულ სხვა გვარათ წასულიყო საქმე, რომ ნატანებას ეს მოთხოვნა შეესრულებია კომიტეტს. თუმცა უნდა ითქვას, რომ ნატანების ერთ წარმომადგენელს თურმე დიდი პენისისტობა ეტყობოდა.

**სუფსის** ცალკე, სეპარატიულათ გამოსვლა ალბათ ნატანების საქციელით აიხსნება. ეს რაიონი დადგენილების თანახმად უნდა გამოსულიყო ნატანებთან ერთად.

**დასკვნა:** ვაღამწყვეტ მომენტში გურიის ორგანიზაცია ვერ იდგა შესაფერ სიმალღეზე; მას არ დაურჩა საკმაო პოლიტიკური შეგნება-მომხადება; მან ვერ გამოიჩინა სათანადო ორგანიზაციული სიმკვიდრე და დისციპლინა; მან გააკეთა ბევრი ტაქტიკურ-სტრატეგიული ნახტომები; მან სისწორით ვერ ასწონ-დასწონა ძალთა განწყობილება გურიაში, აჯანყებულ რაიონებს ვერ დაურჩათ აუცილებელი კავშირი და ინფორმაცია ერთმანეთს შორის; და ყველა ამას ზედ დაერთო დიდი სტიქიური უბედურება.

ეხლა გადავიდეთ უმთავრეს საჭირ-ბოროტო კითხვაზე: რა ვაკეთოთ.

**საერთაშორისო მდგომარეობა.** უკანასკნელი ორი თვის ამბები უტყუარი მაჩვენებელია იმის, რომ ბოლშევიზმი (კომუნიზმი) საბოლოოთ იმარჯვებს. რუსეთის ძღვეა-მოსილი წითელი არმია გასაოცარი სისწრაფით მიიწვეს წინ და სულ ახლო მომავალში ჩვენ მოწამე ვიქნებით დენიკინის სრული განადგურების. \*) დენიკინს თითქმის სრულიად მოესპო ყოველგვარი დახმარება მსოფლიო იმპერია-

\*) ეს წერილი დაწერილია დეკემბერში და დღეს (20 იანვარს) ჩვენ ვხედავთ, რომ დენიკინი და სხვაც განადგურებულია.

ლისტებისაგან (უმთავურესათ ინგლისისაგან), რაც უდრის მის სრულ განადგურებას ახლო მომავალში. ეს გამოიწვია საერთაშორისო ბოლშევიკური მოძრაობის გაძლიერებამ. დენიკინის მოსპობასთან ერთად აუცილებლათ მოისპობა ამიერ-კავკასიის (და კერძოთ საქართველოს) ბურჟუაზიულ-ფეოდალური კონტრრევოლუცია. დაუძღურებულნი დენიკინი შეეცდებოდა უკანასკნელი ნავთსაყუდელი მოიპოვოს კავკასიაში. სხვა უკეთესი გზა მას დღეს აღარ აქვს. — ციმბირში კოლჩაკი დიდხანია განადგურებულია. როგორც არ უნდა დარჩეს ამიერ-კავკასიის (ჩრდილო კავკასია (დაღესტანი) კაი ხანია ლომივით ებრძვის დენიკინის ურდოებს) რესპუბლიკების პოზიცია დენიკინის და ლენინის მიმართ, ერთი რამ ცხადი და უდაოა: მენშევიზმს და მის მოკავშირეებს ჩვენშიაც სრული განადგურება და სიკვდილი მოელის. ჩვენი პარტია გაათკეცებული ენერგიით, იმედით და აღფრთოვანებით დაუყონებლივ უნდა შეუდგეს მზადებას ამ სანატრელ წამისათვის, რომ ღირსეული როლი ითამაშოს ჩვენი ქვეყნის ბედის გადაწყვეტაში.

2. **ორგანიზაციული კითხვა.** ჩვენ უნდა სასწრაფოთ აღვადგინოთ და შევკრათ მკვიდრი ორგანიზაცია. ტეინმოკლემ უნამუსო მენშევიკების ჯალათი—მეთაურები ფიქრობენ, რომ ტყვე ბოლშევიკების წამება-დახვრეტამ სრულიად მოსპო და გააქარწყლა ბოლშევიზმი გურიაში. მარა ეს ასე არაა და არც უნდა იყოს. გურიის ღარიბი გლეხობის დიდი უმეტესობა სასტიკათ გამობს აშკარათ ან ფარულათ მენშევიკური პარტიის ავაზაკობა ჯალათობას, მოტყუილებით დაკავებულ კომუნისტების ბარბაროსულათ დახვრეტას. ჩვენი პარტია, მართალია, შესუსტდა ორგანიზაციულად, მარა ხალხის თანაგრძნობა ჩვენდამი ამ ჯალათობის შემდეგ კიდევ უფრო გაიზარდა. ჩვენი ორგანიზაციის ხელმძღვანელები მიიმაღ-მოიძალენ, პარტიული მასსა პირველ ხანებში მენშევიკური ანუ თეთრი ტერორის შემდეგ დაფრთხა და მიიფანტ-მოიფანტა. მარა ხალხში გაძლიერდა რწმენა იმის, რომ ჩვენში (ისე როგორც ყოველგან) დღეს ერთად ერთი მაშვრალთა და ტვირთ-მძიმეთა პარტია მხოლოდ ბოლშევიკები-კომუნისტებია, რომ ხსნა მხოლოდ მის მოლონიერება-გაძლიერება-გამარჯვებაშია. ამ **გარემოებით უნდა** ვისარგებლოთ და საქმეს სასწრაფოთ შეუდგეთ.

ჩვენ ძველებურათ აღარ უნდა გამოვეკიდოთ **რაოდენობას**: რიცხვს. პირველ პლანზე უნდა ვაყენებდეთ პარტიის წევრის **ღირსებას**, მის შეგნება-თავგანწირულობას. ჩვენ უნდა დავაწეროთ **დროშაზე, მცირე, მარა კარგი**. მცირე რიცხოვანი, მარა ღირსებით კარგი ორგანიზაცია აჯანყების დროს სასწაულს მოახდენს და ღირსეულად უხელმძღვანელებს აჯანყებულ მასასაც. ჩვენ უნდა გადავხილოთ ძველი



(აჯანყებამდე) პარტიული მასა და რადიკალურათ გაეწმინდოთ იგი. ჩვენ უნდა სასტიკათ გავკიცხოთ, გავასამართლოთ და დავსაჯოთ ყველა ის წევრები, რომლებმაც აჯანყების დროს გამოიჩინეს სისუსტე სილაჩრე, ორჟოფობა, პოსტის სამარცხვინოთ მიტოვება და ღალატი. შორს ჩვენგან ლაჩრები, ძირს მოლაღატეები.

იქ, სადაც შვიონობ-„სიშიკობა“ შედარებით უფრო ძლიერია, ჩვენ უნდა შევქმნათ მცირე-რიცხოვანი იაჩეიკები. ახალი წევრი უნდა მივიღოთ დიდი სიფრთხილით: მან კარგათ უნდა იცოდეს რა მოვალეობას კისრულობს, როცა ამ პარტიაში შემოდის. **შეგნება და დისციპლინა**, აი რა უნდა შეადგენდეს განახლებული ორგანიზაციის საფუძველს, საგანის ამ მხარეს თქვენ წინეთ ნაკლებ ყურადღებას აქცევდით. ჩვენს ამხანაგებს ყოველგან ჩვენში ეტყობათ დიდი ნაკლი: მასსიური ორგანიზაცია და ფოლადის დისციპლინა.

ამნაირად, ტაქტიკური კითხვა მჭიდროთაა შეკავშირებული ორგანიზაციულ კითხვასთან. როგორიცაა ტაქტიკა, ისეთივეა ორგანიზაცია. ტაქტიკური კითხვა კი მჭიდროთ შეკავშირებულია პროგრამასთან. როგორიცაა პროგრამა, ისეთივეა ტაქტიკა და ორგანიზაცია. ჩვენი მიზანია (პროგრამა) სოციალისტური რევოლიუცია, ე. ი. ძირბუდიანათ გარდაქმნა ათეული საუკუნოებით გამტკიცებულ საზოგადოებრივ წყობილებისა, რომელიც დამყარებულია დამონება-გაყვლეფა-ძალადობაზე. ეს უაღრესად რევოლიუციონური მიზანი მოითხოვს უაღრესად რევოლიუციონურ ტაქტიკა-ორგანიზაციას.

აჯანყების დამარცხებისა და ჩვენი ამხანაგების წამების შემდეგ ბუნებრივათ დაიბადა კითხვა ტერორის, შურისძიების შესახებ. ჩვენ, მარქსისტები, თავის თავად ცხადია, წინააღმდეგი ვართ ე. წ. პირადი, ანარქისტული ტერორის, როგორც **პოლიტიკურ-ტაქტიკურ** საშვალების. ასეთ ტერორს ჩვენ უპირდაპირებთ მასსიურ, კლასიურ ბრძოლას, მასსიურ ტერორს. ზოგიერთ განკერძოებულ პირობებში ჩვენ მიემართავთ ინდივიდუალურ (განკერძოებულ) ტერორს, როგორც თავდაცვის საშვალებას, მაგ. პროვოკატორ-ჯაშუშების და მოლაღატეების წინააღმდეგ.

განსაკუთრებულ და განუსაზღვრელ შურისძიების გრძნობას იწვევს და აღვივებს ჩვენი ამხანაგების დაქირავებული მკვლელნი-ბარბაროსნი ჯალათები და მათი მეთაურები. ეს გრძნობა ღვივის არა მარტო პარტიულ ამხანაგებში, არამედ ხალხის ფართო მასაშიც. ყველას პირზე აკერია: შურისძიება, შურისძიება. ეს ასეც უნდა იყოს: წამებული კომუნისტები წარმოადგენდენ მშრომელ და გაყვლეფილ გლეხობას. ყველა ესენი გატაცებული იყენენ კომუნიზმის წმინდა იდეალებით. ამ ამიერიდან უკვდავმა ახალგაზდებმა შეგნებულათ აიღეს იარაღი ხელში, მარა როცა მათ ხელმძღვანელებმა უთბრეს:


ბრძოლა და სისხლის ღვრა აღარ ღირს და უკან დაიხიეთო, დისციპლინას დაემორჩილენ და იარაღი დაჰყარეს. ისინი ჯალათებმა მხოლოდ მოტყუილებით ჩაიგდეს ხელში: თუ იარაღს თავის ნებით დაგვიბუნებთ, არ დაგსჯითო. მარა ხელში რომ ჩაიგდეს ვერაგულათ აწამეს. თუმცა სრულიად მოულოდნელი იყო მათთვის სიკვდილით სასჯელი, მარა არცერთი ამ ახალგაზრდა კომუნისტებში სულიერათ არ დაცემულა და თავის „ცოდვები არ მოუნანებია, პატივება არ უთხოვია....

მშრომელი გურია სასტიკათ გმობს და სამარცხვინო ბოძზე აკრავს ამ მხეცობის ჩამდენ მენშევიკურ მთავრობას. ეს მშრომელი ხალხი დღეს აშკარად ხედავს, რომ ბურჟუაზიის ლაქია-ჯალათები ყოველ წამს მზათ არიან თუნდაც მთელი მშრომელი ხალხი აწამონ-ამოყლიტონ. ოღონდ ერთი მუჟა მუჟთახორები განცხრომაში ამყოფონ საუკუნოთ. ამ არამზადებმა ქვეყანას ყური გამოუჭედეს: თვით გურიის ხალხმა მოითხოვა—ყაჩაღ-კომუნისტების სიკვდილიო. და იმავე დროს „დახურულ კარებში“ ორმა-სამმა დაქირავებულმა ჯალათმა: ქურდულათ გადასწყვიტა საქმე. ეს უნამუსოები ქვეყანას ეუბნებიან ხალხმა თვითონ დასაჯა ყაჩაღ-კომუნისტებიო. ნამდვილათ კი ვერც ჯარში, ვერც მილიციაში და ვერც გვარდიაში ვერ აღმოჩნდა საჭირო კონტინგენტი (რიცხვი) ჯალათებისა. მთელი გურიის გვარდიაში აღმოჩნდა ოთხ-ხუთი სინდის-ნამუსზე ხელაღებული ხუნხუზ-ნადირი, რომლებსაც მეთაურობდა ცნობილი ყაჩაღ-ხუნხუზი (მხოლოდ „კანონიერ“ ფარგლებში, ჩუმათ, ფარულათ, დიპლომატიურათ)—ს. ბათითაშვილი. ვინ იტყვის, რომ ეს **დაქირავებული მკვლელები** და მათი სულის ჩამდგმელნი სიკვდილის ღირსი არ არიან. მხოლოდ კითხვა ასე დგას: შეუძლია თუ არა პარტიას **დღევანდელ პირობებში** მემართოს ინდივიდუალურ ტერორს. ჩვენ ვამბობთ არა, რადგანაც დარწმუნებული ვართ, რომ ასეთი ტერორი აუნახლათურებელ ზარალს მოუტანდა პარტიას. ამას გარდა: ჩვენ გვწამს, რომ მომავალი (შეიძლება, ძალიან ახლო მომავალი) ჩვენია, და როცა ჩვენი გამარჯვების საათი დაჰკრავს, ჩვენ შევძლებთ სასტიკი პასუხი ვაგებოთ ჩვენ მოსისხლე მტრებს. ამ წამის მოსახლოებლად საჭიროა დაუღალავი მუშაობა და ხალხური, მასიური წითელი ტერორისათვის, აჯანყებისათვის მზადება.

გაუმარჯოს საერთაშორისო კომუნისტურ პარტიას და მესამე ინტერნაციონალს!

ამხანაგური სალამით კომუნისტი.

1919 წელი დეკემბერი.



ზაქრო ჩოღრიშვილი

## კატორღაღის უღჳა ცხოვრებღღან.\*)

ღამიკო მღხა. ყვეღა ჴენ წერიღღში მთხოვ, რომ გავაღებღინო ჩემღ და ყვეღა აქ მომწყვეღეღული ამხანაღებღის ყოღა-მღღომარეობა და საკატორღო ციხის პირობებღ; მეც ვასრულეღ ჴენს თხოვნას და გწერ ჩვენი კატორღღეღების ყოღა-მღღომარეობაზე. თუმცა ძნელია ჩვენთვის ვრცელი წერიღღის მოწერა და ამიტომაც გწერ პაპიროზის ქაღღღღზეღ დაწერიღღს, და ჴიგა და ჴიგ სამშობრღაღურის კითხვასაც მიაქციე ყურადღება, რომ უფრო ნათღათ გაიგო ჩვენი ყოღა-მღღომარეობა. მაშ ასე ვეცღებღ რამღენათაც კი ჴეიღღღება გაცნობო ყვეღაღფერი.

### იაროსღავის დროებღთღ კატორღღის ციხეში და მისი ადღიღ-მღღებარეობა.

იაროსღავი არის „კაროღენიკის“ ციხე, ეს სახელი ეწოღება ერთ პატარა სოფელს, ახალშენს, რომელიც გაშენებულღა ორი ვერსის მოშორებღთ ქაღაქიღდან მღღინარე ვოღღის ნაპირას დაბღობ და ქაღობიან ადღიღზე. ციხის ადმინისტრაცია, მთღად მისი მოხეღეღები ოსტატ-ხეღღოსნები, სულ ყვეღა, აქ ახალშენში სცხოვრობენ. ჴაფხუღობღთ, როღღესაც ყინული დაიძვრება და აბობოქრებულღ მღღინარე კაღაპოტში ვეღარ ეტევა, წყალი ნაპირებღდან ორ სამ ვერსის მანძიღზეღ წაღეკს ხოღმე დაბღობ მიღამოებს; ამ დროს ჩვენი „კაროღენიკიც“ გვარიან დღღღხანს მთღად წყაღში ჴყუპაღობს და მიმსვეღღ-მომსვეღღღი, როგორც ციხეში, აგრეღთვე კერძო სადღომებში ნაღებღთ მიღღი-მოღღიან. წყღღის კაღაპოტში ჩავარღღის ჴემღღეღ ამ

\*) ეს წერიღი გკუთვნის ცნობიღ ბოღღშეღვიკ რეღოღიღეღციოღენღს ჴაქრო ჩოღრიშვიღღს, რომელიც მან მღღწერა თავის ძმას, ჩვენ მოხუც ამხანაღს მანა ჩოღრიშვიღღს: წერიღი მოწერიღღა 1914 წ. ავტორღ კი გარდაიღვალა ნიკოღღავის საკატორღო ციხეში 1916 წ. 3 აპრიღს (ძვეღი სტიღღთ). წერიღი მეტად ცუღ პირობებშია დაწერიღი და გამოგზავნიღი: ამიტომ მოკღებულღა ღღტრღატურულ ენს, მაგრამ როგორც მუშის წერიღღს, ჩვენ ვათავსებთ მას უცღვეღღათ, როგორც დოკუმენტს პარტიულ არხიღღსათვის.

რეღაქცია.





ახალშენში რჩება ბევრი ქაობები, ამიტომაც ეს მიდამო, როგორც ქაობიანი დანოტიო ადგილი, ციებ-ციხელების ბუდე არის. ჩვენი ციხე ტუსალთა რიცხვით 900—1100 ადის წელიწადში და 2—3 ეტაპამდე იგზავნიებიან ზოგი ამურის რკინის გზაზედ და ზოგიც სხვა ციხეებში სამუშაოთ. აქაურთა ტუსალთა ბუდე ივსება ახალ მოყვანილ პატიმრებით სხვა და სხვა ციხეებიდან და ვინც კი ამ ციხიდან თავს აღწევს ე. ი. ვისაც კომისია სცნობს ჯანსაღად სადმე სხვაგან გასაგზავნათ, სამუშაოთ, ამგვარი ტუსალის სიხარულს არა აქვს საზღვარი, თავს თვლის ბედნიერათ, თითქმის თავისუფლებასთან სწორათ, რადგან ამ ჯოჯოხეთ ალაგს შორდება; ან კი როგორ არ გაუხარდეს აქედან გაშორება, როდესაც თვით გამოსცადა მხეცური სისასტიკე აქაური ადმინისტრაციის.

ყოველი აქაური ადმინისტრაციის პირი, მათ რიცხვში მედიცინის წარმომადგენლები, ქარხნის ოსტატებიც ცოფიან ნადირის ჟინით არიან მხოლოდ მოცულნი ავსებულნი ტუსალების მიმართ.

სამშობლიური იყო ჩვენი საიდუმლოების გამოცნობა.

ერთათ ერთი მეცადინეობა იმაში მდგომარეობს, რომ რაც შეიძლება ბევრი და ძლიერ აწამონ ტუსალი ფიზიკურათ თუ ზნეობრივად თუ გონებრივათაც; მათ სისასტიკეს ისიც აორკეცებს, რომ როდესაც ციხეების ინსპექტორი მიდის ციხის დასათვალიერებლად, მხოლოდ იმას ემდურება ციხის უფროს მოხელეს, რომ ცოტა ტუსალები დაგისჯიათო და ისიც მსუბუქათო, შემდეგში ასეთი მცირედი დასჯილთა რიცხვი აღარ დამანახოთ თორემ ვაი თქვენი ბრალიო. ამის შემდეგ რალა თქმა უნდა, რომ მონებსაც ზოგს ალაგის დაკარგვის შიშით და ზოგსაც ერთგულობის დასამსახურებლად არავითარი ზნეობრივი გრძნობები აღარ აკაგებს უბრალო პატიმრის დასასჯელათ. უკლება ხომ განუსაზღვრელი აქვთ მიცემული, რასაც უნდა მოუგონებენ და უზამენ ტუსალს, პასუხს ვინ მოსთხოვს.

თითონ აქაურ ტუსალებს ბრძოლის შნო და უნარი ენერგია მთლათ გამოცლილი აქვს, გონივრული ბრძოლა კი არა, უბრალო პროტესტიც კი ვეღარ შეუძლიანთ, ივინი იქამდისინ არიან დაცემულნი და დასუსტებულნი ყოველ მხრივ, აქაური მეტის—მეტი სასტიკი მდგომარეობის ზეგავლენით, სახუმრო არ არის ყოველ უბრალო რაზედაც „სკიტის“ წართმევა, ლანძღვა, გინებას, ფულით დაჯარიმებას, ჩუმათ კარცერში ცემას, აშკარად გაროზგვას და კარცერში ჩაგდება 1-დან 60-დღემდე. მერე ისიც უნდა ითქვას რომ აქაური კარცერი არაფრით ჩამორჩება საყინულეს—ასეთი არის ნათელი კარცერი, ხოლო ბნელი კი ბაღლინჯოების და ათასი სხვა გვარი ჭიების სამთლობლოა.



როგორც ისე დასჯილს აგრეთვე გაროზგვის შემდეგ გაწეპლისა შეაგდებდენ კარცერში. უკან ტანზე წკეპლისაგან დასერილი იარებიდან სისხლი სდით, მის წვა-დაგვაზედ ერთვის ადამიანისაგან გათახსირების გრძნობა და საშინელი კარცერის სიცივე. სიცივეს უფრო აორკეცებს ტიტველა ფეხებზედ რკინის ხუნდები.

კარცერში ჩაგდების დროს ფეხსახვევს და თასმას. რითაც ჯაჭვებს იბამენ წელზედ ართმევენ. ავიტანს სიცივე—კანკალი, გული და გონება გელევა ტკივილებით, ჯდომა ვერ შეგიძლიან, სიარული არც მხარ-თეძოზედ თუ გვერდზე წოლა, მხოლოდ მუცელზე დაწოლილი შეგიძლიან იქნე, მაგრამ ვაი ამ დაწოლას, გმინავ და წუხილი ტვინს ღირღნის. ხშირად ხდება, რომ ველარ უძლებს ადამიანი წვალებას და თავს იბაწრამს დახვეულ პერანგის ყულფით, საზოგადოდ სასჯელი აქაური ციხის ადმინისტრაციისაგან—სულ ადვილად იშოვნება. აი მაგალითი: ზედამხედველმა (ნაზირატელმა) კამერის სანათურიდან შემოიხედა და შენ მალე ვერ მოასწარ ფეხზე წამოდგომა ან დაგინახა, რომ სარკმელთან ან კარებთან სდგებარ აი რაზედაც დასაჯეს 11 ტუსადი. 3 კაცს ათ-ათი წკეპლა დაკრეს და 8 მხოლოდ კარცერით დატუქსეს. ზედამხედველმა შემოიხედა და დაგინახა 4 ტუსადი ერთად (თუმცა კარგათ იცოდა, რომ ერთად შეყრილი იყვნენ საუზმისთვის) დაშლა და დაცალკევება უბრძანა, რადგანაც ტუსალებმა ანაზდევულათ ვერ შეასრულეს მისი ბრძანება იწყინა ზედამხედველმა და გააკეთა ათას გვარი ჭორი—დანოსი, ვითომ ტუსალები შეთქმულობას აპირებენ, სასჯელს გამოუძიებლად ახდენენ: საკმარისია მხოლოდ ზედამხედველმა თქვას, მისი სიტყვა უცილო ქეშმარიტებათ არის მიღებული უმაღლეს უფროსისაგან. აი კიდევ რაზე: ერთ კამერაში კარტოფილსა ფცქვნიან, კარგად ხედამენ ტუსალები, რომ ხ.... კართოფილი 10 ფუთამდე მაჟნც იქნება, საიდანაც მათი აზრით დაახლოვებით თითო პატიმარს  $\frac{1}{4}$  გირვანქა მაინც შეხვდება, მაგრამ საუბედუროდ, სადილის დარიგების შემდეგ მხოლოდ ორ ჯამში ამოჩნდა თითო კაკლის ოდენა კართოფილი, დანარჩენს ცარიელი თბილი წყალი ერგოთ. რადგან ესე არა ერთხელ გამეორდა, ამის შესახებ შესჩივლეს უფროს, მაგრამ მან საპასუხოთ ერთი ტუსადი გაწკეპლა 50 წკეპლით და მერმე 2 კვირით კარცელში ჩასვა.

ვთქვათ რომელიმე ტუსადმა მოახერხა გაქცევა, ყველა მის კარცერში მყოფი ისჯებიან ზოგი წკეპლით და ზოგიც კარცერში დამწყვდევით. ფულითაც ხშირად ხდებოდა დაჯარიმება, ვინც მუშაობს ის იღებს ცოტაოდენ გროშებს, ტუსალების ნახევარზე მეტს ანუშავებენ, აქ გამართულია: სამკედლო, სათოქმაჩო. სადურგლო, სასტალიარო, ჩექმების, ტანისამოსის, საფეიქრო სახელოსნოები. ყველაზე ცუდათ მოწყობილი და ძნელია მუშაობა ამ უკანასკნელ



სახელოსნოში. ამ ქარხნის მუშების უმრავლესობა სწეულდება კლექტით და იხოცებიან. პატიმარი ქარხანაში დაზგის წინ ზის და ორივე ხელებით და ფეხებით მუშაობს; კიდევ კარგი თუ ვადა გასულია და ფეხებიდან ბორკილები შეხსნილია. სამუშაოზედ გაჰყავთ დილის 6 საათზე და მუშაობენ საღამოს 6 საათამდის, შუადღისას დასვენებისთვის ეძლევათ 1 ნახევარი საათი, მაგრამ მინამ მოიყვანენ პატიმარს, გაატიტვლებენ, გასჩხრეკენ და სადილს მოუტანენ ერთი საათი უკვე გადის და რჩებათ პურის საქმელათ და დასასვენებლად მხოლოდ ნახევარი საათი. მუშებს ქირად აძლევენ 75 კაპ. ხელზე და ამდენსავე უნახავდენ განთავისუფლების შემდეგ მისაცემათ. ეს ჯამაგირი ეძლევათ თვეში იმ მუშებს, ვინც ციხის საშინაო საქმეზე მუშაობს. ვინც გარედან მოტანილ საქმეზე მუშაობს, თუ კარგათ და ძალიან მუყაითად იმუშავენს თვეში 1 და 3 მანეთს აიღებს; ნახევარს სახარჯოდ აძლევენ და ნახევარს უნახავენ. ფულით დაჯარიმება ისე ფართოდ არის გავრცელებული, რომ ერთ წელიწადში ტუსალი სამუშაო ქირის 50 კაპ. ვერ მიიღებს, რასაც მუშაობაში აკეთებს სულ ჯარიმაში მიაქვთ. აჯარიმებენ აგრეთვე სრულიად უმიზეზოთ, როგორც ზევითაც გითხარი ჩემო ძამიკო ცოტაოდენ აქაურ საავადმყოფოს და წამლობის შესახებაც გაიბობ და მაშინ ცხადათ წარმოდგენ ჩვენ აქაურ ტუსალების ყოფა-ცხოვრებას. აქაური ტუსალები ამ საავადმყოფოს ყასაფხანას უწოდებენ და უნდა გითხრა, რომ სწორედ ზედ გამოჭრილია ამისათვის ეს სახელწოდება; აბა სხვა სახელი როგორ უნდა უწოდო, როდესაც წელიწადში 100-მდე ტუსალი კვდება ან ჰკლავენ; ამათ გარდა რომლებიც აქედან არიან გაგზავნილები აპერაციასზედ იქ იხოცება საშუალოდ რიცხვით 50 კაცამდის. გარდა იმისა ერთ „აკალოდკაში“ 20 კლექტიანი წევს და მეორეში 10-დან 18-მდე სხვა და სხვა ავადმყოფები. ამათ ავადმყოფებათ არა სთვლიან, თუმცა ისე არიან ავათ, რომ სიარულიც აღარ შეუძლიან. „აკალოტკას“ ცემენტიანი იატაკი აქვს და მეტად ნესტიანიც. საავადმყოფო მხოლოდ იმით გაირჩევა დანარჩენ ტუსალების სადგომებისაგან, იატაკი ფიცრისაა და საღებავით შეღებილი. კერძო ცოტა უფრო სუფთაა, ხორცი ნაკლებ ყარს; სასადილო ჯამები თუნუქისაა, გარედან თეთრი და შიგნიდან ჟანგით სავსე, დანარჩენი ჭურჭელი სპილენძისაა, მხოლოდ არა ნაკლებ დაქანგებული და კალა მოცილებული. საავადმყოფოში აწვევენ მხოლოდ ისეთ ავადმყოფებს, რომლებსაც მხოლოდ რამოდენიმე დღე დარჩენიათ სიცოცხლე. დანარჩენი ყველა ჯანსაღათ არის ცნობილი ჩვენი ექიმისაგან. ექიმი ცნობილი კაცია, ხულიგანების ოავმჯდომარე. ორი თავმჯდომარე ჰყავდათ აქაურ ხულიგნებს, ერთი მოკვდა და ეს კიდევ ცოცხალია. კვირაში სამჯერ მოდის ექიმი საავადმყოფოში; თუ უქმე დღე შეხვდა და სჭირდება კვირაში ან ერთხელ ან ორჯერ მოსვლა. ეს


ექიმი გარყვნილების და რუსული ლანძღვის ენციკლოპედიათ უნდა ჩხი-  
თვალოს. მისი წამლობა როგორ ღირს... ეუბნება ტუსალი მადა დამე-  
კარგა...ექიმი აწყვეტინებს სიტყვას და სამასხაროდ იგდებს: მერე  
დიდი ხანია? აგერ ორი კვირა იქნება, უთხრა ტუსალმა. ხოო, ჩაი-  
ფრუტუნა ცხვირში მკურნალმა—მერე რატომ მაშინვე არ მითხარი  
და არ შემატყობინე. ტუსალმა უყურადღებოო დასტოვა მასხარად  
ავდება და მიმართა ექიმს, რომ რამე გამომიწერეო. ექიმმა უპასუხა:  
რაო რძე. ვისი გინდა ხ...თუ. თქვენო კეთილშობილებავ ეხვეწება  
ტუსალი ჩემი საკუთარი ფულით გთხოვთ. ხო..ხო ეგ სხვა საქმეა, შეი-  
ძლება, თქვა მკურნალმა. შემდეგ სხვა ტუსალი მიიყვანეს, რომელიც  
ეხვეწებოდა თუ შეიძლება რამოდენიმე ხნით ავადმყოფის კერძი მო-  
მეციოთო, რადგან მეტად დავსუსტიდი, სიარულის ღონე აღარ მაქვსო:  
ექიმმა კი დედის კურთხევით გაისტუმრა, აქსატუსალოში მოგიყვანეს  
და არა სასტუმროშიო. მესამე ტუსალმა შესჩივლა, რომ აგერ ერთ  
კვირაზე მეტია რაც კუჭი მომეშალა, ფაღარათი და კუჭის წვა მაქვსო,  
მაციებს და მაცხელებსო, სიცხე გასინჯეს, გრადუსნიკმა არ აჩვენა  
იმდენი სიცხე რამდენიც ავადმყოფს ჰქონდა (ამ მკურნალის შეხედუ-  
ლობით იგი სიცხიანი არ არის თუ 38 გრადუსზე ნაკლები აღმოჩნდა  
ტუსალი) ამიტომ შეხედა პატიმარს ჯეილი და პირტიტველა კაცი  
იყო. შენ უკანის ქავილი გაქვს და სხვა არაფერი. შენ ერთი 50 წკვალა  
გარგებს და მერე შეგდება კამერაში (ადინოჩკაში) რომ შეგიჩერდეს  
ქავილი. შე ასეთ ისეთო და დედის გინებით გააგდო. აი ასეთ რეცე-  
პტებს აძლევს ბევრ ავადმყოფებს. როდესაც გათავდა მიღება  
და ექიმი წავიდა ფერშლით საავადმყოფოში დაწოლილ ავად-  
მყოფების დასათვალისწინებლად, ერთ პალატაში ავადმყოფმა  
ექიმს მუავე კისელი სთხოვა. კისელს წელიწადში მეც ერთ-  
ხელ ძლივსა ვჭამ ხოლმე და ვინ ბრძანდები რომ კისელი  
მოგართვაო. ავადმყოფს ხელ-ფეხი უღებდა ექიმის წყალობით, მინამ  
ძვლებამდის არ დავა იარა და ძვლების ლაზობას არ დაიწყებს,  
მინამ არ გაგზავნის სპეციალისტთან მოსარჩენათ. აგრეთვე თვალები  
მინამ მთლათ არ გაუფუჭდება არ გაგზავნის თვალის ექიმთან. ორი  
ფერშალი არის აქ და იგინიც ასეთივე გულქვა რეგვენები არიან,  
როგორც თვით აქაური ექიმი.

ახლა ჩემო ძამიკო ნუ დამემდურები შეცდომით დაწერაზე, რომ  
წერის დროს სულ კარებისაკენ არის მიქცეული გონება, რათა ზედამ-  
ხედველმა არ დაიჭიროს თორემ 100 ცკვალა მზათ არის და კარცე-  
რიდანაც ვეღარ გამოვალ ვერას დროს.

ეს წერილი რომ მიიღო მალე მაცნობე. აგრეთვე კარგი იქნება,  
რომ ერთი ვისიმე რუსის გვარზედ აღრესი მომწერო, რომელზედაც  
შემეძლოს წერილის მოწერა და მან კი შენ გადმოგცეს, თუნდაც რომ

სხვა გვარს ვაწერდე ან კიდევაც უთითებდე სხვა გვარზედ გადმოცემას და არა შენზე, იგი იმით მიხედეს შენს გადმოსაცემს, რომ წერილში შენი სახელი იქნება და მეორეც იმით, რომ კონვენტზე ნიშანი, რომ იარასლოვის ციხიდან იგზავნება. ნახვამდის შენი მარად (ხელმოწერა) 10 ივლისი 1914 წ.

ეს წერილი გამოგზავნილია ციმბირის ერთ-ერთ სოფლიდან, კატორღელისაგან რომლებიც იაროსლავის საკატორღო ციხეში მჯდარა ზაქრო ჩოდრიშვილთან ერთად და კატორღის ვადა რომ გაუთავებია შემდეგ ეს ამხანაგი გადაუსახლებიათ ციმბირში და ამ გადასახლებულ ამხ. ციმბირელისთვის ზაქარა ჩოდრიშვილსაც გაეტანინებინა პაპიროსის ქალაქზე დაწერილი წერილი, რომლის წერილიც ციმბირიდან მოუვიდა მ. ჩოდრიშვილს ოქტომბრის შუა რიცხვებში ტუილისში.



საქმე № 363.

ა ს ლ ი.

მე-2 მაგადა 1915 წ.

## საბრალდებლო აქტი

გლახ თომა ამბაკოს-ძე ჩუბინიძეზე, რომელიც ირქმევდა მეტ სახელათ დიმიტრი დავითის-ძე თავად მაყაშვიდს.

1908 წ. 20 მაისს დილით ქ. ბაქოში ადგილობრივ დამცველ პუნქტის პოლიციის მეთვალყურე აკიმოვი აგენტ ბუშთან, პოლიციის მოსამსახურე — „ოკლატკის“ მეთვალყურე ესაძესთან და „გოროდოვობის“ პუზენკთანა და აგაფანოვთან ერთად, თანახმად ბაქოს საგუბერნიო ეანდარმერიის უფროსის დავალებისა, მივიდა თურქის ქ. № 115 სახლში შვეციის ქვეშევრდომის დიურფელდის ბინაზე მცხოვრებ ხუთ ქართველის გასაჩხრეკათ. აკიმოვმა „გოროდოვობები“ ქუჩაში დატოვა, თან გაიყოლა ესაძე და ბუში და შევიდა დიურფელდის ბინაში ეზოდან. აკიმოვმა დიურფელდი იქვე შეისწრო გალერეიაში და გაიგო მისგან, რომ მის ბინაზე მცხოვრებ ხუთ ქართველისაგან სამი უკვე წასულიყვენ და ორი კი დარჩენილიყო. პოლიციის მოხელეები შევიდნენ ოთახებში და მეორე ოთახში, რომელიც ქუჩაში გადიოდა, დაინახეს ორი ქართველი, რომელნიც ჩაის სვამდნენ. აკიმოვმა მოსთხოვა მათ, რომ წარმოედგინათ პასპორტები. იმათ წარმოადგინეს ორი ჩაუწერელი პასპორტი, — ერთი ლუკა სევერიანისძე კორძაიას და მეორე ალექსანდრე ალექსანდრეს ძე მაისურაძის სახელზე. როდესაც აკიმოვმა განაცხადა, რომ ის მოახდენს ოთახების გაჩხრეკას, მაშინ ერთმა იმათგანმა, რომელიც მაისურაძეს ირქმევდა, მოითხოვა ფეხისადგილში გასვლა, რისი ნებაც მიეცა ბუშის თან გაყოლებით. მეორემ განაცხადა „მოახდინეთ ჩხრეკა“-ო, ესაძე გაჩერდა ფანჯარასთან, აკიმოვი მივიდა ტანისამოსის ჩამოსაკიდებელ ადგილთან და იქიდან დაიწყო ჩხრეკა. ამ დროს ოთახში დარჩენილი ქართველი მივარდა კამოდთან გამოიღო უჯრიდან ბრაუნინგის სისტემის რევოლვერი და ყვირილობით ადგილიდან არ დაიძრეთო დაუწყო სროლა აკიმოვს. მან მოახერხა ოთხჯერ-ხუთჯერ გასროლა ისე, რომ აკიმოვს ერთიც არ

მოხვედრია, მაგრამ ამ დროს მას ეცა ესაძე, მუშტის დაკვრით  
 ლიდან გააგდებინა ბრაუნინგი და მოხვია ხელი. ქართველმა მოახერ-  
 ხა ხელიდან გასხლტომა, კვლავ დაეტაკა აკიმოვს და გაიმართა მათ  
 შორის ბრძოლა, რომლის დროსაც ორივენი ლოგინზე წაიქცენ. ქარ-  
 თველი ცდილობდა აკიმოვისათვის წაერთმია რევოლვერი, მაგრამ  
 ვერ შეიძლო და მოინდომა ისევ ხმალის ართმევა, მან თითქმის ამო-  
 იღო ხმალი. ამ დროს ოთახში შემოვიდა მეორე ქართველი მათურ-  
 რაძეთ წოდებული და ზუში. მათურაძეს ხეთქეს რევოლვერის კონ-  
 დახი და ის სისხლში გასვრილი იქვე ჩაჯდა. ბუშმა დაუწყო აკიმოვ-  
 თან მარხუბარ ქართველს სროლა. ამ დროს ესაძე გოროდოვოვებთან გა-  
 იქცა. აკიმოვმა მოახერხა თავის რევოლვერის ამოღება და დაუწყო  
 მის ხელში ნეორე ქართველს სროლა. სამჯერ გასროლის შემდეგ ქარ-  
 თველმა აკიმოვი გაუშვა ხელიდან. გამოირკვა, რომ აკიმოვმა მას სა-  
 მივე ტყვია მოარტყა და იქვე მოკლა. რომელიღაც ტყვიით ფეხში  
 მსუბუქათ დაჭრილი აღმოჩნდა აგენტი ბუში. ტყვია მას სხეულშივე  
 შერჩენოდა. ამის შემდეგ აკიმოვმა გაჩხრიკა კამოდი და ნახა მასში  
 ბრაუნინგი და რამოდენიმე ათეული მისივე პატრონა. მეორე ოთახ-  
 ში მაგიდის ქვეშ იდგა საკვიათი. მასში აღმოჩნდა მაუზერის სისტე-  
 მის ტყვიებით გატენილი 9 რევოლვერი. იქვე იყო მაუზერის რამდენ-  
 ნიმე ასი პატრონა. ამავე ოთახში აკიმოვმა აღმოაჩინა 3 გირვანქამ-  
 დე უკვამლო ტყვია. მეორე ოთახში დაკეტილ შკაფში აღმოჩნდა  
 30 ყუმბარა, 10 გირვანქა ამფეთქებელი ნივთიერება, 12 არშინი  
 ბიკუორდის შნური, ერთი ორმაგი ფისტონი და მასში გაყრილი  
 ბიკუორდის შნური; ერთი ჭინჭილა ვერცხლის წყალი, 100 გრამამ-  
 დი წონით, ორი კოლოფი ბერტოლეტის მარილი, 17 თხელი შუშის  
 მილი—1—6 გოჯიანი. თუნუქის ფორმა ტყვიის ჩამოსასხმელი. იმავე  
 თვეში 24 მათის-დიურფელდმა, ემზადებოდა რა მეორე ბინაზე გადა-  
 სასვლელათ, შკაფების ადგილიდან დაძვრის დროს მასში აღ-  
 მოაჩინა ყუმბარები შკაფში რალაც ერთი ადგილიდან მეორე  
 ადგილზე გადადიოდა, თუმცა ის თითქო ცარიელი იყო. დი-  
 ურფელდის განცხადებით, იქ გამოცხადდა პოლიცია, რომელ-  
 მაც აღმოაჩინა შკაფის ზემო ნაწილში საიდუმლო ყუთი, რომელ-  
 შიაც აღმოჩენილ იქნა  $\frac{1}{4}$  გირვანქა ჭექთაფლადი (მელინიტი) ბრგვი-  
 ნავი სტუდნიის  $1\frac{1}{2}$  ჯოხი  $\frac{1}{2}$  გირვანქის წონით,  $\frac{1}{2}$  გირვანქა შაქარი  
 და ბერტოლეტის მარილი შერეული, ორი კოლოფი 160 ფისტონით  
 და ბრგვინავა ცქრიათი 49 ამგვარივე ფისტონი, ორ-ორი ერთად  
 შედუღებული, 7 ცალი ორმაგი ფისტონი ბიკუორდის შნურით, ორი  
 ხის ცილინდრი, ერთი ტყვიის სატენი შუშის მილით, სავსე მკავ-  
 ბადით, 4 შუშის მილი მკავბადით სავსე, 7 სატენი, ხოლო არა შუშის  
 მილით, სპილენძის ფორმა ხსენებულ სატენის ჩამოსასხავათ, 2 ხის

ცილინდრი, სპილენძის ბეჭედი, რომელიც იძლეოდა „ტფილისის მაზრის უფროსის“ „ოტისკს“. აღმოჩენილი 30 ყუმბარა ექსპერტების შემოწმებით აღმოჩნდა, რომ წარმოადგენდნენ თუნუქის ბანკებს სხვა და სხვა ზომისას  $1\frac{1}{2}$ —3 გირვანქამდი. ეს ყუმბარები აფეთქებულ იქნა რამდენიმე ერთად, აფეთქების შემდეგ დარჩა მხოლოდ ტყვიის ცილინდრა, ტყვიის მილებით. ყუმბარების აფეთქებამ ზარბაზნზე მეტად დიდი ხმა გამოსცა და კვამლიც მეტი ძლიერი ქონდა. ბრგვინავი სტუდენტი კი თავისუფლად დაიწვა უკვამლოთ. ყველა დასარტყავები: ქექთაფლადი, ბრგვინავი სტუდენტი, შაქრისა და ბერტოლეტის მარილის ნარევი, ტყვია წასმული ქალაქის ფურცლები, შუშის მილები შეკვადით, ბრგვინავა ცქრია და ბერტოლეტის მარილი, ნახული მეორე ჩხრეკის დროს შკაფის საიდუმლო ყუთში, დაწყობილ იქნა ყველა ერთად და ბიქსფორდის შნურით აფეთქებული. აფეთქებას ძალუმი ხმა ქონდა და თან მოყვა ჰაერში ცეცხლის გაელვება. ამასთანავე აფეთქდა ყველა ნივთიერებანი უკლებლივ. ექსპერტების დასკვნით ყველა ოცდაათივე ყუმბარა მტყორცნელი ტიპის იყო და დატენილი ქექთაფლადით 70 გირვანქამდი. 29 გატენილი ყუმბარა თუმცა ასაფეთქებლათ მზათ იყო და ერთი თუმცა გატენილი იყო ქექთაფლადით, მაგრამ მოკლებული იყო გასროლის მომარჯვებულობას. 29 გატენილ ყუმბარაში გასროლილ მომარჯვებულებათ ითვლებოდა ფისტონები ბრგვინავი ცქრიათი, შუშის მილები შეკვადით და ტყვიის ნატეხები. დარტყმის დროს ეს ტყვიის ნატეხები სტეხდნენ შუშის მილებს, რის გამოც შეკვადი უერთდებოდა ბერტოლეტის მარილს შაქართან შეერთებულს და ჩნდებოდა ცეცხლი. თვითოეულ ყუმბარას განადგურების ძალა ქონდა 20—30 ნაბიჯზე. მსხვრევი ძალა თვითოეულ ყუმბარისა დიდი იყო, ვინაიდან ერთ გირვანქა ქექთაფლადს თავისუფლად შეუძლია რკინის გზის ლიანდაგის აყრა მეორე ჩხრეკის დროს ნახული ყველა ხელსაწყო და საგნები ექსპერტების აზრით მხოლოდ და მხოლოდ შესამზადებელი იყო. დიურფელდის ჩვენებით 1907 წ. დეკემბერში მის ბინაზე დაესახლენ საცხოვრებლათ ორი ქართველი, ერთი მათგანი იყო 1908 წ. 20 მაისს დაჭრილი და ირქმევდა სერგოს. ამათ მასთან იცხოვრენ სამი თვე და შემდეგ მეორე ქართველი წავიდა, სერგოსთან კი გადმოვიდა საცხოვრებლათ კიდევ 4 ქართველი, რომელთა გვარი მან არ იცის. მოკლული ქართველი მასთან ბინაზე არ ცხოვრობდა, მაგრამ ხშირათ დადიოდა მის მდგმურებთან, ზოგჯერ რჩებოდა ღამითაც. შკაფი, რომელშიც ნახეს ყუმბარები, მოიტანა მისმა მდგმურმა სერგომ. რას აკეთებდნენ მისი მდგმურები დიურფელდმა არ იცის. 20 მაისის ჩხრეკის დროს მოკლული ქართველი, რომელიც ირქმევდა ლუკა კორძიას, ნამდვილათ აღმოჩნდა ივანე ნიკოლოზის ძე ინწკირველი. აღექსან-





დრე მაისურაძეთ წოდებული კი არ აღმოჩნდა ასეთაც და მისი ნამდვილი სახელი და გვარი ჯერ კიდევ გამოარკვეული არ იყო, როდესაც ის 29 ივლისს ბაქოს ციხიდან გაიქცა. 1915 წლის თებერვალში ტფილისის ოლქის ჟანდარმთა სამართველოს უფროსმა აცნობა ტფილისის საოლქო სასამართლოს, რომ სამოსამართლო პალატისაგან გორის ხაზინაში ხერელის გაკეთებისათვის სასჯელ მისჯილი, რომელიც თავის თავს უწოდებდა დიმიტრი დავითის ძე მაყაშვილს, აღმოჩნდა ის ქართველი, რომელიც 1908 წ. ბაქოში ყუმბარების ლაბორატორიაში იქმნა შეპყრობილი ალექსანდრე მაისურაძის სახელწოდებით და რომელიც იმავე წელს ბაქოს ციხიდან გაიქცა. ნამდვილათ ეს კაცი თავადი მაყაშვილი ან მაისურაძე კი არ არის, არამედ ქუთაისის გუბერნიის შორაპნის მაზრის სოფელ საზანოს გლეხი თომა ამბაკოს ძე ჩუბინიძეა, რომელიც დატუსაღებული იყო და იჯდა ქუთაისის ციხეში მთელ რიგ დანაშაულობათა გამო და გაიქცა იქიდან 1907 წ. 26 სექტემბერს. ხელნაწერის შემრჩევ ექსპერტიზამ გამოარკვია რომ 1908 წ. 20 მაისს დაკავებულის ალექსანდრე მაისურაძის და მაყაშვილის წოდებით ხელის მოწერა პასპორტში ერთ და იმავე პირისაა. ყოფილ „ოკოლოტის“ მეთვალყურემ ესაძემ თავადი მაყაშვილი შეიცნა იმ ადამიანათ, რომელიც მან აკიმოვთან და ბუშთან ერთად 1908 წ. 20 მაისს შეიპყრო ბაქოში თურქის ქ. № 115 სახლში და რომელმაც მაშინ დაირქვა ალექსანდრე მაისურაძის სახელი. ქუთაისის ოლქის სასამართლოს საგანგებო საქმეთა გამომძიებლის 1915 წ. 5 ივლისის ოქმით რომელიც შედგენილია შორაპნის მაზრაში 1904 წელს დეკემბერში და 1906 წ. იანვარში რევოლიუციონურ მოძრაობაზე სჩანს, რომ სოფელ საზანოს მთელ რიგ გლეხების ჩვენებით თავად მაყაშვილათ წოდებული პირი არის ადგილობრივი სოფლის გლეხი თომა ამბაკოს ძე ჩუბინიძე. ამასთანავე ექსპერტებმა დაასკვნეს რომ მაყაშვილის ხელის მოწერა თომა ჩუბინიძის ნამდვილი ხელის მოწერაა. თომა ჩუბინიძემ როგორც ბრალდებულმა დაკითხვის დროს არ იცნა თავი დამნაშავეთ თურქის ქ. № 115 ბაქოში ყუმბარების შენახვაში და თავის გასამართლებლათ სთქვა, რომ მე ნამდვილათ თავადი მაყაშვილი ვარ და რომ ბაქოში მე არასოდეს არ მიცხოვრია და არც ალექსანდრე მაისურაძის სახელი მიტარებიაო. ზემოთ მოთხრობილ ფაქტების ძალით ქუთაისის გუბერნიის შორაპნის მაზრის სოფელ საზანოს გლეხს თომა ამბაკოს ძე ჩუბინიძეს, 34 წლისას, რომელიც თავის თავს უწოდებს დავით დიმიტრის ძე თავად მაყაშვილს, ბრალათ ედება, რომ მან 1908 წ. მაისში ქ. ბაქოში თურქის ქუჩაზე № 115 სახლში, სხვებთან წინასწარ შეთანხმებით შეინახა სახელმწიფოებრივ და საზოგადოებრივ მყუდროების საწინააღმდეგო მიზნით

20 ჰექთაფლადით გატენილი მტყორცნელი ყუმბარა. 10 გირვანქა ბრგვინავა ცქრია, ჰექთაფლადი, ბიქტორდის შნური, ფისტონები ბრგვინავა ცქრიათი, ნივთიერება შაქრისა და ბერტოლეტის მარილით შერეული, ტყვიის სატენი და სხვა ნივთები და ხელსაწყოები ლითონის ამფეთქებელ ყუმბარის გაწყობისათვის საჭირო. ყოველივე ეს აღმოჩენილ იქმნა აღნიშნულ ბინაზე 1908 წ. 20 და 24 მაისის ჩხრეკის დროს, ეს დანაშაულობა გათვალისწინებულია დანაშაულობათა დებულობის მე 2 ნაწ. 987-მუხლში. ამისა და V. v. C. 1260 მუხლის ძალით ხსენებული თომა ამბაკოსძე ჩუბინიძე უნდა წარდგენილ იქმნას ბაქოს საოლქო სასამართლოში. შედგენილია 1915 წ. 11 აგვისტოს ქ. ბაქოში. პროკურორის ამხანაგი ვ. ჩიქევსკი. სამოსამართლო ძიების დროს გამოსაწვევ პართა სია: ბრალდებული თომა ამბაკოს-ძე ჩუბინიძე, რომელიც თავის თავს უწოდებს დიმიტრის დავითის-ძე თავად მაყაშვილს, მოწმეები—გიორგი პეტრეს ძე აკიმოვი, ვლადიმერ პეტრეს-ძე ესაძე, ნიკოლოზ იაკობის-ძე ბუში და ველიამინი იაკობის ასული დიურტველდი, ექსპერტი ვ. გერი, პროკურორის ამხანაგი ვ. ჩიქევსკი.

დედანთან ხწორია.

მღვივის მაგიერ (ხელის მოწერა)

---

---

პროლეტარებო მთელის ძვეყნისა, შეერთდით!

რუსეთის სოციალდემოკრატიული მუშათა პარტია.

# ბ რ ძ ო ლ ა

ორგანო ქართველ სოციალდემოკრატთა კავშირისა.

№ 4

1902 — დეკემბერი.

№ 4

## ბ რ ძ ო ლ ა.

„ბრძოლა“ ისევ გამოდის, გაუმარჯოს ბრძოლას! ცხოვრების მიზანი კეთილდღეობაა, საშუალება კი ბრძოლა: უბრძოლველათ ჩვენ ერთ დღესაც ვერ გავძლებთ, ერთ მოთხოვნილებასაც ვერ დავიკმაყოფილებთ, ერთ საქმესაც ვერ გავაკეთებთ. ამიტომ არის, რომ ბუნებაში ყოველივე სულდგმული გამუდმებით იბრძვიან არსებობისათვის.

ბრძოლა არსებობისათვის — აი სიცოცხლის ძირითადი კანონი, მისი მატრიალებელი ჩარხი. აბა ნუ გააქანეუთ ხელებს, გადაიდეთ ფეხი ფეხზე, ნუ ამოძრავდებათ და ნურც თქვენ მაგიერ სხვას ამოძრავებთ და ნახავთ თუ არ გაითელებით სხვებისაგან და არ გაითქვიფებით ცხოვრებაში. ამ საერთო ბრძოლაში, რასაკვირველია, ის იმარჯვებს, ვინც უკეთ შეიარაღებული და ბრძოლის ველზედ გამაგრებულია, ერთი სიტყვით, ვისკენაც მეტი ძალაა. მაგრამ რადგანაც თვითეული კაცი ცალკ-ცალკე უძლურია, ამიტომ მრავალი ერთდება და საერთო ძალ-ლონით საერთო ცხოვრებას იკაფავენ. ერთდებიან განსაკუთრებით ისინი, ვინც ერთგვარ ცხოვრების უღელშია გაბმული, ვინც ერთნაირ ტანჯვას და შევიწროებას განიცდის და, მაშასადამე, ბრძოლის საგანიც ერთი აქვთ. ასეთს შეერთებას ეწოდება ჯგუფების ანუ კლასების შეერთება, ხოლო მათ ბრძოლას ეწოდება **კლასთა ბრძოლა**.

საზოგადოებაში მრავალი კლასებია, მაგრამ ყველა ისინი შეიძლება ორ დიდ ჯგუფათ გაიყოს: ღარიბი და მდიდარი, გაყვლე-

ფილი და გამყვლეფელი, დაჩაგრული და დამჩაგვრელი—აი ერთმანეთთან მეორის მოქიშპე და მოპირდაპირე ნაწილები. ანათი ერთმანეთთან ბრძოლა შეიცავს ძველ და ახალ ისტორიას და ამ ბრძოლაში ვიმყოფებით ჩვენ დღესაც. მონა და პატრონი ძველ ქვეყანაში, ყმა და პატონი საშუალო საუკუნოებში, მუშა და კაპიტალისტი დღეს—აი გაყვლეფილი და გამყვლეფელი კლასები. მათ შორის ატეხილი ომი სამკედრო-სასიცოცხლო ომია და ეს ომი გრძელდება დღევანდელამდე. ჩვენ თვითონ ამ ომში მონაწილე ვართ ძალა უნებურათ, ჩაბმული ვართ მასში, მის გარეშე ვერ დარჩება ვერც ერთი ჩვენგანი და, მაშასადამე, მისი შეგნება და გათვალისწინება ბრძოლის მოგების ერთადერთი საშვალეა.

მაშ რას წარმოადგენს დღევანდელი ბრძოლა? ვინ რისთვის იბრძვის და ვინ რისთვის უნდა იბრძოდეს?

მიმოვიხედოთ ჩვენს გარშემო, თვალი გადავაგლოთ რუსეთსა და უცხოეთს და დავინახავთ რას? იმას, რომ დაჩაგრული კაცობრიობა აბოზოქრებულა დამჩაგვრელთა წინააღმდეგ და ხმა მალა გაჰყვირის: კმარა მტარვალეზო, გეყოფათ რაც გვტანჯეთ, შეწყდეს მტარვალეზო! ამ ხმით გამოღვიძებული ბატონები ამაყურად გასძახიან: არა, სრულებითაც არ კმარა, თქვენი დამონავება ჩვენი მოვალეობაა, თქვენი გაყვლეფა ჩვენი უფლებათაა! ამ საზოგადო ხმაურობას ბანს აძლევს ჩვენი ქვეყანაც. პატივხდილმა და ბორკილ დადებულმა ნაწილმა ჩვენი ერისა უკვე აღმართა დროშა ბრძოლისა და შავი ზღვის პირიდან კასპიის ზღვამდე მედროშეთა საყვირი გაისმის. მუშების არეულობა ქალაქებში, გლეხთა მოძრაობა სოფლებში, ახალგაზღვების წინააღმდეგობა სასწავლებლებში—აი რით არის სავსე ჩვენი ცხოვრება.

ეს დრო საისტორიო დროა. ეს არის ჩვენი პირველი გამოღვიძება პირველი ენის ამოდგმა და ვაი მისი ბრალი ვინც ამას ვერ ხედავს და მასში მონაწილეობას არ იღებს.

ამ ნაირათ, ქალაქისა და სოფლის მუშა ერთხმად ღიადებს მჩაგვრელთა წინააღმდეგ. პირველი ებრძვის კაპიტალისტს, მეორე მემამულეს.

ეს არის ეკონომიური ბრძოლა.

მაგრამ ხალხის მტერთ ემხრობა მთავრობა და მათ სასარგებლოთ ამუშავებს პოლიციას, ჯარს და ჟანდარმებს. მოიგონეთ ბათომის მუშების სისხლი, რომელიც როტშილდის სასარგებლოთ ბარბაროსულმა მთავრობამ ასე უმოწყალოთ დაღვარა, მოიგონეთ გურიის გლეხები, რომლებითაც იმავე მთავრობამ ორიოდე მემამულის სასარგებლოთ ციხეები აავსო და სოფლებში ჯარები ჩაუყენა. მოიგონეთ გურული მოხუცი გლეხი, რომელიც ქუთაისის გამხეცებულმა გუბერ-



ნატორმა საჯაროთ გააროზგენინა. და მერე ყველა ეს რისთვის? იმისთვის რომ ხალხმა ლუკმა პური მოითხოვა: მან სთქვა გვეყოფა ამდენი ძარცვა, ჩვენც ადამიანები ვართ, ჩვენც გვყავს ცოლშვილიო; და ამ ხმაზე მთავრობა მოდის და ხმლით ხელში უბრძანებს: ხმა ჩაიწყვიტეთ, არჩინეთ თქვენი მტერი, იმუშავეთ მათთვის, თქვენ მონად ხართ დაბადებულნი და მონათ უნდა დარჩეთო.

ღიახ მთავრობა აშკარათ შეუერთდა ქვეყნის მტარვალთ და ორივე ერთად ჭლამის ხალხის დაჩაგვრას. მაშასადამე, სანამ ის თავის ძალაში დარჩება, მანამდის ხალხი ხელ-ფეხ შებოჭვილი და ბორკილ დადებული იქნება.

ამისათვის, **ბრძოლა მთავრობასთან** უპირველესი და უწმინდესი მიზანია ხალხისა.

ეს არის პოლიტიკური ბრძოლა.

მთავრობა მაშინ იქნება ხალხის მომხრე, როცა ის ხალხისაგან მომდინარეობს, ე. ი. როცა თვით ხალხი ირჩევს თავის წარმომადგენელთ და ესენი დგებიან სახელმწიფოს სათავეში.

მაშასადამე, პოლიტიკური ბრძოლის პირველი მოთხოვნილება ხალხის წარმომადგენელობა ანუ პარლამენტიია.

რა არის დღევანდელი მთავრობა? ის განხორციელებული ძალმომრეობაა, ის მათრახის მთავრობაა, მისთვის არ არსებობს არც წესი, არც სირცხვილი და, ასე გასინჯეთ, მის მიერ ხალხის სამტროთ გამოცემულ კანონსაც კი არ ასრულებს.

ამ მთავრობის დაცვა და თავისუფლების მოპოება—აი რა აწერია ჩვენს დროშას, დროშას მუშა ხალხისა. დეე, ამ დროშის ქვეშ მოიყაროს თავი ყველა იმათ, ვინც კი შევიწროვებულა მთავრობის ძალმომრეობისაგან, ვინც კი გმინავეს მის უღელს ქვეშ და კვნესის მის ბრჭყალებში, და მერე ვის აწევს მისი მძიმე უღელი? ყველას, გარდა გამყვლეფელთა მცირე რიცხვისა. ის ტვირთია, ის მახვილ ამოღებული ჯალათია იმპერიის ყველა ხალხთა და ერთათვის ის ჩაგრავს ხალხთ ეკონომიურათ და პოლიტიკურათ, ის დევნის ერთა ეროვნულათ, მორწმუნოების თავისუფალ მოაზრეთ (ებრაელები) რელიგიურათ.

როცა ყველა ეს დევნილნი და წამებულნი შეერთდებიან და მუშათა დროშის ქვეშ თავს მოიყრიან, მაშინ მთავრობის უკანასკნელი ჟამიც დარეკავს, ქვეყნათ სინათლე გააჩირაღდნებს და წამებულთ თავისუფლება მიენიჭებათ. ამისათვის ბრძოლა თავგანწირული და უღმობელი—აი ჩვენი დროშა, და ამ დროშის ქვეშ მებრძოლნი კი—წევრნი აღთქმული ქვეყნისა.

ღიახ, „ბრძოლა“ ისევ გრძელდება. გაუმარჯოს ბრძოლას.

## ძმებო გავიდეთ ბრძოლისა ველზე!

(სამაისო)

მალლა ავმართოთ წითელი დროშა  
და იერიშით მივიდეთ მტერზე,  
ძირს მეფის ტახტი! ძირს მტარვალები  
ძმებო, გავიდეთ ბრძოლისა ველზე!

გვეყოფა ცრემლი, გვეყოფა ტანჯვა,  
კმარა სიკვდილი სახრჩობელაზე,  
მალლა ავმართოთ წითელი დროშა,  
ძმებო, გავიდეთ ბრძოლისა ველზე!

ციხე და დევნა, მარად შიმშილი,  
რკინის ბორკილი მშრომელ ხელებზე  
კმარა! ოხ, კმარა! ავმართოთ დროშა,  
ძმებო, გავიდეთ ბრძოლისა ველზე!

იქ იმპერატორს, მის მოციქულებს,  
შევხვდებით შტიკებს ბრძოლის სანგლებზე,  
მოგვეყვით ვისაც გიჩქროლავთ გული,  
ძმებო, გავიდეთ ბრძოლისა ველზე!

აჰა, ლეგიონს—ჩვენსავე მოძმეთ  
მეფე გარყვნილი თითს უშვერს ჩვენზე,  
მაგრამ თამამად ავმართოთ დროშა,  
ძმებო, გავიდეთ ბრძოლისა ველზე!

ტანჯული ხალხი აღსდგა, ამხედრდა,  
გამწვავებული მიდის მტარვლებზე,  
წინ, მეგობარო, ხალხისა შვილნო,  
ძმებო, თამამად! ბრძოლისა ველზე!

დაღლილთ, დაქანცულთ წმინდა მსხვერპლებსა  
ჩამხრჩვალთ ციმიბირში, სახრჩობელაზე,  
შეეძახოთ ვაშა, ავმართოთ დროშა,  
ძმებო, გავიდეთ ბრძოლისა ველზე!



შავი ზღვიდამა ჩრთილოვთამდე  
ხალხი კვნესს, სწურავს ნალველს ცრემლებზე,  
შევეერთდეთ, ძმებო, ერთად გავიდეთ  
წითელი დროშით ბრძოლისა ველზე!

გავიდეთ დროშით და დავიძახოთ:  
ხალხს გაუმარჯოს წმინდა საქმეზე!  
ძირს მეფე, მისი მტარვალნი ყმები,  
აჰა, ჩვენ ვდგევართ ბრძოლისა ველზე!

ხალხს გაუმარჯოს! ძირს მტარვალნი!  
ხალხს გაუმარჯოს თვის მტარვალეებზე,  
ფრიალებს მაღლა წითელი დროშა,  
ძმებო, გავიდეთ ბრძოლისა ველზე.

დავწყვიტოთ ჯაჭვი, მონობის ჯაჭვი,  
კმარა ბორკილი მშრომელ ხელებზე,  
ძმებო, გავშალოთ წითელი დროშა,  
ძმებო, გავიდეთ ბრძოლისა ველზე!

ბუკი.

### ბრძოლა—სოციალდემოკრატიული.

ბურჟუაზია მშრომელი ხალხის ბუნებრივი მტერია, რადგან მისი სიმდიდრის წყარო ხალხის ეკსპლუატაციაა. თანამედროვე მთავრობა კი გაბატონებული კლასის იარაღია. მაშასადამე ის კერძო საკუთრების, ბურჟუაზიის დარაჯია და მუდამ მზათაა მუშათა ინტერესები მდიდართა ინტერესებს ამსხვერპლოს. მუშა ხალხის მდგომარეობა თანდათან უფრო აუტანელი ხდება, უკმაყოფილება იზრდება და ბრძოლაც იწყება ლატაკთა და მყვლეფელთა შორის. გაბატონებულთა მფარველი მთავრობაც თავიდან ფეხამდე ხალხისავე შვილებით (საღდათებით) გამაგრებული იჩენს მხეცურ სასტიკობას მუშების და გლეხების მიმართ, ის ცდილობს შეაჩეროს ყოველი მოძრაობა, რომელსაც მიზნათ მუშათა განთავისუფლება დაუსახავს, გააქროს ჩაჰკლას ყოველივე სურვილი წინსვლისა, მოსპოს ყოველივე ძალა, მიმართული ბურჟუაზიისა და მისი მცველთა წინააღმდეგ; ის ცდილობს მდიდართა მცირე გუნდს დაუმორჩილოს მშრომელი ხალხი, რომლის რიცხვი და ტანჯვა მუდამ იზრდება. ასეთ პირობების წინააღმდეგ კაი ხანია რაც დასავლეთ ევროპაში მუშათა კლასი იბრძვის. უკვე რუსეთის მუშებმაც მათ

ხელი გაუწვდინეს და გამოუცხადეს სამკდრო-სასიცოცხლო ბრძოლა, რუსეთის ბურჟუაზიას და მის ერთგულ დარაჯს—აბსოლიუტიზმს, ე. ი. მონარქიულ თვითმპყრობელობას. დიდი ხანია რაც ევროპაში იმართება საერთაშორისო კონგრესები, სადაც ყოველ ქვეყნიდან სოციალ-დემოკრატიის წარმომადგენელი თავს იყრიან და იღებენ საერთო გადაწყვეტილებას სახელმძღვანელოთ ბურჟუაზიასთან ბრძოლაში.

დღეს მთელ დედამიწის ზურგზე შეგნებულ მუშათა რაზმი იბრძვის სოციალდემოკრატიულ დროშის ქვეშ. მუშა საბრძოლველ მოედანზე უშიშრათ მიდის, რადგან ბრძოლაში მას შეუძლია დაკარგოს მხოლოდ ბორკლი: საზოგადოებას მუშისათვის მეტი არაფერი შეუჩინია.

მაშ ჩვენც შეუერთდეთ ჩვენს უფროს ძმებს, თამამათ ავაჯობალოთ თავისუფლების დროშა და გამოუცხადოთ უღმობელი, სამკდრო-სასიცოცხლო ბრძოლა ბურჟუაზიას და მის იარაღს თანამედროვე მთავრობას.

მაგრამ ბრძოლაცაა და ბრძოლაც, მებრძოლნიცაა და მებრძოლნიც.

უწინდელ დროშიც მომხთარა ხოლმე გლეხების აჯანყება და ბურჟუებისა და თავად-აზნაურთა შორის ბრძოლა. ისტორიას არა ერთი და ორი რევოლიუცია ახსოვს, ნაგრამ არც ერთ იმ ბრძოლა-თაგანს მიზნათ კლასების მოსპობა არ ქონია. პირიქით, წინა ეპოქის რევოლიუციონერები იმას ცდილობდნენ, რომ უპირატესობა მოეპოვათ, რომ გაბატონებულ კლასათ და ექსპლოატატორებათ მარტო ისინი ყოფილიყვენ და რამენიარათ შეექნათ ისეთი პირობები, რომლების წყალობითაც უკეთესათ დაიმონავებდენ სხვებს და კლასიურ ბრძოლაში გამარჯვება მათ დარჩებოდათ.

ჩვენსა და უწინდელ რევოლიუციონერებს შორის დიდი განსხვავებაა. ჩვენ არამც თუ უსამართლოებასა და შევიწროებასა ვგრძნობთ, არამც თუ ვილტვით მოვიცილოთ კისრიდან დესპოტიზმის სამარცხვინო უღელი, არამედ ჩვენ მტკიცეთა გვწამს **ისტორიული აუცილებლობა**, გვწამს, რომ საზოგადოებრივი ურთიერთობა აუცილებლათ სულ სხვა საფუძველზე უნდა დამყარდეს; ჩვენ გვწამს, რომ თანამედროვე საზოგადოება, რომელიც ორი კლასისაგან—**მჩაგრელთა და დაჩაგრულთაგან**—შესდგება, **უნდა მოიხსოს**; ჩვენ გვწამს, რომ საწარმოო ძალების განვითარება სპობს კერძო საკუთრებას და მასთანადამე თვით კლასებსაც. ჩვენ შეგნებულნი მებრძოლნი ვართ გარკვეულის და მკაფიოთ გამოთქმული სოციალდემოკრატიული პროგრამით, რომელიც შემუშავებულია და დამყარებული გეცნიერულ საფუძველზე. ჩვენ თამამათ ვიბრძვით სოციალდემოკრატიული იდეა-





ლისათვის, რომელიც ადრე თუ გვიან აუცილებლათ უნდა განხორციელდეს ქვეყანაზე და დაამყაროს თანასწორობა.

ჩვენი მიზანი მარტო ის კი არ არის, რომ რომელიმე კერძო კლასი გავათავისუფლოთ მონობისაგან. არა—ჩვენი მიზანი ბევრათ ფართოა, ბევრათ დიდია: ჩვენ ვიღწვით მთელი კაცობრიობის თავისუფლებისათვის. სრულ კემშირიტებას აღიარებენ მარქსი და ენგელსი, როცა ამბობენ (კომუნისტ. პარტიის მანიფესტი): „მოსპეთ ერთი კაცისაგან მეორეს ექსპლოატაცია და მით ბოლო მოეღება ერთი ერისაგან მეორე ერის ექსპლოატაციას. თვით ერში კლასიური ანტაგონიზმის მოსპობასთან ერთად მოისპობა ერთა შორის მტრობაც“.

მაშასადამე, ჩვენი გამარჯვება საყოველთაო თავისუფლებისა და თანასწორობის გამარჯვებაა.

ჩვენი იდეალის განხორციელებას ხელს უწყობს თვით ეკონომიური განვითარება.

ტენნიკის განვითარების წყალობით ექსპლოატაცია უფრო და უფრო ფართოვდება, უფრო და უფრო დიდ-ძალ მსხვერპლს იგდებს თავის პრჟყალეებში, რომელთა შორის ქალებიცა და ბავშვებიც ბლომათაა. რაც უფრო ვითარდება ტენნიკა, მით უფრო, შედარებით წარმოების განვითარებასთან, ნაკლებ მუშა ხელს საჭიროებს მწარმოებელი რადგანაც მუშის მაგიერობას ეხლა მანქანებს ასრულებიებს. ამიტომ ბურჟუაზიულ საზოგადოებაში დიდ-ძალი მუშა ხალხი რჩება უსაქმოდ და იძულებული ხდება ყოველდღე ბაზარზე ეძიოს სამუშაო და შეძლიოს თავისი შრომა კაპიტალისტებს, რომელნიც ამ „მეტ ხალხში“ აღარ საჭიროებენ. ცხადია, ასეთ პირობებში მუშა ხალხი კიდევ უფრო დამოკიდებული ხდება კაპიტალისტებისაგან, რის გამოც მუშის ექსპლოატაცია თან და თან უფრო ძლიერდება. ყველა ეს იწვევს ოჯახის დარღვევას და გარყვნილების გავრცელებას.

ტენნიკური პროგრესი ვაჭრობა წარმოებაში (მეუნეობასა და მრეწველობაში) უფრო მეტს და მეტს კაპიტალს თხოულობს, და ამიტომ მცირე და საშვალო შეძლების მწარმოებელთ თან და თან აძევებს წარმოებიდან. ან თან და თან უკარგავს დამოუკიდებლობას და ხდის დამოკიდებულათ მსხვილ კაპიტალისტებისაგან.

იგივე ტენნიკური პროგრესი მწარმოებელთა შორის ამწვავეებს კონკურენციას, და საწარმოო ძალების სიმრავლე ბურჟუაზიულ საზოგადოებაში საქონლის ზედმეტ წარმოებას და კრიზისებს იწვევს. ამ გარემოებას თან მოსდევს ვაჭრობა-მრეწველობის შეფერხება, სუსტი კაპიტალისტების გაღარიბება და წარმოების ველიდან გარეკა. მათ აღგილს, რიცხვით მცირე, მაგრამ უფრო მსხვილი კაპიტალისტები იჭერენ. მეორე მხრივ კრიზისები ათასობით და ათი-ათასობით სტოვებს ხალხს უსაქმოდ, მაშასადამე ულუკმაპუროთაც, რაც ერთი

ორათ ამწვავებს მუშა ხალხის ტანჯვა-წვალებას და მათ **დამოკიდებულებას კაპიტალისაგან**. როგორც ზევით ვთქვით, კაპიტალისტთა რიცხვი მცირდება, სიმდიდრე თან და თან ცოტა პირების ხელში გროვდება. „ეს გარემოება იწვევს საშინელ საყოველთაო სიღატაკეს, მონობას, დაბეჩავენას, გადაშენებას და ექსპლუატაციას, მაგრამ მეორე მხრივ იგივე გარემოება მატებს პროტესტს და წინააღმდეგობას აუარებელ მუშათა მხრივ, რომლებიც თვით კაპიტალისტური წარმოების მექანიზმმა თან და თან გაამრავლა, შეაჯგუფა, შეაკავშირა ერთათ და შეაგნებია თავის ინტერესები“ (მარქსი). ამნაირათ ტენიკური განვითარება, რომელიც ამასთანავე შრომის განაწილებას და საზოგადო სიმდიდრის ზრდას ნიშნავს, ბურჟუაზიულ საზოგადოებაში თან და თან თვალსაჩინოთ ხთვის და ამკაცრებს არსებულ უთანასწორობას და აღრმავებს უფსკრულს შეძლებულთა და შეუძლებელთა შორის. ამასთანავე მატულობს მუშა ხალხის უსაქმოთ დარჩენა, მათი შევიწროება და საყოველთაო განსაცთელი.

ამნაირათ, პროლეტართა რიცხვი თან და თან იზრდება, მუშებსა და კაპიტალისტებთა შორის უფსკრული თან და თან თვალსაჩინო ხდება, მაგრამ ამასთანავე მუშათა შორის ერთსულობა, ერთგულობა და საკუთარი ინტერესების შეგნება იზრდება მათში უფრო ცხოველდება რწმენა სოციალური პირობათა შეცვლის აუცილებლობისა და შეგნება თავისი ძლევაშისილობისა. კლასიური ბრძოლა მწვავდება და შეგნებულ მუშათა რაზმები უფრო მჭიდროთ უკავშირდებიან ერთმანეთს საერთაშორისო სოციალდემოკრატიული დროშის ქვეშ და ემზადებიან სამკედრო-სასიცოცხლოთ შეებრძოლონ ყოველგან ბურჟუაზიას. ამასთან ერთათ ტენიკის განვითარება თან და თან თავს უყრის რამოდენიმე შეძლებულის ხელში საწარმოვო იარაღებს, და სხვა; ამას თან მოსდევს შრომის განსაზოგადოებრივება და უფრო სწრაფათ ჩნდებიან ისეთი ნივთიერი პირობები, რომლებიც აადვილებენ კაპიტალისტური წარმოების გარდაქმნას სოციალისტური წარმოებით... შორს არაა ის დრო, როდესაც კაპიტალისტური წესწყობილებიდგან შექმნილი რევოლიუციონური ძალები მოსპობენ კერძო საკუთრებას. კერძო საკუთრების მოსპობასთან ერთათ მოსპობა საზოგადოებაში კლასები და ბოლო მოვლება სხვა და სხვა გვარ ათანაირ ექსპლუატაციას. ასეთია ჩვენი სოციალდემოკრატიული რწმენა, ასეთია რწმენა ნამდვილ მარქსისტთა.

ქართველ მუშათა სოციალდემოკრატიული პარტია ერთ რაზმთაგანია რუსეთის მუშათა სოციალდემოკრატიული ორგანიზაციისა, იგი ადგენს ქართველ პროლეტარიატისაგან პოლიტიკურ პარტიას, უთვალისწინებს მათ კაპიტალისტებისა და მუშების შეურიგებელ და შეუწყნარებელ წინააღმდეგობას, უხსნის მომავალი სოციალური



რევოლიუციის მნიშვნელობას და მის გასახორციელებლათ საჭირო პირობებს. აპასთანავე ქართველ მუშათა პარტია ყველა მშრომელ ხალხს უთვალისწინებს მის უმწეო მდგომარეობას კაპიტალისტურ საზოგადოებაში და სოციალურ რევოლიუციის აუცილებლობას, როგორც ერთათ-ერთ გზას კაპიტალის მონობიდან შრომის განთავისუფლებისას. მუშათა სოციალდემოკრატიული პარტია ხელს უწყვედს ყველა მშრომელ ხალხს, ყველა მათ, ვისაც ასე უსირცხვილოთ ცარცვავენ კაპიტალისტები, მემამულეები და სხვ. იწვევს თავისაკენ ყველა იმათ, ვისიც შეხედულობა ეთანხმება პროლეტარიატის შეხედულობას.

ასეთია ჩვენი პროგრამა, ასეთია ჩვენი საზოგადო მისწრაფება.

### მ ა რ ს ე ლ ი ო ზ ა

(იმღერება მარსელიოზას ხმაზე).

ზურგი ვაქციოთ ძველ ადათ—წესებს,  
ჩამოვიბერტყოთ ფეხზე მის მტვერი;  
ზიზლით უცქერით ჩვენ ოქროს კერპებს,  
მეფის ტახტის ვართ მოსისხლე მტერი.

ჩვენ მხარი მივცეთ ჩვენს ტანჯულ მოძმეს,  
მშიერ ხალხს ხელი ჩვენ გაუწოდოთ.  
წყევა და კრულვა შეუთვალეთ მტერს  
და ბრძოლის ველზე გამოვიწოდოთ.

„აღსდგე, შემოკრბი, მუშავ აღსდგინ,  
„აღსდგე მტერზედა, მშიერო ძმანო,  
„შურის ძიების დასჭეკე ხმაო!  
„გასწი, გასწი, წინ, წინ, წინ!

(მისაზღვრი)

შენ მოგასვენებს მხოლოთ საფლავი,  
აქ კი მუდამ დღე ხარჯი იხადე.  
სისხლსა გწოვს მეფე სულთამხუთავი,  
მეფისთვის სისხლი ამოიხადე.

მას ჯარი ნებავს შენ სისხლ საღვრელათ,  
მიართვი მტარვალს შენი ვაჟები;  
სასახლე ნებავს განსაცხრომელათ,  
მიართვი მტარვალს შენი ძარღვები.

„აღსდგე, შემოკრბი და სხვა...“

მშიერ მგლებივით მდიდართა ხროვა.  
შენს ნაწვავ ნადაგს მიმოიტაცებს.  
მაგ შენი ოფლით სოქს მუქთახორა  
და სიპწრის ლუკმას ის ხელიდან გგლეჯს.

შიმშილით მოკვდი, რომ მან ილხინოს,  
შიმშილით მოკვდი, რომ მან ბირკაზე  
სინდის-ნამუსი თვისი ჩაწიხლოს,  
გადადიოდეს მალაყს შენს თავზე.

„აღსდგე, შემოკრბი და სხვა...“

ნუ თუ არ გვეყო ტანჯვა აქამდე,  
მო, გავილაშქროთ ერთად მტრისკენა:  
კავკასიიდან ვიდრე ოღგამდე  
და დნეპრის წყლიდან თეთრ ზღვისაკენა.

მტრობა, მაგ ძაღლებს, მდიდარ ქოთაკებს.  
მეფეს,—მაგ ბოროტს, სულთა მხუთავსა,  
ჰკა, მუსრი ავლე მაგ ავაზაკებს,  
კარი გაულე ცისკრის ვარსკვლავსა.

„აღსდგე, შემოკრბი და სხვა...“

სისხლის ფერ ცისკარს თან ამოჰყვება  
მზე სიყვარულის და სამართლისა  
და თუმცა ძვირათ ჩვენ დაგვიჯდება  
ბედნიერება, ჩვენი ქვეყნისა,

მაგრამ დალპება მთლათ ბოროტება,  
დღე გათენდება თავისუფლების,  
და ყველა ერი იქ შეერთდება  
კალთის ქვეშ წმიდა შრომის უფლების.

„აღსდგე, შემოკრბი, მუშავ, აღსდგეინ,  
„აღსდგე მტერზედა, მშიერო ძმანო,  
„შურის ძიების დასქექე ხმაო!  
„გასწი, გასწი, წინ, წინ, წინ!..“

### კორესპოდენციები:

**ტფილისი.** სალამი თქვენდა მებრძოლნო-ამხანაგნო! სალამი თქვენდა, დამცველნო კაცობრიობის უფლება-მოკლებულ ნაწილისაო, სალამი თქვენ და თქვენ საბრძოლველათ გაბედულ მოწოდებას. ჩვენთვის, რომელნიც ბრძოლაში ვიტანჯებით, „ბრძოლა“ შეიქმნება იმ დროშათ, რომელიც შეუდარებლათ მიიღტვის წმინდა იდეალი-საკენ, დევიზით, „პროლეტარებო ყველა ქვეყნისავ შეერთდით“, და თავის უფლებათა და მოვალეობათა სრული შეგნებით იბრძოლებს საერთო მტრის წინააღმდეგ! არის კიდევ, რის წინააღმდეგ ვიბრძოლოთ. აი თუნდ ჩვენი ტფილისი, სადაც პირველად დაიძრა კავკასიაში მუშათა ძლევამოსილი კლასი და დაანახვა საზოგადოებას თავისი ძლიერი მკლავი; აქაც კი, საცა მრეწველობა მეტათ ჩქარი ნაბიჯით ვითარდება, ჯერ ბევრში და ბევრგან პატრიარქალური წესებია გამეფებული, თუმცა უფრო აშკარაა მყვლეფელთა და გაყვლეფილთა, შრომის (ძალის) გამყიდველთა და მყიდველთა ინტერესების წინააღმდეგობა. ძლიერ კეთილი გულისანი არიან ჩვენი წუბრებლა—აღები, და მათი გულკეთილობა ფრთებს შლის ჩვენი დესპოტიური თვითმპყრობელობის ფრთათა ქვეშე. აილეთ მაგალითად მეფაბრიკე ბოზარჯიანცი. ეს მუქთა-ხორა ძლიერ ზრუნავს და ბევრსაც ფიქრობს თავის მუშებზე და სწორეთ ამიტომაც არის, რომ თავისთან იტოვებს ამათი ქირის „მცირეოდენ ნაწილს“. მას უნდა მომავალში მოახმაროს იგი მუშებს, ამ გზით და მიზნით მან შეკრიბა ოცდა ათი ათასი მანეთი. დიახ, მეტათ გულკეთილია ბატონი ბოზარჯიანცი, ის მამობრივი თანაგრძნობით ეკიდება ჩვენს საქმეს და ამიტომაც სარგებლობს ამდენი ხნის განმავლობაში ამ ფულებით უპროცენტოთ. მართლაც და რასაკადრისია მამასა და შვილებ შორის ასეთი წვრილმანი ანგარიში, ან ის, რასაკვირველია, რომ ამ მამა-ბატონმა ერთ მშვენიერ დღეს მთლიანად ასწაპნა ეს ფულები. ის სარგებლობს ჩვენი ერთმანეთზე დაშორებით და თავისი მუშების მოთხოვნას, რომ ეგ ფულები მოხმარებოდა დაავადმყოფებულთა, ინვალიდთა და სხვა ამ გვართა დახმარებას,—ჩირათაც არ აგდებს და თამამათ აცხადებს, რომ არც დაემორჩილება მას. თუ მუშებს რამე ძალა და უფლება აქვთ სამართლით მომთხოვონ და მივართმეო, ბრძანებს ჩვენი გულკეთილი მამა-პატრონი. მუშებმა თავდა პირველათ გაფიცვა გამოაცხადეს და მუშაობა აღკვეთეს, მაგრამ ჩვენი მტერი და დამამარცხებელი ხომ ყოველთვის სოლიდარობის მოკლებულობა ყოფილა და არის და, აი აქაც იმან იჩინა თავი და მუშებმა ისევ დაიწყეს მუშაობა. ქარხანა ამოქმედდა ის ფულებიც ჯერ კი-

დღე მის ხელშია ან ვინ წაართმევს—მე შენ გეტყვი ჩვენი უსამართლო სამართალი! ახლაც ამ გამოურკვეველ მდგომარეობაშია საქმე და ასე იქნება ყოველთვის, სანამ ჩვენ არ გავიმსჭვალებით ერთობის გრძნობით. მაშინ კი გამარჯვება ჩვენი!

გაფიცვები ტფილისში ჩვეულებრივი მოვლენა გახდა. დღეს გაფიცვა ადელხანოვის ზავოდში. ხვალ ქართველთა ამხანაგობის სტამბაში, ზეგ რკინის გზის სახელოსნოებში და ასე კიდევ სხვაგან. ახლანხან გაიფიცნენ მკერვალთა ქარგლები. მათ მოითხოვეს სამუშაო დღის შემცირება და ნაჭრებზე ფასის მომატება და მიაღწიეს კიდევ საწადელს. აღებმა დაუთმეს ორივე მოთხოვნა. დღეს გამოკიდებულია განცხადებები, რომ სამუშაო დღე გრძელდება დილის რვა საათიდან საღამოს რვამდე, ღამის მუშაობა სრულიათ აკრძალულია და სამუშაო ქირის მინიმუმია დადგენილი. სახელდობრ, უცოლო მუშას უნდა ექნეს არა ნაკლებ ოთხი მანეთისა კვირაში, ცოლიანებს კი არა ნაკლებ ხუთისა, თუნდაც მთელი კვირის განმავლობაში არც ერთი ნაჭერი არ ექნეს აღას დასამუშავებელი, ეს გამარჯვება შედეგია თანხმობა-ერთობისა და ეს უნდა ვიქონიოთ სახეში.

ბრძოლამ კრიტიკულ მომენტამდე მიაღწია. აშკარაა ვის დარჩება გამარჯვება, მხოლოდ საჭიროა მედგრათ ვიბრძოლოთ სოციალ-დემოკრატიულ დროშის ქვეშ და ჩვენ ვერას დაგვაკლებენ ნიკოლოზის უნიჭო მკუარველები. მათ არ ძალუძთ ჩვენი შეჩერება. მაშ ვიბრძოლოთ მედგრათ ჩვენი უკულებისათვის, სოციალისტთა წმინდა იდეალის მისაღწევათ.

გაუმარჯოს სოციალურ რევოლიუციას!

განსაკუთრებით სასიამოვნოა ის, რომ ტფილისის მეშა ხალხმა უკვე მოიპოვა მოქალაქობრივი გულადობა და გამბედაობა, ის აღარ მალავს თავის პოლიტიკურ აზრებს და ყოველი შემთხვევით სარგებლობს მის საჯაროთ გამოსაცხადებლათ. ამის მაგალითები ერთობ ბევრია. ჩვენ კი მოვიხსენიებთ მხოლოდ შემდეგს: წელს ზაფხულში აქ გარდაიცვალა მუშა სოციალდემოკრატი. მუშათა კომიტეტმა მაშინვე გადაწყვიტა თავისი ამხანაგისათვის პატივი ეცა და მისი გასვენება მთავრობის საწინააღმდეგო დემონსტრაციით გადაექციათ. ამას ალბათ კარგათ მიხვდა პოლიციაც, როცა ნება დართეს დიდუბიდან პეტრებაველოვის სასაფლაოზე გაესვენებიათ ელიზავეტის ქუჩით და არა მიხეილის პროსპექტით, მაგრამ 3000-დე თავმოყრილ მუშამ უარჰყო ეს განკარგულება და ცხედარი გამოატარეს აკრძა-



ლულ პროსპექტზე, გადავიდენ რიყეს და მეტეხის ციხის კედლებს. პროცესია გაჩერდა სწორეთ იქ, სადაც არა ერთი და ორი მუშათა მებრძოლი დესპოტიზმის ძალმომრეობას განიცდიან. და აბ აქ გაისმის ხალხის გულიდან ამონახეთქი ხმა: ძირს თვითმპყრობელობა, გაუმარჯოს თავისუფლებასო! რაიცა ნიშნავს: ძირს სულმხუთავო მეტეხო, სალამი იქ დამწყვდეულ ჩვენს მოძმეთო! და ამ ხმაზე დაფაცურდა ციხის მთავრობაც, ეს არის ჩვენს დასაცემათ მოდიანო! მარა არა, ეს იყო მხოლოდ მომზადება, ვარჯიშობა მომავალი რევოლიუციისა და მეტეხის კარების დაღწევისა; ეს არის რეპეტიცია დიდი სამკვდროსასიცოცხლო მოქმედებისა, რომლის უკანასკნელი აქტი იქნება უკანასკნელი ამოსუნთქვა სულთმობრძავი მთავრობისა. ცხედარი ჩაატარეს ციხის კარებთან და მიაბარეს მიწას სასაფლაოზე, მიაბარეს და თან სხვა რევოლიუციური სიტყვებით აღთქმა დადგეს იყონ დაუძინებელი მტერი მტარვალობისა.

ასეთივე დემონსტრაცია მოხდა ამავე კვირაში მეორე მუშის გასვენებრს დროს. ტფილისის მუშებმა იციან არა მარტო მკვდარი ამხანაგთა პატივისცემა, არამედ ცოცხლებისაც. ამ თვეში რუსეთში გადასახ ლეს 22 აპრილის მანიფესტანტები, რიცხვით 6 კაცი: მამალაძე, თათანგიშვილი, არაქელ ოქუაშვილი, ვიგობიანი, გიორგობიანი და სხვ. პირველი ორი ვაგზავნეს ბათუმით, დანარჩენი კი ბაქოთი წავიდენ და აი ამ თვითმპყრობელობის მსხვერპლთა პატივ-საცემლათ დაიბეჭდა პროკლამაციები სამს ენაზე და 2000—3000 მუშამ ბაირალებით და მარსელიეზის სიმღერით გააცილეს ვაგზალზე. მთელი ვაგზალი პლატფორმებით და გზებით წუშებმა დაიჭირეს, აძრული მატარებელი გააჩერეს და ნახევარი საათი „გაუმარჯოს თავისუფლებას“ ხმაურობაში ამყოფეს. ჟანდარმები, რომელნიც შეეცადნენ ბაირალების წართმევას, გალახეს, ერთს ხელი მოსტეხეს. იმათ რევოლვერები ისროლეს ჰაერში, ალბათ შესაშინებლათ. პოლიცია არ გამოჩენილა.

აქედან ცხადია, თფილისის მუშა ხალხი აღარ მალავს თავის აზრებს, აღარ მალავს, რომ ის დაუძინებელი მტერია მთავრობის. და აი მთავრობა ხედავს ყველა ამას და შორიდან უცქერის! ის ველარ ბედავს ხელი შეუშალოს დემონსტრანტებს. წინ გადაელობოს მათ და უთხრას: შესდექით, ეს აკრძალულიაო! არა, ის რაც გუშინ აკრძალული იყო, დღეს აღარ არის აკრძალული, აღარ არის იმიტომ, რომ ხალხი ცდილობს საქმით მოიპოვოს ის, რასაც კანონი კრძალავს.

კიდევ ასეთი გაბედული მოქმედება, ხშირათ ასეთი მაგალითები და გზა-კვალ დაბნეული მთავრობაც სამუდამოთ დაფრთხება.

მაშ, მუშებო, მხნეობა, თავის დადება და მტარვალთა უკანსკნელი ჟამიც დაირეკება.

ამხანაგი.

**წერილი გურიიდან.** „ქარმა რომ საქათმე წააქციოს ეხლა ჩვენში, მემამულეები მაშინვე პრისთავთან გეიქვევიან—არიქა გვიშველე ბუნტიო“,—ასე იოხუნჯა ამას წინათ ერთმა გურულმა გლეხმა. ეს იოხუნჯობა სრული სინამდვილეა; საჭიროა მხოლოდ ითქვას: არა მარტო მემამულეები აზვიადებდენ ასე საქმეს და ყოველ ღონისძიებას ხმარობდენ ხალხისთვის ჩირქი მოეცხოთ, ცილი დაეწამებიათ და „ბუნტოვნიკებათ“ გამოეყვანათ,—არა ასე მოიქცა თვით მთავრობაც; მან ხალხის სამართლიან მოთხოვნილებას, მოთხოვნილებას წმინდა ეკონომიური ხასიათისას, პოლიტიკური ხასიათი მისცა და „ურჩ“ სოფლელებს გარს ჯარი შემოარტყა. სახუმარო! მიზეზი იშოვა ჩინის და ორდენების შეძენისა. მართლაც და რას თხოულობდა ასეთ უშველებელს ხალხი, ან რა საშინელი დანაშაული მიუძღვის მას ვისმეს წინაშე, ან რა მიზეზებმა გამოიწვია მოძრაობა ჩვენში?

ის ფული, რომლითაც აქაურ გლეხობის ერთმა ნაწილმა თავი დაიხსნა მებატონეთაგან, დღესაც თავს აწევს მათ გადასახადათ: მამასისხლათ ნასესხი ფულის სარგებელი დღითი დღე იზრდება და უბატრონი გლეხი უფრო და უფრო ეხვევა ჩარჩ-მოვახშეთა დაქსაქსულ ბადეში. ამას გარდა ზედ დაუმატეთ ათასნაირი პირდაპირი და არა-პირდაპირი სახელმწიფო გადასახადი, რომლის გამოძებნაში ასეთ დიდ უნარს იჩენენ ჩვენი სამინისტრონი: ახლა კიდევ მღვდლების საარაკო დრამის ფული და ადვილათ წარმოიდგინეთ რა ბედნიერათ უნდა გრძნობდეს გლეხი თავს. თავ-დაუხსნელ გლეხობის მდგომარეობა, რაღა თქმა უნდა, კიდევ უარესია. როგორც ერთნი ისე მეორენი იძულებულნი არიან ბატონის მიწაზე იმუშაონ, რადგან თავდახსნილთ ძალიანი ცოტა აქვთ მიწა და თავ-დაუხსნელნი ხომ სულ ხელ-დაბანილები არიან. წინად სამეოთხედლოთ იცემოდა ყანები და მას აქეთ რაც თავად-აზნაურთა მამულსაც გადასახადი დაადეს, ამ უკანასკნელთაც მიწის ღალა ასწიეს და მოსავლის ნახევრისა და ორი მესამედის თხოვნა დაუწყეს გლეხებს: საქმე იქამდე მივიდა, რომ ყანის კიდეში გლეხი ხარს მოაძოვებდა, მოურავები იჭერდენ და საბალახოს ახდევინებდენ; იხვი, ბატი, ქათამი, რაც კი ბატონის მიწაზე გაივლიდა (და სად არი, რომ იმისი მიწა არ იყოს) ყველაფერზე საბალახოს არაჟმევდენ. შევიწროვდა და შეწუხდა ხალხი გლეხი ხნავს, თესს, ფარცხავს, თოხნის; დღე და ღამ მიწას ჩაქირკი-



ტებს; მძიმე და აუტანელი შრომით წელში გაწყვეტილია და ყველა ამის სამაგიეროთ ნახევარჯერ მჭადსაც დანატრულებულია, მშვიდ-მწყურვალე დახეტიალობს და ქაჯივით შიშველ-ტიტველი დაძრწის; წვითა და დავით მონაგარი ორიოდ გროშიც სახელმწიფოს მიაქვს, იმიტომ რომ „დიდ ჩინოვნიკებს“ დიდი ჯამაგირები დაუნიშნოს და ურიცხვი ჯარი ავარჯიშოს სროლაში, რომ ხვალ თავისავე მოძმეს ტყვია არ ააცდინოს. რაც ამ ორ ვეშაპს გადარჩება, იმას მესამე ვეშაპი ყლაპავს—სამღვდელოება. რათა, რათ უნდა იყოს ეს ასე? ეს საოცარი უსამართლობაა! გურული გლეხობა გონიერია—მან შეიგნო ეს უსამართლობა და ხმა აიმაღლა.

ერთ სოფელს მეორე სოფელი მიემხრო, ერთ საზოგადოებას მეორე საზოგადოებამ მისცა ძმურათ ხელი და უკმაყოფილება და პროტესტი ცეცხლივით მოედო გარშემო. ამნაირათ გლეხების მოძრაობის მიზეზი: **შიმშილი** და **გაჭირვება**, **გაჭირვება** და **შიმშილია**, ბატონებო! რას ითხოვდა ხალხი? აი რას: მიწის ღალის შემცირებას, საბალახოზე გადასახადის და დრამის ფულის მოსპობას. მღვდლებს ჯამაგირები ეძლევა. ნათლობისას, ჯვარის წერისას, სახლის კურთხევისას და ათასნაირ ჯანდაბას და დოზანას გვახდევინებს და ეს დრამის ფული კიდე რაღა უბედურებააო, ამბობს ხალხი. ნიგოითის, ჩოჩხათის, გურიანთის და ხიდისთავის გლეხობა გაიფიცა. გაჩდენ ჯაშუშები, პოლიციამ მიზეზი იშოვა და ჩაერია საქმეში, ჩაერია პოლიცია და ნათლად დაანახვა ხალხს, თუ ვის ემსახურება ის, ან ვის ინტერესს იცავს.

დაიწყეს მოწინავე გლეხების დატუსაღება. პირველათ ლანჩხუთის პრისტავმა მისცა სხვებს მაგალითი და რამდენიმე ნიგოითელი გლეხები დააპატიმრა. ხალხმა გაიგო თუ არა ეს, შეგროვდა ერთად და გადაწყვიტა დაეხსნა დაჭერილი ამხანაგები; რვაასი კაცი მიეჭრა ნიგოითიდან ლანჩხუთში (შვიდი ვერსია) ბოქაულს და აიძულა გაენთავისუფლებია დაჭერილები. შემდეგ მაზრის უფროსის თანაშემწემ წერეთელმა, ამ ფლიდმა და გაიძვერა ადამიანმა, მონიდლომა ყურადღების დამსახურება, ჩამოუარა სოკულებს და კიდევ რამდენიმე მოწინავე გლეხი დააპატიმრა. წერეთელს თვით დიდი ლუბერნატორის თანაშემწე მოჰყვა ჟანდარმთა პოლკოვნიკით და ყაზახთა რუსების რაზმით და დისციპლინის დასამყარებლათ როზგს მიმართა: წამოაქცივინა ერთი მოხუცი გლეხი და ხალხის თვალწინ გააროზგვინა. სულ დაიჭირეს 190 კაცი; ამათში 5 ინტელიგენტი, დანარჩენი გლეხები.

ჩვენ დავინახეთ, თუ რა მიზეზებმა გამოიწვია ხალხის მოძრაობა, დავინახეთ ისიც თუ რა დანაშაული მიუძღვის ხალხს მემამუ-



ლეებისა და მთავრობის წინაშე; ეს დანაშაული იმაში გამოიხატა, რომ ხალხმა ხელი წაავლო ყელში წაჭერილ ბოქს, რომ თავი აუცილებელ სიკვდილისაგან დაეხსნა. სიცოცხლე ტკბილია. დავინახეთ ისიც, თუ რითი უპასუხა მთავრობამ: სატუსაღოთი, მათრახებით, როზვით და ბოლოს სალდათების სოფელში ჩაყენებით.

დღეს დღეობით მთავრობა დარწმუნებულია, ვითომ ხალხში ჩააქრო მან მებრძოლი სული და დღეიდან ყველაფერი ძველებურ წეს-რიგზე დაიწყებს მიმდინარეობას. როზგმა თავისი შეასრულა: დაამყარა მონური მორჩილება და დისციპლინაო. ცდება! მაგრამ ის ხომ მთავრობაა და მთავრობა კი ყოველთვის ასე უკუღმა ფიქრობს.

მიზეზი ხალხის უკმაყოფილებისა ისევე მიზეზათ დარჩა და, მასადამე, ერთი და იგივე მიზეზი, ერთ და იმავე შედეგს გამოიწვევს. ეს ერთი. მეორე, მთავრობამ, როგორც ეს ხშირათ ხდება ხოლმე, მისდა უნებურათ დაუფასებელი სარგებლობა მოუტანა ხალხს. თავისი მტარვალური ქცევით მან ნათლათ დაანახვა გლეხობას, თუ რისი ან ვისი დამცველია ის. დღევანდელი მოძრაობა თუ მემამულეთა და სამღვდელოების წინააღმდეგ იყო მიმართული, მომავალ ბრძოლის პროგრამაში ის მთავრობასაც შეიტანს, და თუ დღეს ხალხი იძახდა: ბოლო მოეღოს მემამულეთა თარეშობას, შორს ჩვენგან სამღვდელოებო, ხვალ, ამ სანატრელ ხვალ, ის დაიძახებს: ძირს თვითმპყრობელობა, ძირს ძალ-მომრეობაო! დაიძახებს ამას ხალხი და ქალაქის პროლეტარიატიც ძმურათ ხელს გაუწვდის, გვერდში ამოუდგება და ერთი იდგიით გატაცებულნი დაამხობს რაც დასამხობია.\*)

**წერილი ბაქოდგან.** სალაში თქვენდა, ამხანაგებო, სალაში ძმურო! გილოცავთ ახალ ორგანოს, რომელმაც დიდი სამსახური უნდა გაგვიწიოს განმათავისუფლებელ მოძრაობაში. ამ ბოლო წლის პროპაგანდამ არა ერთსა და ორ ახალგაზდას აღუძრა სურვილი ნამდვილ ცოდნის შეძენისა და პროლეტართა თვალთახედვის ისრით აღჭურვილთ, ყოველ დღიურ მოვლენათა ახსნისა და განმარტებისა.

დღეს-დღეობით მე მინდა ვისარგებლო ამ მშვენიერ შემთხვევით და გაგიზიაროთ \* თქვენ ის შთაბეჭდილება, რომელიც გამოვიტანე მე ამ ერთის წლის პრაქტიკულ მოქმედებიდან.

უპირველეს ყოვლისა, მე ვეცდები საზოგადოდ დავახასიათო აქაური პროლეტარიატი და ისიც იმდენად, რამდენადაც ეს საჭიროა

\*) ამხანათ ყველა დატუსაღებულები გამოუშვეს გარდა ოცი კაცისა, რომელთა საქმე ჟანდარმების ხელშია. გურიის ადგილობრივ პოლიციის თხოვნით ჟანდარმებმა ხელ-ახლათ შეუდგენ ამ საქმის გამოძიების, მაგრამ, როგორც შეგიტყვით, ამათაც ვერაფერი გამოუტყვევიათ.

სოციალისტურ მოძრაობის ასახსნელად. არც ერთ ქალაქში მე არ შევხვედრივარ მუშათა შორის ისეთ ეროვნებათა სხვა-და-სხვაობას, როგორც ეს ბაქოშია. კავკასიის ათას-გვარ ტომთა გარდა აქ თქვენ შეხვდებით რუსეთის ყოველ კუთხიდან გადმოსახლებულთ, შეხვდებით პოლონელებს, ლიტოვცებს, ლათიშებს და სხვას... არა იშვიათად შეხვდებით თქვენ ერთ დაზგაზე მომუშავეს საშუალო აზიის თურქმენს და გერმანელ ზეინკალს, ყაზანის თათარს და ინგლისელს „ტოკარს“. ძლიერ ძალას კაპიტალისას ძლიევა-მოსილ შიმშილის საშუალებით მოუგროვებია ერთ ნაჭერ მიწაზედ ეს აუარებელი ხალხი, იმ გამოფიტულ და მწირ მიწაზე, სადაც ხეც-კი არ იზრდება ბუნებრივად, მოუგროვებია ხალხი სულ სხვა-და სხვა კულტურისა, მიჩვეული სხვა-და-სხვა გვარ ცხოვრებას, აღზრდილი სხვა-და-სხვა პირობებში იმისთვის, რომ ათას გვარ მასალიდან რაც შეიძლება უფრო მეტი წვენი გამოსწოწნოს, ბარბაროსული ექსპლუატაცია უმაღლეს წერტილამდე აიყვანოს: და ის ამ მიზანს ზედმიწევნით აღწევდა აჰდენ ხანს, იმისთვის, რომ მუშებში არ იყო გაღვიძებული თვით-ცნობიერება და, მაშასადამე, არც კლასიური ინტერესი. ეხლა მე მინდა თქვენი ყურადღება იმ გარემოებას მივაქციო, თუ რომელი ეროვნების მუშა ხალხი რომელ სამუშაოს უფრო ეტანება.

აქამდე პროფესიონალურ მუშებად რუსეთიდან გადმოსახლებულები და უცხო მუშები ითვლებოდნენ; ზეინკლებს, „მადელშიკებს“ და სხვას ადგილობრივ მცხოვრებთაგან ვერ შეხვდებოდით; მხოლოდ ამ ბოლო დროს პროფესიონალურ მუშებს ჩვენ ვხედავთ ქართველებში და სომხებში. თათრები, სპარსელები და მთიულეები განსაკუთრებით შავ-სამუშაოს ასრულებენ. ხელოვნებად უმთავრესად ურიები გამოდიან. მუშების ასეთი დანაწილება ჩვენ შეძლებას გვაძლევს წარმოვიდგინოთ, თუ მუშების რომელ კატეგორიიდან უნდა დაწყებულიყო მოძრაობა. რაღა თქმა უნდა პროფესიონალური მუშები, როგორც წერა-კითხვის მცოდნენი (უმეტესი ნაწილი მაინც) და შედარებით უფრო განვითარებულები მალე ითვისებენ იდეას მუშათა ინტერესთა სალიდარობისას, მაშინ როცა შავ-მუშა ხალხში ჯერ კიდევ ძალიან ძნელად იკიდებს ფეხს რაიმე პროპაგანდა. მართლაც ასე იყო აქ: პირველად რუსი მუშები მიემხრნენ მოძრაობას. შემდეგ სომხები და ქარაველები; რაც შეეხება თათრებს და სპარსელებს იმათში ბაი-ბურჯი არ ყოფილა.

აგერ წელიწადზედ მეტია, რაც აქ სისტემატიურად წრეებში მეცადინეობა არსებობს და პროპაგანდას ვეწევი; დღითი-დღე წრეები იზრდება, თანამოაზრენი გვემატებიან და რომ ეს ჩვენი შრომა ფუჭათ არ დაკარგულა ამას 21 აპრილის დემონსტრაციაც ამტკიცებს.

დიახ, საქმე იზრდება: იდეა თანასწორობისა თანდათან გზას იკვლევს მუშათა გონებაში, და შორს არ არის ის დრო, როცა აქაური აურაცხელი მუშა ხალხი ფეხზე ჯდოდგება, როგორც ერთი კაცი. ერთი უმთავრესი იარაღი ამისთვის პრესაა და აი ისიც ხელთა გვაქვს, მაშ ვეცადოთ მეტად ბასრი იყოს ეს იარაღი.

**დონის როსტოვი.** 27 ნოემბ. 1902 წ. გწერთ ახალი შთაბეჭდილებები. გვაპატიეთ თუ რომელიმე ცნობა ვერ გადმოგცეთ ზედმიწევნით, რადგან ჯერ-ჯერობით ძნელია მოყვანა წეს რიგში იმისა, რაც მოხდა. როგორც თქვენ უკვე იცით ოქტომბრის გასულს როსტოვში, ტაგანროგში, ნოვოროსიაში, ტიხორეცკში და მრავალ სხვა ადგილებში დარიგდა პროკლამაციები დონის რუსეთის სოციალ-დემოკრატიულ მუშათა პარტიის კომიტეტისაგან. შედეგი გაძლიერებული აგიტაციისა იყო ის, რომ ყველა ქარხნებში მოხდა გაფიცვები. მუშათა კრება, რომელსაც დაესწრო 10000 კაცი, იმართებოდა ტემერნიკის გარეთ. ყრილობაზე სალაპარაკო საგნებათ წამოაყენეს მხოლოდ ეკონომიური კითხვები: 8 საათის სამუშაო დღე, სამუშაო ფასის მომატება, განდევნა ზოგიერთ უფროს ხელოსნებისა. ჯერ კიდევ პირველ ყრილობებზედვე გაჩნდა ორი მოწინააღმდეგე აზრი მუშათა შორის. ერთნი თხოულობდნ მხოლოდ ეკონომიურ კითხვების წამოყენებას, მეორენი კი პირველ ადგილს აძლევდნ პოლიტიკურს კითხვებს. სამწუხაროთ პირველი გრუპა უმეტესობას შეადგენდა, მაგრამ მალე გარემოება ისე შეიცვალა. რომ ისინიც იძულებულნი იყვნენ მიეცათ მოძრაობისათვის პოლიტიკური ხასიათი. პოლიციის მიერ საშინელი შევიწროების და ყაზახების მიერ ცემის შემდეგ მოვიდა „ნაკაზნოი ატამანი“ ნოვოჩერკასკიდან. გამოჩნდა თუ არა ის, ხალხმა შესძახა: „ძირს თვითმპყრობელობა“ „ძირს ჯალათი!“ (შარშან ატამანმა ჩამოახრჩო სამი კაცი გოროდოვოის მკვლელობის გამო). ამ სიტყვებს მიჰყვა ზედ ქვის სიტყვაც. ატამანმა უბრძანა ყაზახებს მიეტანათ იერიში მუშებზე მათრახებით, მაგრამ მუშები დაწვენ პირქვე მიწაზე და დაფრთხალმა ცხენებმა უკან დაიწიეს. მაშინ მუშებმა ერთ წუთს დაანგრიეს მახლობელი ქვის კედელი, მოემზადნ ყაზახებიც თოფის სასროლათ. შეიქნა აურზაური, აირია ერთმანეთში ყველაფერი. ყვირილი, კვნესა, მოწოდება საშველათ, თოფების გრიალი, ქვის სროლა. მოკლულთა რიცხვი რამდენია ჯერ-ჯერობით ძნელია ამისი თქმა. მაგრამ, რასაკვირველია, ვაცილებით მაზე მეტია, ვიდრე ცრუ და მატყუარა ადმინისტრაციამ აღიარა.

მეორე დღის საღამომდე ეზიდებოდნ საავათმყოფოში მოკლულებს და დაპრილებს. ბევრია დაპატიმრებული, უმეტესათ ისინი ვინც კრებებზე ლაპარაკობდნ. ამბობენ, რომ მათ შორის ორი ინტელიგენტი ქალიცაა.



აი ყველა ის, რაც მე ჯერ-ჯერობით შემძლია შეგატყობინოთ. როდესაც გამოირკვევა ყველაფერი, მაშინ დაწვრილებით შეგატყობინებთ. ამ წერილს გწერთ, რომ მალე შემეტყობინებინა რამე თქვენთვის. მოძრაობა არ შეწყვეტილა.

ქალაქში გაკრულია მოწოდებანი გენერალ ნოვიჩისა, რომლითაც ის ასხამს ქებათ-ქებას სახიზლარ თვითმპყრობელობას.

### შ ი ნ ა უ რ ი მ ი მ ო ხ ი ლ ვ ა .

რევოლუციონური მოძრაობა რუსეთში თან და თან იზრდება, ვითარდება და გადაიქცა ისეთ მძლავრ ნაკადულათ, რომელიც ყოველივე დაბრკოლებას ამსხვრევს და სპობს. რუსეთის ყოველ კუთხეში აფრიალდა წითელი დროშა პროტესტისა მეფის მთავრობის, კაპიტალისტთა და მსხვილ მიწათმფლობელთა წინააღმდეგ. ხარკოვისა და პოლტავის გუბერნიებში მომხდარი არეულობა საუკეთესო საბუთია იმისი, რომ, თუ დღეს არა ხვალ მაინც იფეთქებს ჩვენში საერთო ამბოხება და გააცამტვერებს რუსეთის თანამედროვე პოლიტიკურ წესწყობილებას.

მეფის მთავრობა შეკრთა. ის გაკვირვებით შეცქეროდა ამ გუბერნიებში მომხდარ მოძრაობას, თავის თავს არ უჯეროდა, რომ ეს მართალი იყო. მას ვერ გამოერკვია სიხმარი იყო ეს ამბავი, თუ ცხადი და არც საკვირველია. მართლაც, გუშინ ეს გლეხი, „მუჟიკი“ ისეთი მონური მოთმინებით იტანდა ცხოვრების სიმწვავეს და ყველა ტანჯვას და ვაებას, რომელსაც მას ატეხდა ზურგზე გაკოტრებული თვითმპყრობელობა. მეფის მთავრობა ყოველ ღონისძიებას ხმარობდა, რომ ამ გლეხისათვის დაემალა ქეშმარიტება და სინათლე, არ ეგემებია მისთვის ცოდნა და მეცნიერება, ცდილობდა არ განვითარებულიყო მისი ცნობიერება, და ყოველივე ეს იმისათვის, რომ გლეხს არ გაეგო და არ დაეთვასებია თავისი მდგომარეობა!.. მაგრამ არსებობისათვის ბრძოლამ, — რომელიც ცხოვრების საუკეთესო სკოლაა—გამოაფხიზლა გლეხი და შეაგნებინა მას ბრძოლის აუცილებლობა და აწი შეუძლებელია, რომ მან ისეთივე მოთმინებით და მორჩილებით აიტანოს მეფისა, მსხვილ მემამულეთა მძიმე და აუტანელი მონობა.

ღიახ, ვიმეორებთ, მთავრობა გაკვირვებას მიეცა. მაგრამ როცა მიხვდა, რომ ეს სინამდვილე იყო და არა სიხმარი, როცა შეიგნონამდვილი საჩრული და მიხეზი ამ მოვლენისა, მაშინვე გამოსწია ამ გუბერნიებისაკენ „დარღვეული წესიერების“ აღსადგენად თავისი

ბარბაროსული საშვალელებით. სალდათების ტყვია ბოლოს უღებდა უბედურ, ცხოვრების და მონობისაგან წელში გაწყვეტილ, ტყავ-ქერქში გახვეულ,—ჩონჩხათ ქცეულ ადამიანთა არსებობას, მუსრს ავლებდა უღონო ქალთა და უმანკო ბავშვთა, ყაზახის მათრახი ართმევდა მათ პატივს, ტალახში სვრიდა მათ ადამიანურ ღირსებას და ციხე უსპობდა მათ ადამიანის უძვირფასეს განძს—თავისუფლებას.

მეფის დესპოტიურმა მთავრობამ უარყო და ფეხით გათელა მის მიერ შედგენილი კანონები, რომელთა მიხედვით მხოლოდ სოფლის სასამართლოს განაჩენით შეიძლება გლეხის „გაროზგვა“. აღმინისტრაციას კი ამის უფლება არა აქვს. მაგრამ აბსოლიუტიზმისათვის კანონი ხომ არ არსებობს!.. ზოგიერთმა გლეხებმა ველარ აიტანეს ისეთი შეურაცყოფა, როგორც გაროზგვა და ბევრმა მათგანმა თავიც მოიკლა.

ხარკოვის გუბერნატორმა, ბ-მა ობოლენსკიმ მიიღო ჯილდო (ორდენი) ამბოხების ჩაქრობისათვის. ვილაც უცნობს უნდოდა ამ თავადის მოკვლა, მაგრამ მხეცი გუბერნატორი სიკვდილს გადარჩა.

გლეხობას მეფის მთავრობა შიმშილით და ტყვეით ხოცავს და ამ დროს იგივე მთავრობა თავად-აზნაურობას მილიონ მანეთს ხაზინიდან აძლევს... ეს ფულები კი ისევ გლეხობას უნდა გადახდეს!.. აი მეფის სამართალი!

ამისთანა ცინიკური ზომებით მეფის მთავრობა ხელს უწყობს რევოლუციის გამოწვევას, ბრძოლის წამის მოახლოვებას.

გლეხთა აჯანყებამ რამდენიმე ხნის შემდეგ თავი იჩინა სახელმწიფოს სხვა კუთხეშიც. მაისის დამდეგს გორის მაზრის გლეხებმა ააფრიალეს ბრძოლის დროშა ბატონ მემამულეთა წინააღმდეგ. პირველი ამბოხება გამოიწვია თავად ერისთავის და მის გლეხთა შორის ატეხილმა უკმაყოფილებამ. საქმე იმაშია, რომ თავად ერისთავის მამულთა შორის არის ერთი ნაჭერი მიწა, რომლის შესახებაც დავაა დღეს სენატში. ერისთავმა არ აცალა საქმის ვათავებას სასამართლოს წესით. მან დაუწყო მიწას ხენა. გლეხებმა გამოუცხადეს უკმაყოფილება, მაგრამ ყველამ ამავით ჩაუარათ. მაშინ მათ იხმარეს ძალა და გარეკეს ერისთავის მუშები მიწიდან, თავადმა ამის შესახებ აცნობა მაზრის უფროსს, მაზრის უფროსმა მოითხოვა გლეხებიდან დეპუტაცია, ვითომც და მოსალაპარაკებლათ, მაგრამ ნამდვილათ კი დასატუსაღებლათ და კიდევ ჩასვა ისინი ციხეში. მაშინ 200 გლეხმა მოიყარა თავი, მივიდა გორის მაზრის უფროსთან და მოითხოვა დეპუტაციის განთავისუფლება: უფროსმა არ შეიწყნარა მათი თხოვნა და ეს ორასი გლეხიც გამოემართა ვაგზლისაკენ, ტფილისში წასასვლელათ და საჩივრელათ გუბერნატორთან, ვოგზლის ახლო მათ გზა გადაუღობა პოლიციამ და შეაყენა, მაგრამ გლეხებმა გაარღვიეს



პოლიციის რაზმი და მოვიდნენ ვოგზალზე, სადაც უფრო მეტი დაბრკოლება აღმოუჩნდათ. სადგურის უფროსმა არ მისცა მათ ვაგონები ქალაქში წასასვლელათ. არც ამას მიხედეს გლეხებმა და ისინი ფეხით გამოემართნენ ტფილისისაკენ. ტფილისის გუბერნატორი შეფიქრიანდა ორასი კაცის დანახვაზე და რომ როგორმე თავიდან მოეშორებინა ისინი სწრაფ გამოგზავნა ისევ გორში.

რამდენიმე ხნის შემდეგ ამბოხებამ იჩინა თავი სხვა სოფლებში და მალე მთელ მაზრასაც მოედვა. სხვათა შორის მოკლეს თავ. ერისთავის მოურავიც, დასჭრეს გენერალ ამილახერის ტყის დარაჯი. მემამულე ინჟინერი კალატოზოვი და მოკლეს მიროვი პოსრედნიკი ვიზიროვი. გოლიცინმა განკარგულება მოახდინა მემამოხეთა სოფლებში ერთი როტა სალდათების გასაგზავნათ. როგორც გავიგეთ მთავრობას უნდოდა ჩაეყენებინა იქ ეგზეკუცია, რომ მით აეძულებინა სოფლელები ვიზიროვის მკვლელის გაცემაში. მაგრამ ვერც იმან უშველა რამე მას და ვიზიროვის მკვლელი მაინც ვერ იპოვეს. ეს საშვალეობა უხერხული გამოდგა და ვერც იხმარა იგი მთავრობამ.

გათავდა თუ არა ამბოხება გორის მაზრაში, ახლა მან თავი იჩინა გურიაში. მაგრამ ჩვენ ამის შესახებ აქ არ შეგვიჩვენებთ, რადგანაც ამავე ლხ ში მკითხველი იპოვის დაწვრილებით ცნობებს იქაურ კორესპონდენციაში, ეს ზემოთ აღნიშნული ორი გარემოება მოემატა მუშათა და სტუდენტების დემონსტრაციებს მომხდარს უკანასკნელ წლებში. მთავრობა დაიბნა. ის შეძრუწუნებული ეხეთქება აქეთ-იქით და არ იცის რით და როგორ უშველოს თავს. ციხემ, გადასახლებამ, კატორღამ და სახრჩობელამაც კი ვეღარა უშველათ რა. პირიქით, არამც თუ ჩაქრა ამბოხება, არამედ უფრო გაამწვავა და მეტის ენერჯით გამოიწვია საბრძოლველათ მოწინავე მეტრძოლნი.

ერთ თავის ცირკულიარში პოლიციის დეპარტამენტი სწერს მაზრის უფროსებს, უქადაგონ სოფლის ხალხს, დაარწმუნონ იგი რომ არ დაუჯერონ „მაენე“ პირებს, რომელნიც ვითომ და პირადი ანგარიშებით (იგულისხმე: ციხე, კატორღა, გადასახლება და სახრჩობელა) აჯანყებენ ხალხს „მოწყალე მთავრობისა და კეთილ მეფის“ წინააღმდეგ. როგორც გავიგეთ, რუსეთის ბევრ ადგილებში მართლაც გაუმართავთ ამისთანა სასაცილო ქადაგება.

ადვილათ მისახვედრია, რომ ამისთანა საშვალეობას სარგებლობა კი არა ზარალი მოაქვს თვით მთავრობისათვის: ხალხი უფრო უკვირდება თავის მდგომარეობას.

გარდა ამ ზომებისა მთავრობამ მოისურვა უჩვენოს ხალხს ნიკოლოზ მეორე ნამდვილი თავისი სახით თავიდან ფეხებამდე. სწორეთ ამ აზრით ხელმწიფეც მოგზაურობს მთელ რუსეთში და ამბობს სიტყვებს, ხოლო ტელეგრაფის სააგენტო ამ რეჩებს ჰყენს მთელ



ქვეყანას. იმ სიტყვათა შორის, რომელიც პატარა ნიკოლოზ მეორემ წარმოსთქვა, საყურადღებოა სიტყვა მიმართული ბალტიის ქარხნის მუშათა მიმართ. ამ სიტყვაში რუსეთის მეფე პირველათ გამოტყდა, რომ მას მტრები ჰყავს. ის სთხოვდა მუშებს მიუშაონ მშვიდათ და არ უკდონ ყური იმ „მაგენ“ ხალხს, რომელნიც ერთ-ნაირათ არიან მტერნი, როგორც მათი—მუშებისა, ისე მისი—მეფისაც. ეს „მტრები“ რასაკვირველია, ჩვენა ვართ—სოციალ-დემოკრატები. საწყალი ქუა მოკლე ნიკოლოზ მეორე! მას ჰგონია მუშები მართლაც დაუჯერებენ მის სიტყვას, თითქოს მათ არ იციან ვინ არის მუშათა მტერი და ვინ მეგობარი. როგორც სჩანს მეფეს დავიწყებდა ან არა და არ უნდა გაიხსენოს, რანაირათ მოელო ბოლო მის გულმოდგინე მოსამსახურე ჟანდარმის პოლკოვნიკის პირადოვის სიცოცხლეს მისი თვალის წინ ამავე ქარხანაში...

ამ წლის განმავლობაში კავკასიაში მოხდა ორი დემონსტრაცია, ბაქოში და ბათუმში. კავკასიაში სულ ახლათ დაიწყო მუშათა მოძრაობა, მაგრამ ჩვენ დარწმუნებული ვართ, რომ მისი სწრაფი ზრდა მალე მიიღებს დიდ რევოლუციურ ხასიათს. აქაური მთავრობა დღესაც შეშინებულია და ამზადებს საშინელ ზომებს მოძრაობის მოსასპობად. იმ საშვალეებებს, რომლებსაც ივინი აქ ხმარობენ, უფრო საშინელნი არიან ვიდრე ყველა ის ზომები, რომელსაც აქამდე ხმარობდა მთავრობა რუსეთში, მაგალითად, ჟანდარმის აფიცრის **ღავროვი** დაპატიმრებულებს საზიზღრათ ექცევა: ლანძღვას, ემუქრება, სცემს და აწვალებს 10—12 საათის განმავლობაში ფეხზე დგომით. ეს ჩვეულებრივი ზომებია ამ პირუტყვისა. ჟანდარმების სიბრაზეს საზღვარი არ აქვს. მათი სიმხცე ექამდი მიდის, რომ მშათ არიან ცოცხლათ მიწაში ჩამარხონ ყველანი. ამ ზაფხულს მტარვალებმა პოლიტიკურ დამანაშავეებს ამოუფიცრეს ფანჯრები, და როდესაც ტუსაღებმა ეს ფიცრები ჩაამტერიეს, მტარვალებმა ხელ ახლა გაუკეთეს და შელებეს ფიცრები წითლათ. ჩვენი საზოგადოების საუკეთესო ნაწილი კარგათ ხედავს, როგორც აწვალებენ, ართმევენ ჰაერს და უსპობენ სინათლეს მათ თანამემამულეთ, მაგრამ... ხმას არ იღებენ...

მთავრობამ ჩვეულებრივი მტარვალობა გამოიჩინა სათათრეთიდან ჩამოსული საბრლო სომხების წინააღმდეგ. როგორც ვიცით, ამ ზაფხულს მეფემ სომეხ ემიგრანტებს ოსმალეთიდან მისცა ნება თავის სამშობლოში დაბრუნებისა. მან აღუთქვა ემიგრანტებს ოსმალეთის მთავრობის თანხმობაც. კავკასიის ყოველი კუთხიდან დაიწყეს დენა ემიგრანტებმა რკინის გზებისაკენ თავის სამშობლოში და ოჯახში დასაბრუნებლათ. მაგრამ მეფემ იცბიერა. მას სურდა ემიგრანტები ამ საშვალებით ერთ ადგილს შეეკრიბა, სისხლის მსმელმა სულთანმა გაიგო მეფის განზრ-





ხვა, გაუწოდა მის ღიმილით ხელი და აუკრძალა ემიგრანტებს ლოს საზღვრებზე გადასვლა. ჩვენი მტარვალი მთავრობა ცბიერებით აცხადებდა თვის ვულ-მტკივნეულობას ამის შესახებ. მაგრამ როდესაც იმავე ემიგრანტებმა მოინდომეს სპარსეთში გადასვლა შახის ნება დართვით, მაშინ კი მეფის მოხელეებმა მოიხსნეს ნილაბი და აშკარათ ეწინააღმდეგებოდნენ მათი განზრახვის სისრულეში მოყვანას. ემიგრანტებს დაუბრუნეს დაბეჭდილი ქაღალდები, სადაც აღნიშნული იყო, რომ ამანა და ამან რუსეთის ქვეშევრდომობა მიიღოვო. როგორ მოგწონს მკითხველო ეს ახალი ხრიკები რუსეთის მთავრობისა, რომლითაც ის თავისუფალ ხალხს და ისიც არა თვის ქვეშევრდომთ უკრძალავს რუსეთიდან გასვლას.

ეს დესპოტიზმის უმწვერვალესი საფეხურია, ეს არის პიროვნების გათელვა, მარა, მალე მოგვლება ბოლო საზიზღარო თვითმპყრობელობავ, რომ ველარ სთელო ფეხქვეშ ადამიანის უფლებანი. შენმა საათმა დაჰკრა, რევოლიუციის ძლიერი ტალღები აღგვავენ შენ საუკუნოთ, და შენს შესახებ დარჩება მხოლოდ ხსოვნა საზიზღრობისა და მტარვალობისა!

ამ 20—25 წლის წინეთ ერთმა მეუშამ, სახელათ ალექსეიმ ასე დაათავა თავისი სიტყვა: „არ არის შორს ის დრო, როდესაც თვითმპყრობელობა სალდათებით და შტიკებით გამავრებული გაიბნევა მტკრათ“, თვითმპყრობელობის მთავრობა მაშინ იღიმებოდა ამ სიტყვებზე, ხოლო ეხლა კი ჩვენა ვხედავთ, როგორ სრულდება ალექსეის წინასწარმტყველობა.

ხალხი ქონებით განადგურდა, გაღარიბდა, მილიონობით იხოცებიან შიმშილისაგან. რაც დრო გადის უფრო უარესობა ხდება მეორე მხრივ, ჩვენ ვხედავთ პირადობის დაუცველობას შეურაცყოფისაგან და მუშების ამგვარსავე მდგომარეობას მეფის თვითნებობისაგან. აბსოლიუტიზმის გაფართოება სპობს სამართალს სასამართლოში. სამაგიეროთ ჩვენა ვხედავთ თვითნებობას და პოლიციის დაუსჯელობას, დევნას საზოგადოების საუკეთესო ნაწილისას. უკანასკნელ ათი წლის განმავლობაში ყველა ამან უარეს წერტილამდე მიაღწია. გავრძელება შეუძლებელია იყო, თვითმპყრობელობამ გზას შეუხვია. ამ გზაზე მის წინ აღიმართა საშინელი აჩრდილი, რომელიც ნათლათ უჩვენებს მას თვის მომავალს—მისი არსებობის სავსებით დამხობას და აი ის ამ მდგომარეობაში ჩავარდნილი ეძახის საზოგადოებას და შესთხოვს ამ ჯოჯოხეთიდან ამოყვანას. საზოგადოების ამგვარი მოწოდება არის ის ხლართი სახჩობელის თოკისა, რომელსაც თვითმპყრობელობა თვითვე იცვამს კისერზე და, რომელიც მასვე წაუჭირებს კისერში სულის ამოსახდელათ. საზოგადოებამ ეს თოკი უნდა გამოსწიოს და მიახლოს მას პირში შემდეგი პასუხი: „შენ

თვით მიიყვანე ხალხი ამ მდგომარეობამდე, და შენვე დაიხსენ თსუ-  
 თუ ეს არ შეგიძლია, მაშ ჩამოგვშორდი გზიდანო“. მაგრამ მთავრობას  
 ამისთანა პასუხი, რასაკვირველია, არ მოეწონება, ამიტომ მან მოახ-  
 დინა განკარგულება, რომ ერთის მხრივ მის მიერ მიცემულ პროგრამის  
 გარეშე სხვა არა ითქვის რა. . და მეორე მხრივ, გაიწმინდოს  
 გუბერნიის და მაზრების კომიტეტები არა სანდო ელემენტებისაგან.  
 მიუხედავად ამისა ყველა კომიტეტები იმ დასკვნას დაადგენ, რომ  
 დღევანდელი საქმეთა ვითარება შეუწყნარებელია და საჭიროა და-  
 წესდეს გადასახადი შემოსავალზე. გათანასწორდეს გლეხი უფლებით  
 დანარჩენ წოდებებთან და სხვ ერთი სიტყვით, ჩვენებურათ  
 რო ვსთქვათ, თხოულობდენ კონსტიტუციას. მეფეს შიშის ზარი დაე-  
 ცა და აი ის გზავნის საიდუმლო მიწერილობას სახელმწიფოს ყველა  
 კუთხეში, რომ არაფერი არ დაიბეჭდოს გაზეთში კომიტეტების  
 დადგენილებათა შესახებ. კავკასიაში ხომ უფრო მეტი სურვილები  
 დაიბადა ქუთაისის საგუბერნიო კომიტეტმა მოითხოვა 1. სკოლების  
 მიმატება; 2. ყველა საგნების სამშობლო ენაზე შესწავლა; 3, რუსუ-  
 ლი ენის სწავლა სამშობლო ენის საშუალებით. ეს ხომ პირდაპირი  
 ისარი იყო. ამ 10—12 წლის წინეთ სომხების სკოლები კავკასიაში  
 გააუქმა მთავრობამ, რადგან იქ ყველა საგნების შესწავლა დედა  
 ენაზე სწარმოებდა, უნდა ვიფიქროთ, რომ მეფეს არ მოეწონება ეს  
 დადგენილება. ოჯახში ერთი მახინჯი მაინც მოიპოვებო, ნათ-  
 ქვამია და აი ამისთანა მახინჯათ მოგვევლინა კავკასიის სამეურნეო  
 საზოგადოება. აქ მხოლოდ „დოკლადებს“ ადგენს ან ჯაშუში  
 ცენზორი, ან პოლიციის მოხელე, ან არა და რომელიმე მშვიდარა  
 ლიბერალი, თავმჯდომარეთაც ორი „ჩინოვნიკი“ ჰყავთ ამათ, რო  
 ყური უგდოთ გლეხს ყველაფერი აქვს, აკლია მხოლოდ კარგი  
 „გოროდოვოი“. მაზრის უფროსის ჯანდიერის აზრით ეს ერთათ  
 ერთი საშვალეება ყველა სენის განსაკურნავათ, ის მათ მოაწესრიგებს,  
 გაასამართლებს, პოლიციაში წაათრევს, ქრთამებს აიღებს და ზურგსაც  
 შეუხურებს. ამავე აზრს ეთანხმება კავკავის სასოფლო სამეურნეო  
 საზოგადოებაც და აი იმ დროს, როდესაც კომიტეტები ბჭობენ  
 კაბინეტებში, მოწინავე რაზმს რევოლიუციონერებისას არ სძინავს  
 და მიილტვის ასრულებაში მოიყვანოს ეს განჩინება. ამავე №-ში  
 მკითხველი შეხვდება კორესპონდენციას როსტოვიდან. ჩვენ აქ მაზე  
 არაფერს ვიტყვით, მხოლოდ შევადარებთ მას მთავრობის გამოცხა-  
 დებას. მთავრობის სიტყვით გაფიცულთა რიცხვი 3000 იყო, როდესაც  
 ისინი 10000-დე იყვნენ. მთავრობა ცრუობს, როცა ამბობს, რომ  
 გაიფიცნენ მხოლოდ დონის როსტოვის ქარხანების მუშეებიო. ეს  
 ტყუილია, მათთან ერთათ გაფიცნენ ტაგანროგში, ტიხარეცკში, და  
 ნოვოროსიაში. უსინდისო მთავრობამ მუშებს თოფები დაუშინა.

ის ამასაც მაღავს, რადგან იცის, რომ ეს ააღლევებს საზოგადოებას, მაგრამ მაღავს ძირიელ უხეიროთ. თუ დავთვალეთ დაჭრილები და დახოცილები, მისი სიტყვით ორ ქალაქზე როსტოვსა და ტიხორეცკზე მოდის ცხრამეტ-ცხრამეტი კაცი. ხომ ხედავთ რა ნამდვილი ციფრებია, თითქოს „ზაკაზი“ მიუყვითო.

თვის უკანასკნელ დღეებში მთავრობა ცდილობს როგორმე ისევ დადგეს ფეხზე და აი ის ერთი ხელით სტარცვავს, ახრჩობს, ზოცავს, აციმბირებს, და რომ დამალოს ყველა ეს, მეორე ხელით მოწყალებას იმეტებს მაგრამ ამ მოწყალებასაც იმეტებს ისევ თავისებურათ, მეფურათ. ის გულუბრყვილოთ ფიქრობს, რომ ამით აამაღლებს თავის თავს ხალხის თვალში. გამოვიდა რესკრიპტი, რომლითაც ნება ეძლევა უკან დაბრუნებისა მათ, ვინც სტუდენტების და პოლიტიკურ დემონსტრაციებში მონაწილეობა მიიღეს. თუმცა კი მათ არა აქვთ ნება სატახტო და საუნივერსიტეტო ქალაქებში მონაწილეობის მიღებისა. ისენი უნდა დაგზავნონ იმისთანა ადგილებში სადაც შეისწავლიან „წესრიგს“! წესრიგი უნდა შეისწავლონ იმათ, ვინც თხოულობს წესრიგს, ვინც თვითპყრობელობას სთვლის უმწვერვალეს უწესრიგობათ!!! მეფის ეს მოწყალება გამოვიდა მისი სახელწოდების დღესასწაულის დღეს, 6 დეკემბერს, ეს ძლიერ მოსაწონია: მთელის წლის განმავლობაში, შეპყრობა, ჩამოხრჩობა და 6 დეკემბერს კი „მოწყალება“!!!

## როგორ უცქერით ჩვენ ტერორს.

(წერილი ტფილისიდან).

ამ ბოლო დროს ტფილისში მეტათ გახშირდა ტერორი: თვე ისე არ გავა რომ ვინმე არ გამოასალმონ წუთი სოფელს ან მძიმეთ დაასახიჩრონ. მუდამ მხოლოდ ის გესმის, თუ აი ამა და ამ პროვოკატორს გაუჩეხეს ცუდით თავი, არა და ეს ბრიგადირი ტყვიით სასიკვდილოთ დასჭრეს და სხვ... აზკარაა აქ მთელი ორგანიზაცია შემდგარა, რომელიც დღევანდელ ჩვენი ცხოვრების პირობებს იმ დასკვნამდი მიუყვანია, რომ გარეშე ტერორს სთვლიან საუკეთესო საშვალებათ სოციალისტურ მისწრაფებათა განსახორციელებლათ. ყოველ მოვლენას თავისი მიზეზები აქვს; რა მიზეზებმა გამოიწვია დღევანდელი ტერორი? აი საკითხი, რომელიც უნდა ჩვენ ვადავჭრათ. სანამ თვით ტერორის დაფასებას შევუდგებით. ამ 2—3 წლის წინათ უანდარმთა და პოლიციელთა უდარდელობა და ძილი რაღაც საარაკოს წარმოადგენდა. წრეები სოკოსავით იზრდებოდა, ავტაცია

აგიტაციაზე ხდებოდა, დღე და ღამე გაერთიანებული იყო, ყოველ კუთხეში, სადაც კი მუშა ბუდობდა, გაცხარებული მეცადინეობა და მზადება იყო. მარტო 1900 წ. ზაფხულში მომხდარმა გაფიცვამ მოიყვანა გონს მთავრობა და თვალები დააქუცტიანა. მას აქეთ ჟანდარმთა სიფხიზლე და ძალა დღე დღეზე იზრდებოდა: გაამრავლეს აგენტები, შემოიღეს დვორნიკთა ინსტიტუტი, დააარსეს ეკრეთ წოდებული сыскное отделение, დაიჭირეს და დაგზავნეს ტფილისიდან მუშათა საუკეთესო წარმომადგენელნი და სხვ... ამ ნაირათ წინაინდებური თავისუფლება მოისპო. ყოველი ნაბიჯი საშიში შეიქნა; წრეების გავრცელება—მოუხერხებელი, აგიტაცია მეტი სახიფათო. მოძრაობა გარეგნობით შეფერხდა. ასეთ პირობებში ზოგიერთებს მობეზრდა უმოძრაობა და მიმართა ტერორს... აი რითი აიხსნება ოღვეანდელი ტერორი, აიხსნება მხოლოდ და კი არ გამართლდება. ჩვენ ვერა-გზით ვერ გავამართლებთ მას, ვერა გზით ვერ თანაუგრძნობთ მას. ცდება ის, ვინც ფიქრობს, ვითომ ტერორს შეეძლოს გამოაფხიზლოს ვითომ და მიძინებული მუშათა კლასიური თვითცნობიერება; ვინც ასე ფიქრობს მას ავიწყდება ის უბრალო ფსიხოლოგიური ქეშმარიტება, რომ ერთხელ გავდიქებულ კლასიურ ანტოგონიზმს ველარაფერი ჩააქრობს. ეს ანტოგონიზმი თანდათან იზრდება. მაშასადამე ტერორი ამ მხრით ყოველათ უმნიშვნელო და უადგილოა—ის ვერავის გამოაღვიძებს, რადგან ყველა ფხიზლობს, მას ის უკისრნია, რაც უიმისოდაც ასრულებულია. იქნება სხვაფერად იყოს რაიმე სასარგებლო ტერორი? ვნახოთ ესეც, მეტყვიან: ტერორი თავზარს დასცემს მთავრობას, შიშში ჩააგდებს და აიძულებს რეფორმის გზას დაადგესო, ისტორია სრულიად წინააღმდეგს გვეუბნება. რა რეფორმებისთვის აიძულა მთავრობა ევროპიულ ანარხისტების ეპიდემიურმა ტერორმა? რა შესძინა მან ხალხს? არაფერი! რა გააკეთა რუსეთში მესამოცდა ათე და მეოთხმოცე წლებში მომხდარმა ტერორმა? არაფერი.

განა ცოტა სისხლი დაიღვარა? განა ერთი და ორი საუკეთესო შვილი რუსეთისა იმსხვერპლა ამ შემცდარმა შეხედულებამ, და რაღა შორს მივდივართ. რა გააკეთა თვით პატიოსან ბალმაშევის თავგანწირვამ? თამამათ შეგვიძლია ვთქვათ, რომ '22 აპრილის მანიფესტაციას (თფილისში) გაცილებით უფრო ღრმა მნიშვნელობა აქვს და უფრო გვაახლოვებს ჩვენ უკანასკნელ მიზანს, მინემ რომელიმე მინისტრის მკვლელობა. და რათ არის ეს ასე? იმიტომ, რომ აქ ხალხია, იქ კი კერძო პირი, პირველი დაუშრობელი წყაროა, მეორე—დროებითია, ერთი აზვირთებული ზღვა არის ძლიერი და თავზარ დამცემი, მეორე მთის ნაკადულია—მოვარდება და ჩაქრება.



ამ 30 წლის წინათ რუსეთში კიდევ გამართლდებოდა რთვიანი ტერორი, თუ ვინდ იმით, რომ იმ დროს რევოლუციონურ პარტიას მარტო ინტელიგენცია წარმოადგენდა, ხალხი სრულ პასიურ როლს თამაშობდა; პირველს არავითარი კავშირი არ ჰქონდა მეორესთან, განსაკუთრებით ქალაქის პროლეტარიატთან.

დღეს კი მთელი რუსეთის ხალხი ფეხზე დგას და დღეს თუ ხვალ იერიში უნდა მიიტანოს თვითმპყრობელობის დასამხობათ, საცაა დაკრავს დიდებულნი საათი და სწორეთ ამ დროს შორს ვერ მჭვრეტელნი სისხლში ითითხნებიან. მერე ვის სისხლში? ვილაც წუწვი პროვოკატორის და ბინძურ ჯაშუშის სისხლში. ეს კი ნამეტანია. სირცხვილია ყოველიფერი თანდათანობის კანონს ემორჩილება. დღევანდელი ტერორი ნაძალადეგია.

როცა ყოველივე მომწიფდება, როცა ყოველის მხრიდან, ერთსა და იმავე დროს, ამ უზარმაზარ რუსეთისა მოისმის ხმა საბრძოლველი, ხალხი დაჰკრავს ბუკსა და ნალარას, მაშინ შეიძლება მახვილიც დაგვჭირდეს, მხოლოდ მაშინდელი ტერორი სულ სხვა იქნება—დანა ხირურგის ხელში სიცოცხლის მომკემია.

ამნაირათ ჩვენ სრული წინააღმდეგი ვართ ტერორის, რადგან ის ყოველად უვარგისი საშვალეებაა, სოციალურ საკითხის გადასაწყვეტათ; ის ქსაქსავს და ასუსტებს ჩვენ ძალას.

ვინც ჩვენ ორგანიზაციას ეკუთნის, უნდა ემორჩილებოდეს საერთო განაჩენს და რევოლუციონურ მოძრაობის შემაფერხებლათ სთვლიდეს ტერორს.

ვინც წინააღმდეგი შეხედულებიანაა, ის აფერხებს საერთო საქმეს. ამ კითხვაზედ შემდეგში უფრო ვრცლათ მოვილაპარაკებთ.

### ბათომიდან მივიღეთ შემდეგი დებეზა.

მ დეკემბერს როტშილდის მუშები გავიფიცენით. მიზეზი იყო ეგრედ წოდებული „ვიჩიტკები“. მოვითხოვეთ: სახალხო სახლის აგება, საახალწლო საჩუქარი—ერთი თვის ჯამაგირი ზედმეტი. საავადმყოფო—ტფილისის რკინის გზის პირობებით, ერთი აბაზის მომატება იმ მუშებისთვის, რომლებიც დღეში 19 შაურს იღებენ, დათხოვნა სამსახურიდან რამდენიმე ჯაშუშისა და სხვა. ზავოდმა უარი გამოგვიცხადა, მაგრამ ჩუმათ კი ცდილობდა როგორმე შეეგრიგებოდა. დღეს 17 ყველა მუშებმა „რასჩოტი“ მოვითხოვეთ. გვთხოვეს შაფათამდე მოცდა. გამოვბრუნდით ვიქნებოდით ათასზე მეტი კაცი, გზაზე შემოსძახეს სიმღერა „ნეტა რას ნაღვლობ ვაჟაკო“ (ამ სიმღერას კავკასიის მუშები მარსელიეზას მაგიერათ მღერიან), ხალხი



გაცოცხლდა, სახელდახლოთ ავანტიურული წითელი ხელსახოცის  
 გაისმა ძახილი: „გაუმარჯოს თავისუფლებას, ძირს თვითმპყრობე-  
 ლობა“. პატარა ხანს უკან მოიტანეს წითელი აბრეშუმის ხელსახო-  
 ცი. ხალხის აღტაცება უმწვერვალესობამდი მივიდა, გამოჩნდა ორა-  
 ტორი—მუშა, რომელმაც მხურვალე გამამხნევებელი სიტყვა წარმოს-  
 თქვა. ორი ვერსი გზა გავიარეთ და საუცხოვოთ ჩაიარა. სალდათები  
 შემოგვხდნენ გზაში. მუშებმა დაუძახეს „нратцы солдаты да здра-  
 вствует сванида“ (ძმებო სალდათებო, გაუმარჯოს თავისუფლებას).  
 იმათაც ქულები მოიხადეს „да здравствует свобода товарищи“!  
 (გაუმარჯოს თავისუფლებას ამხანაგებო).

გაფიცვის შედეგს გაცნობებთ.

მუშა.

## რედაქციისაგან.

სხვა და სხვა ხელ შემწულ პირობების გამო, ვერ ვპირდებით  
 მკითხველს „ბრძოლის“ ნომრების პერიოდულ გამოცემას, მაგრამ  
 რედაქცია ეცდება რაც შეიძლება ხშირათ მიაწოდოს მკითხველს  
 ბრძოლის ახალი ნომრები და წინ შეეგებოს ყველა იმ მოთხოვნი-  
 ლეებს, რომელთაც უღვიძებს შეგნებულ პროლეტარიატს თანა-  
 მედროვე ცხოვრების პირობები, და რომელთა დასაკმაყოფი-  
 ლებლათ იძულებულია არა-ლეგალურ პრესას მიმართოს. ამი-  
 სათვის საჭიროა რედაქციასა და მკითხველთა შორის დამყარ-  
 დეს მჭიდრო კავშირი, სრული ურთი-ერთობა. ვთხოვთ ყველას  
 შეძლებისა და გვართ მოგვაწოდონ ცნობები მუშათა მოძრაობის და  
 აგრეთვე მთავრობის და კაპიტალისტთა უმგვანო საქციელის შესა-  
 ხებ, შეგვატყობინონ ყველა საყურადღებო ცნობები, რომელიც სა-  
 ხოვადოთ მუშის მდგომარეობას შეეხება და ახასიათებს.

ვეგებებით ჩვენს ახალ მოძმეთ! ვეგებებით მათ გამოსვლას  
 საერთო ასპარეზზე ჩვენთან ერთათ! გაუმარჯოს მუშათა საქმეს, გაუ-

მარჯოს რუსეთის ტახტის დამხობას, ჩვენს ხელგმზე ბორკილის  
შესახსნელათ და პროლეტარიის გასამარჯვებლათ. აჰა ძმებო ჩვენი  
ხელი და გულიც!...

---

გამოვიდა სომხურ ენაზე სოციალ-დემოკრატიული ჟურნალი  
„**პ რ ო ლ ე ტ ა რ ი**“

---

ყოველივე საჭირო ცნობა გთხოვთ მოგვაწოდოთ შემდეგი ადრესით.

J. H. W. Dietz Nachf (G. m. b. H) in Stuttgart.

---

სტამბა „ბრძოლისა“.

---

---

# გლახკასოვის მდგომარეობის შესახებ აშვირ- პავსანიაში.

(„პროლეტარიატის ბრძოლა“— № 7, 1904 წ.)

როგორც ვიცით ამიერ-კავკასიაში ბატონ-ყმობა არსებობდა მხოლოდ ტფილისის და ქუთაისის გუბერნიებში. რუსეთის მართველობის შემოღების შემდეგ, მრავალ მიზეზების გამო, რომლების განხილვაში ჩვენ აქ ვერ შევალთ, დასახელებულ გუბერნიებში ბატონ-ყმური ურთი-ერთობა ძლიერ გამწვავდა და მთავრობისათვის მეტათ საშიშარი მიმართულება მიიღო. ასე რომ თვითმპყრობელ მეფეს, რომ ყმა არ გაენთავისუფლებინა, უეჭველია, ყმა თითონ გაინთავისუფლებდა თავს, თვითმპყრობელი მეფე ალექსანდრე მეორე კარგათ ხედავდა, რომ თუ ის არ ჩამოართმევდა მებატონეთ ყმებს და თითონ არ დაეპატრონებოდა იმათ, გლეხების აჯანყება აუცილებელი იყო და ეს ხომ მეტათ საშიშ მდგომარეობაში ჩააყენებდა თვითმპყრობელობის საქმეს. ამიტომ, როგორც ვიცით, მან 1861 წელს ჩამოართვა ყმები რუსეთის თავად-აზნაურობას რე შემდეგ, 1864—1867 წლებში ეს „რეფორმა“ ჩვენშიაც შემოღებულ იქნა: გლეხი განთავისუფლდა კერძო მებატონეთა პირად დამოკიდებულებისაგან, ე. ი. მებატონეთ ამის შემდეგ აღარ შეეძლოთ თავის ნებით გლეხის ოჯახის აკლება, მისი ცოლ-შვილის გაუპატიურება და შინა-ყმათ წაყვანა. მაგრამ იმავე დროს ნივთიერთ გლეხი ისევ წინანდელ ბატონის ხელში დარჩა, რადგანაც ის მიწა ადგილი, რომელზეც გლეხს თავის სახლ-კარი ჰქონდა და რის მეოხებითაც ის ცოლ შვილს არჩენდა, და რომელიც მრავალი საუკუნოების განმავლობაში მის სარგებლობაში იყო, მებატონეს საკუთრებათ იქნა აღიარებული. ამ გარემოების წყალობით გლეხი ფაქტიურათ ისევ თავად-აზნაურობის მორჩილი შეიქმნა. მართალია, გლეხს ვითომც უფლება მიეცა თავის „ნადელის“ გამოსყიდვისა და მით მემამულის ბრძკვალებისაგან განთავისუფლებისა, მაგრამ როგორც ვიცით ეს უფლება მხოლოდ ქალაქებზე დარჩა. მართალია, დროებით-ვალდებულ გლეხების ერთმა ნაწილმა გამოიყიდა მამასისხლათ თავიანთი ერთი ცილა „ნადელები“.





მაგრამ უმრავლესობისათვის ეს გამოყიდვა შეუძლებელი გახდა, რადგან გლეხის მიერ თავის დახსნა სავსებით მემამულეთა ნება-ყოფლობაზე იქმნა დამოკიდებული და ძლიერ ხელსაყრელი და სასარგებლო გამოდგა მემამულეთათვის, მემამულეებმა ყოველგვარი ხერხი იხმარეს, რათა რიგიანათ ესარგებლათ, და რაც ყმების ჩამორთმევით დააკლდათ ამით მაინც აენაზღაურებინათ. მემამულეები ან სრულებით უარს ეუბნებოდნენ გლეხებს „ნადელების“ გამოყიდვაზე ან მხოლოდ მაშინ თანხმდებოდნენ, როცა გლეხები ერთი ხუთათ და ერთი ათად აძლევდნენ ფასს იმ მიწა-ადგილებში, რომელიც მისივე ხელით იყო ვაკეთებული და მოშენებული და, რომელიც არასოდეს სხვის საკუთრებას არ შეადგენდა. გლეხების დროებითი ვალდებულობა მემამულეთა წინაშე, „მოწყალე ხელმწის“ მიერ დაკანონებული, ძლიერ იარაღათ გამოდგა მემამულეთა ხელში გლეხების დასამონებლათ და დასაბეჩავებლათ. ეს ვალდებულება მარტო იმაში კი არ მდგომარეობს, რომ გლეხებმა მოსავლის ერთი მეოთხედი უნდა აძლიონ მემამულეს. საქმეც იმაშია, რომ ამით მემამულეს სრული საშუალება ეძლევა ყოველ მხრივ შეავიწროვოს გლეხი, შეავიწროვოს იმ ზომამდე, რომ მეოთხედის სახელით მის შემოსავალს მთელათ დაეპატრონოს. ამავე დროს ყურადღების ღირსია ის გარემოება, რომ სულ ერთია გლეხი ამუშავებს თუ არა „სანადელო“ მიწას, მემამულეს მან მაინც უნდა აძლიოს დაკანონებული მეოთხედი; გარდა ამისა მემამულეს კანონი ნებას აძლევს აყაროს „სანადელო“ მიწიდან თავისი მამულის საზღვრების გასასწორებლათ და სადმე სხვა ადგილას მიუხომოს ამავე ზომის მიწა. მართალია, ამ შემთხვევაში საჭიროა გლეხის თანხმობა, მაგრამ მემამულეს ხელში ათასგვარი საშვალეობა აქვს აიძულოს გლეხი, რომ ასეთი თანხმობა გამოსტყუოს.

დროებით ვალდებულ გლეხების მონურ მდგომარეობას კიდევ უფრო აშკარათ მოწმობს, სხვათა შორის ის გარემოებაც, რომ მემამულეთა ძალმომრეობისა და შევიწროების გამო მოთმინებიდან გამოსულმა გლეხმა თუ ვინიციობაა მათ წინააღმდეგ რამე დანაშაული ჩაიდინა, რუსეთის კანონები მას სჯის და ასამართლებს არა როგორც თავისუფალ და თანასწორ ადამიანს, არამედ როგორც მემამულის მორჩილს; ესე იგი „სამართალი“ ამ შემთხვევაში დროებით ვალდებულ გლეხსა და მემამულეს შორის ხედავს ისეთ დამოკიდებულებას, როგორიც არსებობს უმცროს და უფროს მოხელეთა შორის; ყველამ კარგათ უწყის თუ ასეთ შემთხვევებში, როგორ სასტიკათ სჯის „სამართალი“. მეფის მთავრობა ამასაც არ დასჯერდა. მემამულეთა ინტერესები მოითხოვდნენ, რომ მათსა და დროებით ვალდებულ გლეხებს შორის ჩამოვარდნილ დავის და უთანხმოების გარჩევა და საზო-



გადოთ მათ შორის ურთიერთობის გაწესრიგება მთავრობას ისეთი პირებისათვის მიენდო, რომელნიც უწინარეს ყოველისა მემამულეთა ინტერესებს დაიცავდნენ. ასეთი პირები სად უნდა გამოეძებნათ, თუ არ თვით მემამულეებში? და აი ხალხის სისხლის მწოველთა მფარველმა მთავრობამ დააკანონა: დროებით ვალდებულ გლეხთა და მემამულეთა შორის ურთიერთობის მოწესრიგება მიენდოს მომრიგებელ შუა-კაცთ, რომლებიც უსათუოდ მემამულეებისაგან უნდა იქნენ არჩეულნიო. არავისთვის გასაკვირველი არ უნდა იყოს, რომ ასეთი შუა-კაცები, რომლებსაც კანონით დიდი უფლებები აქვთ მინიჭებული, უწინარეს ყოველისა თავის, ე. ი. მემამულეების ინტერესებს დაიცავდნენ; ამნაირათ სოფელში ისევ წინანდელი ბატონ-ყმური ურთიერთობა რჩებოდა, რომ ეს ასე მოხდა, რომ აქ ოდნავაც გადაჭარბებული არაფერი არ არის, ამას მოწმობს სხვათა შორის, ისეთი ოფიციალური მწერალი, როგორიც არის თავ. გ. მ. თუმანოვი, ვაზ. „ახალი მიმოხილვის“ რედაქტორი; მას, ვკონებ, ვერავინ ვერ დასწამებს გლეხების მომხრეობას; აი რას ამბობს ის: „ახალი წესების (გლეხთა დებულებაზეა ლაპარაკი) განხორციელების დროს გლეხი დამოკიდებულია ადგილობრივ მომრიგებელ შუა-კაცთა თვითნებობაზე. თუ მივიღეთ მხედველობაში, რომ ეს უკანასკნელნი ახალი წესებით იკრიბებიან განსაკუთრებით ადგილობრივ მიწათმფლობელთაგან, მაშინ ადვილათ გავიგებთ, ვის ინტერესებს დაიცავდნენ მომრიგებელი შუა-კაცები თავის ფართო უფლებებით, და აქედან ამჟამად, რომ ნამდვილი ბატონ-ყმური ურთიერთობის გამეფებამდის დიდი მანძილი აღარ არის“. ეს ბატონ-ყმური ურთიერთობა, სიტყვით ვითომც გაუქმებული თვითმპყრობელი მეფის მიერ, ნამდვილათ ხელ-ახლად დამკვიდრდა სოფლის ცხოვრებაში. საკვირველი მხოლოდ ის არის, რომ ამ ფაქტებს დღეს აღარავინ არ მალავს, თითქმის ოფიციალური დაწესებულებანი და პირები იძულებული არიან ეს აღიარონ. ეს ამბავი მეტათ საგულისხმოა ხალხის კეთილდღეობისათვის თვითმპყრობელობის მოღვაწეობის დასახასიათებლათ. აი ღირსეული ნაყოფი მისი შეუწყვეტელ მეცადინეობისა და მზრუნველობისა ხალხის საბედნიეროთ; ხალხი ნივთიერათ გაყვლეფილი და გატყუებული, იურიდიულათ მოკლებული ყოველგვარ ადამიანურ უფლებას, ხალხი ვითომდა ყმობიდან განთავისუფლებული ფაქტიურათ ისევ ყმად ხდება!..

რუსეთის შიდა გუბერნიებში დროებით ვალდებულება მოისპო 1882 წლიდან და თავის დახსნა სავალდებულოთ იქნა აღიარებული; ჩვენში-კი ეს დროებითი მდგომარეობა დღემდის არსებობს და დროებითის მაგიერ იგი სამუდამოთ გარდაიქცა. დროებით ვალდებულ გლეხთა რიცხვი დღეს ტფი-



ლისის და ქუთაისის გუბერნიებში საკმარისათ დიდია: ორივე გუბერნიებში ირიცხება არა ნაკლებ 40,000 კომლისა, რომელთაგან 22,000 ქუთაისის გუბერნიაშია: მაგრამ შეიძლება ვინმემ იფიქროს, რომ ასე შევიწროებული და განუკითხავ მდგომარეობაში იურიდიულათ მხოლოდ დროებით ვალდებული გლეხები იყოს, და გლეხ-კაცობის დანარჩენი ნაწილი შედარებით უკეთესს პირობებში ცხოვრობდეს. გავიცნოთ და გავიგებთ.

პირველათ გავეცნოთ **ხიზნების** მდგომარეობას. ესენიც, როგორც დროებით ვალდებული გლეხები, ამიერ-კავკასიაში მხოლოდ ტფილისის და ქუთაისის გუბერნიაში ცხოვრობენ. ხიზნების სათავე ბატონ-ყმურ ურთიერთობაში უნდა ვეძიოთ. როცა მებატონე უზომოთ აწუხებდა ყმას, ეს უკანასკნელი გარბოდა და ეხიზნებოდა სხვა მემამულის მიწაზე უფრო შეღავათიან პირობებით. ეს პირობა იყო სიტყვიერი, მაგრამ ორივე მხრისაგან ხელ-შეუხებელი. ასეთი იყო ჩვეულების ძალა, რომელიც სჯულზე უმტკიცესია. ამ პირობის ძალით, ხიზანი ვალდებული იყო მემამულის სასარგებლოთ მიწის მოსავლის განსაზღვრული ნაწილი ეხადა; ეს გადასახადი ყველგან ერთნაირი არ იყო; მაგრამ ხიზანი არსად არ იყო ბატონ-ყმურ დამოკიდებულებაში მემამულესაგან და ამ მხრით მისი მდგომარეობა არსებითათ განსხვავდებოდა ყმების მდგომარეობისაგან. ამიტომ აშკარაა, რომ ეგრეთ წოდებული საგლეხო რეფორმა, რომლის ძალით გასული საუკუნის მესამოცე წლებში მებატონეთ ყმები ჩამოართვეს, ხიზნებს სრულებით არ შეეხებია. ამ რეფორმის შემდეგ ხიზნები დარჩნენ კანონს გარეშე; თვითმპყრობელ მთავრობამ ისინი დაუტოვა საყვლელათ და დასარბევათ მემამულეებს. პირველ ხანებში ხიზნებსა და მემამულეთ შორის ურთი-ერთობა ძველებურათ იყო. დავას და აყალ-მაყალს ჯერ მათ შორის ადგილი არ ჰქონდა. მაგრამ რამდენიმე ხნის შემდეგ, მემამულეთა მოთხოვნილებანი გართულდა; რაც დრო გადიოდა, უდარდელი და უსაქმური რასაკვირველია, ისინი ყოველ შემთხვევით სარგებლობდნენ, რომ სოფლის მუშისაგან, ე. ი. გლეხისაგანაც, რაც შეიძლება მეტი სისხლი გამოეწოვათ. თავის-თავათ იგულისხმება, რომ ამიერიდან ხიზნებს ისინი მოსვენებას აღარ მისცემდნენ, და ამ უკანასკნელთა მშვიდი ცხოვრება სამუდამოთ დაირღვეოდა. პირველი ნაბიჯი მემამულეებისა ხიზნების შევიწროებისაკენ გადადგმული იყო ღალის მომატებით, იქვი არ არის რომ ამ გარემოებას ხიზნებმა ეჭვის თვალით შეხედეს და უკმაყოფილება გამოაცხადეს. ამათში მაშინვე დაიბადა აზრი, რომ თუ ერთხელ ასეთივე ცვლილება მოხდა, შემდეგ იგი ჩვეულებათ გარდაიქცევა, ასე რომ მემამულეთ ამის შემდეგ ყოველთვის ნება ექნებათ უმატონ ღალას და გადასახადს ჩვენდა დაუკითხავათ, რაც



ჩვეულებას ეწინააღმდეგებაო. ამას ბევრი ლოდინი აღარ დასჭირდება. მემამულეებმა ერთბაშათ ასწიეს ღალა და მოუმატეს გადასახადი ხიზნებს, ხოლო როცა ეს უკანასკნელი უარს უტყუებდნენ ასეთ მომატებაზე, მემამულეები სასამართლოსკენ მიეშურებოდნენ საჩივრებით. სასამართლოები ყოველთვის მზათ იყვენ მემამულეების თხოვნა დაეკმაყოფილებიათ, და აკმაყოფილებდნენ კიდევ: ხიზნებს უმატებდნენ ღალას და თუ ამ მომატებული ღალის გარდახდაზე უარს იტყოდნენ, იმ შემთხვევაში თავისი შრომით და ჯაფით გაშენებული მიწებიდგან უნდა აყრილიყვენ და სადმე გადასახლებულიყვენ. მე-XIX-ე საუკუნის მეოთხმოცე წლებში მეტათ გახშირდა ასეთი შემთხვევა; თვითმპყრობელობის მიერ ამის უყურადღებოთ დატოვება შეუძლებელი იყო. მთავრობა იძულებული შეიქნა ჩარეულიყო ხიზნებსა და მემამულეთ შორის ატეხილ დავა-უკმაყოფილებაში. თვითმპყრობელი მთავრობის ადგილობრივმა მოხელეებმა განიზრახეს ხიზნების საქმის მოწესრიგება და მათთვის რაიმე დებულების გამოცემა. ამ მიზნით იმათ მოიხმეს მხოლოდ ერთი დაინტერესებული მხარე, სახელდობრ მემამულეები, და მხოლოდ მათ ჩვენებაზე დაამყარეს თავისი დასკვნა. მიწათმფლობელთა აზრით, ხიზნები უბრალო მოიჯარენი არიან, და როგორც ასეთები ისინი უნდა დაემორჩილონ მემამულეთა ყოველგვარ მოთხოვნილებას, წინააღმდეგ შემთხვევაში უნდა აიბარგონ და საითაც სურთ, იქ გარდაიხვეწონ. კავკასიის ადგილობრივმა მთავრობამ ამის თანახმათ შეიმუშავა პროექტი ხაზანთა დებულების შესახებ და 1884 წლის დამლევს ეს პროექტი გაიგზავნა შესამოწმებლათ პეტერბურგში. „ამნაირათ—ამბობს ზევით დასახელებული აგტორი ამ პროექტის შესახებ,—ის დაწესებულებანი, რომლებიც მოწოდებული იყვნენ გლეხების მდგომარეობის გასაუმჯობესებლათ, ამათი შემავიწროებელი გამოდგენო“. ეს ასეც უნდა მომხდარიყო. ბ-ნი თუმანოვი უწინარეს ყოვლისა ცდებო იმაში, რომ რუსეთის თვითმპყრობელ მტარვალს, ოდესმე მოეწოდებოდა რომელიმე დაწესებულება გლეხების მდგომარეობის გასაუმჯობესებლათ; ეს ზღაპარი გაავრცელეს საზოგადოებაში და მწერლობაში ხალხის სისხლის მსმელმა მინისტრებმა და თვითმპყრობელი მეფის საზიზღარმა მოხელეებმა, ერთი მხრით, და ზოგიერთმა გულ-უბრყვილო ლიბერალებმა, მეორე მხრით. ხოლო ჩვენთვის-კი ცხადია, თუ როგორ იღვწის და ზრუნავს თვითმპყრობელი რუსეთის მტარვალი და მისი მოხელეები მშრომელ ხალხისათვის საზოგადოთ და გლეხ-კაცობისთვის კერძოთ. გავიდა რამდენიმე წელიწადი, სანამ პეტერბურგში ხიზნების შესახებ დებულებას ამტკიცებდნენ, და მხოლოდ 1891 წელს ელირსა მას ეს დამტკიცება. რა მისცა ამ დებულებამ დაინტერესებულ მხარეებს, ე. ი. ხიზნებს ერთი მხრით, და მემამულე-



ღებებს, მეორე მხრით? 1891 წლის დებულება ხიზნებზე აშკარათ გვეუბნება, რომ თვითმპყრობელ მთავრობას შესახებდავთ არც მწვა-  
დის დაწვა ნდომებია და არც შამფურის. თავისთავათ იგულისხმება,  
რომ მისი თანაგრძნობა მემამულეების მხარეზე უნდა ყოფილიყო,  
როგორც ყოველთვის; მაგრამ იმავე დროს მას უპირველესათ თავისი  
თავის დაცვა აქვს მხედველობაში. ამიტომ თვითმპყრობელ მთავრო-  
ბას ვერ გაუბედავს პირდაპირ ეთქვა ხიზნებისთვის: თქვენ უბრალო  
მოიჯარადრენი ხართ და ამიტომ, თუ მემამულეთა მიწაზე გასურთ  
იცხოვროთ, ვალდებული ხართ დაეპორჩილოთ ყველა მათ მოთხოვნი-  
ლებასო. მთავრობას უფიქრია: ვაი თუ ასეთმა პირდაპირმა განცხა-  
დებამ უკმაყოფილება გამოიწვიოს ხიზნებში; ამ უკმაყოფილებას,  
უქვევლია, ამათი საერთო აჯანყება მოყვება; ეს სიკვდილის დღის  
მოახლოვებას მოასწავებს, ამიტომ მთავრობამ მართალია ხიზნები  
არსებით მოიჯარადრეებათ იცნა, მაგრამ მემამულეების მიერ ღალის  
მომატება და მით უმეტეს მათი აყრა ზოგიერთ პირობებით შეზღუ-  
და; მაგალითათ, მემამულეს შეუძლიან აყაროს ხიზანი; მაგრამ მან  
უნდა დაითანხმოს იგი, თუ გინცობაა, ეს უკანასკნელი ნებაყოფლობით  
თანხმა არ გაუხდა, მაშინ მემამულეს უფლება აქვს ძალით აყაროს  
იგი; მაგრამ ამ შემთხვევაში მემამულე ვალდებულია ორკეცათ უზ-  
ლოს ხიზანს ყოველგვარი ხარჯი, რაც-კი ამ უკანასკნელს გაუწევია  
მემამულის მიწაზე. მთელ ამ დებულებაში ერთათ-ერთი მუხლი იყო,  
რომელიც რამდენიმეთ იფარავდა ხიზანს მემამულის აულაგმავი  
თვითნებობისაგან, მაგრამ წარმოიდგინეთ, რომ ამ უბრალო დათმობა-  
მაც-კი ააღელვა და შეამფოთა მემამულენი. როგორ თუ ჩვენ მთავრობა  
ვალდებულია გვხდის ორკეცათ ვუზლოთ ხიზნებს იმ ნაშენებ-ნაკეთე-  
ბისთვის, რომელიც იმათ ჩვენ მიწაზე გაუწევიათო? ეს ჩვენი დაღუპვა და  
გაძარცვააო? როგორ თუ მთავრობა ჩვენ ინტერესებს არ იცავს ღ ხიზნებს  
მომხრეობას უწევსო? მაშინვე გამართეს კრებები, შეადგინეს ღ გაგზავნეს  
თხოვნები და შუამდგომლობანი თავიანთ ინტერესების კვალობაზე  
და ბოლოს კიდევაც მიაღწიეს მიზანს: „მოწყალე“ ხელმწიფემ, ნი-  
კოლოზ მეორემ ყურად იღო მემამულეთა მოთხოვნილება და 1900  
წლის დებულებით ის მცირეოდენი მჭარველობაც წაართვა ხიზნებს,  
რომელსაც რამდენიმეთ უწევდა მათ 1891 წლის დებულება. 1900 წ.  
დებულებამ ხიზნები უბრალო მოიჯარადრეებათ იცნა; მემამულეს  
შეუძლიან, როგორც სურს მოუმატოს ღალას; თუ ხიზანი თანხმა არ  
გაუხდა შეუძლია აყაროს და, ამ შემთხვევაში მემამულე ვალდებუ-  
ლია უზლოს ხიზანს შენობების ღირებულება, მორჩა და გათავდა.  
1891 წლის დებულებას, რომელიც, როგორც დავინახეთ ცოტაოდენ  
მჭარველობას უწევდა ხიზნებს, დაქრთამული და პირ-მოთნე მოხე-



ლები უმაღლედნ და არ უმხელდენ ხიზნებს. სამაგიეროთ 1906 წლის დებულების შესრულებას-კი მაშინვე მიჰყვეს ხელი გახარებულმა მემამულეებმა, მაგრამ ამ დებულების განხორციელება ცხოვრებაში ძნელი გამოდგა; მთავრობის მოხელეთა და მიწათ-მფლობელთა ცემა-ტყება, კერძო აჯანყებანი და რამდენიმე მემამულეთა მოკვლა,—აი როგორ მიეგებენ ხიზნები ამ დებულების განხორციელების ცდას. ჯერ სამი წელიწადი ძლივს გავიდა ამ დებულების გამოქვეყნების შემდეგ, და მიუხედავად ამისა ამ მოკლე ხნის განმავლობაში ჩვენ მოწამენი ვიყავით მრავალ შეტაკებათა, ერთი მხრით მთავრობის და მიწათ-მფლობელთა და მეორეს მხრით ხიზნებს შორის, რომლებიც უმეტეს ნაწილათ სისხლის ღვრით თავდებოდნენ. და ეს ასეც უნდა მომხდარიყო! ახალმა დებულებამ ხიზნები გამოიწვია საომრათ. დღეს არც ერთი ხიზანი უზრუნველყოფილი არ არის, რომ ხვალ მას მემამულე არ ეტყვის: წადი, გამეცალე ჩემი მიწიდგან! რა უნდა ქნას მაშინ ხიზანმა? ადგეს და თავისი სისხლით და ოფლით მორწყული ყოველგვარი ნაშენები და ნაკეთები სრულებით მუქთათ უნდა დაუომოს მემამულეს და თითონ უნდა გადაესახლოს სხვაგან. მაგრამ სად?.. რა გასაკვირია, რომ ამას ადვილათ არ დათმობს ხიზანი; თუმც ამან სისხლის დაღვრა მოითხოვოს, რასაც მართლაც ვხედავთ ცხოვრებაში.

მაგრამ აქ არის ერთი საგულისხმიერო გარემოება. ამ შეტაკების დროს ხიზანი ძალა-უნებურათ იგებს, რომ მისი მტერი მარტო მემამულე კი არ არის, პირიქით მისთვის აშკარა ხდება, რომ მისი უმთავრესი მტერი არის ის, ვინც მხარს დაუჭერს მიწათ-მფლობელთა და სცემს კანონებს იმათ სასარგებლოთ. ამიტომ მისი ზიზლი და შურის-ძიება გადადის თვითმპყრობელ მთავრობაზე და მის მოხელეებზე. ხიზნების საქმეში რუსეთის დღევანდელმა მთავრობამ ნათლათ და აშკარათ დაამტკიცა, რომ იგი (მომხრობს და იცავს მხოლოდ მდიდრებს და კერძო მიწათ-მფლობელს. შრომელი ხალხი-კი მხოლოდ იმათ გასამდიდრებლათ და გასასუქებლათ მიაჩნია. ანაირათ იგი, ე. ი. მთავრობა, ნებსით და უნებლიეთ, თითონვე ლესავს იმ მახვილს, რომლითაც მას ყელი უნდა გამოსჭრან.

ჩვენ ზევით ვთქვით, რომ ბატონ-ყმობა ამიერ-კავკასიაში არსებობდა მხოლოდ ორ გუბერნიაში: ქუთაისის და ტფილისის. დანარჩენ გუბერნიებში: ე. ი. ბაქოს, ერევნის და განჯის, სადაც ცხოვრობენ სომხები და თათრები, ბატონ-ყმური წეს-წყობილება არ განვითარებულა. იქ ყოველგვარი მიწა-ადგილი, გარდა იმ მიწებისა, რომლებიც შეადგენენ ეზოს და რომლებიც ექირა სხვა-და-სხვა შენობებს, შეადგენდა მხოლოდ ერთი პირის, სახელდობრ სახელმწიფოს უფროსის, იმამის კუთვნილებას, ეს უკანასკნელი ნიშნავდა პროვინციების

გამგეგბათ ხანებს, ბეგებს, მელიქებს, ანუ ალაღარებს, ლებიც მათდა მინდობილობით პროვინციებში ვალდებულნი იყვნენ სახელმწიფოს უფროსისათვის მოეკრიბათ ხარჯი და სხვა-და-სხვა გადასახადი, ამ ნაირათ ეს ბეგები, მელიქები ალაღარები იყვნენ სახელმწიფოს უფროსის მიერ დაყენებული მოხელეები. ჯილდოთ ისინი ლებულობდენ პირდაპირ მიწის მოსავლიდან, იშვიათათ ფულით; ასეთი გადასახადის რაოდენობა ერთხელ და სამუდამოთ გარდაწყვეტილი იყო. გარდა ამისა, იმათ არ ჰქონდათ არავითარი უფლება არც მიწა-ადგილზე, რომლებიც მცხოვრებთა სარგებლობაში იყო, და არც თვით მცხოვრებთა პიროვნებაზე; ერთი სიტყვით, აქ ბატონყმურ ურთიერთობას ადგილი არ ჰქონებია. მაგრამ გარემოება შეიცვალა, როცა ეს ადგილები რუსეთის მთავრობამ დაიპყრო, თვითმპყრობელი მეფის მოხელეები აღზრდილნი ბატონ-ყმურ ნიადაგზე და გაქლენთილი ბატონ-ყმურ იდეებით, ყოველგან ბატონ-ყმურ წესწყობილებას ხედვიდენ. ამათი შეხედულებით, ბეგები, მელიქები და ალაღარები ნამდვილი მებატონეები იყვნენ; მიწაც და ყმებიც მათ ეკუთვნოდათ. ასეთი აზრი პირველათ კავკასიის მთავარ-მართველმა ერმოლოვმა წარმოსთქვა, და ამის შემდეგ ხსენებულ ადგილებში იწყო განვითარება ბატონ-ყმურ ურთიერთობამ. მაგრამ ასეთი ზომის სიყალბე მეტათ თვალ-საჩინო იყო და საკმარისი იყო სულ მცირე დაკვირვება, რომ ეს აღმოჩენილიყო: გასული საუკუნის მეორმოცე წლებში სენატორ განის რევიზიის წყალობით ეს შეხედულება უარყოფილი იქმნა, და კავკასიის მთავრობა ისევ იძულებული გახდა განკარგულება მოეხდინა, რომ ბეგებისათვის და მელიქებისათვის ჩამოერთვათ მიწები და ყმები, და ამის სანაზღაუროთ იმათთვის პენსიები დაენიშნათ. რა თქმა უნდა, რომ ეს არ მოეწონათ შემთხვევით გაბედნიერებულ ბეგებს და მელიქებს, და მთავრობას განუცხადეს თავისი უკმაყოფილება. მთავრობისათვის-კი ესენი იმ დროს უფრო საჭირო და გამოსადეგნი იყვნენ, ვინემ გლეხები, ვინაიდგან ამათი საშვალეობით მთავრობას ადვილათ შეეძლო ახალ-შემოერთებული ქვეყნების დამშვიდება და ხალხის დამორჩილება. ამიტომ საჭირო იყო ბეგების და მელიქების მომხრობა და მთავრობამაც დაუთმო მათ; ბეგების და მელიქების თავ-გამოდებულ მოსარჩლე შეიქმნა მტარვალ მეფის, ნიკოლოზ პირველის მოადგილე კავკასიაში, ცნობილი თავის „ლიბერალობით“, თავ. ვორონცოვი. მან აღძრა შუამდგომლობა თვითმპყრობელ მეფის წინაშე, რომ მთავრობის ინტერესებისათვის საჭიროა ბეგების და მელიქების მომადლიერება; ამიტომ მთავრობამ იმათ მინიჭებული უფლებები კი არ უნდა წაართვას, არამედ რაც შეიძლება კიდევ მეტი უფლებები მისცეს, გახადოს ისინი ნამდვილ მემამულეებათ და გლეხები-კი იმათ მიწებზე მოსახლეებათ. რა ვუყოთ

მერე, რომ ამით დაიჩაგრება ხალხი, სამაგიეროთ გაიმარჯვებს თვითმპყრობელობის საქმეო. ვორონცოვის აზრით, ამას თხოულობდა რუსეთის პოლიტიკა, ანუ თვითმპყრობელობის ინტერესი ამიერ-კავკასიაში. მტარვალ მეთუ მაშინვე დაეთანხმა თავის ერთგულ მოსამსახურეს და ხალხის მოღალატეს—ვორონცოვს. ნიკოლოზ პირველმა ისიც აღიარა, რომ ბეგებისათვის და მელიქებისათვის მიწის წართმევა დიდი შეცდომა იყო. ამნაირათ, ასე აშკარათ უსამართლობის ჩადენით ბეგები, მელიქები და აღალარები გამოაცხადეს იმ მიწების მესაკუთრეებათ, რომლებიც საუკუნოების განმავლობაში გლეხების ხელში იყო სასაგრებლოთ და ამათი ოფლით იყო განაყოფიერებული. მაგრამ ამავე დროს თვით გლეხები ვერ გამოაცხადეს ბეგების და მელიქების ყმებათ; ისინი სახელმწიფო გლეხებათ აღიარეს. ვის შეეძლო იმის ჩვენება რომ აქ აშკარა წინააღმდეგობა იყო: თუ გლეხები ყმები არ იყვნენ, როგორ მოხდა, რომ ისინი კერძო მემამულეთა მიწებზე იყვნენ დასახლებულნი? თუ ისინი სახელმწიფო გლეხები იყვნენ იმ შემთხვევაში ის მიწები, რომლებზედაც ისინი ესახლენ სახაზინო უნდა ყოფილიყო, თუ იმათი საკუთრება არა. ეს გლეხები ვარდა იმისა, რომ ხაზინის სასარგებლოთ დატვირთეს გადასახადებით, ვალდებული არიან მემამულეთა სასარგებლოთ იხადონ ღალა მიწის მოსავლიდან ერთი მეხუთედით და ერთ მეათედამდის.

ამ ნაირათ თვითმპყრობელმა მთავრობამ მოინდომა ბატონ-ყმური წესების შემოღება იქ (და რამოდენიმეთ კიდევაც შემოიღო), სადაც წინეთ ამის ხსენებაც არ ყოფილა, და ეს როდის? მეცხრამეტე საუკუნის ნახევარში, როცა ადამიანის ღირსების დამამცირებელი წესწყობილება ყველგან უარყოფილი და დაგმობილი იყო. იმის მაგივრათ, რომ შემდეგში მაინც შეესუსტებიათ ბატონ-ყმური წესები, მთავრობა მის განმტკიცებას და გამაგრებას ცდილობდა.—1861 წლის საგლეხო რეფორმა, ამ კატეგორიის გლეხებს სრულებით არ შეხებია. მხოლოთ 1870 წელს გამოიცა ამათ შესახებ ცალკე წესდება—„Поселянское положение“, რომელმაც დააკანონა ამ გლეხებისათვის დროებით ვალდებული მდგომარეობა, ე. ი. ამათ მიეცათ „ნადლეხები“ რომლების გამოყიდვის ნება მისცეს იმ წესებით, რა წესებითაც ეს მიენიჭათ ტფილისისა და ქუთაისის გუბერნიის დროებითი ვალდებულ გლეხებს. ამ დროებით ვალდებულებამ ჩამოაგდო იმათ შორის ნამდვილი ბატონ-ყმური ურთიერთობა. როგორც მკოდნე პირები ამტკიცებენ, ამ გლეხებში „ნადელის“ გამოყიდვის საქმე მეტათ საბრალო მდგომარეობაშია და იქ თითქმის ეს გამოყიდვის საქმე არცკი დაწყებულა. ვნახოთ ეხლა რა მდგომარეობაში არიან ამიერ-კავკასიაში სახელმწიფო გლეხები. რიცხვით ესენი უმე-





ტეს ნაწილს შეადგენენ ამიერ-კავკასიის გლეხ-კაცობისას. რაც შეეხება ამათ მდგომარეობას ესენი ბევრით არაფრით განსხვავდებიან სხვა კატეგორიის გლეხებისაგან. კავკასიის სახელმწიფო გლეხები არაფრით უზრუნველ-ყოფილი არ არიან, რომ მიწა ადგილებს, რომელიც ამჟამათ მათ სარგებლობაშია, ხვალ მთავრობა არ წაართმევს და არ უბრძანებს: სხვაგან გადაეთრიეთო. თუ დროებით ვალდებული გლეხები, ხიზნები და ის სახელმწიფო გლეხები, რომლებიც კერძო მემამულეთა მიწებზე არიან დასახლებულნი, მთავრობა, კერძო მემამულეთა სრულ თვითნებობას დაუმორჩილა, სამაგიეროთ ხაზინის მოხელეებს დაუმორჩილა სახელმწიფო გლეხები. არსებითათ სახელმწიფო გლეხები ხაზინის მოიჯარენი არიან, მთავრობას როცა უნდა მაშინ გადადენის სახელმწიფო გლეხებს სახაზინო მიწიდგან, ისე როგორც ამას კანონით ჩადიან დღეს კერძო მემამულენი. თავ. გიორგი თუმანოვი ამბობს, რომ სახელმწიფო გლეხები უბრალო მოიჯარადრეებს მოგვაგონებს, რომელნიც არაერთარი კანონით არ არიან უზრუნველ ყოფილნი, რომელიმე მოხელის თვითნებობისგან. მაშინ როცა შიდა გუბერნიებში სახელმწიფო გლეხებს ჯერ კიდევ 1867 წელს მიუზომეს „ნადელები“ და ფორმალურათ ნება მისცეს იმათი გამოსყიდვისა, ამიერ-კავკასიაში სახელმწიფო გლეხების მდგომარეობა არაფრით განსახლებრული არ არის. კანონით იმ სახელმწიფო გლეხების მიწები, რომელთაც არ მიუღიათ ეგრეთ წოდებული „სამფლობელო ბარათები,“ მთავრობის საკუთრებას შეადგენს და რაწამს თავის საჭიროებისათვის მოუნდება, იმ წამსვე შეუძლია გლეხი თავის მამა-პაპის დროიდან შეგუშავებულ და გაკეთებულ მიწა-ადგილიდან აყაროს და სადმე სხვაგან მიუჩინოს მას მაგიერი მიწა. როგორც ხედავთ სახელმწიფო გლეხების უზრუნველყოფელობა იმავე მდგომარეობაშია, როგორც დანარჩენ გლეხებისა. არიან ამიერ-კავკასიაში მესაკუთრე გლეხები; ესენი მეტ ნაწილათ ტფილისისა და ქუთაისის გუბერნიებში ცხოვრობს. ეს ის გლეხებია, რომელთაც დიდის ჭაპან-წყვეტითა და ვაი ვაგლახით მამასისხლათ, ე. ი. ერთი ათად და ოცად გამოიყიდეს მემამულესაგან თავიანთი ერთი ციდა ადგილები. ე. ი. გამოიყიდეს მემამულეთაგან თავისივე საკუთარი, თავისივე სისხლითა და ოფლით განოყივრებული მიწები. მაგრამ განა ამით მათ თავი დაახწიეს მემამულეთაგან დამოკიდებულებას? სრულიადაც არა! როგორც ვიცით „ნადელებათ“ მიუზომეს გლეხებს ის ადგილი რომელიც ბატონყმობის დროს იმათ სარგებლობაში იყო. მას შემდეგ თითქმის ორმოცი წელიწადი გავიდა და ხალხის რიცხვი თან-და-თან გაიზარდა. თუ მაშინ გლეხებისათვის ეს მცირე იყო, დღეს რაღა უნდა იყოს! ამას გარდა გლეხებისათვის ხომ არც ტყე და არც საძოვარი არ დაუტოვებიათ, ყველა ეს მემამულეთა ხელში დარჩა.


უამისოთ კი გლახებს განა ცხოვრება შეუძლიათ? და აი გლახეთუშკა მან ნადელი როგორც იყო გამოიყიდა მემამულესაგან და ამით ვითომც თავი დაიხსნა კიდევაც მისგან, მაგრამ აშკარაა, რომ მესაკუთრე გლახი—ნამდვილათ იმავე მემამულის პრქყალბეშია. ჩვენ აქ არაფერს ვანზობთ ეგრეთ წოდებულ რაიატებზე, ე. ი. იმ გლახებზე, რომელიც ცხოვრობენ დაღესტნის ოლქში, და რომელნიც რუსეთის დაფუძნებამდე თავისუფალ მცხოვრებათ ითვლებოდნენ, მხოლოდ მერმე პირდაპირ ბატონ-ყმურ დამოკიდებულებაში ჩაცვიდნენ. არიან ამას გარდა ამიერ-კავკასიაში სხვა სახელწოდების გლახებიც, მაგალითათ ერევნის გუბერნიაში, მაგრამ ყველას დასახელება აქ საჭირო არ არის. უმთავრესი ყურადღება მივაპყრათ ჩვენ ესლა იმას, რომ გლახკაცობა რუსეთის სახელმწიფო კანონებით ყველა მხრივ შეზღუდული და დამონებულია. ის ბატონ-ყმური ურთი-ერთობა, რომლის გაუქმებას ყველა ასე ჩაგვიჩინებს, ნამდვილათ კიდევ ცოცხალია. ორმოცი წლის განმავლობაში თვითმპყრობელი მთავრობა საშინლათ ატყვილებდა ხალხს, რომ მან ვითომც იგი გაანთავისუფლა ბატონ-ყმური ბოროკილისაგან. როგორც დავინახეთ ეს სიცრუე გამოდგა. დიდი-ხანია თქმულა, ხალხის განთავისუფლება მონობისაგან მხოლოთ მაშინ არის საიმედო, როცა ეს განთავისუფლება თვითონ ხალხისაგან მომდინარეობს, თვითონ ხალხის გულში მწიფდება.

თვითმპყრობელ მთავრობას არსად და არასოდეს ხალხი არ გაუნთავისუფლებია და ვერც გაანთავისუფლებდა; ამისათვის საჭირო იყო პირველათ ამ თვითმპყრობელობის დამხობა. ჩვენი ხალხის განთავისუფლებაც მხოლოთ მაშინ მოხდება, როცა რუსეთის თვითმპყრობელობა სამუდამოთ დაემხობა. ამას წინეთ ჩვენ წავიკითხეთ გაზეთებში, რომ მტარვალი მეფის მოადგილეს კავკასიაში, ხალხის სისხლის მსმელს გოლიცინს რალაც ცვლილების შემოღება განუზრახავს ამიერ კავკასიის გლახკაცობის შესახებ. რომ გლახების მდგომარეობა აუტანელი შეიქნა ჩვენში, ამის უარის ყოფა არავის არ ძალუძს; დადგა ის ნეტარი დრო, როცა ხალხმა თვითონ უნდა გაანთავისუფლოს თავის თავი. ამასაც გრძნობენ ხალხის მტრები—ე. ი. თვითმპყრობელი იმპერატორი და მისი მოსამსახურე მინისტრები, და მათ შორის კავკასიის მტარვალი გოლიცინი და აი ეს საზიზღარი მოხელე რალაც ოინებს და ხრიკებს იგონებს, ეგებ მონობის ჯაჭვის გაწყვეტა და ხალხისაგან შურისძიება რამდენიმე ხნით კედევ შეაჩეროს. ამ მიზნით ის ჩვენ გლახ-კაცობას პირდება „ვოლოსტებისა“ და „საგლახო უფროსობის“ შემოღებას, მაგრამ ამ არსებას დავიწყებია, რომ დღეს სხვა დრო დადგა და ასეთს თილისმით ხალხს ვეღარ მოატყუილებს.

ჩვენი გლახაკობა დღეს მეტათ ვაჭირვებულია, ამას დღეს ვერაინ ვერ უარყოფს. საქმე ის არის, თუ როგორ შესძლებს გლახაკობა ამ აუტანელ მდგომარეობიდან თავის დახწევას? რასაკვირველია თანამედროვე კაპიტალისტური წესწყობილების გამო გლახაკობა თანდათან იყოფა სამ ნაწილათ: უმცირესობას შეადგენს სოფლის ბურჟუაზია, ე. ი შეძლებული გლეხები, რომლებიც მიწა ადგილს იძენენ და ვაჭრობასაც მისდევენ: ესენი დღევანდელი ცხოვრების პირობებშიაც იოლად მიდიან. მეორე, უმრავლესობას შეადგენს ხელ-მოკლე გლეხები, რომელთაც მიწა ადგილი იმდენათ ცოტა აქვთ, რომ იძულებული არიან მემამულეებისაგან დალათ აიღონ, და მესამე ჯგუფს—გლეხები, რომელთაც ან სულ არ აქვთ და ან სულ მცირე, დანის პირის ოდენა საკუთრება შერჩენიათ და იძულებულნი არიან მოჯამაგირეებათ დაუდგენ მემამულეებს ან კიდევ სრულებით მოშორდნენ სოფლებს და ქალაქის მუშათ იქცენ, რაც უფრო ხშირდება.

მაგრამ მთელ გლახაკობას ცოტა თუ ბევრათ კისერზე აწევს თვითმპყრობელობისაგან ნაბოძები მემამულეთა პრივილეგიები. რუსეთის სოციალდემოკრატიული მუშათა პარტია იწვევს მთელ გლახობას შეუერთდეს ქალაქის პროლეტარიატს განმათავისუფლებელ ბრძოლაში და იბრძოლოს ბატონყმურ დარჩენილ ნაშთთა წინააღმდეგ და ამასთანავე თვითმპყრობელობის დასამხობათ. ეჭვს გარეშეა, რომ მთელი გლახობა მხარს არ დაგვიჭერს ბოლომდინ: თვითმპყრობელობის დამხობის შემდეგ სოფლის ბურჟუა-გლახობა მიემხრობა ქალაქის ბურჟუას და შეძლებულ თავად აზნაურობას; მხოლოდ სოფლის ღარიბი გლახაკობა დარჩება ჩვენთან ბოლომდინ!

კავშირის კომიტეტი.



პროლეტარებო ყველა ქვეყნისა, შეერთდით!

# ც ნ მ ბ ა

უმცირეს-უმრავლესობის საერთო-სარუსეთო

კონფერენციებზე.

გ ა მ ო ც ე მ ა

ქავკასიის კავშირის კომიტეტისა.

ს ტ ა მ ბ ა კ ა ვ შ ი რ ი ს ა

1 9 0 6

## ცნობა უმცირეს-უმრავლესობის საერთო-სარუსეთო კონფერენციებზე.

ორ წელიწად ნახევარი მიდის მას მერე, რაც ჩვენი პარტია ორ ფრაქციით გაიყო, უმცირესობათ და უმრავლესობათ. პარტიის წევრობა და ორგანიზაციათა ურთიერთული განწყობილება, — აი რა კითხვებმა გაჰყო ორათ ჩვენი პარტიული ამხანაგები. ცოტა ხნის მერე ყველა ამას ტაქტიკური უთანხმოებაც მოემატა, — და პარტიულმა განხეთქილებამ საშიშარი სახე მიიღო. არ იფიქროთ, რომ ვისიმე ბოროტულ განზრახვას ვაყეოს ორათ ჩვენი პარტია, — პირიქით — თუ გრძნობებზე მიდგება საქმე, ჩვენ ვიტყვი, რომ ბოროტულმა განზრახვამ კი არა, — პროლეტარიატისადმი სიყვარულმა გააშორა ერთმანეთს ძმათ შეფიცული ამხანაგები: ორივე ფრაქცია ისე დაწმუნებული იყო თავ-თავიანთ პოზიციის სიმართლეში, რომ ერთ-ერთის დამარცხება და მეორის გამარჯვება პარტიის წმინდა საქმეთ ითვლებოდა; ცხადია, ვისაც პროლეტარიატი უყვარდა, ის თვალებს ვერ დახუჭავდა და აუცილებლათ ერთ-ერთ ფრაქციას მიემხრობოდა, რომ აქტიური მონაწილეობა მიეღო პარტიულ ბრძოლაში... მაგრამ დრო მიდიოდა, რევოლუციონური ქარტეხილი გონებას აფხიზლებდა, სადაო კითხვები ღრმა პრაქტიკულ ხასიათს იღებდა და თანდათან ირკვევოდა, რომ ფრაქციებ შორის არც ისე დიდი მანძილი ყოფილა, რომ ისინი, პირიქით, დღითი-დღე ერთმანეთს უახლოვდებიან და ჩქარა ერთ პარტიათაც შეერთდებიან. და აი, 1905 წლის ბოლოში ორივე ფრაქციის ცენტრებმა ფრაქციული კონფერენციები მოიწვია, რომ შეერთების პირობები შეემუშაებინათ და მით საძირკველი ჩაეყარათ ერთი და განუყოფელი პარტიისათვის. მოხდა ის, რაც უნდა მომხდარიყო: ორივე კონფერენციამ აღნიშნა შეერთების აუცილებლობა და, რაც უფრო საინტერესოა, ორივემ ერთნაირი პირობები შეამუშაუა პარტიული შეერთებისთვის. ერთიც და მეორეც იმ აზრისაა, რომ პარტია — სოციალდემოკრატიული ორგანიზაციათა კრებულია, რომელთა წევრებიც იმავე დროს პარტიის წევრებათ უნდა ითვლებოდნენ; ერთიც და მეორეც იმ აზრისაა, რომ დაბალი ორგანიზაციის გადაწყვეტილება, თუ კი ის მაღალი ორგანიზაციის გადაწყვეტილებას ეწინააღმდეგება, სისრულეში არ უნდა იქნეს მოყვა.



ნილი. რა თქმა უნდა, დაბალ ორგანიზაციებს ყოველთვის შეუძლებელია მაღალი ორგანიზაცია გამოსცვალონ და სხვა აირჩიონ, მარა სანამ ეს არ უქნიათ, სანამ ესა თუ ის მაღალი ორგანიზაცია არ გამოუცვლიათ, მისი გადაწყვეტილება სავალდებულოა დაბალი ორგანიზაციებისთვის. ამავე დროს გადაჭრით მიღებულ იქმნა საარჩევნო სისტემა. ყველა ამით სამუდამოთ დამტკიცდა დემოკრატიული ცენტრალიზმის აუცილებლობა.

აი რა პირობები გამოიიშუშავეს ჩვენი პარტიის შეერთებისთვის.

რაც შეეხება სრული შეერთების დამთავრებას და ტაქტიკურ კითხვებს, მათი გადაჭრა შემეერთებელმა სივხდმა უნდა იკისროს, რომელიც ამ მოკლე ხანებში გაიხსნება. ასეთია ორივე კონფერენციის შეხედულება.

ამხანაგებო! განხეთქილების ხანა უკვე ისტორიას ბარდება: ორივე ფრაქციის ცენტრები უკვე შეერთდნენ; ადგილობრივი ორგანიზაციების შეერთება თითქმის უკვე მოთავებულა რუსეთში; დარჩა მარტო კავკასია, რომელიც მხოლოდ ამ ბოლო ხანებში შეუდგა (ბაქოში და ტფილისში\*) შეერთების საქმეს,—ვეცადნეთ და დავაჩქაროთ ეს საყვარელი საქმე კავკასიის სხვა ადგილებშიაც. მტერი კარს მოგედგომია და ჩვენთვის დრო ძვირია!

**გაუმარჯოს ერთსა და განუყოფელ რუსეთის  
სოციალდემოკრატიულ მუშათა პარტიას!  
კაკ კავშ. კომიტეტი.**

## უმრავლესობის საერთო-სარუსეთო კონფერენციის რეზოლიუციები.

### 1. ცენტრების შეერთებაზე.

პარტიის პრაქტიკული შეერთებისთვის კონფერენცია წინადადებას იძლევა დაუყონებლივ და ერთდროულათ მოხდეს პრაქტიკული და იდეური ცენტრების შეერთება თანასწორი წარმომადგენლობის ნიადაგზე. რედაქციის წევრებს შეუძლიანთ იმავე დროს პრაქტიკული ცენტრის წევრებათაც ითვლებოდნენ.

რედაქცია უნდა ხელმძღვანელობდეს პრაქტიკული ცენტრის დირექტივებით. რედაქცია ყოველთვის ვალდებულია ადგილი მისცეს

\*) როგორც ვიცით, ტფილისში დღეს უმრავლეს-უმცირესობის შეერთებული კომიტეტი მოქმედობს, რომელსაც ეწოდება „ტფილისის კომიტეტი რუსეთის სოციალდემოკრატიული მუშათა პარტიისა“; ენათივე შეერთებული კომიტეტი მოქმედებს ბაქოში.



ორგანოში რედაქტორთა მესამედის განსაკუთრებულ შეხედულობას და უფლება აქვს ამ შეხედულობას თავისი რედაქციონური შენიშვნა გაუკეთოს. \*)

## 2. ადგილებში შეერთებაზე.

კონფერენცია აცხადებს თავის სურვილს—დაუყონებლივ დაიწყოს ადგილობრივი ორგანიზაციების (პარალელური ორგანიზაციების) შეერთება.

## 3. შემაერთებელი სიეზდის მოწვევაზე.

შეერთებული ცენტრალური კომიტეტი და ორგანიზაციონური კომისია, ან, თუ შეერთება ვერ მოხდება, \*\*) მათი ფედერატიული საბჭო ვალდებულია გამოაცხადოს შემაერთებელი სიეზდის მოწვევა იმ აზრით, რომ ეს სიეზდი რაც შეიძლება ჩქარა გაიხსნას. წარმომადგენლობა შემაერთებელ სიეზდზე ამრჩევლობითი და პროპორციონალური უნდა იყვეს. დელეგატების არჩევაში პარტიული ორგანიზაციების ყველა წევრები იღებენ მონაწილეობას პირდაპირი და დახურული კენჭის ყრით. პარტიის სამასი წევრი თითო დელეგატს გზავნის. იმ დამოუკიდებელ ორგანიზაციებს, რომლებშიაც სამასზე ნაკლები, მარა ასზე მეტი პარტიის წევრია—უფლება ეძლევა ერთი დელეგატი გაგზავნოს. იმ დამოუკიდებელ ორგანიზაციებს, რომლებშიაც ასზე ნაკლები, მარა ორმოცდა ათზე მეტი პარტიის წევრია—უფლება აქვთ ერთი დელეგატი გაგზავნონ სათათბირო ხმით. არჩევნების დროს დელეგატებმა ტაქტიკური პლატფორმები უნდა წამოაყენონ, ხმების შეერთება რომლებიც შეკრებილია სხვა და სხვა ადგილებში და რაიონებში, შესაწყნარებელია მხოლოდ იმ შემთხვევაში, თუ ეს რაიონები შეერთებულია ერთი ადგილობრივი ცენტრის გარშემო.

**შენიშვნა პირველი:** ის ამხანაგები, რომლებიც შემაერთებელ სიეზდზე განცხადების შემდეგ შევლენ პარტიაში, მონაწილეობას არ იღებენ დელეგატების არჩევანში.

**შენიშვნა მეორე:** დელეგატებს სიეზდზე ერთი ხმის მეტი არ უნდა ჰქონდეთ. არა უგვიანეს სამი კვირისა მას შემდეგ, რაც სიეზდზე განცხადება გამოქვეყნდება, შეერთებულმა ცენტრმა უნდა გამოსცეს დაწვრილებითი საარჩევნო წესდება და სიეზდის დღის წესი,

\*) ეს რეზოლიუცია საერთოდ უკვე გავიდა ცხოვრებაში, რადგანაც კონფერენცია ჯერ არც კი იყო გათავებული, რომ იდეური და პრაქტიკული ცენტრები უკვე შეერთდნენ.

\*\*) ჩვენ უკვე მოვიხსენეთ, რომ შეერთება მოხდა.



ხაზგასმით, რომ სიეზდი სავალდებულოა პარტიის ყველა წევრებისათვის. ყველა ორგანიზაციასთან, რომელშიაც კი ას პარტიულ წევრზე მეტია, უნდა დაარსდეს საარჩევნო კომისია, სადაც უნდა იკრებოდეს კითხვები პარტიის წევრების მიღებაზე და საარჩევნო წესებზე. კომისია უნდა აირჩეს ხმის უმეტესობით: კომისიაში აუცილებლათ უნდა იყვეს მცირე ნაწილის წარმომადგენელიც. იქ, საცა პარალელური ორგანიზაციები სიეზდამდის ვერ შეერთდება, საარჩევნო კომისიაში ორივე მხარე გზავნის წარმომადგენლების თანასწორ რიცხვს. ყველა ის სადავო საარჩევნო კითხვები, რომლებსაც საარჩევნო კომისია ვერ გადასჭრის, შეერთებულმა ცენტრმა უნდა გადასჭრას.

#### 4. პარტიის რეორგანიზაციაზე.

კონფერენცია ემყარება დემოკრატიული ცენტრალიზმის პრინციპს და საჭიროთა სცნობს გატარებულ იქნას პარტიაში ფართე არჩევნები; ამავე დროს არჩეულ ცენტრებს, რომლებიც დროგამოშვებით უნდა იცვლებოდეს და რომლებიც სრულს ანგარიშს უნდა აძლევდნენ ამრჩევლებს თავის მოქმედებისას, — სრული უფლება უნდა ჰქონდეთ იდეური და პრაქტიკული ხელმძღვანელობისა.

ადგილობრივ მუშაობის გამოცოცხლებისა და გაერთიანებისთვის კონფერენცია წინადადებას იძლევა გაიმართოს საოლქო კონფერენციები და კავშირები შესაფერისი ორგანოებით.

კონფერენცია წინადადებას აძლევს ყველა პარტიულ ორგანიზაციებს დაუყონებლივ შეუდგნენ ადგილობრივი ორგანიზაციების რეორგანიზაციას საარჩევნო ნიადაგზე; საჭირო არაა, რომ ყველგან სრულ ერთნაირობით ხდებოდეს არჩევნები, მარა სრული დემოკრატიზმისაგან გადახვევა (მაგალითათ ორსართულიანი არჩევნები) შესაწყნარებელია მხოლოთ იმ შემთხვევაში, თუ პრაქტიკული პირობები აუცილებლათ ხდის ამ გადახვევას.

#### 5. აგრარულ კითხვაზე.

კონფერენცია აღიარებს, რომ გლეხთა მოძრაობის განვითარება სავესებით ამართლებს რევოლიუციონური მარქსიზმის ძირითად შეხედულობას როგორც რევოლიუციონურ ხასიათზე, ისე ნამდვილ საზოგადოებრივ-ეკონომიურ შინაარსზე ამ მოძრაობისა, რომელიც არღვევს ბატონყმობის ნაშთებს და ამყარებს სოფელში თავისუფალ ბურჟუაზიულ ურთიერთობას. კონფერენცია ფიქრობს, რომ ჩვენი პარტიის აგრარული პროგრამა ამაიჩათ უნდა შეიცვალოს:





„ჩამონაჭრების“ პუნქტი გამოირიცხოს და მის მაგიერ ჩაემატოს, რომ პარტია მხარს უჭერს გლეხკაცობის ყველა რევოლუციონურ ღონისძიებას ვიდრე კონფისკაციამდე (მიწების ჩამორთმევა) სახელმწიფო, საეკლესიო, სამონასტრო, საუფლისწულო და კერძო პირების მიწებისა; ამავე დროს პარტია თავის მუდმივ და უდიდეს მიზნათა სცნობს შეაერთოს სოფლის პროლეტარიატი დამოუკიდებელ ორგანიზაციათ, აუხსნას მას მისი და სოფლის ბურჟუაზიის ინტერესთა შეურიგებლობა და მიუთითოს მას საბოლოო სოციალისტურ მიზანზე, მხოლოდ რომლის განხორციელებასაც შეუძლია მოსპოს ყოველივე მალაღაბლობა და ექსპლუატაცია.

კონფერენცია აცხადებს სურვილს, რომ პარტიის აგრარული პროგრამიდან გამოირიცხოს პუნქტი გამოსასყიდი ფულების დაბრუნებაზე და იმის შესახებ, რომ ამ ფულებიდან შესდგეს ცალკე სასოფლო ფონდი\*). ხოლო კონფისკაციის მოთხოვნა გადატანილ იქნას მეორე პუნქტში.

#### წ. სახელმწიფო სათათბიროზე.

თვითმპყრობელი მთავრობა 17 ოქტომბრის მერე დღითი-დღე ჰქელავდა ძირითად პოქალაქობრივ თავისუფლებას, რომელიც პროლეტარიატმა მოიპოვა. მთავრობამ სისხლით მორწყო მთელი რუსეთი, ის ზარბაზნებითა და ტყვიის-მტყორცნელებით ეგებება თავისუფლებისათვის მებრძოლ მუშებს, გლეხებს, სალდათებს და მატროსებს, მთავრობა მასხარათ ივლებს ხალხის მიერ წამოყენებულ მოთხოვნას დამფუძნებელ კრებაზე, 11 დეკემბრის კანონით ცდილობს ერთხელ კიდევ მოატყუოს პროლეტარიატი და გლეხკაცობა და მით რამოდენიმეთ მაინც დაავიანოს თავისი საბოლოო დამარცხება. 11 დეკემბრის კანონი ფაქტიურათ სახელმწიფო სათათბიროს კარებს უკეტავს პროლეტარიატს და გლეხკაცობის უმეტესობას და ცდილობს სხვა და სხვა პოლიციური ხრიკებით თაობითვე უზრუნველჰყოს სათათბიროში ექსპლუატატორულ კლასთა ხულიგანური ელემენტების ბატონობა.

კონფერენცია დარწმუნებულია, რომ რუსეთის შეგნებული პროლეტარიატის პასუხი ამ კანონზე სასტიკი ბრძოლა იქნება როგორც ამნაირ, ისე სხვა ყველანაირ ყალბ წარმომადგენლობასთან.

კონფერენცია ფიქრობს, რომ სოციალდემოკრატია უნდა ცდილობდეს დაანგრეოს ეს პოლიციური სათათბირო და უარჰყოს ყოველგვარი მონაწილეობა მასში.

\*) ამ წინადადების აზრი იმაში შესდგება, რომ თუ გლეხობა მთელ მიწების აართმევს, და არა მარტო „ჩამონაჭრებს“, მაშინ გამოსასყიდი ფულების დაბრუნებას ყოველივე შინაარსი ეკარგება. კავშ. კომ.



კონფერენცია წინადადებას აძლევს პარტიული ორგანიზაციების— ისარგებლონ საარჩევნო კრებებით იმისთვის კი არა, რომ პოლიციურ ხრიკებს დაემორჩილონ და მონაწილეობა მიიღონ სათათბიროს არჩევნებში, არამედ იმისთვის, რომ გააფართოვონ პროლეტარიატის რევოლუციონური ორგანიზაცია და აგიტაცია გასწიონ ხალხში შეიარაღებული აჯანყებისთვის.

აჯანყება დაუყოვნებლივ უნდა მზადდებოდეს და ეწყობოდეს, რადგანაც მხოლოდ აჯანყების გამარჯვებას შეუძლიან შექმნას ნიადაგი ნამდვილი ხალხის წარმომადგენლობის მოწვევისა, ე. ი. თავისუფლათ არჩეულ დამფუძნებელი კრების მოწვევისა, რომელიც შემდგარი იქნება საყოველთაო, თანასწორი, პირდაპირი და დახურული კენჭის ყრით.

## უმცირესობის საერთო-სარუსეთო კონფერენციის რეზოლიუციები.

### 1. პარტიის წევრობაზე.

რ. ს. დ. მ. პარტიის წევრათ შეუძლია იყოს ყველას, ვინც ა) აღიარებს მის პროგრამას, ბ) მონაწილეობას იღებს ერთ-ერთ პარტიულ ორგანიზაციაში, გ) რეგულიარულათ შეაქვს ფული ორგანიზაციის კასაში.

### 2. პარტიის ორგანიზაციაზე.

რუსეთის სოციალდემოკრატიული მუშათა პარტია უნდა შედგენილი იქნეს დემოკრატიული ცენტრალიზმის პრინციპის თანახმად.

პარტიულ დაწესებულებათა არჩევნებში მონაწილეობას იღებენ პარტიის ყველა წევრები. პარტიის ყველა დაწესებულება ირჩევა ვადით, იცვლება და ვალდებულია ანგარიში წარადგინოს პერიოდულათ და ვადის გარეშე მათი ამომრჩეველ ორგანიზაციების მოთხოვნისამებრ.

ხელმძღვანელ კოლექტივების გადაწყვეტილებანი სავალდებულოა იმ ორგანიზაციების წევრთათვის, რომელთა ორგანოებათაც ეს კოლექტივები ითვლება. როცა ორგანიზაცია მოქმედობს, როგორც ერთი მთელი (სიეზდები, რეორგანიზაცია), საჭიროა ორგანიზაციის ყველა წევრების გადაწყვეტილება.

დაბალ ორგანიზაციების გადაწყვეტილება, რომელიც ეწინააღმ-



დევება მაღალ ორგანიზაციათა გადაწყვეტილებას, არ შეიძლება სისრულეში მოყვანილ იქნას.

ორგანიზაციის საფუძველია პარტიული კავშირი, რომელიც ან მხოლოდ ერთია ამა თუ იმ ადგილას ანდა განიყოფება რაიონულ და პოდრაიონულ კავშირებათ. რაიონული და პოდრაიონული კავშირები ავტონომიურია თავიანთი მოქმედების ფარგალში.

საზოგადო პარტიულ სიეზდებზე არჩევნებში მონაწილეობას იღებენ პარტიის ყველა წევრები—პირდაპირი კენჭის ყრით და დელეგატებს სიეზდისათვის ირჩევენ ორგანიზაციები მათი წევრების რიცხვისდა კვალად. რამდენიმე ხმა ერთ წევრს სიეზდზე არ მიეცემა. სიეზდის განსახილველი კითხვები უნდა წინდაწინვე ეუწყოს ორგანიზაციებს, რომ მათ შეეძლოთ ამ კითხვების წინდაწინვე განხილვა.

### 3 უმცირესობის და უმრავლესობის ფრაქციების შეერთებაზე.

ა) კონფერენცია აუცილებელ საჭიროებათ ცნობს დაუყონებლივ შეერთდენ ადგილობრივი „უმცირესობის“ და „უმრავლესობის“ ყველა ორგანიზაციები დემოკრატიული ცენტრალიზმის საფუძველზე. რადგანაც კონფერენციას „უმცირესობის“ და „უმრავლესობის“ ადგილობრივი ორგანიზაციების შეერთება უსაჭიროეს პირობათ მიაჩნია შემაერთებელ სიეზდის ნაყოფიერებისათვის, ამიტომ ის მოუწოდებს „უმრავლესობის“ და „უმცირესობის“ ყველა ორგანიზაციებს დაუყონებლივ შეერთდენ და ანდობს თავის მიერ შედგენილ ცენტრალურ დაწესებულებას მანაც თავის მხრივ ხელი შეუწყოს ამ შეერთებას.

ბ) კონფერენციას აუცილებელ საჭიროებათ მიაჩნია დაუყონებლივ შეუდგეს შემაერთებელ სიეზდის მზადებას, რომლის მთავარი მიზანია—პარტიული განხეთქილების გაუქმება.

კონფერენცია ეწინააღმდეგება ფრაქციების თანასწორ წარმომადგენლობას შემაერთებელ სიეზდზე, რადგან ასეთ წარმომადგენლობას შეუძლია ორ ნახევრად გაჰყოს სიეზდი და მით ავნოს შეერთების საქმეს.

კონფერენციას აუცილებელ საჭიროებათ მიაჩნია, რომ თვითეულ ადგილიდან დელეგატების რიცხვი შეეფერებოდეს პარტიის წევრთა რიცხვს, იმის მიუხედავათ, თუ რომელ ფრაქციას ეკუთვნიან ეს წევრები.

ამიტომ იმ ადგილებში, საცა არჩევნების დროს „უმრავლესობის“ და „უმცირესობის“ ორგანიზაციები ჯერ ისევ შეუერთებელი იქნება, კონფერენცია წინადადებას იძლევა გაიმართოს საზოგადო საარჩევნო კრებები.



უმცირესობის უფლების უზრუნველსაყოფელათ კონფერენციაში საჭიროთ მიაჩნია ცალკე წარმომადგენლობის უფლება მიეცეს უმცირესობას, იმ შემთხვევაში, თუ მან მიიღო იმ ხმის უმეტესობის არანაკლებ ორი მესამედისა, რომელიც დელეგატის გაგზავნის უფლებას იძლევა.

გ) პრაქტიკულ ცენტრების შეერთება შესაძლებელი და აუცილებლათ საჭიროა, როგორც პოლიტიკურ ხელმძღვანელობის გასაერთიანებლათ, ისე ადგილობრივი ორგანიზაციების შეერთების ხელსაწყობათ და შემაერთებელ სიეზდის შესამზადებლათ.

პრაქტიკულ ცენტრების შეერთება აუცილებლათ საჭირო და შესაძლებელია იმის მიუხედავად. მოხდება თუ არა ლიტერატურულ ორგანოების შეერთება.

დ) შეერთება ორივე პრაქტიკულ ცენტრისა წარმოებს ორივე ფრაქციისათვის თანასწორ საფუძველზე. თუ შეერთებულ ცენტრის შედგენის დროს ორგანიზაციონ. კომისიის წევრთა რიცხვი ნაკლები აღმოჩნდა, ვიდრე „უმრავლესობის“ ცენტრალურ კომიტეტის წევრთა რიცხვი, მაშინ ორგანიზაციონ. კომიტეტი შეავსებს საჭირო რიცხვს იმ კანდიდატებისაგან, რომლებიც კონფერენციაზე არჩეულ იქნენ მათ მიერ მიღებულ ხმების რაოდენობის და კვალათ: ხოლო თუ კანდიდატები აღარ აღმოჩნდნენ, ორგან. კომისიას უფლება ეძლევა წევრები კოოპტაციით მიიღოს. ამ სახით შედგენილი კოლეგია წარმოადგენს კოლექტივს, რომელიც გადაწყვეტილებას უბრალო ხმის უმეტესობით იღებს. შეერთებულ პრაქტიკულ ცენტრს კოოპტაციის უფლება ეძლევა ახალ წევრთა მისაღებათ მხოლოდ იმ წევრთა სამაგიეროთ, რომლებიც რაიმე მიზეზის გამო გამოაკლდებიან მას. კოოპტაცია წარმოებს ხმის უმეტესობით.

ე) ცენტრალურ ორგანოს წევრები იმავე დროს არ შეიძლება იყონ პრაქტიკულ ცენტრის წევრებათაც.

ვ) კონფერენციას სასურველათ მიაჩნია ერთი ცენტრალური ორგანოს შექმნა და აუცილებელ საჭიროებათ რაცხს დააკისროს შეერთებულ ცენტრს ყოველი ლონე იღონოს, რომ დაუყონებლივ შეადგინოს ცენტრალური ორგანოს ერთი რედაქცია, ამასთან საჭიროთ მიაჩნია, რომ „უმცირესობა“ არ შეეცადოს მეტი თავისი მომხრეები გაიყვანოს რედაქციაში.

კონფერენცია წინადადებას აძლევს „უმრავლესობის“ ფრაქციას მისცეს შეერთებულ ცენტრის თავის ნაწილს ზემო აღნიშნულ რეზოლიუციების შესაფერი წინადადებანი.



# ს ა რ ჩ ე ვ ი:

	83-
1. საქართველოს კომპარტ. ყველა ოლქკომებს და მაზრკომებს	3
2. პარტიის ყველა წევრებს (მოწოდება)	4
1. რ. კალაძე—მუშათა ქართული ჟურნალ-გაზეთის ისტორია (80—90) წ. წ.	5
2. ს. თალაკვაძე—საქართველოს რევოლუციონური მოძრაობის წარსული, 1870—1905 წ. (პირველი ნაწილის დასასრული)	19

## 2-ე განყ. მოგონებები:

1. ფ. მახარაძე—კომპარტიის ისტორიისათვის ამიერ-კავკასიაში (პირადი მოგონებანი რ. კ. პ. არსებობისა და ბრძოლის 25 წლის გამო)	39
2. მ. ცხაკია—რუსეთის კომპარტიის არსებობის 25 წლის თავი (მოგონებანი)	69
3. ფ. მახარაძე—როგორ გავხდი მარქსისტი (დასასრული)	75
4. კ. ცინცაძე—ჩემი მოგონებანი (1903—1920 წ. წ.)	107
5. ნ. ალაჯაროვისა—ჩემი არა-ლეგალური სტამბა	123
6. ს. თოდრია—ალიონიდან გათენებამდე (პირადი მოგონებები)	127
7. გ. ცაბაძე—ჩემი მოგონებებიდან (1890—1905 წ. წ.)	140
8. რ. ფანცხავა—ჩემი მოგონების ნაწყვეტი	150

## 3-ე განყ. ავტობიოგრაფიები:


I. რაჟდენ კალაძე	155
II. იოსებ ხინონიხ-ძე მორჩილაძე	160
III. ვარლამ ძნელაძე	162

## 4-ე განყ. რევოლუციის მსხვერპლთა ხსოვნას:

1. ვანო სტურუა—ამხ. ვასო სტურუა (დაღუპული 1905 წ. ბრძოლებში)	167
2. სეფე ცინცაძე—ამხ. იესე (პეტრე) ცინცაძე (1905 წ. ნაძალადეგში მოკლული ცხრათა შორის)	172
3. მ. ინჭკირველი—სტეპკო ინჭკირველი (მოკლე ბიოგრაფია)	175

ნ-ე განყ. პირტიული არქივი.

1. თ. კალანდაძე—რა ვაკეთოთ? (გურულ ამხანაგებს) . . .	177
2. ზ ჩოდრიშვილი—კატორღეღებს ყოფა-ცხოვრებიდან (მო- წერილი ნიკოლაევის ციხიდან 1914 წ.) . . . . .	187
3. საბრალმდებლო აქტი თომა ამბაკოს-ძე ჩუბინიძეზე (ქან- დარმერიის არქივიდან) . . . . .	193
4. „ბრძოლა“ № 4, რუს. ს.-დ. მ. პ. (ორგანო ქართველ სოციალ- დემოკრატთა კავშირისა. 1902 წ. დეკემბერი) . . . . .	198
5. გღეხკაცობის მდგომარეობის შესახებ ამიერ-კავკასიაში („პროღეტარიატის ბრძოლა“ № 7, 1904 წ.) . . . . .	227
6. ცნობა უმცირეს-უმრავღესობის საერთო სარუსეთო კონფე- რენციაზე (ბროშიურა გამოცემული კ. კ. რ. ს. დ. მ. პ.)	239



საქართვე. კომ. პარტ. ცენტრალური კომიტეტის

## გამოცემანი:

დაიბეჭდა და გამოვიდა:

1. ლ. ტროცკი—იმპერიალიზმისა და რევოლიუციის შუა.
2. ა. ბოგდანოვი—მოკლე კურსი ეკონომიური მეცნიერებისა.
3. ე. ბლონინა—მუშა-ქალი ინტერნაციონალში.
4. კ. მარქსი—საქიროაო შრომა და კაპიტალი.
5. ი. სტეპანოვი—ნარკვევი რელიგიურ რწმენათა განვითარებიდან.
6. ზ. ლილინა—კომუნისტური ოჯახიდან კომუნისტურ საზოგადოებისაკენ.
7. რევოლიუციები რ. კ. პ. მე-12 კონფერენციისა.
8. რ. სოხნოვსკი—(რუსეთი).
9. ნ. ბუხარინი—სკოლა და ეკლესია საბჭოთა რესპუბლიკაში.
10. ვ. ნევსკი.—დღესასწაულები ქრისტიანული დ მუშურ-გლეხური.
11. გ. ჩიჩერინი—ნარკვევი ახალგაზრდათა ინტერნაციონალის ისტორიიდან.
12. ლ. ტროცკი.—ოქტომბრის რევოლიუცია.
13. გ. ზინოვიევი—მე-III კომუნისტური ინტერნაციონალი.
14. ი. სტეკლოვი—ისტორია მუშათა მოძრაობისა.
15. ბატურიანი—ნარკვევი სოციალ-დემოკრატიის ისტორიისა რუსეთში, ოლმინსკის წერილით 1905—1914 წლამდე.
16. ქვეყნიერების გაჩენა და განვითარება.
17. პავლოვი—წარმოშობა მუშათა კლასისა რუსეთში და მისი პირველი ნაბიჯები.
18. კომუნისტური ინტერნაციონალის მე-4 კონგრესი (უმთავრეს მოხსენებათა კრებული).
19. ნ. ლენინი—კარლ-მარქსი.
20. ვ. ლიბკნეხტი—მოგონებანი მარქსის შესახებ.
21. კ. ნოვიცკი (პეტროვინი)—როგორ ჩამოაგდეს მეფე 1917 წ. რუსმა მუშებმა და ჯარის კაცებმა.



22. ი. ვარდინი — პოლიტიკური პარტიები რუსეთის რევოლუციური მოძრაობის ისტორიაში.
23. ა. ლოგინოვი — მეცნიერება და საღმრთო წერილი.
24. პროზაგანდისტის თანამგზავრი (ისტორია ქვეყნის გაჩენისა, პოლიტიკური ეკონომია და რევოლუციური მოძრაობის ისტორია).
25. პროფ. გურვიჩი — საბჭოთა კონსტიტუციის საფუძვლები.
26. კ. ნოვიცკი (პეტროვიჩი) — მეფის თვითმპყრობელობიდან პროლეტარიატის დიქტატურამდე.
27. ი. ალექსეევი — ცხოველთა და ადამიანთა წარმოშობა.
28. ფ. მერინგი და პ. ლაფარგი — ფრ. ენგელსი.
29. მარქსი და ენგელსი — კომუნისტური მანიფესტი (დ. რიაზანოვის კომენტარებით.)
30. პ. ლაფარგი — კაპიტალის სარწმუნოება.
31. დ. რი კეკრევი — ცოცხალი მანქანა (როგორ უნდა ვმუშაობდეთ).
32. პროფ. სვიატლოვსკი — ნარკვევი ანარქიზმის შესახებ
33. ე. იაროსლავსკი — როგორ იბადებიან ღმერთები.
34. პ. სტუჩკა — რევოლუციონური როლი სამართლისა და სახელმწიფოსი..

ი ბ ე ქ დ ე ბ ა :

35. ნ. ბუხარინი — იმპერიალიზმი და მსოფლიო მეურნეობა.
36. გ. აუნოვი — წარმოშობა რელიგიისა და ღვთისადმი რწმენისა.
37. გ. პლენანოვი — მარქსიზმის ძირითადი საკითხები.
38. ნ. ბუხარინი — თეორია ისტორიული მატერიალიზმისა.
39. პ. სტუჩკა — მეცნიერება რ. ს. ფ. ს. რ. სახელმწიფოსა და კონსტიტუციაზე.
40. გ. დევილი — მეცნიერული სოციალიზმი.
41. ი. სტალინი. — კრებული წერილებისა ეროვნულ საკითხთა შესახებ.
42. ვოლფსონი — საზოგადოებათა მეცნიერება.
43. პ. ლაფარგი — შრომა და კაპიტალი.
44. პ. კოვალენკო. — პოლიტიკური ანაბანა.
45. ეიდუსი — ისტორია მუშათა მოძრაობისა აღმოსავლეთში.
46. კორწი — კომუნისმის კვინტ-ესენცია (დედა-აზრი).
47. ვარგა — კაპიტალიზმის დაცემა.
48. რიუკოვი — სახელმძღვ. საყოფ. და რუსეთ. ისტ. (უახლოესი პერიოდი) ნაწილი I.



49. როჟკოვი—სახელმძღვ. საყოველთ. და რუსეთ. ისტ. (საშუალო პერიოდი) ნაწილი II.
50. " " " " (ძველი პერიოდი) ნაწილი I.
51. კოლონტაი—დედაკაცის მდგომარეობა მეურნეობის ევოლუციისაში.
52. კრეკი.—ისტორია მუშათა მოძრაობისა ინგლისში.
53. ი. სტეპანოვი—აზრები რელიგიის შესახებ.
54. აუერბახი—კარლ მარქსი პროფესიონალური მოძრაობის შესახებ.
55. რუმიანცევი—ქრისტეს შობა (შედარებითი მითოლოგია).
56. აგალი—მარქსიზმის დედა-აზრი (ენგელსის ანტიდიუჩინგი).

